

清

張廷玉

等撰





中 華 書 局

卷二一三至卷二二六(傳)

明史卷二百十三

列傳第一百一

徐階 弟陟 子璠等 高拱 郭朴 張居正 曾孫同敞

續,衣掛於樹不死。 人成異之。 嘉靖二年進士第三人。 授翰林院編修,予歸娶。 丁父憂, 服除,補故官。階爲人短小白皙,善容止。性穎敏,有權略,而陰重不泄。讀書爲古文辭, 徐階,字子升,松江華亭人。生甫周歲,墮眢井,出三日而蘇。五歲從父道括蒼,墮高

從王守仁門人遊,有聲士大夫間。

社學, 捕劇盜百二十人。 遷黃州府同知, 擢浙江按察愈事, 進江西按察副使, 俱視學政。 未嘗附公,何得言叛。」長揖出。斥爲延平府推官。 不可。字敬召階盛氣詰之、階抗辯不屈。字敬怒曰:「若叛我。」階正色曰:「叛生於附。 帝用張孚敬議欲去孔子王號,易像爲木主,籩豆禮樂皆有所損抑。下儒臣議,階獨持 連攝郡事。 出繫囚三百,毁淫祠,創鄉 階

列傅第一百一 徐階

樂,求出避之。命棄翰林院學士,敎習庶吉士。尋掌院事,進禮部尙書。 所引用宋景、張岳、王道、歐陽德、范鏓皆長者。用卒,聞淵代,自處前輩,取立斷。階意不 腹要害,吏治民瘼。皆自喜得階意,願爲用。尚書熊浹、唐龍、周用皆重階。 右侍郎、尋改吏部。 皇太子出閤,召拜司經局洗馬兼翰林院侍講。丁母憂歸。服除,擢國子祭酒,遷禮部 故事,吏部率鐍門,所接見庶官不數語。階折節下之。見必深坐,咨邊 階數署部事,

請之,皆不報。後當冠婚,復請先裕王,後景王,帝不懌。尋以推恩加太子太保。 珍饌、上尊無虛日。廷推吏部尚書,不聽,不欲階去左右也。階遂請立皇太子,不報。 帝察階勤,又所撰青詞獨稱旨,召直無逸殿。與大學士張治、李本俱賜飛魚服及上方

爲備。援兵集,寇且走。」帝稱善者再。嵩、階因請帝出視朝。 事也。」帝復問階。 息。」階曰:「傅城而軍,殺人若刈菅,何謂饑賊。」帝然之,問求貢書安在。嵩出諸袖曰:「禮部 事,從之。中官陷寇歸,以俺答求貢書進。 俺答犯京,階請釋問尚文及戴綸、歐陽安等自效,報可。已,請帝還大內,召羣臣計兵 階曰:「寇深矣,不許恐激之怒,許則彼厚要我。請遣譯者紿緩之,我得益 帝以示嚴嵩及階,召對便殿。嵩曰:「饑賊耳,不足 寇尋飽去,乃下階疏,弗許貢。

崩,帝欲祔之廟,念壓於先孝潔皇后,又睿宗入廟非公議,恐後世議祧,遂欲當己世預祧仁 l 嵩 怙 龍 弄 權 , 猜 害 同 列 。 旣仇夏言置之死,而言嘗薦階,嵩以是忌之。 初, 孝烈皇后

保,尋進兼文淵閣大學士,參預機務。 度 呂 宗,以孝烈先祔廟,自爲一世,下禮部議。 日 銜 給 仙祠 未可 階。 獨 事中 召 與爭, 楊思忠亦以 對,語及階。 摘思忠元旦賀表誤,廷杖之百,斥爲民,以忧階。 階 不欲行 乃謹 事嵩,而益精治齋詞迎帝意,左右亦多爲地者。 為然。 ,乃以議祔 嵩徐曰∶「階所乏非才,但多二心耳。」蓋以其嘗請立太子也。 疏上,帝大怒。 廟解,得緩期。 密硫發咸寧侯仇鸞罪狀。 階皇恐謝罪,不能守前 階抗言女后無先入廟者,請祀之奉先殿, 至寇逼 一城,帝益懈,乃使尚書顧 嵩因謂階可間 議。 嵩以階與鸞嘗同直,欲因 帝怒漸解。 帝又使陪往邯鄲落成 也,中傷之百方。 可學行,而 未幾,加少 階危甚, 禮科都 內

Z 雖 學士俸,再錄子爲中書舍人,加少傅。 而 故,卒不在乏而在冗,宜精汰之,取其廩以資賞費。」又請罷提督侍郎孫齡。 重階、稍示形迹。 皆用之。 帝亦 帝旣誅鸞,益重階,數與謀邊事。 漸 一品滿三載,進勳,爲柱國,再進兼太子太傅、武英殿大學士。 委任階,亞於嵩 嘗以五色芝授嵩,使鍊藥,謂階政本所關,不以相及。 時議減鸞所益衞卒,階言:「不可減。 九載,改氣吏部尚書。 賜宴禮部,璽書褒諭有加 階皇恐請,乃得 滿六載,兼食大 帝始格於嵩,久 又京營積弱之 帝

鸞

以傾階。

及聞鸞罪發自階,乃愕然止,而忌階益甚。

楊繼盛論嵩罪,以二王爲徵,下錦衣獄。 嵩屬陸炳究主使者。 階戒炳曰:

列

傳

第

日

疑階。 密詢、皆舍嵩而之階。尋加太子太師 不勝,皆下獄。傳策,階里人,時來、翀,階門生也。嵩遂疏辨,顯謂階主使,帝不聽。 畿內麥數十萬石,自居庸輸宣府,紫荆輸大同。帝悅,密傳諭行之。 結宮邸怨也。」嵩雙懼,乃寢。倭躪東南,帝數以問階,階力主發兵。 及皇子,如宗社何!又爲危語動嵩曰:「上惟二子,必不忍以謝公,所罪左右耳。 趙錦、王宗茂劾嵩,日間略又議薄其罰。及是給事中吳時來, 主事董傳策、張翀劾嵩 階又念邊卒苦饑,請收 楊繼盛之劾嵩也,嵩固 公奈何顯

階乃令御 問 書俸,予一子中書舍人。子**瑶**亦超擢太常少卿。 **磻**衆工部主事董其役,十旬而功成。帝卽日徙居之,命曰萬壽宮。 一階,階請以三殿所餘材,責尚書雷禮營之,可計月而就。 帝所居永壽宮災,徙居玉熙殿,曰監甚,欲有所營建,以問嵩。 史鄒應龍劾之。 帝勒嵩致仕,擢應龍 通政司參議 嵩乃日屈。 帝悅, 嵩子世蕃貪橫淫縱狀亦漸 階遂代嵩為首 如階議。 以階忠,進少師,棄支尚 嵩請還大內, 帝不懌。 命階子尚寶丞

等奈何以官 行之。」帝乃 而 帝念嵩供奉勞,憐之。 與邪物,謂應龍也。 階言:「退而傳嗣,臣等不敢奉命。 又以嵩去,忽忽不樂,乃降 諭 欲退而修眞且 應龍之轉,乃二部奉旨 傳 嗣, 復責階

帝以嵩在直久,而世蕃顧爲奸於外,因命階無久直。 階窺帝意,言苟爲奸,在外猶在

爲 之難 內,固 以寬 則 舍 我 公 刑賞還 一發之。 言路) 公 大 請入直。 開 階 則百 公論 對 帝 益 發舒 故 日三 意。 美 聖 ____ 基 帝以嵩直 帝 帝 大 於 一,專則 明 奸 惡 是朝 至 似 給 私,私 ,有言必 忠,大詐似信。 事 土 廬賜 御史抨 侃 侃, 階。 則百 察。 得行 擊過當 『弊生。」 階榜三語其中曰:「以威福 即不 其 惟 欲 意。 帝 實,小者置之,大則薄責 廣 頷之。 聽 有 袁煒 納 所 行 數出 則 遣。 階 窮 以張学 兇極惡, 直 階委 階 敬及嵩 請召 還主 曲 人 調 爲 而 劑 與 上,以 容之,以 導帝猜 共 我撄之; 得 擬 輕 台 政務還諸 論 刻 鼓 深 因 來 會問 情 力 言事 者 司, 隱 反 (。) 帝 階 Ź, 慝, 知 以 同 稱 務 衆 人 用

帝 發。 郭 河, 竟 號伏 階 宣 誅 階言 寇 請 大 選,不 而 由 亦 總督 1:「博雖 敗, 牆 備 子嶺 罪博。 順義, 江東 頗 以 得 入,直趨 入援。 丽 其所掠 而以 進 釐禁不敢聞 階建極殿大學 奇兵邀之古北 通州。 芳兵 人畜 、先至, 輜 帝方祠 一, 而 重。 階請 土 二鎭兵皆其所先檄。 始帝 口 釐,兵部尚書楊博不敢奏,謀之階,檄宣府總兵官馬 **亟**賞之, 怒博 寇 趨順 不早聞 義不 叉請 與 得 重 總督楊選之任寇入 入, 若選則 東 權,俾統 乃走古北 非尾寇,乃送之出 諸 口 道 兵。 也, 其 後 宼 從 欲 軍 「境耳。 罪 遇 通 之未 參將 掠

香

益隆。 袁 以 煒 品品 以疾歸,道卒,階獨當 干五 載考,恩禮特厚,復賜玉帶、繡蟒、珍藥。 國。屢請 增閣臣,且乞骸骨。 乃 帝手書問 命嚴訥、李春芳入閣,而 階疾,諄懇如 待階

列

威 益恭謹。帝或有所委,通夕不假寐,應制之文未嘗踰頃刻期。帝日益愛階。階採輿論利便者, m 行之。 階當國後,緹騎省滅,詔獄漸虛,任事者亦得以功名終。於是論者翕然推階爲名相 嘉靖· 中葉,南北用兵。 邊鎭大臣 小不當帝指,輒逮下獄誅竄, 閣臣復竊顏色爲

和所擬登 木、珠寶、織作悉罷,「大禮」 階力陳其矯誣狀,大順等尋伏法。帝服餌病躁。 殿、階力止之。鄢懋卿驟增鹽課四十萬金、階風御史請復故額。 而景王之藩,病薨。 階力救得緊。 嚴訥請告歸,命郭朴、高拱入閣,與春芳同輔政,事仍決於階。 極認 書,爲世宗始終盛事云 帝病甚, 階奏奪景府所占陂田數萬頃還之民,楚人大悅。 大獄、言事得罪諸臣悉牽復之。 忽欲幸興都,階力爭 · 乃 止。 戶部主事 未幾, 海瑞極陳帝失,帝恚甚, 詔下,朝野號慟感激,比之楊廷 帝崩。 方士胡大順等勸帝餌金丹, 階數請立太子,不報。已 階草遺詔,凡齋醮、土 帝欲建雩壇及興都宮 欲即

者 慶元 階引 横 文 之輔 里中狀。 劾 华 同 ,應嘉以 拱。 列 政,然 高 拱欲 拱、 階疏辯,乞休。 郭朴 階獨 救考察被 階 擬 以階不與共謀,不樂。 柄國,拱心不平。 杖,階從容譬解, 黜者削籍去, 九卿以下 世宗不豫時,給事 言者謂拱修 拱益 交章刻拱譽階, 拱遂引疾歸。 朴曰:「徐公謗先帝,可斬也。」 不 悦。 ·舊郤· 令御 脅階斥 中胡 史齊康 應嘉嘗劾拱,拱疑階嗾之。 應嘉 劾階 ,言其二子 階復 康竟斥,朴亦以言者 一拱初侍 請 薄 多干 應嘉 請 罰 裕 及 隆

攻之,乞身去。

分別 日 防 秋 而 日 兵駐 一不得 …「上欲譴,我曹當力爭 止。 宴致語 、逮治 給事、御史多起廢籍,恃階而强,言多過激。 南京 陵傍,而徐下兵部分散之。 有差。 主 階言:「先帝未撤几筵,不可宴樂。」帝爲罷宴。 名, 振武營兵屢譁,階欲汰之。 劾何益。且慮彼先誣我。」乃使人以好語誘大璫,先錄其主名。 階之持正應變,多此類也。 `,乃可導之譴乎。」 請傳諭令省改。 事遂定。 慮其據孝陵不可攻也,先令操江都御 羣小璫毆御史於午門,都御史王廷將糾之。 帝不能堪,諭階等處之。 帝命中官分督團營,階力陳不 帝亦勿之罪。 是年 同 史唐繼 列欲 詔翰 廷疏上,乃 擬譴, 禄督江 林撰 階 珂 階 中

萬曆十年,三階年八十。 力。 璽書褒美,行人導行,如故事。 陛辭,賜白金、寶鈔、彩幣、襲衣。 廷後刺得張齊納賄事,劾戍之邊。 而 給 事 郡邑有司希拱指,爭齮齕階, 階 中張齊以私怨刻階, 所 (持諍,多宫禁事,行者十八九,中官多側目。 詔遣行人存問,賜璽書、金幣。 階因請歸。 盡奪其田,戍其二子。 階旣行, 春芳爲首輔, 帝意亦漸移,許之。 會帝幸南海子,階諫,不從。 會拱復爲居正所傾而罷,事乃解 明年卒。 未幾亦歸。 賜馳驛。 舉朝皆疏留,報聞 贈太師、諡文貞。 拱再出,扼階不遺餘 以春芳請,給夫廩, 而已。王 方乞休,

階立 列 朝有 相度,保全善類。 嘉、隆之政多所匡救。 間有委蛇,亦不失大節。

卿。 崇禎改元以薦起,累官左都督。 孫元春,進士,亦官太常卿。 階弟陟,嘉靖二十六年進士。 諸生念祖,國變城破,與妻脹,二妾陸、李,皆自縊 元春孫本高,官錦衣千戶。 累官南京刑部侍郎。子璠,以廕官太常卿;琨、瑛,尚寶 天啓中拒魏忠賢建祠奪職。

邸 閤 九年,啓王益敦孝謹,敷陳剴切。 講讀,拱與檢討陳以勤並爲侍講。世宗諱言立太子,而景王未之國, 高拱,字肅卿,新鄭人。嘉靖二十年進士。 王甚重之,手書「懷賢忠貞」字賜焉。累遷侍講學士 選庶吉士。踰年授編修。 中外危疑。 穆宗居裕邸,出 拱侍裕

魚服。 年擢禮部左侍郎。 嚴嵩、徐階遞當國,以拱他日當得重,薦之世宗。拜太常卿,掌國子監祭酒事。 四十五年拜文淵閣大學士,與郭朴同 尋改吏部兼學士,掌詹事府事。 入閣。 拱與朴皆階所薦也。 進禮部尚書,召入直廬。 撰齋詞, 四十 賜 飛

常 以劾拱姻親自危,且闡階方與拱郤,遂劾拱不守直廬,移器用於外。 ,拱遽移具出。 世 宗居西苑,閣臣 始階甚親拱,引入直。 直廬在苑中。 拱未有子,移家近直廬,時竊出。 拱驟貴,負氣頗忤階。 給 事 世宗病亟,勿省也。 中胡應嘉, 日帝 不豫,誤傳非 階 鄉人也, 拱

疑應嘉受階指,大憾之。

劾階 劾洪 恩 院 兼 編 彌 階 氓。」階 怨,卒不安其位去。 考察。 太子太傅、尚書、大學士養病去。 不 漸 光力。 康 平 穆宗 亦 能 坐黜。 事將 會議 旁睨拱,見拱方怒,勉從之。言路謂拱以私 堪 卽 位 階於供辯疏,擬旨慰留,而不甚譴言者。供益怒,相 登極 婆, ,進少保兼太子太保。 而 於是言路論拱者無虛日,南京科道至拾遺及之。 是 忽有 時 賞軍及請 以勤 旣而階亦乞歸。 所論救。 與張居正皆入閣 上裁去留 帝貴 隆慶元年五 階雖為首輔,而拱自以帝舊臣,數與之抗,朴 其牴牾,下閣 大臣 事 ,居正 階 月也。 悉不從 亦侍 怨逐應嘉,交章劾之。 臣 議 裕邸講。 拱以舊學蒙眷注,性强直自遂,頗 洪議, 罰。 朴 與忿武閣 嫌益深。 |階 奮然日:「 拱不 草 遺詔獨 自安,乞歸,遂以 中。 應嘉掌 應嘉 給事 與居正 御 無人臣禮,當 史齊 中 吏科, 歐 計 復 康 陽 助之。 佐部 少傅 拱心 爲 敬 快 洪

疏 太 禮 用 廟 曰:「人君隕於非命,不得正終,其名至不美。 得 贈 罪 **卹者**,一 三年冬, 者 亦 悉從褒顯, 何 以對越二 切報罷。 帝召洪 聖? 將使獻皇在廟之靈何以爲享? 以大學士兼掌吏部 且上疏極論之曰:「 臣以爲未可。」帝深然之。 事。拱乃盡反階所爲, 明倫大典頒示已久。 先帝臨御四十五載, 先帝在天之靈何以爲 法司坐方士王金等子弑 今議 凡先朝得罪諸臣以遺詔 事之臣假託詔旨,凡議 得歲六十有餘。 رن ان 父律。 而陛 下歲時 拱 復 Ê 錄

列

傳

第

百

先帝 以 抱 其諸子,皆編成。 中階 爲 經歲上賓,壽考令終,曾無暴遽。 何 重其罪。 如主。 乞下法司改議。」帝復然拱言,命減戍。拱之再出, 賴帝仁柔,弗之竟也。 所以扼階者,無不至。 階子弟頗橫鄉里。 今謂先帝為王金所害, 誣以不得正終, 天下後 逮拱去位,乃得解 拱以前知府蔡國熙爲監司,簿錄 專與階修卻,所論皆欲 世 視

特請 亂,用 爲 考察,多所 屬, 學,非素習不可 重,不宜 郎,以儲總督之選。 巡 久而 如銓司 誌爵里姓氏, 旌 拱練習政體 殷 廉 正 付 任之, 能 臨 茂 雜流 參伍,不盡憑文書爲黜陟,亦不 分省故 行 知府侯必登, 總督兩 語之日: 應卒。 及遷謫 勿遷他 , 負經濟才, 所建白皆可行。 月要而歲會之。倉卒舉用,皆得其人。又以時方憂邊事,請增置兵部侍 事 廣。曰:「是雖貪,可以集 由侍 ,則題覆情形可無扞格,幷重其賞罰 曹。 者。 儲養本兵,當自兵部司屬始。 國 郎而總督,由總督而本兵,中外更番,邊材自裕。 以厲其餘。 亨 皆報可,著爲令。 他日邊方兵備督撫之選,皆於是取之。 必不 叛, 若往, 叉言馬政、 拘 無激 拱叉奏請科貢與進士並用,勿循 事。」貴州撫臣 人數多寡,黜者必告以故,使衆 其在吏部,欲遍 鹽政之官, 變 也 宜愼 。」旣 以鼓勵之。 選司屬, 奏 而 名爲卿、爲使, 而實以閒局視 士 如 一識人才,授諸司以籍, 其言。 司 安國 更各取邊地之人 多得智謀才力曉暢 凡邊 亨將叛,命阮 以 廣 又以兵者專門之 地 咸服。 東 資格。 有 有司 司 古田田 多貪黷, 其責 其在 以 文中代 使署賢 備 瑶 軍 頗 旅

失 人 廢事 , 漸 不 可訓。 惟 一教官 驛遞諸 司 , 職 卑祿薄, 遠道爲難 宜銓注近地, 以 恤

共

私。詔皆從之。拱所經畫,皆此類也。

大學 居正 大 定 関 俺答 士 力主之。 一,改 視 孫 建 把漢 帝皆從 極 逐排 殿。 那 之。 吉 衆議請於上, 拱 來 以 降, 遼東奏捷,進柱國 邊境稍寧,恐將 總督 叫 王崇古受之, 封 貢 以成。 士 中中 情玩,復請敕 極殿 請於朝,乞授以官。 事具崇古傳。 大學士 邊臣 及時 進洪 閒 少師 朝議 暇 • 兼 嚴爲 多以爲 太子 整 太師 頓, 不 可, 仍 尚書、 時遣 拱與

任。 旣 楫 逐貞 劾 貞 尋考察 拱 古 初 古 持 有 專橫 所 清操,後 科 私 道 (益著 一,拱 庇。 ò 請 其門生、親 貞吉疑拱嗾之, 尙寶 與 都察院同 卵劉 串頗以 奮庸上疏陰斥之, 事。 遂抗 賄聞,致物議 時 章 大學士趙貞吉掌 劾 拱, 給 拱 事 帝終眷拱 亦 中 疏 曹大埜疏劾其 辨。 都察院 不衰 帝 ,持議稍異同。 不 也。 直貞吉,令 不 忠十 致仕 事 給 皆謫 去。 事 中 拱 外 韓

結。 者, 輔,居 中人, 六年春,帝得疾,大漸,召拱與居正、高儀受顧 始 正肩 拱 爲 性 隨之。 祭酒 點, 居 次當掌司 拱 性 正 直 爲 司 而 禮監。 業 傲,同官殷士 相 拱薦陳洪 友善,拱 儋 輩 面 及孟沖,帝 示 稱居正 能 堪 命而崩。 才。 居 從之。 IE 及是李春芳、陳以勤皆去,拱 獨 初,帝意專屬閣 退然下之,拱不之察也。 保以是怨拱,而居正 臣,而 中官矯遺 與保深 馮保 爲首 相

命

與

、馮保

共

事

議論拱功。 **| 儀請留拱,弗許。請得乘傳,許之。拱旣去,保憾未釋。復搆王大臣獄,欲連及拱,已而得** 寢。

居家數年,卒。

居正請復其官與祭葬如例。中旨給半葬,祭文仍寓貶詞云。

久之,廷 太后,謂拱擅權不可容,太后領之。明日召羣臣入,宣兩宮及帝詔。|拱意必逐保也,急趨 遵、程文合疏攻保,而已從中擬旨逐之。拱使人報居正,居正陽諾之,而私以語保。保訴於 入。比宣詔,則數拱罪而逐之。拱伏地不能起,居正掖之出,僦騾車出宣武門。居正乃與 神宗即位,拱以主上幼沖,懲中官專政,條奏請詘司禮權,還之內閣。又命給事中惟 贈太師,諡文襄,廕嗣子務觀爲尚寶丞。

者。時董份以工部尚書行吏部左侍郎事,方受帝眷,而爲 之,吏部尚書歐陽必進罷,卽以朴代之。越二年,以父喪去。 言於帝,起朴故官。 曰:「幸與撰述,不欲遠離闕下。」帝大喜,命卽以太子少保、禮部尚書、詹事府侍直如故。 東部左、右侍郎兼太子賓客。 郭朴,字質夫,安陽人。 朴固請終制,不許。 嘉靖十四年進士。選庶吉士。累官禮部右侍郎,入直西苑。歷 南京禮部缺尚書,帝憐朴久次,特加太子少保擢任之。 尋以考績,加太子太保。 人貪狡無行。 及嚴訥由 吏部 徐階慮其代訓,急 入閣, 帝謀代 |朴 | 解 頃

四十五年兼武英殿大學士,入預機務,與高拱並命。 階早貴,權重,春芳、訥事之謹,至

|朴不自安, 亦求去。帝固留之。時||朴已加至少傅、太子太傅矣。御史龐尙鵬、凌儒等攻不 政之不便者。 不敢講鈞禮。 止,遂三疏乞歸。家居二十餘年卒。贈太傅,諡文簡 |拱與||木得與聞,大惠,兩人遂與階有隙。言路劾||拱者多及||十。 而朴與拱鄉里相得,事階稍倨,拱尤負才自恣。 及世宗崩,階草遺詔,盡反時 拱謝病歸,

朴爲人長者。兩典銓衡, 以廉著。 輔政二年無過。 特以拱故, 不容於朝, 時頗有惜

之者。

未幾,居正舉於鄉,磷解犀帶以贈,且曰:「君異日當腰玉,犀不足溷子。」嘉靖二十六年,居 IE. 成進士,改庶吉士。 張居正,字叔大,江陵人。少穎敏絕倫,十五爲諸生。 日討求國家典故。徐階輩皆器重之。授編修,請急歸,亡何還職 巡撫顧璘奇其文,曰:「國器也。」

正者。 嚴嵩爲首輔,忌階,善階者皆避匿。居正自如,嵩亦器居正。 祭酒高拱善,相期以相業。 而李芳數從問書義,頗及天下事。 尋還理坊事, 遷侍裕邸講讀。 王甚賢之, 邸中中官亦無不善居 專遷右諭德兼侍讀,進侍講學士,領院事。 遷右中允,領國 子司業事 與

居正爲人,頎面秀眉目,鬚長至腹。勇敢任事,豪傑自許。

然沉深有城府,莫能測

也。

實錄 以 學 宿 士 總裁 老 階 居 月 代 首 嵩 餘 進 輔 首 禮 與 輔 與 部 裕 李 尙 邸 傾 書 春 故 i 芳皆 講 兼 委 武 官 居 英殿 折 陳 正 節 以 0 世宗 禮 大 勤 學 士 俱 0 崩 士 入 , 閣 居正 階 加 草遺 少 加 最 保兼 居 後 正 詔 入, 爲 太太子 引 吏部 獨 引 與 太保 相 共謀。 左 體 侍 一,倨 去 郎 學 兼 尋 見九 士 東 遷 閣 Ŧi. 禮 卿 밂 大 部 無 僅 學 右 所 侍 歲 士 延 餘 郎 納 尋 兼 充 翰 時 徐 世 林院 間 出

語

輒

中肯,人

以是嚴憚

之,

重於

他

相

殿 居 引 善掌 大 正 去 學 亦 司 高 以勤 贊之, 士。 禮 拱 者 以 亦 以 李 很 自引 授王崇古等以 遼 芳謀, 躁 東 被 戰 而 論 召 功, 貞 去,徐 用 〈吉、殷 加 拱 方 太子 階 倬 亦去, 略 土 . 領 太師。 儋皆為 吏 加 部 春 柱 芳 和 國 所 以 爲 一、太子 市 扼 搆 首 成 罷 貞 輔。 加加 吉, 大傅。 獨 少師 居 而 亡何 正 奪 餘 六年 與 春 趙 拱 芳 貞 如 滿 在 政。 合入, 故 拱 加 网 至, 少 人 易 傅 益 益 視 相 與居 居正。 密 吏 IE 部 拱 善。 居 主 尙 正 書 封 與故 春芳淳 俺答 建 極 所

甚苦 首 後 從 輔 容 事 爲 初 引保 拱言 帝 拱 徐 御 謝 階 爲 平臺,召居正獎諭之,賜金幣及繡蟒斗牛服。 不 拱 旣 內助,而 審 稍 去,令三子事 兩 心 動。 人交逐 拱欲去保。 而 離。 拱客 居正 構 拱 神宗 謹。 居 叉 與居正 IE. 刨 而 納 位,保 拱 階 銜 所 子三萬 階 善中 以 甚,嗾言路追 兩 金,拱 宮部旨 人 馮保 以消 自是賜賚無虛日。 逐拱, 郄 論 居正 穆宗 不 事 已,階諸 0 真 不豫,居 居正 拱 傳, 色變, 子多 居正 正 坐罪。 與 指天誓,辭 遂代拱為 保 密 處 居 分 正 列傳第一百一 張居正

復 不 而 徽 必紛 具 妃 詔 號 帝虛己委居正 更,至講學、 日 有 召羣臣廷飭之,百僚皆惕息。 別 慈聖皇太后,兩宮逐無別。 保欲媚帝生母李貴妃,風居正 一,居正 親賢、愛民、節用皆急務。 亦慨然以天下爲己任,中外想望丰采。 慈聖徙乾清宮,撫視帝,內任保,而 帝當尊崇兩宫。 以並尊。居正不敢違,議尊皇后日 帝稱善。 故事,皇后 大計廷臣,斥諸 居正 與 天子生 勸帝遵守祖宗舊 大柄悉以委居正 不 母 職 並稱, 仁聖皇太后, 及 附 皇太后, 麗拱者 制

醉辱 稽不 令民以價納,

太僕金亦積四百餘萬。 運,及歲初畢發,少罹水患。 之南京。 公沐朝弼數犯法,當遠,朝議難之。 報。 給 事。 居正 事 其奉使者,時令緹騎陰 中,言者請究治。 居正令以大小緩急爲限,誤者抵 漕河通,居正以歲賦逾春,發水橫溢,非決則涸, 爲政,以尊主權、課東職、信賞罰、一號令爲主。 居正謫 行之久,太倉粟充盈,可支十年。 詗 之。 其尤激者趙參魯於外以悅保, 居正擢用其子,馳使縛之,不敢動。 又爲考成法 其黨以是怨居正,而 罪。 自是,一切不敢飾 以責吏治。 雖萬里外, 乃采漕臣 心不 初,部院覆奏行撫按勘者,嘗 互市饒馬,乃減 附保 叫 非, 徐說保裁 .議,督艘卒以孟冬月兌 政體 朝下而 旣至,請貸其死,錮 爲 肅。 夕奉行。 抑其黨, 太僕種馬, 南京 毋與 小 黔 而 奄 國

給 事 中余懋 居 IF. 以 御 學 請 史在 行 寬 外,往往凌 大之政, 撫臣,痛欲折 居正 以爲風己, 之。 削其職。 事 小不 御史傅應禎 合,詬責 隨 下, 繼言之,至 叉敕 其長加考察。 尤切。下

居 居 詔 正 īF. 獄 陽 方 杖 具 引 戍 疏 故 救 事 給 之,僅 繩 事 督之,臺抗 中 奪 徐 其 貞 職 明 章 等羣擁 已, 論 居正 卒戍臺。 入獄,視具橐饘, 專恣 不 由 法 是,諸給 居正 一怒甚。 亦逮 事御 謫 史益 外。 帝 爲 畏居 下 御 臺詔 史 正,而 劉 獄 臺 按 心 命 不 遼 杖 平 東,誤奏捷。 百 遠

人,恂 當 恂 是時 岩屬 東,不 太后 以帝 敢 以僚 沖 年, 自 處 尊 禮 居正 甚 至, 同 列 呂 調 陽莫敢 異 同 ō 及 吏 部 左侍 郎 張 四維

驛 等亦 戰 軱 餘 遞 萬 不 却 數破 得 敵 居 省冗官,清庠 東 補 正 功多 北 賊 喜 直 有 建 大邑士子 至封 遼左,以不 功。 豎, 伯,而 能 浙 序,多所澄汰。 以 額隘,艱 江 智數馭下, 兵民 繼光 ·獲通 再作 守 於 互市 備 進 甚設。 亂 公 取。 ', 人多樂為 數 卿 用 入寇。 亦 羣 張 居正 佳 多 吏不 胤 之盡。 怨之者 皆右之,邊境晏然。 居正 得 往 撫 乘 俺答款 用李成 傳, 卽 定 與 故世稱 梁鎭 商 塞,人不 旅 遼, 無別。 居正 兩 爲害。 戚 廣 知 繼 郎 督撫 光 人。 署以 鎭 獨 殷 然持 小王 薊 缺 IE 門。 少,需 茂 字部 法 淩 嚴 成 宝翼 衆 次者 梁 覈 力

獨 必 馴。 瓜 斬 時 之,而 得 承 盗 平 卽 人, 羣盜 追捕其家屬。 斬決,有 **蝟起**,至入城市 司莫敢飾情。 盗賊爲衰 劫府 止 盜 邊海錢米盈數,例 庫, 而 奉行不便者,相率爲怨言,居正 有司 恒 諱 之,居正嚴其禁。 皆斬,然往往 長繫或瘐死 匿弗舉者,雖循 不 恤 也。 吏

慈 聖太后將還慈寧宮,諭居正謂一我不能視皇帝朝夕,恐不若前者之向學、勤政,有累

先帝 因 賜 付 坐 蟒 託 白金 先生 綵 有 幣。 師 保之責,與諸 未 幾,丁 父憂。 臣異。其爲我朝夕納誨,以輔台德,用終先帝憑几之誼。」 帝遣 司 禮 中官慰問 ,視粥藥 i; it 哭, 絡繹道 路,

膊贈甚厚。

正 禮 請 編 倩 事 慰 張 沈 留 位 札 無 修 洶 居正吉服從 昌 思 造 嗣 洶 趙 孝、進 一,被 部 朝 修 志皐 指 侍 與 逐 以 目 輔 司 郎 青衣、素服、角帶 居正 土 去 、吳 張 禮 李幼孜欲媚 鄒 事 小 太 中 元 御 , 師先生」,待 監 行 至 史 標 給 魏 懸 曾 相 趙 事 朝馳 繼 士楚、給 中 用 居正 爭 賢 李 傳往代司 之。 淶言 入閣治政, 通 以 一,倡奪情議, 衢 習孔 餇 事 皆坐 其 禮 中 帝 敎 非 喪、禮 陳三謨等遂交章請 延杖, 詔 禮, 侍經筵講 沈懋學輩皆以 諭 部 羣 居正 居正怒, 謫斥 臣, 主 惑之。 事 有差。 讀, 再 曹 出 及者誅 語治 又請辭 爲 爲 馮保亦 留。 僉 時彗 不 祭,工 事 無赦, 可 中行 歲 0 屋從 固 俸。 部 弗 時帝 留居正 膀乃 主 聽。 東 用賢 帝 事 南 顧 已。 吏部 許 徐 居正 方起, 、及員 之。 應聘治 諸翰 於 尙 益 外郎 及帝舉 長 是 書張瀚 重 林 使居 一,常 喪。 ह्य 艾穆 王錫爵 天。 賜 大婚 居 E 以 持 居 E 子

事 撫 按 諸 戒 居正 臣 先 乞歸 輔 期 呂 調 馴 葬父,帝使尚寶 陽等「有大事毋得專決,馳驛之江陵,聽張先生處分」。居正 賜 璽 書敦 諭。 少卿 範 帝 鄭欽 賚 、錦衣指揮史繼書護歸,期三月,葬畢卽 忠良」 銀印 以賜之,如 楊士奇、 張字敬例,得密封言 請 廣 上道。 內閣 仍

列

遣司 歸 得之,頗德居正,而 卽令居正 功居正 禮太監張宏供張餞郊外,百僚班送。 推 使使馳 居正 時行 因推 諭,俾定爵賞。 禮部尚書馬自强、吏部 與四維皆自昵於居正,居正乃安意去。 居正為 條列 所過 以聞。 地,有司飭廚傳,治道路。 右侍郎申 調陽 時行入閣。 益內慚,堅臥, 帝及 自强 兩宮賜 素迕 遼東 累疏乞休不 賚 (慰諭 居正 奏大捷,帝復 有 ,不自意 出 加

居正 見 醴,百僚復班迎。 詔遣司禮太監何進宴勞,兩宮亦各遣大璫李琦、李用宣諭 日 章,請趣 候,要居正宴。 阿宫。 由 母子 水道行。 居正 居正 ',幾用 及秋 言母老不能冒炎暑,請俟淸涼 **亟還朝。** 居正 魏 家 故事,雖公侯謁王執臣禮,居正 朝奉居正 入朝,帝慰勞懇篤,予假十日 人 所 禮 過,守臣 帝遣錦衣指揮翟汝敬 母行,儀從煊赫,觀者 率長跪, 撫按 上道。 馳 大 而 具賓主而 吏越界迎送, 傳往迎,計 於是 如绪。 後 入閣,仍賜 內 閣 Щ 比至,帝與 賜 H 兩都部院寺卿、 身為前 以俟,而 過南陽,唐王亦 八寶金 白金、彩 驅 兩宮復賜 釘 令中 Щ 幣、寶鈔、羊酒 道 易、 官護太夫 給 經 如 御膳、餅果、醪 襄陽 **齊加等** 事、御史 之。 , 抵郊外, 襄王出 人 因 慰諭 以 (俱 秋

以利不 所 出 ,請帝置 時 帝 勝費止之。言官請停蘇、松織造,不聽。 漸備 坐隅時省覽,量 六宮,太倉銀錢多所宣進。 入爲 出,罷節浮 居正 .費。 乃 居正為面 因戶部 疏 上,留 請,得損大半。復請停修武英殿 進御覽數 中。 帝復 目 令 陳之,謂每 工部 鑄 錢 歲 給 入 用 額 居正 不 敵

列傳第一百一 張居正

及 於宮中一 請 及 諸 裁 振 奸 外戚遷官恩數,帝多曲從之。 復言:「上愛民 猾 切 吏民 角 善逋賦,選大吏精悍者嚴行督責。賦以 度、服御、賞賚、布施、裁省禁止。」帝首肯之,有 如子,而 在外諸司 帝御文華殿,居正侍講讀畢,以給事中所 管私背公,剝民 時輸,國 | 罔上,宜痛鉗以 藏 所蠲貸。居正 日 益 充,而 法。而 以江 豪 皇上. 上灾傷 猾 南 淧 加 怨居 貴豪怙勢 疏聞 意轉 正 節, 因

使 中 官 居 張 Ē 宏 服 引 將 見慈慶、慈寧兩 除,帝召 吏部問 期 宮,皆有恩賚,而 H `敕賜白玉帶、大紅 慈聖皇太后 坐蟒、盤蟒。 加 賜御 膳 御平臺召對 九品,使宏侍宴。 , 慰諭. 人之。

費 用 責 i 司 禮 頗 之,且曰:「使張先 等導上遊 却 及諸 、赚保、居正 帝 珍玩 初 內侍自陳,上裁去留。因勸帝戒遊宴以重起居, 卽 以端好尚,親萬幾以明庶政,勤講學以資治理。 位 戲,皆愛幸。 ,馮保朝夕視起居,擁護提抱有 矣。 生 聞 ,奈何!於是帝甚憚居正。 慈聖使保捕海、用,杖而逐之。 力,小 扞格 及帝漸長,心 居正 卽 專精神以 帝迫於太后,不得已,皆報可,而 復條其黨罪 以 聞 慈聖。 厭之。 廣聖嗣, 乾清 惡, 慈聖訓 節 請斥逐,而 小 賞賚以省浮 璫 帝嚴,每切 孫海、客 令

太 祖 保民,曰謹祭祀, 列 帝 聖寶訓、 初 政,居正 實錄分類成書,凡四十: 嘗纂古治亂 日 [崇孝敬]日端好尚]日愼起居]日戒遊佚,日正宮闈]日教儲貳]日睦宗 事百餘條,繪圖,以俗語解之,使帝易曉。 日創業艱難,日勵精圖治,日勤學,日敬天,日法祖, 至是,復屬 儒 臣紀

任,日 直,應制詩文及備 辭多警切,請以經筵之暇進講。 日裁貢 日 重守令,曰 親賢 、獻,日愼賞賚,日敦節儉,日愼 (臣,曰 馭近 去好 顧 間。 邪 習,日待外戚,日重農桑,日 ,

日納諫,

日理財,

日守法,

日儆戒,

日務實,

日 帝皆優詔 又請立起居注,紀帝言動與朝內外事, 報許 刑獄,日褒功德,日屛異端,日 興教化,日明賞罰,日信詔 飭武 正紀綱,日 日用翰林官四員 備 令, 曰 御 日 審官,曰人 戎狄 謹 名分, 其

擢 臣多與往 用 至錦 居正自奪情後,益偏恣。 還,通姻好。 衣衞指揮同 知,署南鎭 七具衣冠報謁,列於士大夫。 其所黜陟,多由愛憎。 撫。 居正三子皆登上第。 世以 左右 此益 用事之人多通賄賂。 蒼頭游七入貲爲官,勛戚 惡之。 馮保 客徐 文武之

居正 傅者。 邦 師張 南都、秦、晉、楚、豫諸大吏,亡不建醮。 書者也,强居正薦之。 ,已,復薦尚書徐學謨、曾省吾、張學顏,侍郎王篆等可大用。 始自力,後憊甚不能偏閱,然尙不使四維等參之。及病革,乞歸。 太岳先生」。 亡何,居正病。帝頻頒敕諭問疾,大出金帛爲醫藥資。四閱月不愈,百官並 居正先以六載滿,加特進中極殿大學士,以九載滿, 居正度不起, 時居正 已昏甚,不能自主矣。及卒,帝爲輟朝,渝祭 薦前 禮部 尚書潘晟及尚書梁夢龍,侍郎余 帝令四維等理閣中細務,大事即家 加賜 帝爲黏 坐蟒衣, 上復優韶 御屏。 進左柱國,磨一子 九壇 有丁、 一,視 晟,馮保 令居正 齋 慰留,稱「太 許國 離爲 或 公 平章 陳經 祈 所受 兼 師

列傳第一百一 張居正

錦 尙 捷 寶丞 衣 進太 堂 上官 師 以 益 大婚,加 司 歲 禮 禄二 太 歲祿百 監 白 護 石, 喪歸: 石,錄 子 葬 由 指 子錦衣千戶爲指揮僉事,以 於是 揮 斂 四維 事 進 始 同 爲 知 政,而 至是, 與 居正 鮰 上 十二載滿, 所 柱 薦引 國 念諡 王篆 文忠, 加 、曾省吾等交惡 太傅;以遼東大 命 四四 品品 京卿

萬 復 疏 勝 者 攻 中 上 徐 結 有 居正 籍 Ŧ 远 追論科場事 刑 爵 恣 餘輩。 居正 辯 横 與 初 少緩之,刑部尚 自誣服 保 冤, 劉 帝 狀 帝所 詔奪上 家 聞 疑 臺贈官 挾 且. 誠 居 詐 幸 且 寄三十萬金於省吾、篆及傅作 曰:「庶人金寶萬計,悉入 等盡 Ē 通 誠等將至 謂高 柱 謂 中 奸 多蓄,益 ,還其產。 國、太師 其 官 諸 發其諸子兄弟藏,得黃金 寶藏 張 啓愚以舜、禹命題,爲居正策禪受。尚書楊巍等與相駁 書潘季馴 罪。 誠 ,荆州守令先期錄人 見惡 踰 心豔之。 ,再奪諡 帝執保 天府。 御 史羊 馮保斥於 疏尤激楚。 禁中, 可 帝 0 言官劾篆 立 居 心 居正 逮爵 正 外,帝 復 動。 追 諸 詔留空宅一所、田十頃,贍其 :舟等, 萬 論 左右 口 所引 。」帝命 詔 、省吾幷劾居正,篆、省吾 使密 居正 ,錮其門,子女多遁避空室中。 兩,白金十餘萬 獄 用 0 亦 洞保 尋自 司 者, 罪,指居正搆遼庶 浸言保過惡 滴保 禮 斥削 及居正 縊 張 奉御居 死。 誠 殆 及侍 虚 兩。 事聞, 南京 而 至是 郎丘 其長 召 四維門人 。盡籍),誠復 時行等與六 人 還 俱 辉偕錦 母 子 中行、 得 禮 其家 罪。 入,悉: 御 部 而 此 衣指揮、給 用 此呂出外, 主 御史丁此呂 新 金 史 門 賢等,遷官 一事敬修 卿 李 庶 進者 銀 以 一啓,餓 大 珠 植 兩 人 人交 臣 益 妃 寶 極 合 啓 不 論 死 事 过 務 鉅

愚削籍。 下,謂當剖棺戮屍而姑免之。其弟都指揮居易,子編修嗣修,俱發戍烟瘴地 後言者復攻居正不已。 韶盡削居正官秩,奪前所賜璽書、四代誥命, 以罪狀示天

治。 韶 李日宣等言:「故輔居正,受遺輔政,事皇祖者十年。 十三年,敬修孫同敞請復武廕,併復敬修官。 其奏,復敬修官。 復故官,予葬祭。 其時中外乂安,海內殷阜,紀綱法度莫不修明。 終萬曆世,無敢白居正者。 崇禎三年, 禮部侍郎羅喩義等訟居正冤。 熹宗時, 廷臣稍稍追述之。 而鄒元標爲都御史, 亦稱 帝授同敞中書舍人,而下部議敬修事 功在社稷,日久論定,人益追思。」帝可 肩勞任怨,舉廢飭弛,弱 帝令部議,復二廕及 成萬 曆 初 計 居正 年之 尚書 命

翰林、吏部、督學必用甲科,乃改同敞尚寶卿。 州破、依 讀學士,總督諸路軍務。 相繼失,走詣 同敞負志節,威帝恩,益自奮。十五年奉敕慰問湖廣諸王,因令調兵雲南。未 何騰 福建。 蛟於武 岡。 唐王亦念居正 永明王用 功,復其錦衣世廕,授同敞指揮僉事。 廷臣薦, 改授同敞侍讀學士。 以大學士瞿式耜薦,擢兵部右侍郎兼翰林侍 為總兵官劉承 尋奉 使 胤 湖 復 所 南 命,兩京 惡,言 聞

同 敞有文武材,意氣慷慨。 每出師,輒躍馬爲諸將先。 或敗奔,同敞危坐不 去。 諸將

復還戰 了或取 勝 o 軍 中 以是服 同 敞。 大將王永祚 等 久 圍 永州 ,大兵赴救 初胡 一青率衆 迎 敵

走。 戰 敗。 城 中 同 虚 敞 無 馳 人 至 獨 全州 式 相端 檄楊 坐 國 府 棟兵 中。 (策應) 適 同 敞 乃 自 解 製 去。 Щ 順治 至, 見式 七年, 相。 大兵破 式耜 日 嚴 :「我為 關 諸將 留守, 盡棄 當 桂 死 林

此。 子 無 城守責 盍 去 一諸。」 同 敞 Ē. 色日 「昔人恥 獨 爲 君子,公顧 不許 同敞共 (死乎。] 式耜

喜。 取 酒 與 飲 明明 、燭達 日。 侵晨被執。 諭之降,不從。 令爲僧,亦不 從。 乃幽 之民 舍 雖異

首 墜 躍 而 前者 三,人皆辟 易

室,聲·

息相聞,

兩

人

日賦詩倡

和

閱

四十餘

日

C,整衣

冠就刃,顏

色不變。

旣死,同

敞

屍

加 居正第 五. 子允修,字建初,廕尚寶丞。 崇禎十七年正月,張獻忠掠荆州, 允修題詩於

壁,不 食而 死。

宗初政,起衰振隳,不可謂非幹 凌 人。 及為 徐階以恭勤 馮保所逐, (結主知,器量深沉。 柴車即路。 濟才。 傾 軋 而 相 威 柄 尋,有自來已。 雖 之操,幾於震主,卒致禍發身後。 任智數,要爲不失其正。 張 居 E 通 識 時變,勇於任事 高拱才略自 書曰「臣罔 浦

列 傅 第 百 張 居 正 校 劼 記 以

龍

利居成

功」,可

弗戒哉

校勘記

- 趙錦 王宗茂劾嵩 趙錦,原作「趙景」。 本書卷二一〇鄒應龍傳、 明史稿傳七一徐階傳都作 趙
- 錦」。按本書卷二一〇有趙錦傳,事蹟與此合,據改。
- 徙居玉熙殿 玉熙殿,世宗實錄卷五〇三嘉靖四十年十一月辛亥條、

都作

「玉熙宮」。

= 萬曆十年 徐階 「明年卒」。徐階卒於萬曆十一年四月己巳,見明史稿紀一六神宗紀及神宗實錄卷一三六。 十年,原作「元年」。 神宗實錄卷一三六作「神宗卽位之十年,階年八十」。按下文言

此作「元年」誤,今改正。

- 24 時當 六年滿加 加 少傅於隆慶四 隆慶 四年。 少傅 年。 本書卷一一〇字輔年表、 加少傅,原作「加太傅」。 下文又言張居正「以十二年滿加太傅」,時爲萬曆 穆宗實錄卷五二隆慶四年十二月戊午條均繁張 明史稿傳九二張居正傳作「加少傅」。 四年, 見本書卷一一〇 按「六年滿」, 居正
- 广至 御史傅應禎繼言之 傅應禎`原作「傅應楨」。本書卷二二九有傅應禎傳,事蹟與此合,今據。

宰輔年表

、此作「加太傅」誤,今改正。

明史卷二百十四

列傳第一百二

楊博 子俊民 馬森 劉體乾 王廷 毛愷 **葛守禮**

新學顏 弟學曾

楊博,字惟約,蒲州人。父瞻。 御史,終四川僉事。 博登嘉靖八年進士,除盩屋知縣,

調長安。徵爲兵部武庫主事,歷職方郎中。

肅州 還,薦博可屬大事。 答,悉稱旨。 子宰相至,不悉衆遠迎,將縛以屬吏。諸番羅拜請罪,乃稍賚其先至者,餘皆懼不復來。 ,屬番數百遮道邀賞。 大學士翟鑾巡九邊,以博自隨。所過山川形勢,土俗好惡,士卒多寡强弱,皆疏記之。至 毛伯溫代費,博當遷,特奏留之。已,遷山東提學副使,轉督糧參政 吉囊、俺答歲盜邊,尚書張瓚一切倚辦博。 變慮來者益衆,不能給。博請變盛儀衞,集諸番轅門外,數以天 帝或中夜降手詔;博隨事條 鑾

列傳第一百二 楊傅

州境上,時與居民戕殺。 戰鎭番、山丹,三告捷,斬首百四十餘級。 肅 率屬徙居之。 召拜兵部右侍郎。 曾銑劾之,詔逮治。 州榆樹泉及甘州 五年超拜右僉都御史,巡撫甘肅。 諸番徙七百餘帳,州境爲之肅淸。 轉左,經略薊州、保定。 平川. 博亦發其貪問三十事 境外大蘆泉諸處墩臺,鑿龍首諸渠。初, 監生李時暘以爲言,事下守臣。博爲築金爚、白城七堡,召其長,令 o 進博右副都御 鸞拜大將軍,數毀之,帝不聽。 大興屯利,請募民墾田 總兵官王繼祖却寇永昌,鎭羌參將蔡勳等 史。 以母 罕東屬番避土魯番亂,遷 憂歸。 ,永不征租 仇鸞鎭甘肅 服闋,鸞已誅, 。又以暇 修 肅

其令。 守,還督京城 三十三年秋,把都兒及打來孫十餘萬騎犯薊鎭,攻牆。 初,俺答薄都城,由潮 尋遷總督薊、遼、保定軍務。 九門。 時因寇警,歲七月分兵守陴。博曰「寇至,須鎭靜,奈何先事自擾。」罷 河川入,議者爭請爲備。 博以 薊逼京師,護畿甸陵寢爲大,分布諸將,畫地爲防。 水湍悍,不可城。博緣水勢建石墩,置戍 帝憂甚,數遣騎負博。博擐 甲宿

尙書,錄防秋功,加太子少保 古北口城上,督總兵官周益昌等力禦。 亂,比明悉去 ,乃幷攻孤 Щ 進右都御史,廕子錦衣千戶。 口,登牆。 官軍斷 一人腕,乃退屯虎頭 帝大喜。 明年,打來孫復入益昌,擊却之。 馳賜緋豸衣,犒軍萬金。 Щ 博募死士,夜以 火驚 寇攻四 其營。 **遂擢博兵部** 書夜 不得 寇擾

嚴嵩父子 招權利,諸司爲所撓,博一切格不行。嵩恨博,會丁父憂去。兵部尚書許論罷,

心 窺紫荆 則 租 퉨 帝 有四。 · 囚 11 右 出 起 士 諸 衞 關 博代之。 **愈其丁壯爲義勇,分隸諸將。博以邊人不** 死守無二心。 路,備 處築堡九,墩臺九十二,接左衞高山站,口以達鎭城。 車 五 未至, 東,左衞車西,使相聲援。 旬訖 居庸南山,以絕窺陵寢畿 博未終 侍 功,賜敕獎賚。 郎江 博厚撫卹,奏行善後十事。 喪,疏 東等以大軍進,寇引去。 舒。 而 帝以大同右 又以大同牆圮,繕治爲急;次則塞銀釵、驛馬諸嶺,以絕 甸路;修陽神地諸牆塹,以絕入 (衛圍 習車戰,寇入輒不支,請造偏箱車 時右衛圍六月,守將王德戰亡,城 以給事中張學顏言,留博鎭撫。 急,改博總督宣、大、山 濬大濠二,各十八里,小濠六 山西路。 西軍務。 乃於大同 百 奏 中 ·輛,有 蠲 芻 博墨 被 栗且 牛 警 寇 縗

還,吏部尚書吳鵬不可。鄭曉署兵部,爭之曰:「博在鸕、遼則鸕、遼安,在本兵則九邊俱安。」 者千六百餘人。 不 擒之。 召。 帝 數欲召博還,又虞邊,以問嵩。 秋防訖,加太子太保,留鎭如故。 又數出奇兵襲寇,寇稍徙帳。 叉請通宣、大荒田水利,薄其租。 嵩雅不喜博,請令江東署部事, 因議築故總督翁萬達所創邊牆,招還內地民爲寇掠 **哱素把伶及叛人了都記等數以輕騎宠** 報可。 改蒯遼總督。秋防竣、廷議 俟秋防畢徐議之,遂 邊,博先後 欲召博

列

乃召還,加少保。

偵情形,預備黃花、古北諸要害,使一騎不得入關,卽首功也。」帝是之。 預爲謀。」博上言:「今九邊,薊鎭爲重。請敕邊臣逐大同寇,使不得近薊,宜、大諸將從獨石 帝憂邊甚,博每先事爲防,帝眷倚若左右手。嘗語閣臣:「自博八,朕每憂邊,其語博

諸路兵先後至。命宣大總督江東統文武大臣分守皇城、京城、鎭遠侯顧寰以京營兵分布城 快快,諭博曰:「賊復飽颺,何以懲後。」遂誅選。博懼及,徐階力保持之。帝念博前功,不罪。 內外。寇解而東,躪順義、三河,飽掠去。援兵不發一矢,取道斃及零騎傷殘者報首功。帝 卒不從。博拊几曰:「敗矣。」急徵兵入援,寇已潰牆子嶺,犯通州。帝嘆曰:「庚戌事又見矣。」 久之,改吏部尚書。 四十二年十月,寇難衆窺薊州,聲言犯遼陽。總督楊選帥師東,博檄止之。又手書三往,

傅。 兵。 中胡應嘉劾博庇其鄉人,博連疏乞休。並慰留,且斥言者。一品滿三考,進少傅兼太子太 牆外邀擊,害七利三,牆內格鬭,利一害九。 帝將遊南海子,博率同列諫。 隆慶改元,請遵遺詔,錄建言諸臣,死者皆贈卹。時方計羣吏,山西人無一被黜者。給 以 忤旨,遂謝病歸。 吏部尚書理兵部事。 尚書劉體乾等交章乞留,不聽。 陳薊、昌戰守方略,謂:「議者以守牆爲怯,言可聽,實無少 御史詹仰庇以直言罷,博爭之。屯鹽都御史龐尙鵬被論, 夫因牆守、所謂先處戰地而待敵。名守、實 大學士高拱掌吏部,薦博堪本

戰 也。 臣 爲 總督, 嘗 拒打來孫 --萬 一衆,以 爲 當 守牆 無疑。」因陳 明應援、申 駐守、 處京營、 諭

屬夷、修內治諸事,帝悉從之。

改 博 吏 |博 部 魁 進少 梧 .豐碩 師 臨 兼 事 太子太師 安閒 有 識 量。 明 年 秋 出 ,疾作 入中外四十餘年,始終 ··, = 疏 乞致 仕 歸。 以兵事著。 逾 年 卒。 贈 六年,高 太傅 諡 拱龍,乃 襄

謂 陰 其 爲 我 罪 甘 畫 |拱 博 i) 柄 毅 高 或 使校 然 公 時 爭之。 耶? 欲 尉 中 忧大臣 博 徐階 及 日 興王 危 改供 非 八禍,博 大 敢 1,又令||供僕雜 臣 然 造拱 獄 也, , 然非 庫 力 與 爲 都御 解。 公不 稠 人中 史葛 能 拱 亦 回 , 令大臣 天。」會 守禮詣 心 動,事 識 帝 居正 獲 别, 命 已。其 守禮 力 **茫然莫辨**, 爲 偕 後 解 都 張 督朱 居 居 E 正 事 逐 希孝會訊 懫 · 乃 白。 拱, 日 將 周 博 公 内

是

稱

博

長

克 副 而 數 己。 使。 嗣 封 子 萬 俊民 議 萬 俊民 曆 遂定。 或 ,字伯章,嘉靖四十一年進士。 初 歷 議 言 其 進 太 、稽緩, 款 戶 僕 部 未 少卿。 尙 可 因 遽罷。 書 自劾求罷。 總督 父博致政,侍 惟 倉場。 內修守備,而 疏 六上,不允。 歸 除戶部主事,歷禮 九 年 起 還 外勒 故官,累遷兵部 理 部 西 小 事 部,使盡還巢,申定市 人競請開 部 河 南 郎 大饑, 左侍 中。 礦, 隆 俊民爭不得, 慶 相 初 食, 事。時 遷 額 使使 請 加 議 無 發 南提學 潛力 稅 濫 銀 索 使 米

列

傳

万四 餉 一功,贈少傅兼太子太傅。 出。 天下騷然,時以咎俊民。 在專歷三考,累加太子太保。 卒官,贈少保。後敍東征轉

罪。 撫按欲緩其獄,森卒抵之法。 照曰:「若二人老矣,忍傷天性乎。」皆感泣謝去。再遷江西按察使。 踰年而舉森。嘉靖十四年成進士,授戶部主事,歷太平知府。 馬森,字孔養,懷安人。父俊,晚得子,家人抱之墜,殞焉。俊紿其妻曰「我誤也」,不之 有進士嬖外婦而殺妻, 民有兄弟訟者,予鏡令

巡撫鳳陽,遷南京 爲「三平」。病歸,起南京工部右侍郎。 宋淳。淳後撫南、贛,以贓敗,森坐調大理卿。 歷左布政使,就擢巡撫右副都御史。 戶部尚書。 隆慶初,改北部。 改戶部,督倉場,尋轉左。 入爲刑部右侍郎,改戶部。初,森在江西薦布 屢駁疑獄,與刑部尚書鄭曉、都御史周延 以右都御史總督漕運,兼 政使 稱

制,河、淮以南以四百萬供京師,河、淮以北以八百萬供邊。一歲之入,足供一歲之用。後邊 鉤校搜剔 是時,登極詔書蠲天下田租半。 ,條行十餘事。 又列上錢穀出入之數,勸帝節儉。帝手詔責令措置,森奏:「祖宗舊 太倉歲入少,不能副經費,而京、通二倉積貯無幾。

傳者, 帝嘗命中官崔敏發戶部銀六萬市黃金。森持不可,且言,故事御札皆由內閣下,無司禮徑 衆思,令廷臣各陳所見。」又奏河東、四川、雲南、福建、廣東、靈州鹽課事宜。 有加。臣前所區畫,算及錙銖,不過紓目前急,而於國之大體,民之元氣,未暇深慮。願廣集 睡多事,支費漸繁,一變而有客兵之年例,再變而有主兵之年例。其初止三五十萬耳,後漸 士馬不多於昔,在太倉則輸入不益於前,而所費數倍。重以詔書蠲除,故今日告匱,視往歲 增至二百三十餘萬。 事乃止。 旣又命購珠寶,森亦力爭,不聽。三年以母老乞終養。賜馳驛歸,後屢薦 屯田十虧七八,鹽法十折四五,民運十逋二三,悉以年例補之。在 詔皆如所請。 上邊則

所重,遂引用之。 少保、諡恭敏 森爲考官時,夏言壻出其門,欲介之見言,謝不往。嚴嵩聞而悅之,森亦不附。 里居、贊巡撫龐尙鵬行一條鞭法、鄉人爲立報功祠。 萬曆八年卒。贈太子 爲徐階 不起。

卒,其黨李慶爲其姪鮑恩等八人乞遷。帝已許之,以體乾言止錄三人。轉左給事中。 劉 體乾,字子元,東安人。 嘉靖二十三年進士。授行人,改兵科給事中。司禮太監鮑忠

列

嘉靖 沸 典, 定 邊 萬 道 可 額 悉 也 八千 功 惟 歲 」。」於 止 改元 陞 躯 帝 終使科 在 授、勳 員 以 际 去 是 至十 多一 , |宋 財 內監片 其 部 用 道 極冗 貴 害 官,則 議 五 細,詔 財 傳 臣會計之,以清冗費。 年, 請汰各監 請 者 紙 至三萬四 積至), 如 多 、曹局添設、大臣 廷 ____ 臣 數 今之害最 官之費。 集議。 八十萬。 局 供 千員。 人匠 御。 多請 乾 大者有二,冗 請 本朝自成化五 自二十一 從 沒 嚴 恩廕,加以 追宿逋,增赋 之。 狼 二

定

既 敕 籍 諸 ,輒轉鬻市 年 曹,清革冗 革 以後,供億 東、定 一,國 廠 年,武 衞、監局、勇士、匠 額。 計 費 自 人。 是 溫,減俸將 職 體乾獨 裕。 已逾 也。 日 其他 增 舍是,而 分餘 八萬。 歷 上奏曰 諸 代官 不貲。 曹 藏 一一侵盜 頓 人之屬, 制 督逋、增赋 合文職,蓋十 盡。 蘇軾 漢七千 叉 尤多。 聞 進 有言 歲 御 光 增 禄 果 五 ,是揚湯 宜著 月盆,不 蔬,初 萬 豐 庫 百 金,自 除。今 員 财 爲 一,唐 令 之 止 無

乾 再 湖 疏 累官 江 責 通 成 西 政 有 銀 使, 遷刑 司 布 `,又條 絹米積逋二百 部 左侍 上六事,皆報 郎。 六十餘萬 改 戶 可。 部 左侍郎,總督倉場。 ,鳳陽園陵九衞官軍四萬,而 隆慶初,進南京戶 倉粟無一月儲。 部 尙 書。南

取 邊 年 以 例二百七十六萬 上供,經費安辦。」帝不聽。 馬 森 去 ,召改北 部 有奇,在京 詔 取 太 體乾復奏:「今國計絀乏,大小臣工所共知。卽存庫之數,乃 軍糧商價 倉銀三十 萬 百 有 兩。 餘萬、薊州、大同 體乾言:「太倉銀所存三百七十 諸鎭例 外奏乞不 ·萬耳,而 與焉。若復 ル

皆上 近遣 疏請,乃命止進十萬兩。 御史所搜括,明 魁、龍光,御史劉 歲則無策矣。今盡以供無益費,萬一變起倉卒,如國計何!於是給事中 思問、蘇士潤、 又奏太和山香稅宜如泰山 賀一 桂、傅孟春交章乞如體乾言,閣臣 例,有司董之,毋屬內臣。 李春芳等 忤旨,奪

俸半年

綏 加京運,而橫費滋多。」因列上隆慶以來歲發之數。又奏:「國家歲入不足供所出,而額外陳 乞者多。 防守有主兵。 四鎭,繼以 帝嘗問九邊軍餉、太倉歲發及四方解納之數。 請以內外一 寧夏、甘肅、薊州 其後增召募,增客兵,而坐食愈衆。 切經費應存革者,刊勒 ,又繼以固原、山西,今密雲、昌平、永平、易州 成書。」報可。 各鎭芻餉有屯 體乾奏:「祖宗朝止遼東、大同、宣府、延 田。 其後加民糧,加鹽課, 俱列戍矣。各鎭

緜 每 敏 事 諸 所格 中劉 疏 異 時,不宜重擾商戶。」體乾亦復爭,乃命止進萬斤。 寶。 爭,積忤帝 詔市 繼文亦言白劄非體。 已上書力諫, 縣二萬五千斤, 得請。是時 意,竟奪官。 內供已多 體乾請從已言,不 體乾請俟湖州貢。 給事中光懋、御史凌琯等交章請留,不 帝報有旨,竟取之。 一數下部取 納 太倉銀,又趣市珍珠黃綠 帝不從,趣之急。 內承運庫以白劄索部帑十 體乾又乞承運庫減稅額二十萬,爲中官崔 踰年詔趣進金花銀,且購貓睛、祖 給事 玉諸 聽 中李已言:「三 物。體乾清勁有執 萬。 體乾執奏、給 月 非 母 綠 用

守四 二萬 事 三千 神宗 ,馬僅 並從之。 卽 位 起南 及 半,單弱 萬曆 京 兵部 二年致仕,卒。 足 尚書,奏言:「留都根本重地, 故額軍 慮。 宜選諸衞 贈太子 餘 T 少保。 隨伍 操練,發貯庫草場銀買馬。」又條 九萬,馬 Ŧi. 干餘 匹。 今軍止 上防

侍郎 理。 戶 謫 部 亳 右侍 及 州 王 總督糧 振 丰 廷,字子正,南充人。 武 官。 鄎 營軍 兼 儲 左 歷 蘇 亂,言者請 南京 州 御史,總督漕運,巡撫 知府,有政聲。 、督儲 ,自成化後皆以都御史領 復舊制,遂 嘉靖十一年進士。 累遷右 以副都御 鳳陽 副都御 諸府。 史章煥專領,而 授戶部主事,改御史。 史,總理 之,至嘉靖二十六年始命戶 河道。 改廷南京 三十九年 疏劾吏部尚書汪鋐, 刑 部。 轉南京 部 未 上,復 侍 戶部右 郞 改 兼

逐為 禮 滯 更部 部 定制 尚 時 書、召爲 倭 尙 亂 書嚴訥 淮安 未 靖。 左 大饑,與巡按御 都 爲 廷建議 御史。 廷辨,始解。 以江 奏行慎選授、重分巡、謹刑獄、端表率、嚴檢束、公舉劾六 .南屬鎭守總兵官,專駐 史朱綱奏留 轉左侍郎,還理 商稅饟 一部事。 軍,被詔 吳淞,江北屬分守副總兵,專駐 以通 切 州禦倭功,加 讓。 給 事 中李邦 俸二 級。 義 因 劾 事 遷南京 狼山。 廷拘

隆慶元年六月,京師雨潦壞廬舍,命廷督御史分行振恤。 會朝觀天下官,廷請嚴禁飢

遺 財 爲巡城 酌 道 里費,以儆官邪,蘇民力。 御 史李學道所答。 羣璫 帝謁諸陵,詔廷同英國公張溶居守。 伺 學道早朝,邀擊之左 掖門外。 廷上其 中官許義挾刃脅人 狀、論戍 有

意 得罪 宥齊,補通州 修 匹 恨 拱 郤 多逐 羅 遂引 和 而 ,乃借攻階冀自掩。」遂下齊詔獄。 數千金,爲言恤邊商 御 織 摭康疏 疾 史 愷 不辜。刑部尚 齊 去。 亦階所引, 康 判官。 語復論階,階亦引 爲高 而 給 事 拱劾徐階。廷言:「康懷奸黨邪,不重懲 一遂先後乞休以避之。 一書劉自强覆奏一齊所坐無實,廷、愷屈法徇私。」詔奪愷職,廷斥爲民, 中張齊者,嘗行 、革餘鹽數事,爲大學 疾去。廷因發齊奸利事,言「齊前 邊,受賈人金。事稍泄,陰求 刑部尚書毛愷當齊 給事 士階所格。 中周芸、御史李純樸訟齊事,謂 無以定 成,詔釋爲民。拱起再相,廷恐其 四和 抵 階子璠 國 奉命賞軍宣 齊 是。」帝 取賄、蹤跡頗 居 間,璠謝 爲 調康 大,納 廷、愷阿階 露。 諭 不 鹽商 見。齊 留 齊懼 階 楊

仍以高年特賜存問。 官,今齊已 之趙清 萬 獻 曆初,齊以不謹罷,愷已前卒。浙江巡按御史謝廷傑訟愷狷潔有古人風,坐按張齊奪 ō 一點,足知愷守正。 直 節 勁氣,始終無改。 明年卒。 韶復愷官。於是巡撫四 諡恭節 宜如 毛愷例復官。」詔以故官致仕。 川都御史曾省吾言:「廷守蘇州時,人比 十六年給夫廩如制,

地、為執 毛愷 政 所 字達和,江山人。 悪,謫 寧國推官。 嘉靖十四年進士。授行人,擢御史。坐論 歷刑部尚書。 太監李芳驟諫忤穆宗,命刑部置 愷贈太子少保,諡端 簡。 洗馬鄒守益不當投散 重辟。 慢奏

富 乃大驚服。 家,株連以百數。 葛守禮,字與立,德平人。嘉靖七年,舉鄉試第一。明年成進士,授彰德推官。 冬至,趙王戒百官朝服賀,守禮獨不可。 守禮盡出之,主獄者譖之御史。 會藩府獄久不決,屬守禮,一 訊 巨盜誣 即得,

絕,近支得以本爵理府事,不得繼封。 帝由是知守禮廉 以疾在告,三邸人乘間行賂,遂得請。 言 議量復中尉數人。未上,而言入閣,嚴嵩代之。 遷兵部主事。父喪服闋,補禮部。 交城、懷仁、襄垣近支絕,以繼封請,守禮持之堅。 旗校詗其事以聞。 寧府宗人悉錮高牆,後稍得脫,因請封。禮部尚書夏 守禮適遷儀制郎中,駁不行。 所籍記賂遺十餘萬,獨無守禮名, 故事,郡王 會

部侍郎、督餉宣、大。改吏部。 遷 河南提學副使,再遷山西按察使,進陝西布政使,擢右副都御史,巡撫河南。 自左侍郎遷南京禮部尚書。李本署吏部事,希嚴嵩指考察廷 入爲戶

臣,署守禮 下考,勒致仕。 後帝問守禮安在,左右謬以老病對。 帝爲歎惜久之。

不均。 理 能 行。 鞭法 史譚啓 倉庫 夫錢穀必 田 又變爲一 財 輸 ,宜乘給賞汰之。 賦 名目及石數 納 計 於是奏定國 隆慶元年起 馬 且河南北 畆徵 備錄 必周 串鈴法,謂之夥收 分 明 數 謨 銀。 知 簿 朔 張 中。 天下倉庫盈 計簿式,頒行 , 山 價值,通行 戶部尚 而後稽覈審,今混而爲一,是爲那移者地也。願敕所司,酌復 不論 問 守禮言:「此朝 自府! 東西,土地磽瘠,正 明、趙巖分行 倉口,不問 書。 州 分解。收者不解,解者不收,收者獲積餘之貲,解者任賠補之累。 虚 所司,分派 縣達布 奏言:「畿輔、山 天下。 ,然後可節縮 石數。 舛也。 廷曠 天下 政,送戶部稽考,以淸隱漏那 自嘉靖三十六年以後完欠、起解、追徵之數及 小民,隨倉上納,完欠之數瞭然可稽。 ·董其事, 一供尙不能給,復重之徭役。工匠及富商大賈,皆以 典,乃以賈怨耶。」議 吏書夤緣爲奸,增減灑派,弊端百出。至於收解,乃 乞正田賦之規,罷科差之法。 調 東流移日衆,以有司變法亂常,起科太重 劑。 並承 祖宗 敕 以行。 時令天下歲以文册報部, 功 止 覃恩例賞邊軍,或言 移侵欺之弊。 叉國 初徵糧,戶部定 近乃定為一條 舊規。」詔悉舉 叉 乃請 以 貧民不 士伍虚 戶 一,徵 遣 部專 御 無 派

禮不 可,養正 大學士高拱與 等逐論拱。 徐階不相能,舉 守禮尋乞養母歸 朝 攻拱。 侍郎徐養正 及拱再相,深德守禮,起爲刑部尚書。 劉 自 强 拱所 厚,亦詣 守 禮 初,階定 守

列

傳

第

百

葛

守

禮

於入,而不爲先帝地,今則一主於出,而不恤後世議。罪有首而後有從,金等爲從,孰爲首? 將以陶仲文爲首,則仲文死已久。爲法如此,陛下何賴哉。」疏入,報聞。 但習故陶仲文術,左道惑衆,應坐爲從律編戍。 方士王金等獄,坐妄進藥物,比子殺父律論死。 給事中趙奮言:「法司為天下平。昔則一主 韶下法司會訊。守禮等議金妄進藥無事實,

王金獄,與拱合,然不附拱。後張居正欲以王大臣事搆殺拱,守禮力爲解,乃免。階、拱、居 之制,濬治溝洫,使旱潦有備。」章下有司。又申明巡撫事宜,條列官箴、士節六事。 少保,馳驛歸。 正更用事,交相 尋改守禮左都御史。奏言:「畿內地勢窪下,河道堙塞,遇潦則千里爲壑。請倣古井田 六年卒。贈太子太保,諡端肅。 軋。 守禮周旋其間,正色獨立,人以爲難。」萬曆三年以老乞休。 韶加太子 守禮議

稱。 史,巡撫山西。 歷吉安知府,治行高,累遷左布政使。 斯學顏,字子愚,濟寧人。 嘉靖十三年舉鄉試第一。 應詔陳理財,凡萬餘言。 言選兵、鑄錢、積穀最切。 隆慶初,入爲太僕卿,改光祿。 明年成進士,授南陽推官,以廉平 其略曰: 旋拜右副都御

朱初禁軍十萬,總天下諸路亦不過十萬,其後慶曆、治平間增至百餘萬。然其時財

切

自

用

矣。 充發 之法。 力 之兵。 敵。 又以畿輔之卒塡京戍之闕,其部伍、號令、月糧、犒賞亦與京卒同,而畿輔之卒皆親兵 百 制制 里,京營九萬卒,歲以一萬戍二鎭,九年而一周,未爲苦也,而怯者與邊兵 夫京卒戍薊鎭,則延、固之費可省。 其後,京卒之勁當其前,則仰攻深入之事鮮矣。 而 每 輸 在北 盜 或遠不可 贖,亦變通一策也。 賊竊發,非陰陽、醫藥、雜職,則丞貳判簿爲之將,非鄕民 則借鹽丁礦徒,在南 徵,或弱不可任,則聽其耕商,而移其食以餉 欲京兵强,亦宜責以輪番戍守。夫京師去宣府、薊鎭纔數 則借狼土。 成宣府,則宣府、大同之氣自張。寇畏宣、大之 此皆腹兵不足用 之驗 邊。 也。當限 里保,則義 如 **免班軍** 以輪 而 同 勇快 其勁矣。 徴價,省 番 守戍 壯 爲

臣 又 、覩天下之民皇皇以匱乏爲慮者,非布帛五穀不足也,銀不足耳。夫銀,寒不可

宗祿、官俸、軍餉之屬,悉銀錢兼支。上以是徵,下以是輸,何患其不行哉。 以億兆之力爲工,以賢士大夫爲役,何本之費?誠令民以銅炭贖罪,而匠役則取之營 軍,一指麾間,錢徧天下矣。至不願行錢者,獨奸豪爾。請自今事例、罰贖、徵稅、賜賚、 於豪右者愈厚,行於天下者愈少,更踰數十年,臣不知所底止矣。錢者,泉也,不可一日 則 衣,饑不可食,不過貿遷以通衣食之用,獨奈何用銀而廢錢?錢益廢,銀益獨行。 無。計者謂錢法之難有二:利不讐本,民不願行。此皆非也。夫朝廷以山海之產爲材, (藏益深,而銀益貴,貨益賤,而折色之辦益難。 豪右乘其賤收之,時其貴出之。 銀積 獨行

其心。 響應, 徙者之望,設不滿萬,豈得無寒心? 臣竊意不滿萬者多也。 悍而輕生,易動而難戢,游食而寡積者也。一不如意,則輕去其鄉,往往一夫作難,千人 歲無衣,終日無食。今有司夙夜不遑者,乃在銀而不在穀,臣竊慮之。國家建都幽燕, 無郡國之衞,所恃爲腹心股肱者,河南、山東、江北及畿內八府之人心耳。 臣 前事已屢驗矣。弭之之計,不過曰恤農以繫其家,足食以繫其身,聚骨肉以繫 今試覈官廩之所藏,每府得數十萬,則司計者安枕可矣。得三萬焉,猶足塞轉 .又聞中原者,邊鄙之根本也。 百姓者,中原之根本也。民有終身無銀,而不能終 其人率鷙

臣近者疏請積穀,業蒙允行。第恐有司從事不力,無以塞明詔。敢卽臣說申言之。

其一口官倉,發官銀以糴也。 之一以爲 雖官有大役 中歲皆可行。 代者哉?故曰明 功,著爲令,而 而憂銀之不足。 社 亦 不 誠倣 歲歲修之,時其豐歉而斂散之。 唐義倉之開,每歲自王公以下皆有入。 聽貸。 夫銀實: 君 而 不實金玉,而實五穀,伏惟聖明垂意。 推之,就 生亂 借此藏富於民,卽藏富於 ,穀實弭亂。 土俗,合人情,占歲候以通其變,計每歲二倉之入以驗其 一曰社倉,收民穀以充也。官倉非甚豐歲不能舉,社 銀之不足,而泉貨代之。五穀不足,則孰可以 。在官倉者,民有大饑則 (國也。 宋則準民間正稅之數,取二十分 今言財用者,不憂穀之不足, 以振。在民倉者, 倉雕

疏入,下所司議,卒不能盡行也。

遂謝病歸,卒。 尋召爲工部右侍郞,改吏部,進左侍郞。 弟學會,山西副使。 治績 亦有聞 學顏內行修潔,見高拱以首輔掌銓, 專恣 甚,

苴 劉體乾、萬守禮、斯學顏之屬,庶幾負經濟之略者。 時而已,況言之不盡行,行之不能久乎。 贊 日:明之中葉,邊防墮,經費乏。 當時任事之臣,能留意於此者鮮矣。 自時厥後,張居正始一 就其設施與其所 整飭。 建白,究而行之, 居正殁,一 若楊博、馬森、 切以 亦補

列傳第

百

郭

學

顔

校

勘記

空言從事,以迄於亡。蓋其壞非朝夕之積矣。

校勘記

[1]接左衞高山站

域考改。

高山站,原作「高山路」,據明史稿傳九三楊博傳、 皇明九邊考卷五大同鎭疆

明史卷二百十五

列傳第一百三

王治 歐陽一 敬 胡應嘉 周 弘祖 **岑用賓** 鄧洪震 詹仰庇

駱問禮 楊松 張應治 鄭履淳 陳吾德 李巳 胡涍

汪文輝 劉舊庸 曹大埜

多匿不奏;小勝,文臣輒冒軍功。 王治,字本道,忻州人。嘉靖三十二年進士。除行人,遷東科給事中。 治請臨陣斬獲,第錄將士功,文臣及鎭帥不親搏戰者止賜 寇屢盜邊,邊臣

質。從之。再遷禮科左給事中。

得旨:「詔書所載者,自嘉靖四十一年始,聽治等詳覈。不載者,已之。」治等力爭,不許。 隆慶元年偕御史王好問覈內府諸監局歲費。中官崔敏請止之,爲給事中張憲臣所劾。

列傳第一百三 王治

妨累政事,危亂所由起。 掖 祀 隆 慮 祖 事 世廟 方左右 聖孝。 之。」其二,請勤朝講、親 ·宗諸帝並列,設位於<u>武宗</u>右,揆諸古典,終爲未協。 劾中官趙廷玉 便佞窺伺百出,或以燕飲聲樂,或以遊戲騎射。 則億世不改。 獻皇 一雖貴爲天子父,未嘗南面臨天下, 、馬尹乾沒罪,詔下司禮監按問。 乞敕廷臣博議,務求至當。 比者人言籍籍,謂陛下燕閒舉動,有非諒闇所宜者。 輔弼。 疏入,報聞 雖親 一、謹燕居之禮以澄化源。 爲武宗叔,然嘗北面事武宗。 臣以爲獻皇祔太廟,不免遞遷。 尋上疏陳四事。「一、定宗廟之禮以 近則損敝精神,疾病所由生。 人主深居禁 臣竊爲陛下 今乃 **久則** 若 與 專

諫。 曾銑 律 尋 貶 Щ 擢 ,終不允。 鳳 西 1及薊鎮 大學 獄 翔 太僕少卿,改大理,進太僕卿。 進吏科都給事 三秩 土 徐階、尚書楊博、 宜追奪其官 並 視 治叉請追諡 事 中寇,治以罪兵部尚書郭乾、侍郎遲 0 中。 部議卹光祿少卿馬從謙。 劾薊遼總督都御史劉燾、南京督儲都御史曾于拱不職, 何瑭,雪夏言罪, 咸報 御史郝 可。 憂歸,卒。 杰等並阻 明年 ٠, 且言大理卿朱廷立、 左右 止。 帝不 有言南 [鳳翔 皆不聽。 許, 治疏 ,偕同官歐陽一 海子之勝者, 爭 至則荒莽沮濕,帝甚悔之。 刑部 帝謂從謙所犯, 侍 帝 敬等劾之。 郎詹瀚 將往 幸 共鍛成夏言 于拱逐罷 治率同官 比子罵父 詔 能 乾 治

列 傅 第 百 Ξ 歐 陽 敬 少卿晉應槐爲文選郎時劣狀,而南京侍郎傳頤、寧夏巡撫王崇古、湖廣參政孫弘軾 歐 陽 一敬,字司直,彭澤人。嘉靖三十八年進士。 除蕭山知縣。 徵授刑科給 事 4 劾

大猷代。 三遷兵科給 寇大入陝西,劾總督陳其學、巡撫戴才,俱奪官。又以軍政劾英國公張溶,山西 事中。言廣西總兵當用都督,不當用勳臣。 吏部爲應槐等辨,獨罷頤官。未幾,劾罷禮部尚書董份 因刻恭順侯吳繼爵罷之,以兪

應槐進,俱當罷

浙江總兵官董一奎、劉顯、掌錦衣衞都督李隆等九人不職。 溶留,餘俱 災點

史以 推官。 指 嘉先嘗劾

高拱、拱修郤、將重罪之。

徐階等重違 事 妄奏,擬旨斥爲 應嘉前 中 黨。 康 鄭欽、 自嚴嵩敗,言官爭發憤論 受拱指,羣集闕 疏 言官 敬尋劾拱 臣 御史胡 與聞,黜應嘉 多論康,康竟 民。 維新,而山西人無下考者。 威 言路大譁。 制 下,詈而 朝 紳,專柄擅 不若黜臣。」 坐謪 事,一敬尤敢言。 唾 一敬爲應嘉訟,斥博及拱。抵拱奸 之。 國,亟宜罷。 會給事中辛自修、御史陳聯芳疏 |一敬首劾康、康亦劾||敬。 吏科給 拱意,且以 隆慶元年正月,吏部尚書楊博掌京察,黜 不 · 聽 。 事中胡應嘉劾博挾私憤,庇鄉 應嘉實佐察,初未言, 踰 月, 御史齊康 時康主拱,一敬主階, 險橫惡,無異蔡京, 争,階 劾 階 万調 諸給 應嘉 今黨同官 里。 且言: 建寧 事 互 御 應

呂祥 寢。 狀。 敬 黔國 肅皇帝 懼 卽 陳 韶徵 公沐朝弼 日 下 告 政 之獄 祥 I歸,坐 還 事 残态, 充孝陵衛 部部 罷守備官。 道 以憂 皆議 屢抗詔 死。 行。 淨軍, 旨。 未幾, 時應嘉已 南京振武營兵 今不宜 復遣 敬請治其罪,報 屢遷參議 用。」 監丞劉進往 由此罷。 從之。 ,憂歸,聞拱 代。 可。 中官呂用等典京營, 湖廣 俄擢太常 巡按陳省劾 敬言 再相 進進 ,亦驚怖 少卿。 故名俊, 太 和 拱再 而 敬 Щ 守備 宇 力諫, 起柄 顯 陵 H 官 無

宗嗣 布 廬器物 政 應嘉 位 使李磐、 應嘉,沭陽 於外。 ,應嘉請帝御文華殿 拱輔 居諫職,號敢言。 政初,即以 侯 臣不 人。 一元不職, 知拱何 由宜春知縣擢吏科給 直廬爲隘,移家西安門外,夤 心。」疏 皆 與輔臣面 然悻悻好搏擊,議者頗以傾危目之。 罷 去。 入,拱大懼,亟奏辯。 議大政,召訪諸卿 登雲者, 事中。 大學士 三遷都給 高 夜 會帝崩,得 潛 拱 顧問侍從, 歸。 姻 事中。 也。 陛 應嘉策拱必害己, 不竟。 下近稍 論侍郎黃養蒙、李登雲及 令科臣隨事駁議。 拱以 違 和,拱 此銜 刨 應嘉。穆 遂幷 私 連 帝納 直 劾

周 弘 祖,麻城人。 嘉靖三十八年進士。除吉安推官。 徵授御史,出督屯田、馬政。

今趙 聖德媲太祖、孝宗矣。 或停 百 餘 · 炳然居澤位,不能效澤忠,無所逃罪。」報聞。 武 世 隆 了 非 惟 . 製, 慶改元,司禮中貴及藩邸近侍廕錦衣指揮以下至二十餘人。 且言:「高皇帝定制,宦侍止給奔走掃除,不關 不使之預 臣又聞先帝初載,欲廕太監張欽義子錦衣,兵部尚書彭澤執 ,亦且不使之聞。 願陛 下勿 已, 與謀議,假以 請汰內府監局、錦衣衞、光祿寺、文 政 事。 孝宗召對 弘祖馳疏請止資金幣, 則 彼無亂政之階,而 大臣 ,宦侍必退去 奏再四。

思院

沈元員

,復嘉靖初年之舊,又請倣行古社

倉制。

詔皆從之。

市珍寶、魏時亮等爭,不聽。 劾之疏留中。 陰盛 輒見撓沮,如 了惡弘祖及岑用賓等,謫弘祖安順判官,用賓宜川縣丞。 之徵也。 明 年 春,言:「近四方地震,土裂成渠,旂竿數火,天鼓再鳴,隕星旋風,天雨黑豆,此皆 **閱馬、核庫,詔出復停。** 陛下嗣位二年,未嘗接見大臣,咨訪治道。邊患孔棘,備禦無方。 内臣 弘祖 復切諫。 皇莊則親收子粒,太和則権取香錢,織造之使累遣,糾 尋遷福建提學副 使。 大學士高拱掌吏部,考察 疏入,不報。其冬詔 事涉 內庭,

知 府 用賓 旣中以察典,遂卒於貶所。 ,廣東順德人。官南京給事中,多所論劾。 而弘祖謫未幾,拱罷,量移廣平推官。 又嘗論拱 很愎,以故拱憾之,出爲紹興 萬曆 中 ·,屢遷南京

祖

光祿卿。坐朱衣謁陵覓。

予。 淫雨 帝納其言,下禮官議修省。」洪震尋以疾歸。 陛下臨御甫半年,災異疊見。傳聞後宮游幸無時,嬪御相隨,後車充斥。左右近習,濫賜 爾月。又京師去冬地震,今春風霾大作,白日無光。近大同又報雨雹傷物,地震有聲。 政令屢易,前後背馳,邪正混淆,用舍猶豫。萬一奸宄潛生,寇戎軼犯,其何以待之。」 當隆慶初,以地震言事者,又有鄧洪震,宣化人。時爲兵部郎中,上疏曰:「入夏以來, 萬曆改元,督撫交章論薦,竟不起。

詹仰庇,字汝欽,安溪人。嘉靖四十四年進士。 由南海知縣徵授御 史。

王玩 不勝言者。 復遏,恣情縱欲,財耗民窮。陛下玩好之端漸啓,弼違之諫惡聞,羣小乘隙,百方誘惑,害有 聽。 今兩廣需餉,疏請再三,猶靳不予,何輕重倒置乎。」不報。 人喪德,玩物喪志,湯、武能受二臣之戒,絕去玩好,故聖德光千載。 仰庇疏言:「頃言官諫購寶珠,反蒙詰讓。 隆慶初,穆宗詔戶部購實珠,尚書馬森執奏,給事中魏時亮、御史賀一桂等繼爭,皆不 況寶石珠璣,多藏中貴家,求之愈急,邀直愈多,奈何以有 昔仲虺戒陽不邇聲色,不殖貨利,召公戒武 三年正月,中官製烟火,延燒禁 用財,耗之無用之物 若侈心一生,不可

中廬舍,仰庇請按治。左右近習多切齒者。

妄言。」仰庇自分得重譴,同列亦危之。及旨下,中外驚喜過望,仰庇益 雖 死 不 宜 中 遵 死 出 〈賢於生。」帝手批答曰:「后無子多病,移居別宮,聊自適,以冀却疾。 · 先帝命,篤宮闈之好。 近聞皇后移居別宮,已近一載,抑鬱成 帝 而 如 詢 頗 聖德 觸 之, 耽 諱,亦當死。 聲色,陳皇后微諫,帝怒,出之別宮。 何。 知 后 臣下莫不憂惶,徒以事涉宮禁,不敢頌言。 寢疾危篤,卽上疏言:「先帝愼 臣今日固不惜死。 願陛 擇賢淑,作配陛下,爲宗 下采聽臣言, 外庭皆憂之,莫敢言。 臣謂 立復皇后 疾,陛 人臣 感 一之義, 中宮,時 下略 廟社 爾何 仰庇 奮。 稷 不省視 知 入朝,遇醫禁 知 內 加 內 而 庭 慰問,臣 不言,當 事,顧 萬 陛 下

乾 備 覈宜 敬 司 隸 緩急。 `文移往還,及牧民官出敎,用「照」字,言官上書無此體。 沒,累聖德,虧 本 帝怒,下詔曰:「仰庇小臣,敢照及天子,且狂肆屢不悛。」遂廷杖百,除名,并罷科道之 留宜革,幷出入多寡數,以杜奸欺。 ·監者數十計,歲課皆屬官錢,而內臣假上供名,恣意漁獵。利塡私 亡何 今如本監所稱`則盡以創鰲山、修宮苑、製鞦韆、造龍 ,巡視一庫,疏言:「內官監歲入租稅至多,而歲出不置籍。 國計。 望陛下深省,有以玩好逢迎者,悉屏出罪之。」宦官 再照人主奢儉,四方係安危。 宦官因指「再照人主」語,爲大不 鳳艦、治金櫃玉盆。 按京 陛下前取戶部銀,用 家,過歸朝宁。 城內外園廛場地, 益恨 故事,諸 羣小因 乞備

巡視 御 史僅 庫藏 八 月,? 者 數進讜言,竟以 南京給 事 中駱問禮、御史余嘉詔等疏救,且言巡視官不當罷。 獲罪。 不納。 仰 庇爲

教排 安, 著。 吳時來,仰庇 歸。 初 以 屢求去。 給事 陷 直 家居十 神宗 節 大 臣, 負盛 中王繼光、主事姜士昌、員外郎趙南星、南京御史王麟趾等,交章論列 嗣 餘 位,錄先朝直臣。 帝雖慰留,而衆議籍籍不 敷教 卽劾伸。 名。 年,起官江 坐廢。 至是爲保位計,頗不 進士薛敷敎劾時來及南京 西。 及吏部 以仰庇在京時嘗爲商 再遷南京太僕 侍郎趙煥、 止。 発附 稍遷刑部右侍 兵部侍郎沈 少卿。 麗。 饒伸以 右都御史耿 人居間, 入爲左僉都御史,進左副都御史。 子木 科場 鄎。 不得內召, 相繼 定向 事劾大學士王錫爵、左都 移疾歸,久之卒。 去, 仰庇未 仰庇謀 除廣東參議。 皮 代之, 閱 疏, 仰庇 蹤 卽 不自 跡 論 尋 御 仰 頗 史 庇 敷

糾彈 自陛 偕 同 大大臣 官 下 駱 問 始。」不 張 實其罪。 禮,諸暨人。 應治等上言 報 給事 張居正請大閱,問禮謂 「皇后 嘉靖末進士。 張 齊 劾徐階, 正位 中闡, 歷南京刑科給事 爲廷臣 即有 非要務,而請帝 所排, 疾, 豊 宜 下 移宮。 中。 獄 削 日親萬幾,詳覽奏章。 籍。 隆慶三年, 望 問 亟 禮獨言 返 坤寧 陳皇后移別 齊 ,毋使後世 贓 口 疑,不 未幾,劾誠 宫, 謂 當 問禮 變禮 以

者,諸司或以月報,或以季報,令得隨事纂緝,以垂勸戒」。 言未必非,則公論日明,士氣可振」。八言「政令之出,宜在必行。今所司題覆,已報可者未 習傾危,稍或異同,輒加排陷。自今,凡議國事,惟論是非,不徇好惡。衆人言未必得,一人 左右,如傳旨、接奏章之類,宜用文武侍從,毋使中官參與,則窺竊之漸無自而生」。七言「士 科,諸司始得奉行,脫有未當,許封還執奏。如六科不封駁,諸司失檢察者,許御史糾彈」。 久」。十言「修撰、編檢諸臣,宜令更番入直,密邇乘輿,一切言動,執簡侍書。 「面奏之儀,宜略去繁文務求實用,俾諸臣入而敷奏,退而治事,無或兩妨, 見修舉,因循玩愒,習爲故常。 益廣言路,凡臣民章奏,不惟其人惟其言,令匹夫皆得自効」。六言「陛下臨朝決事,凡給事 五言「頃詔書兩下,皆許諸人直言。然所採納者,除言官與一二大臣外,盡付所司而已。宜 政事根本,宜參用諸司、無拘翰林、則講明義理、通達政事、皆得其人」。四言「詔旨必由六 下宜日居便殿,使侍從官常在左右,非嚮晦不入宮闈,則涵養薰陶,自多裨益」。三言「內閣, 幾,宜酌用羣言,不執己見,使可否予奪,皆合天道,則有獨斷之美,無自用之失」。二言「陸 帝初納言官請,將令諸政務悉面奏於便殿,問禮遂條上面奏事宜。一言「陛下躬攬萬 陛下當明作於上,敕諸臣奮勵於下,以挽頹惰之風」。九言 斯上下之交可 其耳目所不及

史楊松在舉中。 疏奏,帝不悅。 帝曰:「此兩人安得遽遷,俟三年後議之。」萬曆初,屢遷湖廣副使,卒。 宦侍復從中搆之,謫楚雄知事。 明年,吏部舉雜職官當遷者,問禮及御

所。 黜兵馬司官,而鐫松三秩,謫山西布政司照磨。神宗立,擢廬州推官,終山西副使。 事未決,而內監令校尉趣雄入直,詭言有駕帖。松驗問無有,遂劾雄詐稱詔旨。 楊松,河南衞人。歷官御史,巡視皇城。尙膳少監黃雄徵子錢與民鬨,兵馬司捕送松

張應治,秀水人。

在垣中抗疏,多可稱。

爲高拱所惡,出爲九江知府。

終山東副使。

鄭履淳,字叔初,刑部尚書曉子也。 舉嘉靖四十年進士,除刑部主事,遷尙寶丞。

隆慶三年冬疏言:

饑寒迫身,易爲衣食,嗷嗷赤子,聖主之所以爲資。不及今定周家桑土之謀,切虞廷困 窮之懼,則上天所以警動海內者,適足以資他人矣。 頃年以來,萬民失業,四方多故,天鳴地震,災害洊臻,正陛下宵旰憂勤 時也。 夫

今最急莫如用賢。 陛下御極三祀矣,曾召問一大臣,面質一講官,賞納一諫士,以 列傳第一百三 鄭履淳 陳吾德

共 多端 循,風 違脫珥之規,朝陛拂同舟之義。 畫思思豫防之策乎? 俗玩惕。 梗在私門,堅持不破。 功罪罔核,文案徒繁。 高亢睽孤,乾坤否隔,忠言重折檻之罰,儒臣虚納牖之功,宮闈 萬衆惶惶,皆謂羣小侮常,明良疎隔,自開闢以來,未有 回奏蒙譴,補贖奚從? 閣寺潛爲厲階,善類 內批徑出,封還何自? 漸 以短氣。 言涉宮府 紀 ",肆撓 綱 因

若是

而永安者。

美色奇珍之玩,而保瘡痍,分昭陽細務之勤,而和 泰,計無踰於此。 臣民章奏,與所司 黎庶脂膏。 伏願奮英斷以決大計,勿爲小故之所淆,弘濬哲以任君子,勿爲嬖昵之所惑。 拔用陸樹聲、 面相可否。 石星之流,嘉納殷士儋、翁大立諸疏。 萬幾之裁理漸熟,人才之邪正自知。 庶政。 以蠻裔爲關門勁敵,以錢穀爲 經史講筵,日親無倦。 察變謹微, 回天開 移

少卿,卒。 疏 入,帝大怒,杖之百, 繫刑部獄數月。 刑科舒化等以爲言,乃釋爲民。 神宗立、起光

祿

陳吾德,字懋修,歸善人。 嘉靖四十四年進士。 授行人。 隆慶三年擢工科給

貲乎! 敏等獻諂營私,罪不可宥。乞亟譴斥,以全詔書大信。」帝震怒, 杖已百,錮刑部獄, 之,歡若更生。比者左右近習,干請紛紜,買玉市珠,傳帖數下。人情惶駭,咸謂詔書不信, 戶科都給事中李已執奏,不從。吾德復偕已上疏曰:「伏睹登極詔書,罷採辦,蠲加派,且 官督織造,吾德偕同官嚴用和切諫,報聞。帝從中官崔敏言,命市珍寶,戶部尚書劉體乾、 無所適從。 而月復食。吾德言:「歲首日月並食,天之大災,陛下宜屛斥一切玩好,應天以實。」 詔遣中 斥吾德爲民。 云『各監局以缺乏爲名,移文苛取,及所司阿附奉行者,言官卽時論奏,治以重典』,海內聞 兩廣多盜,将東率虛文罔上。吾德列便宜八事,皆允行。明年正月朔,日有食之,已 邇時府庫久虚,民生困瘁,司度支者日夕憂危。 陛下奈何以玩好故,費數十萬

違制講學,用庫金市學田,遂除名爲民。居正死,薦起思州推官,移寶慶同知,皆以親老不 之南京 定襄王爵,益忤居正。 旣 獨 不往。 而 誣漸白,吾德遂劾儒,亦謫之外。居正以吾德不白己,嗛之。未幾,爭成國公朱希忠贈 神宗嗣位,起吾德兵科。 見獲。 禮部主事宋儒與兵部主事熊敦朴不相能,誣敦朴欲劾居正,屬尚書譚綸劾罷之。 居正客操江都御史王篆坐吾德部下失盗,謫馬邑典史。 及慈寧宮後室災,吾德力爭,出爲饒州知府。 萬曆元年進右給事中。張居正柄國,諫官言事必先請,吾德 有盜建昌王印章者,遁 御史又劾其涖饒時

減。 繋 幾, 戶 如 部 刑科給事 故。 已及 李已, 有所徵索。 內 法 字子 犯 司 中 以恩等有內 張 復, 舒化等請釋已 尙 恩等十人,讞 磁 書劉體 人。 乾 援,欲借 嘉靖四十 輒 未定,不 刑 執 奏 部 以脫已。 四年 尚 ,已每助之, 列 書葛守禮 朝 進士。 審 及已 中。 除太常 等因言:「 以是積 獨 荷瘐 釋、衆 死 博士,擢 失帝 翕 犴 朝 然 狴 審 意。 稱帝 将 時, 禮 及爭 累深 科給 重囚 仁 明 珍 仁。 情 事 寶 中。 可 事 帝 矜 乃釋 疑者 隆慶 遂得 巳 成 H 禍 ·,頻 恩等 得 末 未 詔

州 寢。 救。 內 同 臣 即有 知 擢 神宗 尋劾 順 天 勤 立 兵部 府 勞。當 薦 丞 尙 起兵科都給事 一,遷大 書 優 譚綸 以 理 金 去 岩 帛,名器 取 小 邊将 卿。 中。 不當。 所在,不 疏 奏言:「陛下 請 改父 平江 容濫設。」 母 伯 誥 初 命, 陳 基,弊端 王 帝嘉納 日 一漠罪 已暮,逼禁門守者投入。 悲 廢, 之。 去 復夤緣 御 傳 史胡 奉 出 孝建言得 事 鎭 , 湖廣, 岩 可 帝怒,謫 罪,已首論 尚 已力爭得 踵 故常

僉都 京察,希張 御史、巡 初 巳 與 居 吾德 撫保定六府。 IE 指 並敢言,已尤 ,與尙書 何寬置 踰 年,罷 以直 司 業 歸,卒。 著。 張位、長史趙世卿察典,遂得擢 兩 遭摧 抑, 頗事營進。 後爲 南 南京考功郎 京 尙 寶 卿 中。 九

年

指為 踰 恤 月, 大怒,思傾之。 年,巡按御史李學詩薦涛。 |優遇,其餘無論老少一槪放遣。 命馮保代孟沖掌司禮監,召用南京守備張宏。 誰。 胡涍,字原荆,無錫人。 張居正對曰:「涍言雖狂悖,心無他。」帝意未釋,嚴旨譙讓。 其冬,妖星見,慈寧宮後延燒連房。「三」涍乞偏察掖廷中曾蒙先朝寵幸者,體 嘉靖末舉進士。 韶自後有薦者,幷逮治涛。久之,卒。 奏中有「唐高不君,則天爲虐」語。 歷知永豐、安福二縣,擢御史。 **涍請嚴馭近習,毋惑諂諛,虧損聖德。保** 涛惶恐請罪, 斥為民。 帝怒,問輔臣,二語所 神宗卽位之六

走其門,專務搏擊。 煽並搆,使正人不安其位,恐<u>宋元</u>祐之禍,復見於今,是爲傾陷 潛察低昂、窺所向而攻其所忌。 高拱以內閣掌吏部,權勢烜赫。 汪文輝,字德充,婺源人。嘉靖四十四年進士。 先帝末年所任大臣,本協恭濟務,無少釁嫌。 文輝亦拱門生,心獨非之。明年二月疏陳四事,專責言官。 其門生韓楫、宋之韓、程文、涂夢桂等並居言路,日夜 致顚倒是非,熒惑聖聽,傷國家大體。 授工部主事。 始於一二言官見廟堂議 隆慶四年改御史。 **苟踵承前弊**,交 其略 論稍 日 遂

更張。 祖宗立法至精密矣,而卒有不行者,非法敝也,不得其 部臣重違言官,輕變祖制,遷就一時,苟且允覆。 及法立弊起,又議復舊。 人耳。今言官條奏,率銳意 政非

通變之宜,民無畫一之守,是爲紛更。

才惜。 逐景循聲,爭相詬病,若市井喧鬨然。 之,是爲苛刻。 古大臣坐事退者,必爲微其詞,所以養廉恥,存國體。 今或搜抉小疵,指爲大蠹,極言醜詆,使決引去。 至方面重臣,苟非甚奸慝,亦宜棄短錄 以此求人,國家安得全才而用 今或掇其已往, 揣彼未形, 長,為人

肯一言受過,何以責難君父哉。 臣不 ·爲奏覆,卽憤然不平;雖同 言官能規切人主,糾彈大臣。 列明知其非,亦莫與辨,以爲體貌當如是。 是為求勝 至言官之短,誰爲指之者。今言事論人或不當,部 夫臣子且不

比之私,還淳厚之俗,天下幸甚。 事之人進,則忠直貞諒之士遠,而頌成功、譽盛德者日至於前。 失,孰從聞之。 此四弊者,今日所當深戒。 蓋宰相之職,不當以救時自足,當以格心爲本。 然其要在大臣取鑒前失,勿用希指生事之人。 願陛下明飭中外,消朋 大臣任己專斷, 希指生 卽 闕

疏奏,下所司。 列 傳 第 百 Ξ 烘惡其刺己,甫三日,出爲寧夏僉事。 汪 文 輝 修屯政,蠲浮糧,建水牐,流亡漸 五六八七

快當路之私,我固不肯為,諸君亦不可也。」於是緩其事。 歸。 御史富平孫丕揚忤拱,爲希指者所劾。 方行勘,文輝抗言曰:「毛舉細故、齮齕 未幾,劾者先得罪去,丕揚竟 正人,以

神宗嗣位,拱罷政,召爲尚寶卿。 尋告歸。 **久之**,有韶召用。 未赴卒。

郷。 進員 劉奮庸,洛陽人。 (外郎。 穆宗卽位,以舊恩,擢尚寶卿。已,藩邸舊臣相繼柄用,獨奮庸久不 嘉靖三十八年進士。授兵部主事。 專改禮部兼翰林待詔, 侍穆宗裕 調。

大學士高拱亦故講官也,再起任事,頗專恣,奮庸疾之。 陛下踐阼六載,朝綱若振飭,而大柄漸移,仕路若肅清,而積習仍故。 隆慶六年三月上疏日 百僚方引領

以親勵精之治,而陛下精神志意漸不逮初。 臣念潛邸舊恩,誼不忍默。 **謹條五事**, 以

俟英斷。

望凝神定志,忍性 、保聖躬。 人主一身,天地人神之主,必志氣清明,精神完固,而後可以御 |抑情,毋逞旦夕之娛,毋徇無涯之慾,則無疆之福可長保也 萬幾。

一、總大權。 今政府所擬議,百司所承行,非不奉詔旨,而其間從違之故,陛下曾 列傳第一百三 劉奮庸

庶府 獨 斷否乎? 建白 閣 國事之更張,人才之用含,未必盡出忠謀,協公論。 臣 擬旨 ,特留清覽,時出 獨 斷 列 臣 下莫 能 測 其機,而 臣願陛 政 柄 下躬攬 不 ·致旁 万落矣 大權,凡

益 御 器 用 三、愼 貴 悉 異 物,則 鏤 、儉德。 金雕 國用 玉。 陛下嗣位 **充羡,而民樂其** 生財 、甚難 以來 摩 ,傳旨取銀不 敝 生矣。 無紀。 下 願 一察內帑之空虛,思小民之艱苦,不作無 數十萬,求珍異 之寶, 作鰲山 之燈, 服

則 權 好蔽 更化善治。 四 壅,勢自此 **覽**章 奏。 聽言者旣見之行 成。 人臣 望陛下留神章奏,曲 進言,豈能皆當。 事,而進言者 陛下一 垂容納。言及君德,則反己自修,言及朝政, 益樂於効忠矣。 切置不覽,非惟虚忠良獻納之誠,抑恐

願 爲 恕狂愚之罪,嘉批 之;非若承望風旨,肆攻擊以雪他 五 、用忠直。 邇歲進諫者,或以勤 一鱗之誠,登之有位,以作 人之憤,迎合權 政,或以節 士氣,則讜規日聞,裨益 用,或 要,交薦拔 以進賢退不肖,此皆無所利而 以樹淫 非 勘 朋之黨 者比也。

涂 事,陽 忠報國 夢桂 疏 爲二臣祈寬。 、萬世 逐劾奮庸 入,帝但報聞,不怒也。 水賴 動搖 了

奮庸與大

生漸構

姦謀,

傾陷

元輔,

罪不可

勝誅。 帝 國是。 不許,竟謫大埜乾州判官,奮庸興國知州。 會給 而 事中曹大埜亦 附拱者謂奮庸 劾拱 久不徙官,怏怏 + 罪, 帝斥之。 風 (刺)相 夢桂、文皆拱門生。 章並 給事 下 與詆訾之。 吏部。 中程文因奏拱竭 拱方掌部 給事 中

極抵奮庸,文則盛稱頌拱,又盡舉大埜奏中語代拱剖析,士論非之。

奮庸謫官兩月,會神宗卽位,遂擢山西提學僉事。 再遷陝西提學副使。 以病乞歸,卒。

大埜, 巴縣人。 其劾拱,張居正實使之。 萬曆中,累遷右副都御史,巡撫江西。

劾舜。

言路諸臣,而考其得失,當於是觀之。 無當,與其心之不能無私,言愈多,而國是愈益淆亂也。 贊曰:世宗之季,門戶漸開。 居言路者,各有所主。 汪文輝所陳四弊,有旨哉!論明季 故其時不息其不言,息其言之冗漫

校勘記

刑部侍郎詹瀚共鍛成夏言曾銑獄 四六詹公瀚墓誌、明進士題名碑錄正德 詹瀚,原作「詹翰」,據明史稿傳九四王治傳、 1 丑科改。 國朝獻徵錄卷

劾太和山守備中官呂祥 呂祥,原作「呂詳」, 據明史稿傳九四歐陽 一敬傳、 穆宗實錄卷一〇

十一月己亥,慈寧宮後舍火」。據改。

慈寧宮後延燒連房 慈寧宮,原作「慈慶宮」。按本書卷二九及明史稿志五五行志稱「萬曆元年

察					
	q	ष्ठ			
				# 2	
				æ	

明史卷二百十六

列傳第一百四

吳山 陸樹聲 子彥章 瞿景淳 子汝稷 汝說 田 儁

沈懋學

懋學 從孫壽民 黄鳳翔 韓世能 余繼登 馮琦 從祖惟訥 從父子咸

王 圖 劉曰寧 翁正春 劉應秋 子同升 唐文獻 楊道賓

許士柔 顧錫疇

陶望齡

李騰芳

蔡毅中

公鼐

羅喻義

姚希孟

吳山,字曰靜,高安人。嘉靖十四年進士及第,授編修。 累官禮部左侍郎。 三十五年

改吏部。 Щ 與嚴嵩鄉里。 尋代王用賓爲禮部尙書。明年加太子太保。 嵩子世蕃介大學士李本飲山,欲與爲婚姻。

列 億 第 百 四 吳 IJ. 山不可,世蕃不悅而罷。 五六九三

禮監黃錦嘗竊語山曰:「公他日得爲編氓幸矣;王之藩,非帝意也。」 激於郭希顏疏,欲覘人心,諷山留王。山曰,「中外望此久矣」,立具儀以奏,王竟之藩。 山山 帝 一欲用山 執不與。裕、景二邸並建,國本未定。三十九年冬,帝忽諭禮部,具景王之藩儀。 一內閣 ,嵩密阻之。 府丞朱隆禧者,考察罷官,獻方術,得加禮部侍郎。 及卒請卹, 嵩知帝 司

又惡專劾山,乃幷吏部尚書吳鵬劾之。 謂山守禮無罪,而責禮科對狀。 賀,侍郎袁煒亦爲言。山仰首曰:「日方虧,將誰欺耶。」仍捄護如常儀。帝大怒,山引罪。帝 名,停東華俸。 穆宗即位,召爲南京禮部尚書,堅辭不赴。卒,贈少保,諡文端。 明年二月朔,日當食,微陰。曆官言:「日食不見,卽同不食。」嵩以爲天眷,趣部急上 嵩言罪在部臣。 給事中李東華等震懼,劾山,請與同罪。帝乃責山賣直沽 帝乃貰東華等, 詔鵬致仕,山冠帶閒住。 命姑識山罪。 吏科梁夢龍等見帝怒山甚, 時皆惜山而深快鵬之去。

司業。 書。 舉嘉靖二十年會試第一。 陸 樹聲,字與吉,松江華亭人。初冒林姓,及貴乃復。 未幾,復請告去。 起左諭德,掌南京翰林院。 選庶吉士,授編修。三十一 葬召還春坊,不赴。 年請急歸。 家世業農。 遭父喪,久之起南京 樹聲少力田,暇即讀 久之, 起太常卿,

掌 南京祭酒事。 嚴敕學規,著條教十二以勵諸生。 召爲吏部右侍郎,引病不拜。

再起故官,不就。神宗嗣位,即家拜禮部尚書。

以 德,攬魁柄,別忠邪。 許之,樹聲力爭。 專詣政府。見席稍偏,熟視不就坐,居正趣爲正席。其介介如此。 得樹聲爲重,用後進禮先謁之。 初,樹聲屢辭朝命,中外高其風節。 歲終,陳四方災異,請帝循舊章,省奏牘,愼賞賚,防壅蔽,納讜言,崇儉 詔皆嘉納 樹聲相對穆然,意若不甚接者,居正失望去。一日以公 遇要職,必首舉樹聲,唯恐其不至。張居正當國 北部要增歲幣,兵部將

聞 壓知其意,連疏乞休。 此 朝,陳時政十事。 出 [之目:「一史官、去國二十年、豈復希揆席耶?且虚拘何益。」其冬請愈力、乃命乘傳歸。辭 .國門,士大夫傾城追送,皆謝不 萬曆改元,中官不樂樹聲,屢宣詣會極門受旨,且頻趣之。 語多切中,報聞而已。 居正語其弟樹德曰:「朝廷行相平泉矣。」平泉者,樹聲別號也。 見。 居正就邸舍與別,問誰可代者。 比趨至,則曹司常事耳。 舉萬士和 林嫌。 樹聲 樹

拱 子 少保,再遣 則 同 樹 聲端 年 生。 介恬雅,翛然物表,難進易退。 存問。 兩 人 相繼柄國,皆辭疾不出。 弟樹德,自有傳。 子彥章,萬曆十七年進士。 通籍六十餘年,居官未及 爲居正 所推,卒不附也。 樹聲誠 已,給 紀。 毋就館選,隨以行 與徐階 廩 隸 如 同 制 里,高 ·· 加太

列

人終養。 詔給月俸,異數也。 樹聲年九十七卒。 贈太子太保,諡文定。 彦章有節概, 官至

南京刑部侍郎。

瞿景淳,字師道,常熟人。八歲能屬文。久困諸生間,教授里中自給。嘉靖二十三年

舉會試第一,殿試第二,授編修。

幣, 景淳却之。時恭順侯吳繼爵爲正使。 鄭王厚烷以言事廢,徙鳳陽。景淳奉敕封其子載堉爲世子,攝國事。 已受幣,慚景淳,亦謝不納。 旣而語景淳曰:「上 世子 內懼, 贐 重

遣 ·使密詢狀,微公,吾幾中法。」滿九載,遷侍讀,請急 歸。

江南

久苦倭,

平。 胡總督才足辦,南中人短之,何也。」景淳正色曰:「相公遙度之耳。景淳自南來,目覩

總督胡宗憲師未捷。景淳還京,謁大學士嚴嵩。

嵩語之曰:「倭旦夕且

倭患。 胡君 坐擁十萬師, 南中人不得一安枕臥。相公不欲聞,誰爲言者。」嵩愕然 謝之。

部 左侍郎。 歷 一侍讀學士,掌院事。 用總校永樂大典勞,兼翰林院學士,支二品俸,侍經筵,修嘉靖實錄。 改太常卿,領南京祭酒事,就遷吏部右侍郎。隆慶元年召爲禮

疏

乞骸骨歸。

踰年卒。贈禮部尚書,諡文懿。

爲編修時,與制誥。 錦衣陸炳先後四妻,欲封最後者。 屬景淳撰詞,不可。 介嚴嵩爲

請,亦不應。橐金以投,卒笑謝之。

州 殺。[] 挟宗人,神宗令予重比。 知府,徙邵武,再守辰州。 汝說字星卿。 子汝稷、 汝稷馳檄元錦解兵去,三土司皆安。尋遷長蘆鹽運使,以太僕少卿致仕。 汝說。 五歲而孤。構文成,輒跪薦父木主前。 汝稷,字元立。 汝稷曰:「是微服至邑庭,官自挟扶溝民耳。」讞上,竟得釋。 永順土司彭元錦助其弟保靖土司象坤,與酉陽冉躍 好學,工屬文,以廕補官。 萬曆中舉進士,官至湖廣提學愈 三遷刑部主事。 尋卒。 扶溝知縣 龍 歴 黄 相 讐

事。 亦以剛正聞。 子式耜,別有傳。

疏 年,吳中行攻張居正奪情,趙用賢等繼之,居正怒不測。 教、格不入。乃會王錫虧等詣居正,陳大義。一儁詞尤峻,居正心嗛之。 田 僑, 字德萬, 大田人。隆慶二年會試第一。選庶吉士, 授編修, 進侍講。 萬曆五 一備偕侍講趙志卓、修撰沈懋學等 未幾,志皐等皆

列傳第一百四 瞿景淳 田一僑

五六九八

居 IE 歿 ,起故官。 屢遷禮部左侍郎,掌翰林院。 辭疾歸,未行卒。

鼠貲。 贈禮部尚書。

置機杼敎之。 懋學,字君典,宣城人。父寵,字畏思。 調獲鹿,徵授御史,官至廣西參議。師貢安國 嘉靖中舉鄉試,授行唐知縣。 、歐陽德,又從王畿、錢德洪游。 以民不諳織絍,

知

府羅汝芳創講會,御史耿定向聘寵與梅守德共主其席。

安足知之。」幼滋初講學,盗虚名,至是縉紳不與焉。 曰:「若所言、宋人腐語、趙氏所以不競也。 張公不奔喪、與揖讓征誅,並得聖賢中道,豎儒 入,乃三貽書勸嗣修諫,嗣修不能用。以工部尚書李幼滋與居正善,復貽書爲言。幼滋報 懋學少有才名。舉萬曆五年進士第一,授修撰。居正子嗣修,其同年生也。 懋學遂引疾歸。 居數年,卒。 疏旣格不 福王時,

追諡文節。

都,疏劾兵部尚書楊嗣昌奪情。 二百八十餘萬。 從孫壽民,字眉生,爲諸生有聲。崇禎九年行保舉法,巡撫張國維以壽民應詔。 使賊面縛輿櫬,猶應宣布皇威,而後待以不死,今乃講盟結約,若與國然。 復攻總督熊文燦,言:「嗣昌挈軍旅權,付文燦兵十二萬,餉 甫入

居正 孝. 嗣 壽 何等事 事 歸 子祭酒。 皇恐待 民 昌 日敬父母遺體 可爲鑒戒者,令誦習之。世宗實錄成,進修撰。 ,不復出。 萬曆 二子會試,示意,鳳翔峻却之。 黄鳳 ·疏有「大鍼妄陳條畫,鼓煽豐苣」語,必欲殺之。 名動天下。 時方較刻十三經註疏,鳳翔言:「頃陛下去貞觀政要,進講禮經, ,在朝者不言而草野言之,吾輩愧死矣。」後道周及何楷等相繼抗 罪。 列 省母歸,起補北監。 翔,字鳴周,晉江人。隆慶二年進士及第,授編修。教習內書堂,輯前史宦官行 五 年,張居正奪情,杖諸諫者。 帝以疏違式, 未幾移疾去,講學姑山,從游者數百人。 ,則當思珍護聖躬。 命勿進。 當主南畿試,以王篆欲私其子,復謝不往。 |壽||民 誦學記言學然後知不足,則當思緝熙聖學。 [遂檃括兩疏上之,留中。 鳳翔不平,誦言於朝,編纂章奏,盡載諸諫疏。 壽民乃變姓名避之金華山 福王 一時, 少詹事黃道周 阮大鋮用事。 甚善。 五六九九 疏,要自壽民發之。 陛下讀曾子論 屢遷南京國 一数日

傅

第

百

四

黄 鳳

翔

察月令篇

及

天下有授柄於賊,而能制賊者乎。」通政張紹先寢不上。

壽民以書責,紹先乃請上裁,嗣

昌

此

銜壽民劾

或

功 114 一時敷政、法天行健,則可見聖治之當勤勵。釋世子篇陳保傅之敎、齒學之儀,則可見皇

儲之當早建豫敎。」疏入,報聞。

齋醮之祈禳,何一不糜內帑。與其要福於冥漠之鬼神,孰若廣施於孑遺之赤子。」帝不能 舊額,積成常供。陛下富有四海,奈何自營私蓄。竊見都城寺觀,丹碧熒煌,梵刹之供奉, 欲積縑二百萬,易遼人首,太宗移內藏上供物,爲用兵養士之資。今戶部歲進二十萬,初非 皆中寢。 攘。爲今大計,惟用人、理財二端。宋臣有言,『平居無極言敢諫之臣,則臨難無敵愾致命之 鄩 鄒元標直聲勁節,銓司特擬召用。其他建言遷謫,如潘士藻、孫如法亦擬量移,而疏 擢 士氣日摧,言路日塞,平居祇懷祿養交,臨難孰肯捐驅爲國家盡力哉。昔宋藝祖 禮部右侍郎。洮、河告警,抗疏言:「多事之秋,陛下宜屛游宴,親政事,以實圖安

于慎行、左侍郎李長春以册立儀上。 廷臣爭建儲,久未得命,帝諭閣臣以明春舉行。大學士王家屛出語禮部,鳳翔與尚書 帝怒,俱奪俸,意復變。鳳翔又疏爭,不報,遂請告去。

用。

部尙書。以養親歸。再起故官,力以親老辭。久之母卒,遂不出,卒於家。天啓初,諡文簡。 二十年,禮部左侍郎韓世能去,張一桂未任而卒,復起鳳翔代之。尋改吏部,拜南京禮

筵 日辯官。 世 能 ,字存良,長洲人。 歷侍讀 祭酒、 禮部侍郎、敎習庶吉士。 鳳翔同年進士。 由庶吉士授編修。 館閣文字, 是科爲最盛。 與修世宗、穆宗實錄,充經 世能嘗使朝

鮮,贈遺一 無所受。

宮災,偕諸講官引洪範五行傳切諫。 疑講義,傅以時政缺失。歷少詹事兼侍讀學士,充正史副總裁。已,擢詹事掌翰林院。 講 經筵。尋進右中允,充日講官。時講筵久輟,侍臣無所納忠。 余繼登,字世用,交河人。萬曆五年進士。改庶吉士,授檢討。 不報。進禮部右侍郞 繼登與同官馮琦共進通 與修會典成,進修撰,

郊祀、廟享,册立元子,停礦稅,撤中**使**。 Щ̈ 繼登於歲終類奏,因請罷一切誅求開採之害民者。 一十六年,以左侍郎攝部事。 陝西、 帝優詔報聞而 山西地震,南都雷火,西寧鐘自鳴,三紹興地湧 己。 時不能用。雷擊太廟樹,復請帝躬

也。 星躔失度,水旱爲沴,太白晝見,天不和 間閣 旋擢本部尚書。 第困 `更加誅求`帑藏空虚`復責珠寶、奸民蟻聚、中使鴟張、中外壅隔,上下不交**,** 時將討播州楊應龍。 也 繼登請罷四川 鑿山 開 礦,裂 地求砂 礦稅,以佐兵食。 了致狄道山崩地震,地不和 復上言:「頃者

列

傳

乎。」帝不省。 和也。 臣子不能感動君父,言愈數愈厭,故天以非常之變,警悟陛下,尚可恬然不爲意 戾氣! 一凝而不散,怨毒結而成形,陵谷變遷,高卑易位,是爲陰乘陽、邪干正、下叛

「大禮不舉,吾禮官死不瞑目。」病滿三月,連章乞休,不許。請停俸,亦不許。 繼登自署部事,請元子册立冠婚。疏累上,以不得請,鬱鬱成疾。每言及,輒流涕曰: 竟卒於官。

贈太子少保, 諡文恪。

涌徑。 繼登樸直愼密,寡言笑。當大事,言議侃侃。居家廉約。學士曾朝節嘗過其里,蓬蒿 及病革,視之,擁粗布衾,羊毳覆足而已。幼子應諸生試,夫人請爲一言,終不可。

掌翰林院事。 預修會典成,進侍講,充日講官,歷庶子。三王並封議起,移書王錫爵力爭之。進少詹事, 馮琦,字用韞,臨朐人。幼穎敏絕人。年十九,舉萬曆五年進士,改庶吉士,授編修**。** 遷禮部右侍郎,改吏部。涖政勤敏,力抑營競,尙書李戴倚重之。

二十七年九月,太白、太陰同見於午,又冰道山崩,平地湧大小山五。琦草疏,偕尚書

下 垂 拱 賦 額 中 近 有 見太陰經天,太白晝見,已爲極異。 之,而 視 二十年以前 今再 見也。 + 竊惟 增其四。 上天 無私, 而 民 戶殷足者, 至 惟民 山陷成谷,地湧成 是聽。 則十減 欲 承 天 其五 意, 八山,則 當順 自開 東 征 民 西討 闢 心。 以 來惟 比 蕭 來 然 文 唐

苦兵。

哱拜 呼則 聞 於 事。 毒 困。 下 此 奏 害。 務 欲 何 非 、誅,關 徵 剝 易 小 貧 細 愛民,而 自 則民 兵, 民 或 者 動 小 故 礦 う一動 累足屏息,無地 家 民, 陷 也。 稅使出,而民間之苦更甚。 .白死,此皆募民丁以爲兵,用民財 於何 之怨苦,居然可覩。 以 無儲蓄,惟恃 彼專害民。 畫有 漏 諸 則難安。 取餉哉! 稅竊礦, 中 成謀,假中官行 使銜 命而: 得容。 經營。 蓋近 今日猶 或誣之販 陛 一式遣忠實親信之人,采訪都城內外,閭 出,所 日 天心仁愛,明示咎徵,誠欲陛下翻然改悟,坐弭禍亂。 承平,民已洶 利 神 但 之。 奸 歸羣奸,怨萃朝宁。 奪其數錢之利,已絕 隨 鹽 有 加以水旱蝗災,流離載道,畿輔近地, 奸 盜 運 二.其一工伺上意, 徒,動 木。 機 如 布成 以爲餉。 洶,脫有 以千百。 鬼蜮,取 詭計 風塵之警,天下誰 若 ,聲勢赫 夫以刺骨之窮,抱傷 其 財 唑 一方窮民倡亂,而 一日之生。 盡 下欲通商, 具有 錙銖。 然。 成奏,假武 遠近 及 而彼 其 至於富民, 巷歌謠,令一一 可保信者。 得 同 專 財 嗟, 盗 四面 弁上之; 心 困 之痛,一 賊公行, 寂然 貧富 商。 應之, 更蒙 交 其 陛 無 夫

狡猾 叉將 下 例 方 明 萬 閰 正 天 一 而 者。 此 額 穆 外 欲 1 創 陳訴 然遠覽,亟 之流 延 猶 無 乃 先沒 事之必不可 借使 禍多 礙 例 禮 逋 ····· 而 官 · 操生 部 入貲財者也。 何從得羨。 臣 人。 有之,亦當下 銀 修 奸 等前 省 與廷臣 殺之柄。 人之奏又得旨矣。五 但 ī之章: 夫四 者也。 有株 方錢 未蒙批答, 上共圖 此令一下, 連,立 片紙 此 叉如 撫按覈 穀 修弭,無令海內 風 心,皆有 朝 見敗滅。 仇世亨奏徐鼐掘 倡, 入,嚴 勘 而奸民搜括之奏又見允行, 定 趣督嚴急, 日之內,搜取天下公私金銀 孰不效尤。 先正 額,無礙 命夕傳, **辇**载之下尚須三覆,萬里之外 日增,不至民困 其盜墓 赤子結怨熙朝,千秋青史貽譏 必將 云者,意蓋指 墳 縦抱深 已同告緡之令, 之罪,而後沒墓中 事, 分公帑 冤, 以 以充 財殫,激大亂不 理 誰敢辨理。 經 而 費羨餘。 如 獻。 論 納 已二 叉開 何 之藏。 鳥 經費罔措, 其 百萬。 有 告密之端。 止 近者 不 賢妄說,令編解 據單 聖德。 但破 墓 此 未有 奸 征 詞 一藏黃 此 內生奸, 調 伏 還派 罪 諸族, 頻仍, 望 臣等 狀 遂令 金 民 陛 未 巨

不報。

乃克濟。

詞 琦 尋 日:「 轉左侍郎,拜禮部尙書。 今日禮爲重,不可與爭。」其弟戶部主事暖適輦餉銀四萬出都,琦立追還,給費, 帝將册立 東宮,詔下期迫,中官掌司設監者以供費不給爲

西 不 「梁永、 納。 三十 湖 雲南楊榮, 廣 年,帝有疾,諭停礦稅,旣 稅 監陳 奉以虐民撤還,會陝西黃 肆虐不減於奉, 而 並乞徵還,皆 悔之。 河 琦與 竭 ,琦言遼東高 同列合疏爭,且請躬郊 示報。 南京守備中官邢隆請別 淮、山 東陳增、 廟祭享,御殿受朝, 廣 東 給關 李 鳳 防 徴 陜

時 士大夫多崇釋氏 前牙關防給之。 敎,士子 作文每竊其緒言,鄙棄傳註。 前尚書余繼登奏請約禁,然

稅

琦不

可

,乃以御

習 尚 如 故。 琦 乃復 極 陳其弊,帝 爲 下 詔 戒厲。

奏,補缺官,推誠接下,收拾人心。 賡 朱 或 祚 琦 琦 及琦 明習 素善病,至是篤。 1典故 而 沈一貫密揭,言二人年未及艾,盍少需之,先用老成者。 ,學有根柢。 十六疏乞休,不允。 數陳讜 語極懇摯。 一論,中外想望丰采,帝亦深眷倚。 卒於官,年僅 帝悼惜之。 贈太子少保。 四十六。 遺疏請属明 內閣缺人,帝已簡用 天啓初 乃改命沈鯉、朱 諡 作,發章 文敏。

使,加光祿卿致仕。 副使。 自 琦曾祖裕以下,累世皆進士。 俗,字伯順,以戍籍生於遼東。 祖惟重,行人。父子履,河南參政。 惟重、惟健、惟訥皆有文名,惟訥 從祖 最著。 惟健,舉人,惟訥,字汝言,江西左布政 師事質欽,有學行。終

惟健子子咸,字受甫。 少孤,事母孝。 母疾,不解衣者踰年。 母殁,哀毁骨立。 萬曆元

列

年 恒則退。」治家宗顏氏家訓。 舉於鄉。 再會試不第,遂不復赴。 鍾羽正稱「子咸信道忘仕則漆雕子,循經蹈古則高子羔」云。 講求濂、洛之學,嘗日:「爲學須剛與恒。 不剛則隳,不

事。 召充東宮講官。「妖書」事起,沈一貫欲有所羅織,圖,其敎習門生也,盡言規之。 王圖 ,字則之,耀州人。 萬曆十一年進士。 改庶吉士,授檢討,以右中允掌南京翰 林院

者 論 臣附東林及李三才者,往往推轂圖兄弟。會孫丕揚起掌吏部, ,設詞惑丕揚,令發單咨是非,將陰爲鉤黨計。 益歸圖 諸不悅圖者,目爲秦黨。 累遷詹事,充日講官,敎習庶吉士。 葉向 高獨相久,圖旦夕且入閣,忌者益衆。 而是時郭正域、劉曰寧及圖並 進吏部右侍郎 圖急言於丕揚,止之。 適將京察,惡東林及李三才、王元翰 ,掌翰林院。 有 相望。 孫瑋 以尚書督倉場,皆陝西 兄國,方巡撫保定。 正域逐去,日寧卒,時 羣小大恨。 廷

黨欲 道南欲劾賓 京察,當圖注考,思先發傾之。 傾賓 初,圖 尹幷及圖,宜善爲計。 典庚戌會試。 尹 ア,以圖 沮 而 此。 分校官湯賓尹欲私韓敬, 王紹徽者,圖同郡人,賓尹門生也,極譽賓尹 乃與紹徽計,令御史金明時刻圖子寶坻知縣淑抃贓私 圖正色却 之,紹徽怫然去。 與知貢舉吳道南盛氣相詬 時賓尹已爲祭酒,其先歷翰林 於圖, 淬。 而言道南 此 出聞

易輩 且謂 其官,明時亦被黜。 爲 淑 ,連章力攻圖。 抃 國素疾李三才,圖爲求解,國怒詈之,圖遂欲以拾遺去國。 劾國疏,播之**邸** 圖 由是其黨大課。 [亦連章求去,出郊待命。 抄。 圖 上疏言狀,帝爲下 秦聚奎、朱一桂、鄭繼芳、徐兆魁、高節、 溫韶 詔購捕,乃已。 屢慰留, 堅臥不起, 圖兄弟抗章力辯,忌者復爲 及考察, 卒注實升 九閱 王萬 月始予告歸 不 祚 謹 曾陳 褫

尋卒。 **崇禎初,贈太子太保,諡文肅。** 淑抃終戶部郎 中。 , 魏忠賢黨劉弘先劾圖,遂削籍。

進禮部尙書,協理詹事府。

明年

國亦乞休去,未幾卒。

四十五年京察,當事者多賓尹

、紹徽黨,以拾遺落圖

職

天

、啓三年召起故官。

事,母 掌南京翰林院,就遷國子祭酒。 憤 講 幄 上疏,陳六疑四患,極言稅監李道、王朝諸不法狀。 劉 喪不赴。 時册立未舉,外議紛紜。 日寧,字幼安,南昌人。 服闋,召爲禮部右侍郎,協理詹事府。 萬曆十七年進士。 奉母 日寧旁慰曲喻,依於仁孝,光宗 歸,吏進贏 金數千,曰「例也」,曰寧峻却之。 改庶吉士,授編修。 疏入,留中。 道卒。 贈禮部尚書。 心識之。 以母 進右中允,**直皇長子** 病歸。 礦 使使 天啓初, 四 起右 出,日寧發 尋起少詹 1諭德, 追諡

翁 正春,字兆震,侯官人。萬曆中,爲龍溪敎諭。二十年擢進士第一,授修撰,累遷少

詹事。

之便,否亦宜詔福建撫臣量留土物,毋俾入朝。」帝是之。 渭卒得立。 官往擇地,得吉。中官難以煩費,正春勃然曰:「貴妃誕育元良,他日國母也,奈何以天下儉 乎?」奏上,報可。 定之後,「三其支庶宜止本爵。乃授鎭國將軍。王貴妃薨,久不卜葬,正春以爲言。命偕中 民命,重邊防。帝不省。吉王翊鑾請封支子常源爲郡王。正春言翊鑾之封在宗藩條例已 明年秋,萬壽節,正春獻八箴:曰淸君心,遵祖制,振國紀,信臣僚,寶賢才,謹財用,恤 三十八年九月拜禮部左侍郎,代吳道南署部事。十一月,日有食之,正春極言闕失,不 琉球中山王遣使入貢,正春言:「中山已入於倭,今使臣多倭人,貢物多倭器,絕 代王欲廢長子鼎渭,立次子鼎莎,朝議持二十餘年。正春集衆議上疏,鼎

帝雖慰留,然自是不安其位。尋改吏部,掌詹事府,以侍養歸。 官發湯賓尹、韓敬科場事。 謫之麟,而不及主考官。給事中趙興邦、 元詩教因劾正春徇私。 四十年,進士鄒之麟分校鄉試,私舉子童學賢,爲御史馬孟禛等所發。 正春坐敬不謹,敬黨大恨。 詩教復劾正春,正春疏辯,益求去。 正春求去,不許。 正春議黜學賢, 頃之,言

列 傳 第 百 四 翁 Œ 忢 劉 應 秋

希指 劾之,正春再疏乞歸。 天啓元年起禮部尚書,協理詹事府事。 帝以正春嘗爲皇祖講官,特加太子少保,賜敕馳 抗論忤魏忠賢,被旨譙責。 明年,御史趙胤昌 傳 異 數 也。

IF. 春 年逾七十,母百歲,率子孫奉觴上壽,鄉閭豔之。 未幾,卒。 崇禎 初,諡 文簡

目 職官冠廷對者二人:曹鼐以典史,正春以教諭 正 春 風 度峻整,終日無狎語。 倦不 傾倚,暑不裸程,目 云。 無流 視。 見者肅然。

明一代,科

時

劉 應秋,字士和,吉水人。 萬曆十一年進士及第,授編修,遷南京司業。

喜聞 僚。 競於險。 說 蔽。 言入寇』,豈朓、河以内,盡皆番地乎。輔臣者,天子所 者謂嘉靖至今,士風三變。一變於嚴嵩之黷賄,而士化爲貪。再變於張居正之專擅,而士 故近 捷 賊大舉入犯,旣掠洮、岷,直迫臨、鞏,覆軍殺將,頻至喪敗,而時行猶曰**『掠番** 十八年冬,疏論首輔申時行言:「陛下召對輔臣,諮以邊事,時行 而 至於今,外逃貪黷之名,而頑夫債帥多出門下,陽避專擅之迹,而芒刃斧斤倒持手 日敵情有按臣疏而督撫不以聞者, 惡言敗,故內外相蒙,恬不爲怪。 欺蔽 有督撫聞而樞臣不以奏者。 之端,自輔臣始。 與託腹 心者也。 夫士 不能抒誠謀國,專事蒙 輔 颪 臣先蒙蔽, 高下,關乎氣運, 彼習見執政大臣 』,日『聲 何責 庶

筒。 中。 時主事蔡時鼎、南京御史章守誠亦疏論時行。四並留中。 威福之權,潛移 其向;愛憎之的,明示之趨。 欲天下無靡,不可得也。」語幷侵次輔王錫 應秋尋召爲中允, 充日講

官。

歷右庶子、祭酒

順 何必 應秋詈卷啓天子好利之端。 黨宜留。 時,贈禮部侍郎,諡文節。 置死 二十六年有撰憂危竑議者,御史趙之翰以指大學士張位,幷及應秋。 地。 帝命調外,應秋遂辭疾歸。 時詞臣率優游養望,應秋獨好譏評時事,以此取忌,竟被黜。 男子諸龍光奏訐李如松,至荷枷大暑中。 初,御史黃卷索珠商徐性善賕,不盡應,上章籍沒之。 應秋言一妄人上書, 所司言應秋非位 歸數年,卒。

爲,而後可以有爲。 怛,上告君父,辭줲綸扉;乃循例再疏,遽入辨 聖 言之俱獲罪,同升抗疏言:「日者策試諸臣,簡用嗣昌,良以中外交訌 十有一。」帝曰:「若尙 一明用 子同升,字晉卿。 心,亦甚苦矣。 臣以嗣昌所忍,覘其所爲,知嗣昌心失智短,必不能爲國 如少年,勉之。」授翰林修撰。 都人籍籍謂嗣 師同 里 鄒 元標。 昌縗絰在身,且入閣非金革 崇禎 十年, 事。 夫人有所不忍,而後能及其所忍,有 殿試第一。莊烈帝問 楊嗣昌奪情入閣 比。 一、冀得 何楷、 臣 以嗣 年 、林巓友、黃道周 一效,拯我蒼生, ·幾何, 建功。 昌 必且哀 對 何也? 日 所不 痛惻

藻、高 芍 成 此 爨自陛 了緘口全軀,嗣昌得罪名教,臣亦得罪名教矣。」 疏入,帝大怒,謫<u>福建按察司</u> 且富貴。 (天下之事在乎志,勝天下之任在乎氣;志敗氣餒,而能任天下事,必無是理。 起潛輩扶同罔功,掩敗爲勝。 下切責議和,而嗣昌不可以爲臣。 兼樞部以重綸扉之權, 歲糜金繒,養患邊圉。立心如 借綸 扉爲解樞部之漸 今一旦忽易墨縗,而嗣昌不可以爲子。 和議 此,獨不畏堯、舜在 自 專, 票擬 由 知事 己。 伎倆已窮, 若附 上乎? 與方一 移疾 和黨

南、籟,十二月卒於贛州。 江 JĿ 一,加詹· **雩都,與楊廷麟謀** 福 王 事 立,召起故 兼兵部左侍郎。 興復。 官,不赴。 唐王加同升祭酒。 同升已羸疾,日與士大夫講忠孝大節,聞者咸奮。 明年五月,南都不守,江西郡縣多失。同升攜家將 同升乃入贛州,偕廷麟籌兵食。 以廷麟請,無 取吉安、臨 入 、福建,

歸。

廷臣屢薦,將召用,而京師陷。

唐文獻,字元徵,華亭人。萬曆十四年進士第一。授修撰,歷詹事 o

貫曰:「郭公將不免,人謂公實有意殺之。」一貫跼蹐,酹地若爲誓者。 沈 一貫以「妖書」事傾尚書郭正域,持之急。 文獻偕其僚楊道賓、周 文獻曰:「亦知公無 如砥、 陶望齡往見

列

之,拜禮部

右侍郎,掌翰林院

事

廣不 意殺之也,第臺省承風下石,而公不早訖此獄,何辭以謝天下。」一貫斂容謝之。 為救,亦正 色責以大義,願 棄官與正域 同死。 獄得稍解。 然文獻等以是失政 府意。 望齡見朱

考察。 出 · 資給其湯藥。 初,文獻出 執政欲庇一人、執不許。卒官。贈禮部尚書、諡文恪。 趙用賢門,以名節相矜許。 荆州推官華鈺忤稅監逮下詔獄,公文獻力周旋,得無死。 同年生給事中李沂劾張鯨被廷杖,至文獻掖之 掌翰林日,當

民 言:「天之視聽在民。 帝 講 部 夙 心。」帝不 ·優旨報聞。皇太子輟講已四年,道賓 興夜寐,以圖治功。 大典,皆不報。 右侍郎,掌翰林院事。轉左,改掌部事。 楊道賓,字惟彥,晉江人。萬曆十四年進士第二,授編修。 聽。 踰年卒官。 南京大水,疏陳時政。略言:「宮中夜分方寢,日旰未起,致萬幾怠曠。 今民生顚躓,無所赴愬,天若代爲之鳴。 時御便殿,與大臣面決大政。章疏及時批答,毋輒留中及從內降。」 贈禮部尚書、諡文恪 極諫,引唐宦官仇士良語爲戒。其冬,天鼓鳴,道賓 嘗因星變請釋逮繫知縣滿朝薦等,又請亟舉朝 宜急罷礦使,更張闕政,以和 累遷國子祭酒,少詹事,禮 請

陶望齡,字周望,會稽人。父承學,南京禮部尙書。 望齡少有文名。 舉萬曆十七年會

試第 皆以講學名。 一,殿試 一甲第三,授編修,歷官國子祭酒。 卒諡文簡。 篇嗜王守仁說,所宗者周汝登。 與弟奭齡

能 書,謂子孫禍何也。」騰芳曰:「外廷正以公手書密揭,無由知其詳,公乃欲藉以自解。 也。」錫爵讀未竟,遽牽衣命坐,曰:「諸人詈我,我何以自明? 下 王封旣定,大典愈遲。他日公去而事壞,罪公始謀,何辭以解。 |使天子出公手書示天下乎。]|錫爵憮然淚下,明日遂反並封之詔。 騰芳爲書詣朝房投大學士王錫爵。略言:「公欲暫承上意,巧借封王,轉作册立。 ,騰芳,字子實,湘潭人。萬曆二十年進士。改庶吉士。好學,負才名。 如子言,我受敎。 此不獨宗社憂,亦公子孫 但我疏 三王並封旨 然恐 異 必 親 日 禍

劾歸。 以浮躁謫江西都司理問。 時遂有[顧黨、李黨之目。 稍遷行人司正,歷太常少卿,掌司業事 詔論朝士擅去者罪,貶騰芳太常博士。 三十九年京察,復

騰芳與崑山顧天埈善。天埈險詖無行,爲世所指名,被劾去,騰芳亦投

屢遷左諭德。

芳驟遷。 光宗立,擢少詹事,署南京翰林院。 騰芳辭位,熹宗不許,竟以省母歸。 旋拜禮部右侍郎,敎習庶吉士。 天啓初,以故官協理詹事府,尋改吏部左侍 御史王安舜劾騰

列

郎。 起,丁憂進官,皆非制。 丁內艱, 加禮部尚 書以歸。 魏忠賢惡騰芳與楊漣同鄉。 御史王際達因論騰芳被察驟

崇禎初,再以尚書協理詹事府。 京師戒嚴,條畫守禦,多稱旨, 代何如寵掌部事。

遂削奪。

官。 贈太子太保。

貫疑出毅中手,爲鯉地,銜之。遂用計典,鐫秩去。 達,與首輔沈一貫不相能。 問:「讀書何爲。」對曰:「欲爲聖賢耳。」萬曆二十九年第進士,改庶吉士,授檢討。 移疾歸。四十五年,以浮躁鐫秩。 虐民,毅中取祖訓、會典諸書禁戒礦稅者,集爲二卷,注釋以上。大學士沈鯉於毅中爲鄕先 蔡毅中,字宏甫,光山人。祖鳳翹,平陽同知。 父光,臨洮同知。 而溫純參政河南,器毅中於諸生。至是爲都御史,疏侵一貫。一 起麻城丞。 旋以行人司副召擢尚寶丞。 毅中五歲通孝經。 時礦稅

漣劾魏忠賢得嚴旨,毅中率其屬抗疏言 天啓初,大起廢籍,補長蘆鹽運判官。 屢遷國子祭酒,擢禮部右侍郎,仍領祭酒事。

學校者,天下公議所從出也。 臣正與諸生講「爲君難」一 書,忽接楊漣劾忠賢疏,

齡,保左右扶持,盡心竭力。旣而少作威福,臺省劾奏,未聞舉朝公疏,神祖遂不動聲 **遵之。 瑾在武宗左右,言聽計從,一聞諸臣劾奏,夜半自起,擒而殺之。 神宗臨御方十** 在實錄。臣皆不必多言。但取至近至親如武宗之處劉瑾,神宗之處馮保二事,願皇上 君,其受權璫之害與處權璫之法,載在通鑑。我朝列聖受權璫之害與處權璫之法,載 奸璫爲忠,代之受過,合監師生無不捫心愁歎不已也。臣惟三代以後,漢、隋、唐、宋諸 色而戍保於南京。 合監師生千有餘人無不鼓掌稱慶。乃皇上不下其奏於九卿,而謂一切朝政皆親裁,以 今忠賢無保之功,而極瑾之惡。二十四罪,無一不當悉究。 舉朝羣臣欲於朝罷,

測哉。 跪以候旨,忠賢遂要皇上入宮,不禮羣臣。今又欲於視學之日,羣臣及太學諸生面叩 陳請矣,而皇上漫不經意。數日以來,但有及忠賢者,留中不發,如此蒙蔽,其中寧可 並著,與神祖媲美矣。 乞將漣疏發九卿科道從公究問,卽不加劉瑾之誅,而以處馮保之法懲之,則思

疏入,忠賢戟手大詢。 毅中乃再疏乞歸,不許。已,嗾其黨劾罷之。

毅中有至性。 方母病、盛夏思冰、盂水忽凍。 四歲父病,籲天請代。公車時,聞母喪,一慟嘔血數升, 廬居,有紫芝、白鳥、千鴉集墓之異。 終喪斷 卒, 贈禮部 酒肉,不

尚書。

一,改庶吉士,授編修。 公鼐,字孝與,蒙陰人。 屢遷左諭德,爲東宮講官。 曾祖奎躋,湖廣副使。父家臣,翰林編修。 進左庶子,引疾歸 **爾舉萬曆二十九年**

事。 筆指陳, 勒成信史。 蹟,別爲一錄。凡一月間明綸善政,固大書特書,其有聞見異詞及宮闈委曲之妙用,亦皆直 宮者爲小 心。 怪 異 至今追想,猶爲寒心。夫臣子愛君,存其眞不存其僞。 **迨龐、劉** 祇因大典遲回,於是繳還册立之後,有三王並封之事,憂危竑議之後, ,語多隱藏。 光宗立,召拜祭酒。 人,不向 之邪謀,張差之梃擊,而逆亂極矣。 恐因委巷之訛 東宮者爲君子。 臣雖不肖,竊敢任之。」疏入,不許。 |熹宗進||鼐詹事,乃上疏曰:「近聞南北臣僚,論先帝升遐一事,跡涉 傳,流爲湘山之稗説臣竊痛焉。 盡除朝士之淸流,陰翦元良之羽翼。批根引蔓,干紀亂 臣嘗備員宮僚,目睹狂謀孔熾,以 今實錄纂修在即,請將光宗事 皇祖 在昔,原無立 有國 本 攸 歸 一愛之 向東 關 之

責。 |天啓元年,
鼐以紀元甫及半載,言官獲譴者至十餘人,上疏切諫, 幷規諷輔臣。 專遷禮部右侍郎,協理詹事府, 充實錄副總裁。 鼐好學博聞,磊落有器識。 見魏忠 件旨,

賢亂政,引疾歸。

三才爲姻,徇私妄薦,遂落職閒住。 近輦穀,可朝發夕至也。」侍郎鄒元標趣使盡言,以言路相持而止。 初 ,廷議李三才起用不決,鼐颺言曰:「今封疆倚重者,多遠道未至。 未幾卒。 崇禎初,復官賜卹,諡文介。 後御史葉有聲追論鼐與 三才猷略素優,家

羅喻義,字湘中,益陽人。萬曆四十一年進士。改庶吉士,授檢討。 請假歸。

懲其倡者,乃已。 天啓初還朝,歷官諭德,直經筵。六年擢南京國子祭酒。 諸生欲爲魏忠賢建祠,喻義

莊 烈帝嗣位,召拜禮部右侍郎,協理詹事府。 忠賢黨輯東林籍貫,湖廣二十人,以喻義爲首。 尋充日講官, 敎習庶吉士。

豐財 庫圖 陳車戰之利。 尽獻之。 居其一。 喻義性嚴冷,閉戶讀書,不輕接一客。後見中外多故,將更不習兵,銳意講武事,推演 帝爲褒納。以時方用兵,而督撫大吏不立軍府,財用無所資,因言:「武有七德, 帝下軍府議於所司,令喻義自製戰車。 正餉之外,宜別立軍府,朝廷勿預知。 饗士、賞功、購敵,皆取給於是。」又極 喻義復上言按畝加派之害,而以戰車

營造職在有司,不肯奉詔。

帝不悦,疏遂不行。

可之。 臣誠恐愚忠不獲上達,致忤輔臣。今稿草具在,望聖明省覽。」吏部希體仁指,議革職閒住, 喻義奏辨曰:「講官於正文外旁及時事,亦舊制也。 正 執 義,令改。 多規少。今喻義以日講而用經筵之制,及令删改,反遭其侮,惟聖明裁察。」遂下吏部議。 政;末陳祖宗大閱之規,京營之制,冀有所興革。 明 喻義雅負時望, 九 喻義造閣中,隔扉消體仁。 月進講尚書,「や」撰布昭聖武講義。中及時事,有「左右之者不得其人」語,頗傷 爲體仁所傾, 體仁怒,上言:「故事,惟經筵進規,多於正講,日講則 士論交惜。 瀕行乞恩,請乘傳,帝亦報可。 呈稿政府,溫體仁不懌。 臣展轉敷陳,冀少有裨益。 使正字官語喻 體仁删 家居十 去,

負 都,給事中楊所修劾其爲繆昌期死黨,遂削籍。 冬還朝,趙南星、高攀龍等悉去位,黨禍大作,希孟鬱鬱不得志。 大 (時名。 事多所咨決。 姚 希孟,字孟長,吳縣人。生十月而孤,母文氏勵志鞠之。 舉萬曆四十七年進士,改庶吉士。 天啓初,震孟亦取上第,入翰林,甥舅並持淸議,望益重。 座主韓爌、館師劉一燝器之。 魏忠賢敗,其黨倪文煥懼誅,使使持厚賄求 稍長,與舅文震孟同學,並 其明年以母喪歸。 尋請假歸。 兩人 並 執 政,遇 四年 甫 Щ

解,希孟執而鳴之官。

隙,擬旨覆試,黜兩生下所司,論考官罪,擬停俸半年。 詹事,乃貶二秩爲少詹事,掌南京翰林院。尋移疾歸,家居二年,卒。 羣小惡希孟,謀先之。及華允誠劾溫體仁、閔洪學,兩人疑疏出希孟手,體仁遂借冒籍事修 生二人冒籍中式,給事中王猷論之,遂獲譴。希孟雅爲東林所推,韓爌等定逆案,參其議 崇禎元年起左贊善。 歷右庶子,爲日講官。三年秋,與諭德姚明恭主順天鄉試。有武 體仁意未慊,令再擬。希孟時已遷

許士柔,字仲嘉,常熟人。天啓二年進士。改庶吉士,授檢討。崇禎時,歷遷左庶子,

掌左春坊事。

孟言:「皇考實錄爲魏黨曲筆,當改正從原錄。」時溫體仁當國,與王應熊等陰沮之,事遂寢。 修,遂恣意改削牴牾要典者。崇禎改元,燬要典而所改光宗實錄如故。六年,少詹事文震 之年,聖誕之日,不書也。 <u></u>士柔憤然曰:「若是,則要典猶弗焚矣。」乃上疏曰:「皇考實錄總記,於世系獨略。皇上娠教 先是,魏忠賢旣輯三朝要典,以光宗實錄所載與要典左,乃言葉向高等所修非實,宜重 命名之典,潛邸之號,不書也。 聖母出何氏族,受何封號,不書

列傳第

之進 也。 ,在皇上 此皆 原 錄 御 備 極之初 載,而 门何 改錄故削之者也。 以率略. 如 此 一,使 聖朝父子、母后、兄弟之大倫, 原錄之成,在皇上潛邸之日, 皆闇 猶 詳愼. 而 如彼。 不 明, 缺 新 錄 而

其於信

史謂

何。」疏

上,不省

平? 於册 削 之,此尤不可 抉讁改錄,正 登 聖 極 在 以前 立 位 體仁怒,將 體 何也? 仁令中 大 久 典,編年未嘗不具載也。 不 , 登 解 當 謂 書之總記,將於 極 書官檢穆宗總記示士柔, 也 後 日 與累朝成例不合也。 劾之,爲同 。」疏 國 事 編 本幾危,坤寧調 上,報聞 年 列沮 排纂,則總記 何書也。 止。 皇考一月易世, 護,眞孝慈之極則,顧復之深恩,史官不難 士柔復上疏曰:「累朝實錄,無不 孝端 穆廟大婚之禮,皇子之生,在嘉靖 可以不書。 士柔具揭爭之曰:「皇考實錄與列聖條例不 皇后,皇考之嫡母也,原錄具書保護之功,而 熹廟之册立當 皇考在位僅一月,三后 書,皇上 書世系之例。 中,故總記 之册 誕育聖躬皆在 封 以寸管抹搬 獨 不載,至 不當 同。 臣 改錄 所 書 未 以 列

連士柔。 體仁滋不悅。 士柔 **亟以注略進,乃得** 會體 仁嗾劉 扎 解。 昭劾祭酒倪元璐,因言士柔族子重熙私撰五朝注略,將以 尋出爲南京國子祭酒。

家。 體仁 故專,贈官誥,屬誥敕中書職掌。 去,張至發當國,益謀逐士柔。 崇禎初,褒卹諸忠臣,翰林能文者或爲之,而中書以 先是,高攀龍贈官, 士柔草詔詞送內閣,未給攀龍

辯 答元年之史官, 祗爲越俎者也。」不報。 歲有常期,未有十年後用寶進呈,吹求當制者也。贈誥專屬中書,崇禎三年所申飭,未有追 前撰文進。 爲侵官。 曰:「詞林故事 **崇禎三年禁誥文駢儷語。** 中書黃應恩告至發誥語違禁,至發喜,劾士柔,降二級調用。司業周鳳翔抗疏 閣 臣分屬撰文,或手加詳定,或發竄改,未有徑自糾參者也。 至是攀龍家請給,去士柔草制時數年矣,主者仍以士柔 士柔尋補尚寶司丞,遷少卿,卒。 子琪詣闕辨誣,乃

復原官。

贈詹事兼侍讀學士。

進士,改庶吉士,授檢討。 顧錫疇,字九疇,崑山人。 年十三,以諸生試南京,魏國公以女女之。 第萬曆四十七年

指爲東林,兩人並降調。 天啓四年,魏忠賢勢大熾,錫疇偕給事中董承業典試福建,程策大有譏刺。 已,更削籍。 忠賢黨逐

諦擇監生爲州縣長。 歸,乞在籍終養。 崇禎 初,召復故官。 母服除,起少詹事,進詹事,拜禮部左侍郎,署部事。 已, 歷遷國子祭酒。 請正從祀位次, 疏請復積分法, 進士爲國子博士者得與考選。 禮官格不行。 帝嘗召對,問理財用 錫疇復申言之,且 帝並允行。 省親

列停

第

百

JU

題

銵

令用 論 Ą 而 專 人 錫 嚋 責 之 成 地 退 ,三善也。 列 清 陳 其源 用 人五 拔 異 精 失,日 才 心 鑒 而 鈴敍 別,隨 不 拘 無法,文網 常格 才器 四善 使, 太峻,議 一善也。 也。 急獎勵 協太多 赦 小 而 過 一,資 寬督責 而 格 不 終 太 ,五善也。」 拘 廢 鼓 乗。二 舞 一善也 未 末 至。 極 陳 請 省 耗 議 先

財

之弊,仍

歸本於

用

人。

帝

善其

錫 稱引 言 其不 嚋 擬 不 楊 當 輕 倫 嗣 昌疏請 用 典 與 嗣昌 嗣 帝 昌 撫流寇, 不聽,起爲 搆之,遂削 大 件。 嗣 有 南京 昌 其籍。 樂天者保 秉 政,諸 禮 部 + 左 Ŧi. 詞 天下」及「善戰服上刑」語。 侍 年, 臣 郎 多攻之,嗣昌 廷臣 一交薦, 召還。 頗 疑 錫 疇 御 史 錫 曹溶、給 疇抗 會 駙 言 馬 都 此 事 諸 尉 中 王 侯交鄰 黄 昺 雲 有 一師復

文帝 嚋 不 卽 文忠,而 (先帝罪大且深,乞將文忠之諡,或削或改,而補震孟諸臣,庶天下有所勸懲。) 報 亦 以 n] 靖 追 以 廟 福 爲然 改, 康 諡 王 文震 立 景 二年五 乃已。 ,疏請改定。 孟 、皇帝 進本 、羅喩: 月為 部 廟 時 號 尙 定 義 建炎元 書。 及建文朝 大行皇帝 姚 大 希 學士高 時 年,從民望也。 孟 尊 忠 福 廟 呂維 弘圖 臣 恭 號 贈 王 爲 祺 以前 諡 爲恭· 思宗, 皆不獲 , 並 皇帝 乞以 議 從之。 忻城 自己 諡 今歲 , 將議 出,力持之,遂寢。 伯 錫 東 五 趙之龍言 疇言:「體仁得 平 廟 月爲 伯 祀, 劉 弘 錫疇請 澤清言 光元 思 非 年。」 别 君 美 溫 宋 立專廟。 行 體 稱, 錫 政 高 疇言 仁 援 最 之卒 宗 證 專 明 卽 可。 俄 甚核, 且. 也 詔 位 請 一,特 南京 已 補建 逐 頒 錫 其

諸人,削體仁諡。

給事中章正宸、公熊汝霖劾之,遂乞祭南海去。 吏部尚書張愼言去位,代者徐石麒未至,命錫疇攝之。 明年春,御史張孫振力頌體仁功,請復故 時馬士英當國,錫疇雅不與合。

州江心寺。 ,乃得棺殮。 南都失守,錫疇鄉邑亦破。 逐勒錫疇致仕。 總兵賀君堯撻辱諸生,錫疇將論劾。 時方遭父喪,間關赴閩。唐王命以故官,力辭不拜,寓居溫 君堯夜使人殺之,投屍於江。溫人覓之三

日

立、不激不爭、淳靜敦雅、承平士大夫之風流、概可想見矣。 贊曰: 吳山等雍容館閣,敭歷臺省,固所謂詞苑之鴻儒,廟堂之巋望也。 要其守正自

校勘記

司傳、神宗實錄卷五八八萬曆四十七年十一月戊子條改。 與酉陽冉躍龍相讐殺 冉躍龍,原作 「冉御龍」,據本書卷三一一及明史稿傳一八六四陽宣撫

列 傳 第 百 四 校 勘 記

- = 西 寧 鐘 自 鳴 西寧, 本書卷三〇五行志稱萬曆「二十六年五月庚寅古浪城樓大鐘自鳴者三」。
- 國権 卷七八頁四八一三作「庚寅, 甘肅古浪城樓 大鐘自鳴」。 按西 寧衛與古浪守禦千戶所不 相
- 屬 ·疑當作「古浪
- =-7 志七 正春言翊鑾之封在宗藩條例已定之後 五. 藝文志改。 諸吉凶大禮及歲時給賜,皆嚴爲之制。 按本書卷一九三李春芳傳稱:「時宗室蕃衍,歲祿苦不 宗藩條例,原作「宗藩要例」,據本書卷九七及明史稿 繼, 春芳考故 事 「爲書

上之。

 $\overline{ }$ 29 南京御史章守誠亦疏 卷二二八萬曆 十八年十月己巳條改。 論 時行 章守誠,原作「張守誠」, 據明史稿傳九八劉應秋傳、 神宗實錄

帝嘉之,賜名宗藩條例。」

- $\overline{}$ 五 沂。 同 年生給事中李沂劾張鯨被廷杖 按本書卷二三四有李沂傳,事跡與此合,今改正。 李沂,原作「李泝」。 明進士題名碑錄萬曆丙戌科作「李
- $\overline{}$ ナ 荆 1 條作「華鈺」。 州推官華鈺忤稅監逮下詔獄 按本書卷二三七有難經傳,事跡與此合,今改正。 華鈺,原作「華旺」。 神宗實錄卷二三八萬曆二十七年八月丁
- 句。 明年九月進講尚書 明史稿 如 此,則 傳 九八羅喩義傳, 「明年」實指崇禛四年。 「明年」繫於「莊烈帝嗣位」之後,是莊烈帝卽位之明年, 在「明年九月進講尚書」之上, 今傅文删省明史稿此一句, 尚有「崇禎三年進左侍郎 而未改原文「明年」二字, 卽崇禎元年。按 直講 如

給事中章正宸

八有章正宸傳、據改。

章正宸,原作「章正震」。明史稿傳九八顧錫疇傳作「章正宸」。按本書卷二五

TE SE

明史卷二百十七

列傳第一百五

王家屏 陳于陛 沈鯉 于愼行 李廷機 吳道南

供兄捷前為操江都御史,以官帑遺趙文華,家屛直書之。 王家屏,字忠伯,大同 山陰人。隆慶二年進士。 選庶吉士,授編修,預修世宗實錄。 時拱方柄國,囑稍諱,家屛執不

可。

郎兼 奔走禱 東閣大學士入預機務。 萬曆初,進修撰,充日講官。 祈 ,獨家屛不往。 再遷侍講學士。 去史官二年卽輔政,前 敷奏剴擊,帝嘗斂容受,稱爲端士。 十二年擢禮部右侍郎,改吏部,甫踰月,命以左侍 此未 有也 張居正寝疾,詞臣率

繼 母 憂。 申 時 行當國,許國、王錫爵次之,家屛居末。 詔 賜 銀幣,馳 傳,行人護行。 服甫闋,詔進禮部尚書,遣行 每議事,秉正持法,不亢不隨。 人召還。 抵京師、三月 越二年,遭

傅第一百五 王家屏

列

勤視朝。居數日,帝爲一御門延見,自是益深居不出矣。 偕同官疏 未得見。家屏以爲言,請因聖節御殿受賀,畢發留中章奏,舉行册立皇太子禮。不報。復 請。帝乃於萬壽節强一臨御焉。俄遣中官諭家屏,獎以忠愛。家屏疏謝,復請帝

官不及知、不敢諫者,輔弼之臣得先知而預諫之,故能防欲於微渺。今于仁以庶僚上言,而 聖世哉。」帝不懌,留中,而于仁得善去。 臣備位密勿,反緘默苟容,上虧聖明之譽,下陷庶僚蒙不測之威,臣罪大矣,尚可一日立於 評事雒于仁進四箴,[]帝將重罪之。家屏言:「人主出入起居之節,耳目心志之娛,庶

持大體,簿書凌雜,祇飾靡文。 廢,不能自已者也。 於宣、大。虛內事外,內已竭而外患未休;剝民供軍,民已窮而軍食未裕。且議論紛紜,罕 癘札差,調燮之難莫甚今日。況<u>客</u>賊跳梁於陝右,土蠻猖獗於遼西,貢市屬國復鴟張虎視 居靜攝,朝講希臨。 十八年以久旱乞罷,言:「邇年以來,天鳴地震,星隕風霾,川竭河涸,加以旱潦蝗螟,疫 今驕陽爍石,小民愁苦之聲殷天震地,而獨未徹九闇。 統計臣一歲間,僅兩覲天顏而已。間嘗一進瞽言,竟與諸司章奏並寢 乞賜罷歸,用避賢路。」不報 綱維縱弛,愒玩之習成;名實混淆,僥倖之風啓。陛下又深 此臣所以中夜旁皇,飲食俱

時儲位未定,廷臣交章請册立。其年十月,閣臣合疏以去就爭。帝不悅,傳諭數百言,

五歲。 即宣示外廷,外廷歡然。而帝意實猶豫,聞家屏宣示,弗善也,傳諭詰責。時行等合詞謝, 請速決大計。帝乃遣內侍傳語,期以明年春夏,廷臣無所奏擾,卽於冬間議行,否則待踰十 切責廷臣沽名激擾,指爲悖逆。時行等相顧錯愕,各具疏再爭,杜門乞去。獨家屛在閣,復 家屏以口敕難據,欲帝特頒詔諭,立具草進。帝不用,復諭二十年春舉行。家屏喜,

期數更,中外議論紛然。家屏深憂之,力請踐大信,以塞口語,消宮闡釁。不報 被人言,不得已亦去,錫爵先以省親歸,家屛遂爲首輔。以國諫疏已列名,不當獨留,再疏 乞罷。不允,乃視事。 明 年秋,工部主事張有德以册立儀注請。帝復以爲激擾,命止其事。 家屛制行端嚴,推誠秉公,百司事一無所撓。性忠讜,好直諫。 國執爭去,時行 册立

屬。 家屛遂引疾求罷,上言: 一十年春,給事中李獻可等請豫教,帝黜之。家屛封還御批力諫。帝益怒,譴謫者相

饗,請元旦受賀,請大計臨朝,悉寢不報。 國計民生,莫關聖慮。 然內愧。 漢汲黯有言:「天子置公卿輔弼之臣,寧令從臾承意陷主於不義乎。」每感斯言,惕 頃年以來,九閽重閉,宴安懷毒,郊廟不饗,堂陛不交。 天災物怪,罔徹宸聰; 臣備員輔弼,曠職鰥官,久當退避。迺今數月間,請 臣犬馬微誠,不克感回天意,已可見矣。至豫 朝講 ",請廟

列

傳

之罰,故冒 敎 皇儲, 自宜 死 屢 早計,奈何厭聞直言,概加貶謫。 陳 若依違保祿, 淟涩苟容, 汲黯所謂「陷主不義」者、臣死不敢出此, 臣誠不忍明主蒙咈諫之名,熙朝 有横施

願賜骸骨還田里。

帝 得奏不 下。 次 輔 趙 志阜亦爲家屛具揭。 帝遂責家屛希名託疾。

家屏復奏,言:

逢迎 家享厚祿,主愆莫正,政亂莫匡,可謂不希名之臣矣,國家奚賴焉。 有餘榮。若 名, 爲 悦,阿諛 非臣 徒 犯顏觸忌,抗爭僨事,被譴罷歸,何名之有 .所敢棄,顧臣所希者陛下爲堯、舜之主,臣爲堯、舜之臣,則名垂千載,沒 取容,許敬宗、李林甫之姦佞,無不 可爲,九廟 ! 必不希名,將使臣 神靈必 陰殛臣,豈特得罪 更使臣 棄名不 身處高官, 顧,

於李獻可諸臣已哉。

疏 傳 畏罪,有 之怒哉。」於是求 不宜有怒。 入,帝益 家屛柄國止半載,又强半杜門,以戆直去國,朝野情焉。 輕羣下 不悅。遺內侍至邸,責以徑駁御批,故激主怒,且託疾要君。 事 關 宀 去益 典禮,不宜有怒。 吾意大臣不愛舒祿 力。 或勸少需就大事。 臣 |興諸| ,小臣不畏刑誅,事庶有 臣 但知爲宗社大計,盡 家屛曰:「人君惟所欲爲者,由大臣持祿 濟耳。」遂復 閱八年儲位始定。[三遺官 言效忠而 家屏言:「言涉至親, 兩硫 已,豈意激皇上 懇請。 小小 詔 馳 臣

齎敕存問, 寳金幣羊酒。 叉二年卒, 年六十八。贈少保, 諡文端。 熹宗立, 再贈太保, 任一

子尚寶丞。

高 類 功,獎率將更,無爲主而爲客則善矣。」養謙不能用,朝鮮兵數年無功。 也。 其 義,未聞遂與狄仇,連諸侯兵以伐之也。 家屛家居時,朝鮮用兵。貽書經略顧養謙曰:「昔衞爲狄滅,齊桓率諸侯城楚丘,春秋 今第以保會稽之恥,激厲 其深識有謀,皆此 朝鮮,以城楚丘之

時册立豫教,又請早朝勤政,皆不報。又明年進禮部尚書,仍領詹事府事。 禮部右侍郞,領詹事府事。 世、穆兩朝實錄,充日講官。累遷侍講學士,擢詹事,掌翰林院。疏請早建東宮。 陳于陛,字元忠,大學士以勤子也。隆慶二年進士。選庶吉士,授編修。萬曆初,預修 明年改吏部,進左侍郎,教習庶吉士。奏言元子不當封王,請及 十九年拜

家之法,紀、表、志、傳謂之正史。宋去我朝近,制尤可考。 太宗兩朝正史。 <u></u>于陛少從父以勤習國家故實。爲史官,益究經世學。 仁宗天聖間,呂夷簡等增入眞宗朝,名三朝國史。 真宗祥符間,王旦等撰進太祖、 以前代皆修國史,疏言:「臣考史 此則本朝君臣自修本朝

列

事 萬 可 無 JE. 世 馮 得 慮 史之明 不 琦 數 爲 朽盛 惟 百 證 副 陛 種 總裁 事 下 也 哉。」詔從之。 立 倘 0 一面 下 不 我 明 及 朝 閣 詔 時 史 臣 設 籍, 網 一總裁 羅,歲 局 止 二十二年三月遂命詞臣 之。 編 有 輯,使一 月浸邈,卷帙散 列聖實錄, 代 經 正史闕 制 脱, 典章,犂然可考,鴻謨偉烈,光炳 爲未講。 耆舊 分曹類纂,以于陛及尚書沈 漸 凋 伏覩 事 朝 跡 罕 野 據。 所 撰 次, 欲 成信 可備採 天 貫 史, 壤 、少詹 ,豈非 擇者 將 不

破 以軍 則 改 外 吏、核 文 賊 倦 淵 政 勤 功 其 閣 故 年 失察,斥兩 加太 邊餉 也。 ,進太子 夏,首輔王錫爵 儲 子 今至尊端拱,百 少保。乾清、坤 將才、擇邊吏 太保 都言官三十 謝 政 六事。 寧 餘 一、遂命 職不修,不亟圖 兩 人。 宮災 于陛兼 于陛 末言:「以肅皇帝之精明,而末 清請 與同官申 面 東閣大學士入參機務。 對,不報。 更始,後將安極。」帝 救至再, 乞罷,亦不許。 叉獨 疏請宥,俱 優韶答之,而 年貪黷成 疏陳親大臣、錄遺 其秋,二品三年滿 不 風 納 不 封 能 疆 以甘肅 用 2賢、獎 多事 帝

竟罷。 否 帰 時 贈 于 內 少保,諡文憲。 陛 閣 憂 四 形 人。 於 趙志皐、張位、沈一貫皆于陛 色,以不 終明世,父子爲宰輔者,惟南充陳氏。 能 補救,在 直 廬 數 太 息視 同年生,遇事無齟齬。 日影。 二十四年冬病卒於位,言 世以比漢韋、平焉。 面 帝 拒 一諫益

列 傳 第 百 五 沈 鯉

可 西 去。 沈 鯉,字仲化,歸德人。 鯉策賊必 再至,急白守臣,捕殺 祖瀚,建寧知府。 城 中通 鯉,嘉靖中舉鄉試。 賊 者,嚴爲守具。 賊還逼,見有備去。 師尚詔作亂,陷歸德, 奸人 已

倡言 屠城,將驅掠居民,鯉請諭 止之,衆始定。 四十四年成進士,改庶吉士,授檢討。 大學

士 高 供,其 座主又鄉 人 心也,旅 見外,未嘗以私謁

神宗在東宮,鯉爲講官,嘗令諸講官書扇。 鯉書魏卞贏太子頌以進、因命陳大義甚悉。

獨 契帝 心。 帝亟稱之。 連遭父母喪,帝數問沈講官何在 ,又問服闋期,命先補講官俟之。 萬

神宗咨美,

遂蒙眷。

比

卽位,用宮寮恩,進編修。

旋進左贊善。

每直

一講,舉

止 端

雅,所陳說

曆 九年還朝。 屬當輟講,特命展一日,示優異焉。

明 年 秋 **擢侍講學士,再遷禮部右侍** 郎。 尋改 吏部,進左侍郎。 **屏絕私交,好推轂賢士**

會典成, 不 使 知。 加太子少保。 十二年冬,拜禮部尚書。 鯉初官翰林,中官黃錦緣同鄉以幣交,拒不納。 去六品甫二年至正卿。素負物望,時論不以 教習內書堂, 為驟。

筵,皆數與巨璫接,未嘗與交。 及官愈高,益無所假借,雖上命及政府指,不徇 也

幾,復以爲言, 十四四 年春,貴妃鄭氏生子,進封皇貴妃。 且請宥建儲貶官姜應麟等。 件旨譙讓。 鯉率僚屬請册建皇長子,進封其母,不許。 帝旣却羣臣請,因 認論 少俟二三年。

至十六年,期已届,鯉執前旨固請,帝復不從。

帝 中尉 因 震,又請謹天戒,恤民窮。畿輔大侵,請上下交修, 鯉 多 山 兼 諸 **}錄** 器服率定為 長,由虔奉玄修所致,勸帝效之, 請大損供億營建,振救小民。 並 动臣 復 大 攝。 可其奏。 以特旨許之。京師久旱,鯉備陳恤民實政以崇儉戒奢爲本,且請減織造。 入 言 jij , 鯉 稱姚 繼,而乞封其弟郡王,中貴爲請,申時行助之,鯉不可。 諸王 於 素 過 兩 鯉言使臣往 鯁亮。 濫。 溪 戻 王 。 鄭貴妃父成憲爲父請恤,四一接后父永年伯例, 及妃墳祝版稱謂未協者,率請裁定。 中制,頒天下。 **庶,毋與帝后雜祀。** 順義王妻三娘子請封,鯉不予妃號,但稱夫人。 眞人張國祥言肅皇享國 其在 大同巡撫胡來貢議移祀北岳於渾源,力駁其無據。太廟侑享,請移 來驛騷,恐重困民,請齋三日以告文授太常屬致之,罷寺觀勿禱, 部 持 典禮,多所 又以士習不 帝每嘉納。 進世廟諸 鯉劾國祥詆誣導諛,請正刑辟。 建白。 端,奏行學政 妃葬金山者,配食永陵。 念時俗侈靡,稽先朝典制,自喪祭、冠婚、宮室、 帝憂旱,步禱 詞甚切。 八事。 鯉力駁之。 帝以四方災,敕廷臣修省,鯉 又請復建文年號,重定景帝實 唐府違制請封妾子,執不從, 郊壇,議分遣大臣禱 事亦寢。 諸帝陵祀,請各遣官毋 詔畀 葬 秦王誼澏故由 已,京師地 資 五千金, 親王 天下名 久 帝 及

初 了

藩府有所奏請,

贿中貴居間,

禮臣不敢違,

輒如志。至鯉,一切格之。中貴皆大怨,

益忌。 鯉卒屢疏引疾歸。 鯉 數 鯉,鯉求去益力。 帝有意大用鯉,微言:「沈尚書不曉人意。」 有老宮人從子爲 己,亦忌之。 司 以事間於帝。 '禮張誠亦屬鯉鄕人內豎廖某密告之。 其私人給事中陳與郊爲人求考官不得,怨鯉,屬其同官陳尙象劾之。 一日,鯉請告,遽擬旨放歸。帝曰:「沈尚書好官,奈何使去。」傳旨諭 帝漸不能無疑,累加詰責,且奪其俸。鯉自是有去志。 累推內閣及吏部尚書,皆不用。二十二年起南京禮部尚書,辭弗就 鯉並拒之,曰:「禁中語,非所敢聞。」皆恚而去 而時行衛鯉不附 與郊復危言越 內豎者,走告 留 時行

羅緞 及奸 舉 鯉 稅之害。 才答書, 之,貽書李三才曰:「歸德公來必奪吾位,將何以備之。」歸德,鯉邑名,欲風鯉辭召命也。 與朱賡並命。 考選、釋冤獄 詛 鯉奸贓數事。 人所撰續憂危站 二十九年,趙志皇卒,沈一貫獨當國。廷推閣臣,詔鯉以故官兼東閣大學士入參機務, 言鯉忠實無他腸,勸一貫同心。 鯉 管置: 他日復 屢辭不允。 撤 小 與 屏閣 稅 帝察其誣,不問。 廣疏論。 使十事,而上書「天啓聖聰,撥亂反治」八字。 議發,一貫輩張皇其事,令其黨錢夢皐誣 中,列 明年七月始入朝,時年七十有一矣。一貫以士心夙附鯉,深忌 皆弗納。 書護 天戒、恤民窮、開言路、發章奏、 而一貫輩使邏卒日夜操兵圍守其邸。 楚假王被訐事起,禮部 貫由此幷憾三才。 侍郎郭正域請行勘,鯉是之。 一奏正域鯉門生,協造妖言,幷 鯉旣至,卽具陳道中所見礦 用大僚、補庶官 每入閣,輒焚香拜祝之, 已而 事解,復譖 、起廢棄、

列

傅

第

讒 者逐指 爲詛咒。 帝取入視之,曰:「此豈詛咒耶?」讒者曰:「彼詛咒語,固不宣諸口。」賴帝

知鯉深,不之信。

滿,加少保,改文淵閣

職, 累引疾求退。 先是,閣臣奏揭不輕進,進則無不答者。是時中外扞格,奏揭繁,多寢不下。 獎諭有加,卒不能行其所請。三十二年敍皮林功,加太子太保。 尋以秩 鯉以失

輩冒 以 破 侍,小璫數往來竊聽,且執筆以俟。 俟時上之。一日大雨,鯉曰:「可矣。」兩人問故,鯉曰:「帝惡言礦稅事,疏入多不視,今吾 啓視果心動,然不爲罷。 補救者。 壞天下名山大川靈氣盡矣,恐於聖躬不利。」矩嘆息還,具爲帝道之。 雨素服詣文華奏之,上訝而取閱,亦一機也。」兩人從其言。帝得疏,曰:「必有急事。」 鯉初相,即請除礦稅。 帝不懌,復止。 鯉曰:「此無他,急停開鑿,則靈氣自復。」帝聞爲首肯。 然越月果下停礦之命,鯉力也。 明年長至,一貫在告,鯉、廣謁賀仁德門。 居位數年,數以爲言。 鯉因極陳礦稅害民狀,矩亦戚然。 會長陵明樓災,至三鯉語一貫、廣各爲奏, 一貫慮鯉獨收其功,急 帝賜食,司禮太監陳矩 鯉復進曰:「礦使出, 帝悚然遣矩咨鯉所

事。 皇孫生,詔赦天下。 鯉 遇 事秉正不 · 撓。 壓於一貫,志不盡行。 中官請徵茶蠟夙逋,鯉以戾詔旨再執奏,竟報寢。 而是時一貫數被論, 引疾杜門,鯉乃得行閣 帝乳母翊聖夫

乞休 牧地 永 帝怒甚,將遣官逮治 不 察核畿輔牧 生,己有祝釐 人 求 可, 金氏, 鯉 既 積 領 。遽命與一 部責 豈眞有豪右隱占新 (鎭守 其夫官都督同 淮而 事 地 忤一貫,一貫將 功,乞三代誥命且 ,亦以鯉言罷 貫同 ,渝鯉撰敕。 計 致仕。 時 鯉具 一貫 知,歿,請以從子繼。 :墾未科者?奸民所傳, 廣疏乞留鯉,不報。 去,慮鯉在,貽己後憂,欲與 雖稱疾杜門,而章奏多卽家 陳榮罪狀,請誅爲首殺人養者,而貸其餘,乃不 鯉言:「近年以來、百 遼東稅 世襲詹事主簿。 使高淮假進貢名,率所統練甲 鯉言都督非世官,乃已。 旣 利之源,盡籠 鯉力斥其謬,乃賫 未足深信。」遂 抵 家, 俱去,密傾之。 擬旨,鯉力言 疏 謝 於朝 猶 止。 極陳怠政 以 廷,常恐勢極生變。 至國 金幣。 非 雲南武弁殺稅使楊榮。 眞 帝亦 故 門。 ·果逮。 人張國 事 之弊,以明 嫌 帝 鯉中 鯉方鯁,因 惑中 陝西稅使梁 祥 夜 謂 貴言, 密 皇孫 作進 況 鯉 此 將 誕

諡 規。 文端 年八十 一,遣官存問,賚銀幣。 鯉奏謝,復陳時政要務。 又五年卒, 年八十五。 贈太師

٠,

于 成進士。 慎行,字無垢,東阿人。 改庶 吉士,授編修。 年十七、舉於鄉。 萬曆初,穆宗實錄成,進修撰,充日 御史欲卽應鳴宴冠之,以未奉父命辭。隆 講官。 故事, 率以

也。 翰 林 嘗 大僚直 講 罷 帝 日講, 出 御府圖畫,令講官分題。 無及史官者。 愼行 不善書,詩成,屬人書之,具以實對。

嘗大書「責難陳善」四字賜之、詞林傳爲盛

事

時居正 改 明主帷蓋恩,全大臣簪履之誼。 呂 東部 調 以公見厚故耳。」居正怫然。愼行尋以疾歸。 陽格之,不得 御 已敗,侍郎丘橓往籍其家。 ,掌詹事府。 史劉臺以劾張 上。 **尋遷禮部尚書。** 居正被逮,僚友悉避匿,慎行獨往視之。及居正奪情,偕同官具疏 居正聞而怒,他日謂慎行曰:「子吾所厚,亦爲此耶。」慎行從容對 詞極 慎行遺書,言居正母老,諸子覆巢之下, 顯沛 |懇摯,時論韙之。由侍講學士擢禮部右侍郎。 居正卒,起故官。 進 左 諭 德, 可傷,宜推 日 講 轉左, 如故。 諫。

穆始備 爲 七。 六世,不當桃仁宗。 升耐,復祧 世。 愼行 劉歆、王肅並以高、曾、祖、禰及五世、六世爲三昭三穆。其兄弟相傳,則同堂異室,不 明習典制,諸大禮多所裁定。先是,嘉靖中孝烈后升祔,祧仁宗。 孝宗與睿宗兄弟,武宗與世宗兄弟,昭穆同,不當各爲一世。世宗升祔,距仁宗 或 宣宗。 一朝,成祖旣爲世室,與太祖俱百世不遷,則仁宗以下, 慎行謂非禮,作太廟祧遷考,言:「古七廟之制,三昭三穆,與太祖之廟 穆宗升祔,當祧仁宗,不當祧宣宗。」引晉、唐、宋故事爲據,其言辨而 必實歷六世,而後三昭三 萬曆改元,穆宗 止 口 m

覈。 事雖不行,識者服其知禮。 又言:「南昌、壽春等十六王,世次旣遠,宜別祭陵園,不宜

祔享太廟。」亦寢不行。

官,皆停俸。愼行引罪乞休。章累上,乃許。家居十餘年,中外屢薦,率報寢。 要君疑上,淆亂國本,及僚屬皆奪俸。 明日復言:「册立,臣部職掌,臣等不言,罪有所歸。幸速決大計,放歸田里。」帝益不悅,責以 十八年正月疏請早建東宮,出閣講讀。及冬,叉請。帝怒,再嚴旨詰責。愼行不爲懾, 山東鄉試,預傳典試者名,已而果然。 言者遂劾禮

儀,上疏請罪。歸臥於家,遂草遺疏,請帝親大臣、錄遺逸、補言官。數日卒,年六十三。贈 子少保兼康閣大學士,入參機務。再辭不允,乃就道。時慣行已得疾。及廷謝,拜起不如 太子太保,諡文定。 三十三年始起掌詹事府。疏辭,復留不下。居二年,廷推閣臣七人,首愼行。詔加太

<u>愼行學有原委,貫穿百家。神宗時,詞館中以愼行及臨朐馮琦文學爲一時冠。</u>

士第二授編修。 李廷機,字爾張,晉江人。貢入太學,順天鄉試第一。萬曆十一年,會試復第一,以進 累遷祭酒。 故事,祭酒每視事,則二生共舉一牌詣前,大書「整齊嚴肅」四

蓋高皇帝所製,以警師儒者。 廷機見之惕然,故其立教,一以嚴

綜理 報。其冬,類上四方災異。秦王誼漶由中尉進封,其庶長子應授本爵,夤緣欲封郡王,廷機 三十三年夏,雷震郊壇。 沈 楚王華奎因 民。 三疏力持。 貫欲 一精密。 召爲禮 久之, 遷南京東部右侍郎, 署部事。 藉妖書傾正域,廷機與御史沈裕、同官涂宗濬俱署名上越定皦生光獄,株連遂絕。 王遣人居間,延機固拒,特旨許之。益府服內請封,亦持不可 一部右侍郎,四辭不允,越二年始受任。 奏行軫恤行戶四事,商困大蘇。外城陵垣,多所繕治,費皆取公帑奇羨,不以煩 正域發其餽遺書,誣訐正域不法數事。 旣率同列條上修省事宜,復言今日闕失,莫如礦稅, 。二十七年典京察,無偏私。 時已進左侍郎, 遂代郭正域視部 廷機意右楚王,而微爲 嘗無署戶、工二部事 正域解。 宜罷撤。不 大學士 事。

楚王,撫按官旣擬奪爵,錮高牆,廷機援祖訓謀害親王例,議置之死。 曹畏之,不敢出 廷機遇事有執,尤廉潔,帝知之。 諸外,年例遂廢。 禮部主事聶雲翰論之,廷機希言路意,中雲翰察典。 然性刻深,亦頗偏愎,不諳大體。 言路勢張, 楚宗人華返以奏訐 政府 給事 暨銓

臣,廷機果與焉。 時內閣 止朱 廣一人。 給事中曹于忭、宋一韓,御史陳宗契不可。 給事中王元翰等慮廷機且入輔,數陰詆之。三十五年夏,廷推 相持久之, 卒列以上。 帝雅 重

中袁懋謙劾之。

廷機求退,不允。

不已, 上,乃陛辭出都待命。 乞休,杜門數月不出。 **臚趣出,堅臥不起。** 罷,又疏陳十宜去,帝慰諭有加。 廷 機, 帝爲奪俸,以慰廷機。 命以 禮部尙書兼東閣大學士入參機務。 待命踰年,乃屏居荒廟,廷臣猶有繁言。至四十年九月,疏已百二十餘 言者疑其偽,數十人交章力攻。 同官葉向高言廷機已行,不可再挽,乃加太子太保,賜道里費,乘傳, 已而姜士昌、宋燾復以論廷機被黜,羣情 明年四月,主事鄭振先論廣十二罪,幷及廷機。 廷機三辭始視事。 廷機求去不已,帝屢詔勉留,且遣 元翰及給事中胡忻攻之 益憤。 廷機 廷機累疏 力辨求 鴻

圖、林釺、蔣德璟、黃景昉復相繼云。 入閣,自楊榮、陳山後,以語言難曉,垂二百年無人,廷機始與葉向高並命。 銳欲討鎮雄安堯臣,與貴州守臣持議不決。廷機力主撤兵,其後卒無事,議者稱之。 章逐之。 廷機繫閣籍六年,秉政止九月,無大過。言路以其與申時行、沈一貫輩密相授受,故交 輔臣以齮齕受辱,屏棄積年而後去,前此未有也。 廷機輔政時,四川巡撫喬璧星 後周如磐、張瑞 閩

以行人護歸。

居四年卒。

贈少保,諡文節。

吳道南,字會甫,崇仁人。萬曆十七年進士及第。 列 傅 第 百 五. 吳 道 南 授編修,進左中允。 直講東宮,太子

偶旁矚,道南卽輟講拱竢,太子爲改容。

臣,實堪世用,一斥不復,山林終老,鬱五也。陛下誠渙發德音,除此數鬱,不崇朝而雨露遍 亡轉徙,鬱三也。纍臣滿朝薦、卞孔時,時稱循吏,因權璫搆陷,一繫數年,鬱四也。 諡 蠲 天下矣。」帝不省。 無出,愁憤之氣,上薄日星,鬱二也。內藏山積,而閭閻半菽不充,曾不發帑振救,坐視其死 明經術,練習政務,久置深闈,聰明隔塞,鬱一也。法司懸缺半載,讞鞫無人,囹圄充滿,有入 建文朝忠臣。京師久旱,疏言: 「天下人情鬱而不散,致成旱災。如東宮天下本,不使講 Щ 東諸稅,召還內臣,又因災異言貂璫斂怨,乞下詔罪己,與天下更新。 歷 左 諭德少詹事 擢禮部右侍郎,署部事。歷城、高苑牛產犢,皆兩首兩鼻,道南請盡 皆不報。尋請 廢棄諸 追

遼東議開科試士,以嚴疆當重武,格不行。 道南遇事有操執,明達政體。 朝鮮貢使歸,請市火藥,執不予。 土魯番貢玉,請勿納

敢入直。 之始入朝。 父喪歸。 他若儲宮出講、諸王豫教、簡大僚、舉遺佚、撤稅使、補言官諸事,廷臣舌敝以請者, 同官從哲爲言,帝令先視事,道南疏謝。 故事,廷臣受官,先面謝乃蒞任。 服闋,卽家拜禮部尚書兼東閣大學士預機務,與方從哲並命。三辭不允,久 帝不視朝久,皆先蒞任。 居數日,言:「臣就列經旬,僅下瑞王婚禮 道南至,不獲見,不

舉皆杳然,豈陛下簡置臣等意。」帝優詔答之,卒不行。迨帝因「梃擊」之變,召見羣臣慈寧

宮。道南始得面謝,自是不獲再見。

從哲 争,且詢疏所從進,請永杜內降,弗聽。鄱陽故無商稅,中官爲稅使,置關湖口 織造 中官劉成死,遣其黨呂貴往護,貴嗾奸民留己督造。 中旨許之,命草敕。 道南偕 征課。

道南極言傍湖舟無所泊,多覆沒,請罷關勿征,亦不納。

外,皆鳴陽筆也。榜發,同和第一,鳴陽亦中式,都下大譁。道南等亟檢舉,詔令覆試。 和竟日搆一文。下吏,戍烟瘴,鳴陽亦除名。 和 者,副都御史季文子,目不知書,賄禮部吏,與同里趙鳴陽聯號舍。其首場七篇,自坊刻 道南輔大政不為詭隨, 頗有時望。 歲丙辰偕禮部尚書劉楚先典會試。吳江舉人沈同 同

居二年卒。 炳外任,奪嵩等俸。 堪`言:「臺諫劾閣臣,職也,未有肆口嫚罵者。 上,帝猶勉留。 事 中劉文炳攻尤力。 先是,湯賓尹科場事,實道南發之,其黨側目。 贈少保,諡文恪。 會繼 御史韓浚、朱堦救文炳,復詆道南。 母計至,乃賜道里費,遣行人護歸。天啓初,以覃恩卽家進太子太保。 道南疏辨乞休,頗侵文炳。 臣辱國已甚,請立罷黜。」帝雅重道南,謫文 文炳遂極詆,御史張至發助之。道南不能 御史李嵩、周師旦遂連章論道南,而給 道南益求去。 杜門踰年,疏二十七

節 不汗。 贊曰:傳稱「道合則服從,不合則去」,其王家屏、沈鯉之謂乎。 若于陛之世德,愼行之博聞,亦足稱羽儀廊廟之選矣。 廷機雖頗叢物議,然清

校勘記

- 評事雒于仁進四箴 雒于仁、原作「雒於仁」。 明史稿傳九五王家屛傳作「雒于仁」。 按本書卷
- 一三四有雒于仁傳、事跡與此合、據改。下同。
- 宗紀,二十九年十月,立皇子常洛爲皇太子,相去九年餘 閱八年儲位始定 按本書卷一〇九字輔年表, 王家屛於萬曆二十年三月致仕,本書卷二 }神
- \subseteq 二十四年冬病卒於位 三月」,又稱「其年夏」,又稱「乾靑、坤凊兩宮災」, 「二十四年」當移至上文「乾淸、坤寧兩宮災」前。 又稱「其秋」,是將兩宮災及其秋以下 按上文稱「二十二年 記 事 均
- 繫於二十二年。考本書卷二○神宗紀,二十四年三月,乾淸、 坤寧兩宮災,其秋 以下記 事 亦在
- 二十四年。疑傳文「二十四年」誤倒。
- ~ 四 鄭 貴妃父成憲 爲父請 恤 成憲,原作 「承憲」, 據本書卷三〇〇及明史稿傳一七六鄭成憲

五月癸酉條、國權卷七九頁四九二七改。

【五〕會長陵明樓災 長陵,原作「孝陵」,據本書卷二一神宗紀、神宗實錄卷三九六萬曆三十二年

明史卷二百十八

列傳第一百六

申時行 子用懋 用嘉 孫紹芳 王錫爵 弟鼎爵 子衡

沈一貫 方從哲 沈淮 弟演

者率逐去之。 論多稱之。 兼文淵閣,累進少傳兼太子太傅、吏部尚書、建極殿。 六年三月,居正將歸葬父,請廣閣臣,遂以左侍郎兼東閣大學士入預機務。已,進禮部尚書 萬曆五年由禮部右侍郎改吏部。 申時行,字汝默,長洲人。 然是時內閣權積重,六卿大抵徇閣臣指。 及居正卒,張四維、時行相繼柄政,務爲寬大。 嘉靖四十一年進士第一。 時行以文字受知張居正,蘊藉不立崖異,居正安之。 張居正攬權久,操羣下如束濕,異己 諸大臣由四維、時行起,樂其寬,多與 授修撰。 以次收召老成,布列庶位,朝 歷左庶子,掌翰林院事。

列傳第一百六 申時行

相

「厚善。

詆 路 弗 善 謀。 爲 也 居 匹 諸 īF. 維 帝 所 大 憂 遏 臣 雖 歸 又皆右時 樂言者訐 至是 時 行 爲首 方發舒。 行拄言者口 居 輔。 正 短, 以 余 居 有 而 1 正 頗 言 素 悪 許 者 暱 人 益 或 時行, 論 憤 時 王 /") |時 事 錫 不 爵、王 行 能 言 以 無 事 此 諷 者 家 損 刺 間 屏 物 謪 先後同 望。 時行 官。 外示博 衆 居 政府 以 此望 大 無 能 一時行, 嫌 容 猜。 人, 口 語 心故 而 相

國 閣 都 或 泗 朝 試 當 也 謂 時行 臣 體 題 密 御 所 部 史石 與言路 勸 至 院 時 所 宜 揭 十 繋,今 票 行 意 有 進 請 百 星 請 、蔽 居 年 擬 敎 執 百相 無無 $\stackrel{\cdot}{=}$ 量 尙 ; 閣 事 正 塞言 以羣言留 侍 不 月,御 罰 書楊巍 帝 不 中 鄎 水火矣。 言 當置考成 路。 手 與 票擬,當 陸 者,言者益 史 疏 同 光 因 示 官議 此 帝 張文熙嘗言前 祖 請 呂、恐 尋 時行。 亦 使同官知。 簿,送閣察考;吏、兵二部除授,不 出 亦 者 以 此呂於外, 1。」帝 海之, 心憾。 爲言。 無以 時行 深 命罷 安時行、巍 以爲 旣 日 閣 帝乃聽巍,出 夫閣 此 而 臣 啓愚,留 帝從巍言。 李植、江東之以大峪 然,絀 專恣者四事 臣 呂 不 心。」國 以 文 職當 此呂。 曖 (熙議 此 味陷 罷黜 呂於 尤不 而 清 不 時行 給 人大 一一若幷 用。 外, 帝 事御 勝 當 永禁革 巍 憤, 辟, 慰留 御 山壽宮事撼時行不勝,貶去, 史 其執掌盡 史丁 專疏 恐讒言接 王士性、 求 時行、國,而 取 之。 去。 此 裁 求 時行 呂言侍 去,詆 有丁、 ,督撫巡按行 削 李植 踵 之,是因 疏 至, 諸 等 國 爭 郎 路羣起攻 言路。 言 交章 非 Ħ 高 清 一噎廢 啓 一文熙 事 大 劾 愚 明 不不

副

麹

Z

以

食

臣

催 爲 振 經略,趣順義王東歸,寢葉夢熊奏以弭楊應龍之變。 行 數,趣發諸 行 故 科 長 姻徐學謨 急迫, 者。 事,講筵遂永罷。 時行務承帝指, 初 御史魏允貞、郎中李三才以科場事論及時行子用懋,貶官。 時行 司章奏。 徴派 ,時行假他疏逐之去。 欲收人心,罷居正 加 婚,刑 緣尚寶卿徐貞明議,請開畿內水田。 不能大有建立。 評事維于仁進酒色財氣四箴。 獄 繁多,用度侈靡之害。 一時所行考成法,一切爲簡易,亦數有 已而 帝每 占物 遇講期多 情, 稍稍 又嘗請止撫按官助工贓罰銀, 然是時天下承平,上下恬熙,法紀 傳発。 帝大怒,召時行等條分析之,將重譴 擢三人官, 三人得毋 用鄧子龍、劉 時行請雖免講仍進講章。 獻納。 給事中鄒元標劾罷 艇平龍川 廢 嘗因 世 ,薦鄭洛 災異,力言 請減 以 此 自後 漸 織 稱 造 爲 時

初 專達。 請 、李懋檜等顯侵貴妃。 建儲, + 帝甚悦,衆多咎時行者 四年正月,光宗年五歲,而鄭貴妃有寵,生皇三子常洵,頗萌奪嫡意。 不聽。 廷臣以貴妃故,多指斥宮闈,觸帝怒,被嚴譴。 時行請帝下詔,令諸曹建言止及所司職掌,聽其長擇而獻之,不得 帝嘗詔求直言。 時行率同列再 郎官劉 復

時行

·請毋下其章,而諷于仁自引去,于仁賴以免。 然章奏留中自

此始始

大計 時行 帝 **猶豫久之,下詔曰:「朕不喜激聒。** 連請建儲。 十八年,帝召皇長子、皇三子,令時行入見毓德宮。 近諸臣章奏概留中,惡其離間朕父子。 時行拜賀,請亟定 若明歲

廷 不復瀆擾,當以後年册立,否則俟皇長子十五歲舉行。」時行因戒廷臣毋激擾。

時行 十年始立爲皇太子。 附羣臣之議以請立,而陰緩其事以內交。 二人皆被黜責。 意已定。 [方在告,次輔國首列時行名。時行密上封事,言:「臣方在告,初不預知。 明 年八月,工部主事張有德請具册立儀注。 有德不諳大計,惟宸斷親裁,勿因小臣妨大典。」於是給事中羅大紘劾時行,謂陽 御史鄒德泳疏復上,時行力求罷。 中書黃正賓復論時行排陷同官,巧避首事之罪。 帝怒,命展期一年。 詔馳驛歸。 歸三年,光宗始出閤講學, 而內閣中亦有疏入。 册立之事,聖

太子太師、中極殿大學士,詔贈太師,諡文定。 四十二年,時行年八十,帝遣行人存問。 詔書到門而卒。 先以雲南岳鳳平,加少師兼

方 子太保。 事。 子用懋、用嘉。 再遷右僉都御史,巡撫順天。 崇禎初,歷兵部左、右侍郎,拜尚書,致仕歸。 用嘉,舉人。歷官廣西參政。 用懋,字敬中,舉進士。 孫紹芳,進士,戶部左侍郎。 累官兵部職方郎中。 神宗擢太僕少卿,仍視職 卒,贈太

王 錫 字元馭, 太倉人。 嘉靖四十一年舉會試第一, 廷試第二, 授編修。 累遷至

祭酒。

之大慟。 居正 居正求解 萬 曆 以錫爵形己短,益銜之,錫爵遂不出。 五年以詹事掌翰林院。 明年進禮部右侍郎。 ,居正不納。錫爵獨造喪次切言之,居正徑入不顧。 居正甫歸治喪,九卿急請召還,錫爵獨不署名。旋乞省親 張居正奪情,將廷杖吳中行、趙用賢等。 中行等旣受杖, 錫爵要同館十餘 錫爵持

十二年冬,卽家拜禮部尚書兼文淵閣大學士,參機務。 還朝,請禁諂諛、抑奔競、戒虛

浮、節侈靡、闢横議、簡工作。帝咸褒納。

論 謫邊方。 年,子衡舉順天試第一,郎官高桂、饒伸論之。錫爵連章辨訐,語過忿,伸坐下詔獄除名,桂 錫 人,而錫爵與時行同舉會試,且同郡,政府相得甚。 作。 爵至,與時行合,反出疏力排植等,植等遂悉去。 初,李植、江東之與大臣申時行、楊巍等相搆,以錫爵負時望,且與居正貳,力推之。比 御史喬壁星請帝戒諭錫爵,務擴其量,爲休休有容之臣,錫虧疏辨。 時時行爲首輔,許國次之,三人皆南 然時行柔和,而錫爵性剛負氣。十六 以是積與廷

時羣 一臣請 建儲者衆,帝皆不聽。 十八年,錫爵疏請豫教元子,錄用言官姜應麟等,且求

宥 乃賜道 用 一月還朝,遂爲首輔 兵, 故巡撫李材 錫 里 爵主款,與時行合。 費,遣官護行。 不報 嘗因旱災,自陳乞罷。 歸二年,時行、國及王家屏相繼去位,有詔趣召錫爵。 未幾, 偕同 .. 列爭册立不得,杜門乞歸。 帝優詔留之。 火落赤、眞相 尋以母老, 犯西陲,議者爭請 連乞歸省 二十一年

正

行。 請 之矣。今復何疑而弗決哉』不報。 美、曾鳳儀、 議,不許。 以 妃子爲子,請令皇后撫育元子,則元子卽嫡子,而生母不必崇位號以上壓皇貴妃」,亦 密 中史孟麟 上指,立奉詔擬 進。 追還前 錫爵旋請速決,且曰:「曩元子初生,業爲頒詔肆赦,詔書稱『祗承宗社』,明以皇太子待 先是 帝決大計。 同 詔 列趙志皐、張位咸不預聞。 、禮部尚書羅萬化等,羣詣錫爵第力爭。廷臣諫者,章日數上。 有旨 請面對,不報。 鍾化民、項德禛等遮錫爵於朝房,面爭之。 帝不從。 ,是年春舉册立大典,戒廷臣毋瀆陳。 流論旨。 帝遣內侍以手詔示錫爵,欲待嫡子,令元子與兩弟且並封 而又外慮公論,因言「漢明帝馬后、唐明皇王后、宋眞宗劉后皆養諸 已而諫者益多,而 乃自劾三惧,乞罷斥。 帝竟以前諭 岳元聲、顧允成、張納陛、陳泰來、于孔兼、李啓 帝亦迫公議,追寢前命,命少俟二三年議 下禮官,令卽具儀。於是舉朝大譁。 廷臣鑒張有德事,咸默默。 李騰芳亦上書錫爵。 錫爵偕志皋、位 爲王。 錫爵請下廷 及是,錫爵 錫爵 擬 給 懼失 力 事 諭

定,故致此災。誠速行册立,天變自弭。」帝皆報聞,仍持首春待期之說。錫虧答奏復力言 消弭,惟建儲一事可以禳之。蓋天王之象曰帝星,太子之象曰前星。今前星旣耀而不早 左右之刑,寡嗜欲以防疾,散積聚以廣恩。」踰月,復言:「彗已入紫微,非區區用人行政所能 七月,彗星見,有詔修省。錫爵因請延見大臣。又言:「彗漸近紫微,宜愼起居之節,寬

之,又連章懇請

也。 安。惟陛下深省。」帝得疏,心益動,手詔諭錫爵:「卿每奏必及皇貴妃,何也?彼數勸朕,朕 貴妃,陛下尙以爲疑。 侍聖躬,至親且賢,外廷紛紛,莫不歸怨,臣所不忍聞。臣六十老人,力捍天下之口,歸功皇 疑皇貴妃而誰疑?皇貴妃不引爲已責而誰責?祖訓不與外事者,不與外廷用人行政之事 以祖訓后妃不得與外事,安敢輒從。」錫爵上言:「今與皇長子相形者,惟皇貴妃子,天下不 今元子已十三,尚何待。况自古至今,豈有子弟十三歲猶不讀書者。」帝頗感動。 錫爵因請 全。」錫爵叩頭謝,因力請早定國本。帝曰:「中宮有出,奈何。」對曰:「此說在十年前猶可, 頻召對,保聖躬。退復上疏力請,且曰:「外廷以固寵陰謀,歸之皇貴妃,恐鄭氏舉族不得 若册立,乃陛下家事,而皇三子又皇貴妃親子,陛下得不與皇貴妃謀乎? 十一月,皇太后生辰,帝御門受賀畢,獨召錫爵煖閣,勞之曰:「卿扶母來京,誠忠孝兩 然則必如羣少年盛氣以攻皇貴妃,而陛下反快於心乎。」疏入,帝頷 且皇貴妃久

十餘萬。 錫爵婉請,乃不果易。明年二月,出閤禮成,俱如東宮儀,中外爲慰。 、位亦力請。 戶部尙書楊俊民等以故事爭, 居數日,遂有出閤之命。 給事中王德完等又力諫。 而帝令廣市珠玉珍寶,供出閣儀物,計 帝遂手詔諭 錫爵, 欲易 直三

護歸。 議。 件, 力辭,疏八上乃允。 且申救,人卒莫能諒也。 眷禮逾前 旣而 錫爵 歸七年,東宮建,遣官賜敕存問,賚銀幣羊酒 在閣時,嘗請罷江南織造,停江西 郎中趙南星斥,侍郎趙用賢放歸,論救者咸遭譴謫,衆指錫爵爲之。 後諸輔臣。 先累加太子太保,至是命改吏部尚書,進建極殿,賜道里費,乘傳,行**人** 錫舒遂屢疏引疾乞休。 其救李沂, 力爭不宜用廷杖,尤爲世所 陶器,減雲南貢 帝不欲其去,爲出內帑錢建醮 金,出內帑振 稱。 特以 河南饑。 河 並封指, 祈 雖連章 愈。 帝皆無 被物 錫 自 明 爵

自闔門養重,竟辭不赴。又三年,卒於家,年七十七。 如禽鳥之音」等語。 三辭,不允。 三十五年,廷推閣臣。 時言官方厲鋒氣, 言官聞之大憤。 帝旣用于愼行、葉向高、 給事 錫爵進密揭力詆,中有「上於章奏一 中段然首劾之,其同官胡嘉棟等論不已。 李廷機,還念錫爵,特加少保, 贈太保,諡 文肅 概留: 中,特鄙 錫爵亦 遣官召 夷之

子衡,字辰玉,少有文名。 爲舉首才,自稱因被論,遂不復會試。 至二十九年,錫爵罷

相已久,始舉會試第二人,廷試亦第二。 授編修。 先父卒。

錫爵弟鼎爵,進士。累官河南提學副使。

覽之爲孝也。」張居正以爲刺己,頗憾一貫。居正卒,始遷左中允。歷官吏部左侍郎兼侍讀 陰,拱手曰:「託孤寄命,必忠貞不二心之臣,乃可使百官總已以聽。 學士,加太子賓客。假歸。 沈一貫,字肩吾,鄞人。隆慶二年進士。選庶吉士,授檢討,充日講官。 **苟非其人,不若躬親聽** 進講高宗諒

罪去,一貫與位嘗私致鰝書,爲贊畫主事丁應泰所劾。 柔而深中,事志皐等惟謹。其後于陛卒官,志皐病痹久在告,位以薦楊鎬及憂危竑議事得 道出寧波爲鄕郡患,極陳其害,貢議乃止。未幾,錫爵去,于陛位第三,每獨行己意。 兼

閣大學士,與陳于陛同入閣預機務,命行人即家起焉。

會朝議許日本封貢。

一貫慮貢 屏,譙責尚書陳有年。 張位同居內閣,復有旨推舉閣臣。吏部舉舊輔王家屛及一貫等七人名以上。 二十二年起南京禮部尚書,復召爲正史副總裁,協理詹事府,未上。王錫爵、趙志皐、 有年引疾去。一貫家居久,故有淸望,閣臣又力薦之。 位疏辨激上怒罷。 貫惟引咎,帝 乃詔以尚書 而帝方怒家

乃慰留之。

還 帝 舉行 貫 報 下 居 銀二 記 皇 貫 意 (逐當 長 千四百萬, 葬進太子太保、戶部尚書、武英殿大學士。[1] 書、言「萬 亦 廷 時 貫 頗 議 子。 明 國 國。 年, 疏 悟,命卽 有 本 欲 工竣, 未定,廷臣爭十餘年不決。 趣,則言:「朕 貴妃弟鄭國泰迫羣議,請册立、冠婚幷行。 死不敢奉詔」,帝乃止。 先冠婚後册立者,一貫 初,志皐病 爲册 H 諭 學行。 立、分封諸典禮費以困之。 一貫草敕 因小臣 **人**,一貫屢請增閣臣。 ル 月十有 傳示禮官, 上册立、 謝廷讚 八日漏下二鼓,詔下。 不可,曰:「不正名而 十月望,册立禮成,時論 乘 皇長子年十八,諸請册立冠 機邀功,故中輟。 及是乃簡用 貫再 冠 婚及諸王 疏 争, 一节成 一貫因再草 俟皇長子移居後行之。」旣 旣 沈鯉、朱廣,而事皆取決於一 不聽。 頗 而帝復悔, 分封儀。 事,是降儲君爲諸王也。」會 稱之。 婚者益迫。 二十八年命營慈 敕 敕旣 請 會志皐於九月卒, 令改期。 下禮官具儀,不 Ŀ, 帝 責戶部 帝 復 一貫封 慶宮 留 而 進 不 不

數諫, 楊應龍平,帝再御午門樓受俘。 獄 || i 自 不省。 吏部 一貫 疏 入 統請起用 而帝 內閣 久不 **,朝政已大非。** 建言廢黜諸臣,并考選科道官, 視朝,閣臣屢請,皆不報。 一貫請陪侍,賜面對, 數年之間,礦稅使四出爲民害。 一貫 久抑 初輔 皆不許。 不下,中外多以望閣 政 面 上下否隔甚,一貫雖小有 恩,一見帝而 其所 誣 刻 逮 緊 者 , 已。 臣。 東征 貫等 悉滯 及

教正,大率依違其間,物望漸減。

貫復奏:「今尙書求去者三,請定去留。」帝留戶部陳葉、兵部田樂,而以祖陵 江 面, 中、御史卽如所請補用。 佳兒佳婦付與先生,惟輔之爲賢君。 祥宮後殿西煖閣。皇后、貴妃以 如帝語一貫者。 一魁籍。一貫復叩首,出擬旨以進。 西陶器俱止勿行,所遣 太子、諸王跪於前。 迨三十年二月,皇太子婚禮 諸大臣咸喜。 朕見先生止此矣。」言已就臥。一貫哭,太后、太子、諸王皆哭。一 內監皆令還京。 一貫叩頭起居訖,帝曰:「先生前。 疾不侍側,皇太后 一甫成, 是夕,閣臣九卿俱直宿朝房。 礦稅事,朕因殿工未竣,權宜採取, 帝忽有疾。 法司釋久繫罪囚,建言得罪諸臣咸復其官,給事 南面立稍北,帝稍 急召諸大臣至仁德門,俄獨命一貫入啓 **股病日篤矣**,享國 漏三鼓,中使捧諭至,具 東, 今可 冠服 衝決,削工部楊 席 與江南織 巨久, 地坐,亦 何慽

帝怒, 刨 裁。 大亨不卽奉帝 日 奉行,頒示天下,刑部尚書蕭大亨則謂弛 翼日,帝疾瘳,悔之。 中使二十輩至閣中取前諭,言礦稅不可罷*,* 一貫欲不予,中使輒搏顙幾流血,一貫惶遽繳入。時吏部尚書李戴、左都御史溫純期 欲手刃 諭 起廢釋囚。 義言愈力, 帝怒,幷二事 而中使已持一貫所繳前 瘦 獄 不 行。 須 再請。 當帝 諭至。 欲追 無 何,事變。 後義 還成 命, 見一貫 太僕 釋囚、錄直 司 禮 睡曰:「相公稍持 卿南 太 監 企仲 田義 巨惟 劾戴 力爭 卿所

列

傳第

百

六

沈

貫

礦稅撤 矣,何怯 也!自是大臣言官疏請者日相繼,皆不復聽。 礦 稅 之害, 遂終 神宗世。

純 部 特 置,一貫 侍 賜 貫 時喬等,而黨論漸與。浙人與公論件,由一貫始 敕 與 郎 帝 炎炎之。 鯉 郭 自 不善也。 廣 [疾瘳 正域以文章氣節著,鯉甚重之。 (共著論以風,又嘗因事屢爭,且揭陳 以後,政益廢弛。 一質素忌鯉,鯉亦自以講筵受主眷,非由一貫進,不爲下,二人漸 會正域議奪呂本諡,一貫、廣與本同鄉,寢其議。 稅監王朝、梁永、高淮等所至横暴,奸 都御 史溫純、吏部侍郎楊 用人行政諸事。 帝不 時喬皆以清嚴 由是益惡正域幷惡 ·省。 人乘機 顧 虐民 遇 不 一貫厚,嘗 取自持相 相能 者 愈衆。 鯉及 標 禮

起。 給 貫持之。 餘 事 , 先上華 座劾 華 越 欺 問 四 罪 疏 。 ,皆無所得。 貫從中 中錢 三十一年,楚府鎭國將軍華越訐楚王華奎爲假王。 一貫 方銜 主其 一夢皐、楊應文劾正域,勒歸聽勘,華趆等皆得罪。 正域以楚王饋遺書上,帝不省。及撫按臣會勘幷廷臣集議疏入, 正 事,令錦衣帥王之禛與丕揚大索鯉私第三日,發卒圍 乃以皦生光具獄。 域與鯉、其黨康丕揚、錢夢皐等遂捕僧達觀、醫生沈令譽等下獄,窮治之。 正域,楚人,頗聞假王 二事錯 見正域及楚王 傳 事有狀,請行勘虛實 一貫納王重賄,令通政司格其疏月 中 正域甫登舟,未行,而「妖書」事 正域舟, 一貫力右王,嗾 執掠其婢僕乳 以定罪案。

都御史純劾御史于永清及給事中姚文蔚, 語稍涉一貫。 給事中鍾光斗爲一貫論

事、御史之被察者,且許純致仕去。於是主事劉元珍、龐時雍,南京御史朱吾弼力爭之,謂 純與時喬主其事,夢阜、光斗皆在點中。 純,御史<u>湯兆京復劾兆斗而直</u>純。 純十七疏求去,一貫佯揭留純。 二百餘年計典無特留者。 時南察疏亦留中,後迫衆議始下。 一貫自是積不爲公論所與,彈 至歲乙巳,大察京朝官。

刻日衆,因謝病不出。

點嘉訓,奪居相俸,允一貫歸,鯉亦同時罷。而一貫獨得溫旨,雖廣右之,論者益訾其有內 三十四年七月,給事中陳嘉訓、 質之入閣也,爲錫爵、志皐所薦。 御史孫居相復連章劾其奸貪。 輔政十有三年,當國者四年。 一貫憤,益求去。 枝拄清議, 好同惡 帝爲

異,與前後諸臣同。至變宗、妖書、京察三事,獨犯不韙,論者醜之,雖其黨不能解免也。 書、建極殿大學士。家居十年卒。贈太傅,諡文恭。 **貫歸,言者追劾之不已,其鄉人亦多受世詆諆云。 一貫在位,累加少傳兼太子太傅、吏部尙**

方從哲,字中涵, 列 傳 第 百 六 其先德清人。 方 從 哲 隸籍錦衣衞,家京師。 從哲登萬曆十一年進士,授庶 五七五九

吉士,屢遷國子祭酒。 郎,不報。中旨起吏部左侍郎。爲給事中李成名所劾,求罷,不允。 請告家居,久不出,時頗稱其恬雅。 大學士葉向高請用爲禮部右侍

增置。 經歲, 情,龐保、劉成等跡始露。 多決於向高。 四十一年拜禮部尚書兼東閣大學士,與吳道南幷命。時道南在籍,向高爲首輔, 帝優旨慰留。 以母憂歸。 向高去國,從哲逐獨相。 從哲復獨相, 未幾,道南至。會張差梃擊事起, 從哲偕道南斥之宋言謬妄,帝納之。道南爲言路所詆,求去者 卽疏請推補閣臣。自後每月必請。帝以一人足辦,迄不 請召還舊輔沈鯉,不允。御史錢春劾其容悅, 刑部以瘋癲蔽獄。 王之寀鉤得其 從哲 政事

災異數見, 缺餉數月, 田 遣中使督賦,又議令鬻鹽,中旨命呂貴督織造,駙馬王昺以救劉光復褫冠帶,山東盜起, 從哲性柔懦,不能任大事。時東宮久輟講,瑞王婚禮逾期,惠王、桂王未擇配,福府莊 言官翟鳳翀、郭尚賓以直言貶,帝遣中使令工部侍郎林如楚繕修咸安宮, 從哲皆上疏力言,帝多不聽。 而從哲有內援,以名爭而已,實將順帝意,無所 宣府

已無正人,黨論漸息。 向 高 秉政時,黨論鼎沸。 丁巳京察,盡斥東林,且及林居者。 言路交通銓部,指清流爲東林,逐之殆盡。 齊、楚、浙三黨鼎立,務搏擊清 及從哲秉政,言路

流。齊人亓詩教,從哲門生,勢尤張。

久滯. 監司 11: 五 不 人, 亦屢缺不補。 發。 都 從 下, 哲 一人領 僖 昵 時 制,給 羣 攀執政輿哀訴。 小 數 而 職 事 文武大選、急選官及四方敎 中 帝怠荒 在 五十餘員,御 外,巡按率不得代。 亦 益 詔獄囚,以 悲。 史百 畿輔、山東、山西、河南、江西及大江南北相繼告災,疏 餘 理刑無人不決遣,家屬聚號長安門。 員。 六部堂上官僅四 職,積數千人, 至是六科止 四 以吏、 人,而 五. 人 兵二科缺掌 都 五 科 御史數年 Ėij 無 所 職 業 印不 屬 空署,督撫 盡弛,上 畫憑, 道

從哲,乞用災異策免。 從 日 哲子世鴻殺 而 (奮乾綱,與天下更始。」朝士雜然笑之。 滅 匹 十六年四月,大清兵克撫順,朝野震驚。 是 日京師地震。 人,巡 城御史劾之。 從哲懇求罷,堅臥四十餘日,閣中虛無人。 從哲言:「妖象怪徵,層見疊出,除臣奉職無狀痛自修省外,望陛 從哲乞罷,不允。 帝亦不省。御史熊化以時事多艱、佐理無效劾 帝初頗憂懼,章奏時下,不數月泄泄如故。 長星見東南,長二丈,廣尺餘,十有九 帝慰留再三,乃起視 事

遼事之壞,由 明年二月,楊鎬四路出師,兵科給事中趙興邦用紅旗督戰,師大敗。 | 繆留 乃復故,而 興邦及從哲庇李維翰所致,兩疏劾之。 反擢 興邦為太常少卿。 未幾,大清兵連克開原、鐵嶺 從哲求罷,不敢入閣, 禮 部主事夏嘉遇 視事於朝房。 廷臣於文華

略 左 车 閣 發。 罷。 蔚 張 推 請 熊 軍 臣 新 帝 拜 及 周 興, 帝有 帝皆 廷 詔 及 出 疏 是候 方鑑 用 弼 推 劾 御 叉 大 立 去 疾 不 從 上 文 不 僚 八 請 遼 一,又不 數 問 哲諸 華 楊 欲 年。 下 殿 批 月 春茂 陽 矯 發, 臺 o 自劉 , 所 遂失。 前 用 從 召 諫 會 疏 哲 叉候 失,行之 見羣 皇后 命。 光 王 揭 請 從 復繋 尊德、 一季罪 論 哲復 自思 臣, 至數十 崩 帝 者謂 許之, 如 ,從哲哭 獄 善門, 連請, 君父, 面 左 舊。 疏 商 明 光 從哲 竟 乃 戰 之亡,神宗 斗, 誑 乃簡 從哲 皆不 加加 守方 臨 論 言数 不 頭 畢 Щ 救數 下。 獨 用 報。 詩 略, 世。 西 秉 史繼偕 人,祖宗 參政徐 實基 帝自 國 + 至 從 亦 帝素惡言官。 一榻前 疏。 成 哲 不 卒 之,而 辺 功 報 二百年 如 沈淮 帝 海宇承 起 11 無 翰 居。 特 首仁德門 請 所匡 從 亦 ٠, 釋 交章撃 哲 補 疏 金 平,官 爲民, 召見弘 閣 其罪 救 前 剾 仍 留 臣 此 壞 跪 考 疏 之。 從 中 叉 不 德殿, 而 俟 選除 --、終帝 哲 也 用 必 用 兪旨, 上 從哲 備 姚 手 人行 跪語. 宗 有 授者,率 世 情 連疏 文 御 意 寢 帝 政 極 関 史蕭 良 諸章 損 終不 不 哀 遼 自 之。 候 東 明 毅 奏終 始 報 命 因 中 請 及遼 御 且 命 俄 補 不 乞 劉 史 廷

間 安。 几 + 越二 八 日 年七月丙子 召召 從哲 及 朔, 尙 書 帝 周 不 嘉 豫 謨 李 十有七 汝華 日 一、黄嘉 大漸 善、黃克纘 外 廷 憂 危 等 、從哲 受 顧 偕 命 九 卿 叉 臺 一諫詣 日 乃 思善 崩 門

首

侍 李氏 八 最 月 得 丙 帝 午 龍 朔 光宗 貴 妃因請立選侍為 嗣 位 鄭 貴 妃 皇后 以前 福 選侍亦爲貴妃求封 王 故, 懼 帝 銜 之, 進 太后 珠 玉 及侍 帝 已於 姬 八 乙卯得疾, 人 噉 1 選

购 部 問:「有鴻臚官進藥者安在。」從哲曰:「鴻臚寺丞李可灼自云仙方、臣等未敢信。」帝命宣 侍爲皇貴妃。 諭 閹閉宮門不許 刻,帝崩。 F 爲堯、舜。」又語及壽宮,從哲等以先帝山陵對。帝自指曰:「朕壽宮也。」諸臣皆泣。 子、皇五子等皆侍。 纘,左都御史張問達,給事中范濟世、楊漣,御史顧慥等至乾清宮。 或 藥宜愼。 已力疾御門,命從哲封貴妃爲皇太后,從哲遽以命禮部。侍郎孫如游力爭,事乃止。 主事 體平善。 至,趣和 公張惟賢,吏部尚書周嘉謨,戶部尚書李汝華,禮部侍郎署部事孫如游,刑部尚 有 視 頭目 孫 朝,從哲偕廷臣詣宮門問安。 朝肅 帝褒答之。戊辰、新閣臣劉一燝、韓爌 眩 藥進,所謂紅丸者也。 中外皆恨可灼甚,而從哲擬遺旨賚可灼銀幣。 日晡,可灼出,言復進一丸。從哲等問狀,曰:「平善如前。」明日九月乙亥朔卯 [暈,身體軟弱,不能動履」語,羣情益疑駭。 甲戌復召諸臣,諭册封事。從哲等請速建儲貳。帝顧皇長子曰:「卿等其 入。 、徐儀世,御史鄭宗周幷上書從哲,請保護聖體,速建儲武。從哲候安,因言進 劉 帝命諸臣前,從哲等因請慎醫藥。帝曰:「十餘日不進矣。」逐輸册封選 燝、 楊漣力拄之, 帝服訖,稱「忠臣」者再。 時都下紛言中官崔文昇進洩藥,帝由 得哭臨如禮, 入直,帝疾已殆。 給事中楊漣劾文昇幷及從 擁皇長子出居慈慶宮。 時李選侍居乾清宮,羣臣入臨,諸 諸臣出竢宮門外。 辛未召從哲、一燝、爌,英 帝御東煖閣憑几,皇長 此 頃之,中使傳 委頓,而 從哲委蛇 .書黃克 哲 辛酉, 帝復 帝傳 輔 可 刑

而已。

乾清 初 以沖主付託 及光宗崩 鄭貴妃居乾清宮侍神宗疾,光宗 ,而李選侍居乾清宫。 也。 於是議移宮,爭數日不決。 給 卽位猶未遷。 事 中連 及御史左光斗念選侍嘗邀封后,非可 從哲欲徐之。 尚書嘉謨責貴妃從子養性, 至登極前一 日,一燝、 乃 爌邀 冷居 遷慈

罪七。 從哲 恨 綸 給 文昇 病 御 從哲立宮門請,選侍乃 罪 國 事 : 史鄭宗周劾文昇罪,請 而 貴妃 庇之, 沒 中 用洩藥傷損 先是,御史王安舜劾從哲 罪 四。 馬 魏應嘉,太常卿 求 上催 從 0 縱子 國法安在 哲 封 驕 戰 受 后 殺 蹇無禮,失惧哭臨,罪二。 先帝 劉遜、李 舉朝 人,蔑視 覆沒 • ,諸臣論之,從哲擬脫罪,李可灼進劫藥, 曹珖 移噦鸞宮。 力爭 全師, 而給 進忠 下 憲典,罪五。 光飛 、從哲依 法司,從哲擬 事 罪八。 輕 所盜美珠,欲 中惠 薦狂醫,又賞之以 少 明日庚辰,熹宗 違 世 卿 徇私 揚直 高 兩 阻 攀龍, 令旨司禮察 可,當誅者 芒 抑言官, 糾 封選侍為 挺擊青宮, 庇護奸 上,鼎鉉 從哲十罪、三可殺。言:「從哲 主事呂維 自 卽 蔽壅耳目, 處。 掩。 位 貴妃,又聽 貽 羞, 李選侍 祺, 及御史郭 從哲擬太子令旨,罰可灼 罪九。 先後上疏言:「可灼罪不 罪六。 黨,罪三。 從哲擬賞查, 其 乃鄭氏)人據 代營権 如楚、馮三元、 陷 乾 私 城失律,寬議 恣行: 清,當誅者一。 一稅、蠹 獨 當誅者三。」 抗凌 胸臆,破壞絲 相 或 七 聖 焦源溥 俸 殃 年,妨賢 母, 、民、罪 容誅 撫臣 飮 崔

不罪。 外 未 殺 大黃涼藥,罪又在可灼上。 稽 何 會 百 護 鄒 認言。 略盡矣。 能 戸部 右從哲,而詹事公鼐持兩端。 ,趣之上。 元標主慎行 歸 遂免可灼戍,命文昇督漕運。 宜如從哲請,削其官階,爲法任咎。 止,均有罪,乃反齊可灼。 天 列 無何,愼行 尙 啓二年四月,禮部尚書孫愼行追論可灼進紅 書汪 但可灼 廷臣 |應蛟合奏言:「進藥始末,臣等共聞見。 疏。 非醫官,且非知脈知醫者。 引 多主慎行罪從哲,惟刑部尚書黃克纘,御史王志道、 從哲疏辨,自請削官階,投 疾去。 法皆宜顯僇,以洩公憤。」議上,可灼造戍, 五 年,魏忠賢輯「梃擊」、「紅丸」、「移宮」三事爲三朝要典以傾 及御史安舜有言,止令養病去,罰太輕,何以慰皇考,服 時大學士騰述進藥始末,爲從哲解。 其黨徐大化請起從哲,從哲不出。 至可灼罪不可勝誅,而 以藥嘗試,先帝龍馭卽上昇。從哲與臣等九 四 裔。 丸,斥從哲爲弑逆。 帝慰諭之。 輔臣視皇考疾, 文昇當皇考哀感傷寒時, 給事 然一時請誅從哲者貶 文昇放南京,而從哲 中魏大中以 於是吏部尚 急迫倉皇, 徐景濂 韶廷臣 給 議。 弑逆 二 書 九 事

冬,給

事

中

程註

復

(劾之,從哲力求去,疏

六上。

命進

中

極殿

大學士,

資銀幣、蟒衣

う遣行人

聽。

其

都御史

卵議

久

張問

達

卿

字

進

4

中 汪

慶

一世揚

輕點。

從哲累求去,

皆慰留。

已而

張潑、袁化中、王允成等連劾之,皆不

崇禎 元 年二月 從哲 卒。 贈太傅,諡文端。 三月下文昇獄,戍南京

沈淮,字銘縝,烏程人。

嘗 作,滅江、浙織造,停江西 進之節,不宜 之。 令黄冠 人獻治 萬 父節 曆 河 之策 初 甫 ,屢遷至南京 一,節甫持不 一歲三遷。 字以 ,話鑿鑿 安。 न् 可 嘉靖三十八年進士。 用。 一瓷器 刑 吏部 部 尚書高 父憂歸,卒。 ,帝爲稍 以節甫有物 右 侍郎 拱恚甚, 减 召爲工部左侍 織造數。 望,絀其議。 贈 遂移疾歸。 授禮 右 副 部儀制主事。 都 中官傳奉,節甫持不 御 郎 節甫 史。天啓初,淮方 起光祿 攝部 連上 事。 丞。 歷 一疏請省浮費 詞祭郎 御 會 史高 洪掌 可,且 柄用 中。 舉 吏 ,得賜諡 ,核虚冒, 言節甫 上疏言之。 部, 詔 建祠 復 素 移 端清。 禁內, 疾避 止 負 叉 難 興

偕名上。 末 四 洋 從哲獨 ,不宜令異教 人利 瑪竇 當 帝遂用之。 國,請補 入貢,因居南京, 處此。」識 閣臣,詔 或曰由從哲薦也。 者韙其言。 會推 與其 0 亓詩 徒王 然淮素乏時譽。 疏未發,明年 教等緣從哲意擯何宗彦 豐肅等倡 天主教,士大夫多宗之。 ,,神宗崩,光宗立,乃召淮爲禮部 與大學士從哲 一、劉 同 里閈,相 爆輩,獨 潅 奏「陪京 以 善 也 淮 及 神宗 尙 史 書 都

淮

則

弟

演

同登萬曆二十年進士。

淮

改庶吉士,

授

檢討。

累官南京禮部

侍郎,

掌部事

東閣 大學士。 未至,光宗復崩。 天啓元年六月,准始至。

發遼東 賢始 武 詔錦 募材官勇士二百餘,請以勇士隸錦衣衞,而量授材官職。」進忠、 關方舉內操,得准奏大喜。 英殿大學士 名也。 衣官訓練募士,授材官王應斗等遊擊以下官有差。 故 四四 事 ,詞臣敎習內書堂,所敎內豎執弟子禮。 川軍前。 准旣至,密結二人,乃奏言:「遼左用兵亟,臣謹於東陽、義烏諸邑及揚州、淮安 韶從之。 尋加太子太保,進文淵閣, 李進忠、劉朝皆淮弟子。 准又奏募兵後至者復二百餘人,請 再進少保兼太子太保、戶部尙書、 李進忠者,魏忠

護熊 弗 葉向 罷 相 聽。 結,於是給事中惠世揚、周朝瑞等劾瀋陽託募兵,陰藉通內。 高 廷弼、佟卜年、劉 帝慰留之。 禁中內操日盛,駙馬都尉王昺亦奉詔募兵,願得帷幄重臣主其事。廷臣皆言准與朝陰 言言 **濰不自安,乃力求去。** 「紀、灌交攻,均失大臣體。 世揚等逐盡發灌通內狀,刑部尚書王紀再疏劾灌,比之蔡京。 閹人、戚畹、姦輔內外弄兵,長安片土,成戰場矣。 一巘等。 命乘傳歸。 韶兩解之。未幾,紀以卜年獄削籍,議者益側目 今以讞獄斥紀,如公論何。」朱國祚至以去就爭,帝皆 逾年卒。 贈太保、諡文定。 劉朝內操,灌使門客誘之。 **灌疏辨**,因請疾求 **淮亦劾紀保** 淹。 大學士

准弟演,由工部主事歷官南京刑部尚書。

記

議,內固恩寵,依阿自守,掩飾取名,弼諧無聞,循默避事。 贊曰:神宗之朝,於時爲豫,於象爲蠱。 時行諸人有鳴豫之凶,而無幹蠱之略。 書曰「股肱惰哉、萬事隳哉」,此 外畏清

校勘記

孔子所爲致歎於「焉用彼相」也。

尋進太子太保戶部尚書武英殿大學士 晉兼太子太傅、建極殿大學士。」 |萬曆二十五年:「一貫,五月晉太子太保、戶部尚書、武英殿大學士。」二十九年:「一貫,十一月, 神宗實錄卷三六五萬曆二十九年十一月丙申條同。 此繫於二十九年十月後。 按本書卷一一〇字輔年表, 當以神宗

實路及宰輔年表爲是。

明史卷二百十九

列傳第一百七

張四維 子泰徵 甲徵 馬自强 子怡 慥 許 國 趙志阜

張位 朱賡子敬循

直經筵,尋遷左諭德。 張四維,字子維,蒲州人。嘉靖三十二年進士。改庶吉士,授編修。隆慶初,進右中允, 四維倜儻有才智,明習時事。楊博、王崇古久歷邊陲,善談兵。四

維,博同里而崇古姊子也,以故亦習知邊務。 高拱深器之。

商。 維爲交關於拱、款事遂成。拱益才四維,四維亦干進不已,朝士頗有疾之者。御史郜永春 視鹽河東、言鹽法之壞由勢要橫行,大商專利,指四維、崇古爲勢要。四維父、崇古弟爲大 四維奏辨,因乞去。 拱掌東部,超擢翰林學士。甫兩月,拜東部右侍郎。 拱力護之,溫詔慰留焉。 **俺答封貢議起**,朝右持不決。 四

傳第一百七 張四維

朝 出 士儋 | | | | | | 未 初 召 + 至 儋 几 趙 而 維 貞 未 穆宗崩 充侍 吉 去 言路 去 班 位 官。 拱 復 拱 罷 有 欲 政, 給 劾 援 事 張 四 四 中 居 維 維 曹大埜 IF. 者 入 當 閣 國 而 四 言 復 維 四 殷 已進左: 移 維 士 儋 賄 疾 夤緣 拱 歸 侍 得召 郎, 得 不得 之, 四 維 諸 已引 馳 人 疏 邃 去 辨 相 無 搆 求 Ó 何 罷 士 及 儋 御 帝 亦 史 不 趙 去 許 應 龍 東 趣 宮 劾

匹 部 援。 至 維 少 尙 師 書 由 萬 几 曆 維 居 兼 吏 E 東 家 部 年 進, 閣 素 尙 大學 復 封, 書、中 謹 召 事之, 歲時 士 掌. 極 詹 入 贊 飽 殿 不 事 問 大 機 府 敢 居 學 務。 相 正 明 士 可 不 當 年 否, 絕。 $\stackrel{\cdot}{=}$ 是 隨 月 時 武清 其 居 後, 政 正 事 伯 拜 請 李偉, 賜 增 決 進官 置 居 慈 閣 正 臣 聖太后 而 틴。 居 BÍ 正 薦 居正 父也, 無所 四維 卒 推 馮保 故籍 譲 匹 維 山西, 視 亦 始 同 與 當 善 列 或 四 蔑 遂 維 如 累 結 以 也。

禮

爲

加

苦居 之心。 術 文 也。 武 諸 IE. 初 帝 臣,不 誠 欲 四 嘉 宜 大 維 納 及 達 收 曲 之。 此 朝 人 事 大慶,蕩滌 居正 延 心。 自是 勵 精 會皇子 初朝 積 本意 不 政 煩 能 稍 生,頒 務 堪 變,言路亦 爲促 一擬旨 弘 韶 敷 急煩 天下, 疏言: 惠澤,俾四 不 杰 一發舒 碎、致徵 如居正 凯 海 居正 斂 意 个法 烝黎, 無藝,政 居正 時 紀 咸戴帝 事 修 亦 明,海宇 令 漸 乖舛, 德, 恶 之。 此 寧謐 中 固 旣 外囂然 人心培 得 足稱 政, ",喪其 或 治 知 脈 平。 中 樂 外 之 積 生 要 而

於 是居 正黨 大懼。 王篆、會省吾輩,厚結申時行以爲 助。 而 馮保欲因兩宮徽號封己爲

時行 起視 光 伯,惡四維持之。 媚 事。 四維 乃謫 ,拔其 問達於外,以安 命甫 下, 中 表弟王謙 篆、省吾知之、厚賄保、 御史張問 四維。 爲吏部主事。 達復劾四 四 維 以時行與謀也, 維 0 數短四維,而使所善御史曹一夔劾吏部尚書王 時行遂擬旨罷 四維 奢, 求保 卒銜 心腹 國光 之。 徐爵、張大受賄保、保意稍 , 並調謙 已而 中官 0 張誠譖保,保眷大 四四 維 以 帝 慰 留 復 國

衰 一四維乃授意門生李植輩發保奸狀。 保 及篆、省吾皆逐,朝事 大變。

雲南貢金後期,帝欲罪守土官,又詔取 歸 服 於是四維稍汲引海 將 闋,卒。 贈太師,諡文毅。 內正 人爲居正所沉抑者。雖未卽盡登用,然力反前事,時望頗屬焉。 雲南舊貯礦銀二十萬,皆以四維言 而 此。 尋以父喪

子 泰徵 、甲徵皆四維柄政時舉進士。 泰徵累官湖廣參政, 甲徵工部郎中。

經筵。 馬自 遷國子祭酒,振飭學政,請寄不行。 强,字體乾,同州人。 嘉靖三十二年進士。 遷少詹事兼侍讀學士,掌翰林院 改庶吉士,授檢討。 隆慶中,歷洗馬,

士,乃擢禮部右侍郎,爲 神宗 爲皇太子出 閣,充講官。 日講官。 尋以左侍郞掌詹事府,直講如故。 敷陳明切,遂受眷。 及卽位,自强已遷詹事, 丁繼母憂歸。 教習庶吉 服闋,詔

以 正 尙 故 書得 官協 兼 理詹事 講官否,居正言,事繁不得棄。 府。 至則遷吏部左侍郎,仍直經筵。 乃用爲尚書,罷日講,充經筵講官 甫兩月,廷推禮部尚書。 帝遣使詢居

虎山 重賄 求,額漸溢。 遵守,諸不可用者悉屛之。 正一眞人,隆慶時已降爲提點,奪印敕。至是,張國祥求復故號,自强寢其奏。 馮保固求復,自强力持不可,卒以中旨許之。初,俺答通貢市,賞有定額,後邊臣徇其 禮官所掌,宗藩事最多,先後條例自相牴牾,黠吏得恣爲奸利。 自强請申故約、濫乞者勿與、歲省費不貲。世宗實錄成,加太子少保。 每藩府疏至,應時裁決,榜之部門,明示行止,東無所牟利。 自强擇其當者俾僚吏 國祥 沙 贈

正於江陵、聽其裁決。 多 臣 士,與時行並參機務。 以 居正 出,惟徐階老易與,擬薦之自代。已遣使報階,旣念階前輩,己還,當位其下,乃請增置閣 帝卽令居正推擇,遂以人望薦自强及所厚申時行。 六年三月,居正將歸葬父。念閣臣在鄉里者,高拱與己有深隙,殷士儋多奧援,或乘問 時呂調陽、張四維先在閣。 自强雖持正,亦不能有爲,守位而已。 自强初以救吳中行、趙用賢忤居正,自分不敢望,及制下,人更以是 調陽衰,數寢疾不出,小事四維代擬旨,大事則馳報居 詔加自强太子太保兼文淵閣 大學

子怡,舉人,終參議,慥,進士,尚寶卿。 已,居正還朝,調陽謝政,自强亦得疾卒。 詔贈少保,諡文莊,遣行人護喪還。

爲 太子 許 出 國 ,字維楨, 歙縣 閤 兼 校 書。 及卽 人。 位, 舉鄉試第 進右贊善, 一,登嘉靖四十四年進士。 充 日講官。 歷禮 部左、 改庶吉士,授檢討。 右侍郎, 改 吏 部 掌 神宗 詹

事

府。

言者相 考 不允,命其子代。 復劾國 或 卜壽宮,加 ,請薄罰 + 一,帝 攻, 年四 性學。 爲 語侵吳中行、趙用賢, 謪 國 月以禮部尚書兼東閣大學士入參機務。 太子太保,改文淵閣,以雲南功進太子太傅。 可受官。 御史馬象乾以劾中官張鯨獲罪,國懇救。 國 再疏 求去, 國復三疏乞休,語憤激,帝不允。 力攻言者。 曲 是物 議 帝 沸然。 命鴻臚宣諭 已 而 國與首輔申時行善。 御史陳性 , 始 起 視 性學旋出為 帝 國 爲霽威受之。 以父母未葬,乞歸襄 學復摭前 事。 廣東 南京給事 事 以丁此呂事 劾 國 中 先是,帝 時行 伍 可 受 右 與

數 連 與言者爲難,無大臣度,以故士論不附。 疏 力 + 抵,

幷及主事

饒伸。 七年,進士薛敷敎劾吳時來,南京御史王麟趾、黃仁榮疏論 伸方攻· 大學士王錫爵,公議益不直國。 臺規,辭皆侵國。 國性 一木强, 遇 事 輒發。 國憤

毋恣胸臆。」帝遂下詔嚴禁。 犯,而中外小臣爭務攻擊,致大臣紛紛求去,誰復爲國家任事者。請申諭諸臣,各修職業, 論 盟 事 中任 死順 ,讓則時行門生也,故爲其師報復云。福建守臣報日本結琉球入寇,國因言:「今四裔交 明 讓 年 **,桀驁已極,宜一大創之,不可復羈縻。** 秋 論國庸鄙。 ,火落赤犯臨洮、鞏昌,西陲震動,帝召對輔臣暖閣。 國疏辨,帝奪 國始終忿疾言者如 譲俸。 國、時行初無嫌。 此。 帝心然國言,而 而 時行為政不能 時行適為國門生萬國欽所 時行言款貢足恃,國謂渝 奪。 無何,給

臣比。 時行 (謂時行以論劾去,國以爭執去,爲二相優劣焉 適在告,國與王家屛慮事中變,欲因 廷 臣 國不自安,遂求去。疏五上,乃賜敕馳傳歸。 爭請册立,得旨二十年春舉行。 而就之,引前旨力請。 十九年秋,工部郎張有德以儀注請,帝怒奪俸。 踰一日, 時行亦罷,日一而册立竟停。 帝果不悅,責大臣不當與小

國 在閣九年,廉愼自守,故累遭攻擊,不能被以汙名。 卒,贈太保,諡文穆。

情,將廷杖吳中行、趙用賢。 趙 志皐,字汝邁,蘭谿人。 志阜偕張位、習孔教等疏救,格不上,則請以中行等疏宣付史 隆慶二年進士及第,授編修。 萬曆 初, 進侍 讀。 張居 正奪

館, 殁,言者交薦,起 居正志。 會星變考察京朝官,遂出志皐爲廣東副使。 解 州 同 知 旋 改南京太僕丞,歷國 子 監 司 業、祭酒 居三年,再以京察謫其官。 ,再遷吏部右侍 郎,並在 居正

南京。尋召爲東部左侍郎。

聲疏 明 不 問 年 論 春,王家屛罷,王錫爵召未至,志皋暫居首輔。 + 九年 錫 爵, 秋 中言當事者變亂傾危,爲主事諸壽賢、給事 ,申時行謝政,薦志皐及張位自代。 逐進禮部尚書氣 東閣大學士,入參機務。 會寧夏變起,兵事多所咨決。 中許弘綱所駁。 志皐 ·再辨, 主事 岳元

詞 貶 疆 皇太后 副 被寇 請 黜者三十餘 使馮 二十一年,錫爵還朝,明年五月遂歸,志皐始當 時泰 尋極 一,武臣 誕辰,帝受賀畢,召見輔臣暖閣,志皐論宥御史彭應參。 詔 論章奏留中之弊,請盡付諸曹議行。 罪也。 人。 獄,而 志皐等連疏諫,皆不納。 總兵官楊紹勳 今寬紹勳 而深罪文吏,武臣益恣,文吏益喪氣。」 止下御 史問。 累進少傅,加太子太傅,改建極 給事 帝惡中官張誠黨霍文炳,以言官不舉發, 國。 中吳文梓等論其失平,志皐亦言:「封 遼東失事,詔褫巡撫韓取善職,逮 言官乞減織造,志皋等因合 帝不從,時泰竟謫戍。 殿

累疏 陳時政缺 失。 而其大者定國本、罷礦稅諸事,凡十一條。 優詔報聞 而已。

列

時

兩宮災,彗星見,日食

九九分

有奇,三殿又災,連歲間變異迭出。

志皐請下罪己詔,因

六時 志皐嘗 請 舉 ·冠婚 禮。 帝命禮官具儀。 及儀上,不果行。二十六年三月, 志皐等復以

爲言,終不允。

崇禮 勢輕 道亨詆尤力。 炳 輔 論之。 ,年七十餘,耄矣,柔而 而 劾 已而 張 權 其 居正柄國,權震主。 給事 有所分,則相率擊之以博名。」因求退益切。 子兩淮 無何,南京御史柳佐、給事中章守誠言,吏部郎顧憲成等空司 中張濤 志皐憤,言:「同一閣臣也,往日勢重而 運副鳳威,鳳威坐停俸。 、楊洵,御史冀體、況上進,南京評事龍 懦,爲朝士所輕,詬醉四 申時行繼之,勢猶盛。 未幾,工部郎中岳元聲極言志皐宜放,給事 起。其始爲首輔也,值西華門災,御史趙文 王錫爵性剛負氣,人亦畏之。 權 帝慰諭 有所歸,則相 起雷相繼披詆。 之。 率附之以媒進。 而逐志皐,實激帝 而巡按 志皐爲首 海史吳 今日 中劉

劾 身 終不問。 則 在牀褥,於罷礦、建儲諸大政,數力疾草疏爭,帝歲時恩賜亦如故 星者必及志皐。 多寢不下,而留志皐益堅。 初 ,日本封貢 然志皐已病不能視事,乞休疏累上,御史于永清、給事中桂有根復疏論之。 、議起,石星力主之。 志皐每被言,輒疏辨求退,帝悉勉留。 迨封事大壞,星坐欺罔下獄論死,位亦以楊鎬故褫官,而 志皐亦冀無事,相 先嘗譴言者以謝之,後言者益衆, 與應和。 及封事敗,議者蜂起,凡 志皐

志皐疾轉篤。 在告四年,疏八十餘上。 二十九年秋卒於邸舍。贈太傅、諡文懿。

張位 一,字明成,新建人。 隆慶二年進士。 改庶吉士。 授編修,預修世宗實錄

定、爲他年實錄之助。」張居正善其議,奏行焉。 非 史官充位,無以 出 於韶令,形諸章疏,悉湮沒無考。 萬曆 元年,位 自効。 以前代皆有起居注,而 宜日分數人入直,凡詔旨起居,朝端政務,皆據見聞書之,待內閣裁 鴻猷茂烈,鬱而未章,徒使野史流傳,用爲 本朝獨無,疏言:「臣備員纂修,竊見先朝 亂眞。 政 事 , 自 今

官,協理詹事府, 允,管司業事,進祭酒。 州 百 知。 後以救吳中行、趙用賢忤居正意。 居正卒之明年,用給事中馮景隆、御史孫維城薦,三擢南京尚寶丞。 辭不赴。久之,以申時行薦,拜吏部左侍郎兼東閣大學士,與趙志皇 疏陳六事,多議行。 時已遷侍講,抑授南京司業。 以禮部右侍郎、敎習庶吉士、引疾歸。 未行,復以京察,謫徐 俄召為 詔起故 左中

志皐相厚善。 禖,議者竊哂之。趙南星以考察事 王 一錫爵還朝,帝適降諭三王並封,以待嫡爲辭。 志阜衰,位精悍敢任,政事多所裁決。 褫官,朝士詆錫爵者多及位。 而志皐、位遽請帝篤修交泰, 時黜陟權盡還 錫爵去,志皐爲首 更部,政府不得侵撓。 輔 早兆高 位與

並命。

列傳

觞

二十四年,

兩宮災,

礦稅

議

起

一位等不

能

沮。

及

奸

人請稅煤炭,開

臨清皇店,位

與

位 深憾之,事 多掣其 肘 以故 孫 鑨 陳 有年、孫丕 揚、蔡國珍皆不 安其位 而

淵閣,以甘肅破賊敍 鮮軍務。 君 田 貫 臣 通商 乃執奏不可,不報。 慮中國逐幷其 惠工,省中國 鎬遭父喪,又請奪情視事, 士 功,加太子太保,復以延鎭功,進少保、吏部尚書,改武英殿 輸輓 明年春,偕一貫陳經理 疏 陳 非便, 且擇 人為長 乃寢。 且薦邢玠為總督。 帥,分署 頃之,日本封 朝鮮 朝鮮 事 宜 八道,爲持 事壞,位力薦參政楊鎬才 帝皆從之。 請於 開城 八八計。 位已進禮部尚書, 、平壤建置 事下朝鮮議 重鎭,練 7,請付 改文 以 其 兵 朝 屯 國

累民耳。」於是給 報之,不能盡行。 郊 廟, 三殿災,志皐適在告, 建皇儲,錄廢棄,容狂直,宥細過,補缺官,減 事中張正學劾位 位又言:「臣等請停礦稅,非遽停 位偕同 逢迎 列請 遷就,宜斥。 面慰,不許。 之也, 織造, 帝亦 乃請帝引咎頒赦,勤朝講, 不 蓋欲 停礦 省 使, 責成撫按,使上不虧國,下不 徹稅監, 釋繫囚。 發章奏, 帝 優 詔

亨劾位 黨。 徐作、劉 道亭恥之,劾位以自解。 位 奸貪數十 初官翰林,聲望甚重,朝士冀其 應秋 、劉楚先 事 位實, 、戴士衡 力辨, 已而贊畫主事 楊 廷嗣 遂落道亨三官。 、大用。 則 與 位善, 丁應泰劾楊鎬喪師 及入政府,招權示威,素望漸衰。 各有所左右。 呂坤 、張養蒙 與 言位與鎬密書往 丕揚 孫丕揚交好,而 嘗劾位, 指 給 道亨 來, 事 沈 $\dot{\oplus}$ 思孝 朋 爲 劉道 黨 其

累官豐部 官示帝意欲做永陵制,廣言:「昭陵在望, 萬 欺罔, 鎬拔擢由賄位得之。 史,極言「花石綱」之害,帝爲悚然。 復官,贈太保,諡文莊 卿密揭屢薦,故奪哀授任。 復交章論。 名爲民,遇赦不宥。 建崑皆貶黜有差。 改庶吉士,授 朱廣,字少欽,浙江山陰人。 |位 無 · 有才,果於自用,任氣好矜。 何,有獲妖書名憂危竑議者, 尚書 位窘,亟奏:「羣言交攻,孤忠可憫。 一遭繼母 編 修。 其親故右都御史徐作、侍郎劉楚先、祭酒劉應秋、給事中楊廷蘭 喪去。 萬曆六年以侍讀 今乃朋欺隱慝,辱國損威,猶云無愧。」遂奪職閒住。 帝怒下廷議。 父公節,泰州 歷禮部 其敗也,廷臣莫之救。 御史趙之翰言位實主謀。 制過之,非所安 位惶恐奏辨, 左、右侍郎。 爲日講官。 知州。 臣心無纖毫愧,惟 宮中方興土木, 兄應,刑部主事。 帝營壽宮於大峪山,命廣往 帝猶慰留。 」疏入,久不下。 旣卒,亦無湔雪之者。 帝亦疑位怨望有他志, 上矜察。」帝怒曰 給事中趙完璧、徐觀 治苑囿。 廣登隆慶二年進 已,竟如其言。 賡 天啓中,

由

瀾

詔除

冽

傅 第

百

七

朱 ľξ

五七七九

視

中

因

講宋

連,事 疏聞 宜三論 捐 廢者。 一、乞避 歲 乃得解。 一大指 俸助 詔 九 賡 位。 殿工。 年 以 爲 故 秋 礦 帝 官 慰 稅發 趙 其秋 兼 諭 志皐卒,沈一貫獨當國,請增置閣臣。 東閣大學士參預機務, 有 廣 極 加。 陳 手 筆 礦 稅之害,帝不能用。 也。 貫倡羣 廣於己邸門獲妖書,而 小窮治不已。 遣行 人召之。 旣 而 廣在告, 與一 帝素慮大臣 書辭誣 再辭 貫及沈鯉 再貽書一貫, 不允。 賡 動 搖 共 植黨,欲用林居及 獻 明 國 本,大 年 守 請 成 四 速 月 具獄 懼。 遣使 詣 闕 無株 立以 權 人 卽

不敢奉 報允。 帝皆納之,不果行 可,曰:「北察之留,旨從 三十三年大計京官。 帝 詔。」言官劾溫純及鯉,中使 下南察疏 而 純竟去。 中出,人猶咎臣等。 帝留被察者錢夢皐輩,及 其冬,工部請營三殿。 傳帝意欲去純。 今若出 自票擬,則 南京察疏 廣言大臣去國必 時方濬 上,亦欲有所留。 河、繕城,廣力請俟之異日。 二百餘 採 年大典,自 公論,豈可於劾疏 臣 廣力陳不 壞之,死

終不得命。 政,於增閣 上,十不能 三十四年,一貫、鯉去位,賡獨當國,年七十有二矣。 臣、補大僚、充言路三事語尤切。 廣以老,屢引疾,閣中空無人。 下。 御史宋燾首諷 切廣,給 帝諭簡閣臣,而廷臣慮帝出中旨如往年趙志皐、 事 帝優詔答之而 中汪若霖繼之。 朝政 不行。 廣緣二人言,力請帝更新庶 日弛,中外解體。 廣乃素服詣文華門懇請, 廣疏揭月

故 4 賡 力疾請 付廷推、乃 用于愼行、 李廷 機、 葉向 高, 面 召 王錫 爵於家, 以 爲首 輔

展

位

給 而 姜 事 士 中 昌 王 及熹被謫, 元 翰 、胡忻 以 言路謂 廷 機 之用 出 ||授 廣 意, 實主之, 念 不 平。 疏 禮部 詆 廷 主事 機 並 一侵賡 鄭振 先 遂 賡 刻賡 疏 辭 帝 十二大罪,且言 爲 切責 言者 廣 旣 與

貫 錫 爵 爲 過去、見在、未 來三身。 帝怒, 貶振先三秩。 俄 以 言官論救 万再 貶 二秩

給 兼 上。 政 謂 下。 權 賡 事 太 言者 子 中 修 誻 不 先,考選科道, 胡 太保 郤 由 人 ,攻訐 列 忻 慮 内 閣 (言路, 方欲 請停其 ,進吏部 其復起, , 四 盡移 起,先後 /贈諡 吏部擬 尚書、文華殿大學士。 攻不 於司 見 一,帝不 風 禮。 Ė, 成疏論 上七十八 采,而 聽。 ता 言者遂交章劾安性,復侵賡。 至 廣以十一 五. 給 + 事 人。 餘 F 人。 若霖先嘗忤廣,及是見 候 月卒於官。 及卒,贈太保, 命 給事 踰 年, 中喻安性者,賡 不下,廣 遺疏陳 諡 時政 是時 文懿。 連 黜 疏 語 | | | | | | 適當 越之。 里 人,為賡 御史彭端 極悲切。 寢疾, 乞休 廣病起 三十六年秋,命始 上 吾復疏 賡 疏 入 直 先 言 疏 L:「今日 時。 加 詆 十 少保 衆 餘

賡 醇 謹 無大過,與沈 貫 同 鄕 相比,暱給 事 中陳治 則、 姚文蔚等,以故蒙詬病云。

子 敬循 , 官禮部郞中 一、改稽 勳 前 此 無正郎 改吏部者 自敬循始。 終右通政。

五七八二

羣 相敵仇, 贊 日: 罔顧 四維等當軸處中,頗滋物議。其時言路勢張,恣爲抨擊。 國 是。 **詬醉日積,又鳥足爲定論乎。** 然謂光明磊落有大臣之節,則斯人亦 是非瞀亂,賢否混淆,

校勘記

不能無愧辭焉。

[一] 踰一日時行亦罷 一日,原作「一月」。 本書卷一一〇字輔年表萬曆十九年:時行「九月致仕」,

國「九月致仕」。 兩人致仕都在九月。神宗實錄卷二四〇萬曆十九年九月、 國權卷七五

頁四六

五八都作玉申許國去,甲戌申時行去,正踰 日。 據改。

戍條、明進士題名碑錄隆慶辛未科改。 用給事中馮景隆御史孫維城薦 孫維城,原作「孫惟成」,據神宗實錄卷一三三萬曆十一年丙

明史卷二百二十

列傳第一百八

萬士和 王之誥 劉一儒 吳百朋 劉應節 徐栻 王遴

畢鏘 舒化 李世達 曾同亨 弟乾亨 辛自修 溫 和

趙世卿 李汝華

貴州提學副使,進湖廣參政。 士和經畫備至,民賴以安。遷江西按察使,之官踰期,劾免。 士,授禮部主事。父喪除,乞便養母,改南京兵部。 萬士和,字思節,宜興人。 撫納叛苗二十八砦,以功賚銀幣。 父吉,桐廬訓導,有學術。 累遷江西僉事,歲裁上供瓷器千計。遷 士和成嘉靖二十年進士,改庶吉 三殿工興,採木使者旁午。

起山 列 傳 東按察使,再遷廣東左布政使。 第 百 八 萬 士 和 政事故專決於左, 士和曰: 「朝廷設二使, 如左右 五七八三

手,非 便民六事 有 軒 輊 隆慶初,進戶部 。」乃約 右使分日治事。 右侍郎 總督 召拜應天府尹, 道遷右副都御史。 倉場。 尋改 禮部 ,進左。 引 疾 歸 督南 京 糧儲,奏請

居正 之。 請, 樹 懋學言事得 聲言,召 多犯 方士 歿,起南京禮部尙書,再疏引年不赴。 神宗立,起南京 時 一倚 忌。 士和代之。 罪, 馮保求官, 俺答及所部貢馬 士和 禮 言直臣 士和 部 條上崇儉數事。 侍 郎 持不可。 不當斥。 署 ,邊臣請 或 子 成 於是積忤居正。 監事 或 又以災祲屢見,奏乞杜倖 加官賞。 公朱希 卒,年七十 0 萬 曆 忠殁, 士和 元 年, 0 給事中朱 言賞簽有 居正許贈王, 禮部 贈太子少保,諡 尚 南雍 成 菛 書陸樹聲去位。 額 容 承 士和 l戆直 風劾之, 徇 力爭 邊臣 汰 亢 逐謝 額 給 張居 員 外 事 病去 請,從 中余 抑 正 用 干

列 進 外 山 郎,出爲河南 一便宜 西 王之誥,字告若, 右 多政。 八事,行之。 : 僉事 擢右僉都御史,巡撫遼東。 石首人。嘉靖二十三年進士。授吉水知縣。 召爲兵部右侍郎。 討 師 尚韶有功, 轉參議。 尋以左侍郎總督宣、大、山 大 調大同兵備 興屯田,每營墾田 副 使。 百 以 遷戶 匹 五. 搗 軍務 十頃,役軍 极 が部主 升功,增俸 一事,改兵部員 四 占 一級,

隆 慶元年就進右都御史。 **俺答犯石州** 之誥令山西總兵官申維岳,參將劉寶、尤月、黑

撫王 雲龍 繼 四營兵尾之南下,而檄大同總兵官孫吳、山 洛 駐 代州 不 出 維 岳 不 敢 前 , 石州遂 陷 西 殺 副總兵田世威等出 人數萬 ,所過 無子 天門關,遏其東歸。巡 遺 大掠十 有 匹 日 而

去。 事 聞 維岳 世威 寶論 死,繼洛 戍邊,吳落職。 之誥以還守南山,止 貶二秩

庸 御 史 之誥以疾辭, 明 總督陝 年 詔 之誥 | 四三 以左侍郎 邊軍 代以冀練。 務。 巡 以 視 延寧將 E, 薊、遼、保定、宣、大、山西 復因 上搗巢! |給事: 中張鹵 功 ,予一子官,遷南京兵部尙 言,皆罷 一,侍郎 不遣。 劉燾巡陝西、 三年起 書。 督京營。 延綏、 寧夏、甘 進右都

闕 歸 踰 之誥以召 神 時不至,被劾。 宗嗣 位,召拜刑 還直臣,收人心爲勸。 會之誥亦 部尚書。 奏請終養,遂報 張 居正 卒,贈太子太保,諡端襄。 專政, 之誥與有連,每規切之。 許。 後居正喪父奪情,杖言者闕下。 萬 曆三年乞假送 歸葬還 母

不 移疾歸。 當 赴 儒 國 召,卒於家。 嘗貽 乃發向所緘物還之。 時 有 夷陵劉一儒者,字孟眞,亦居正 初,居正女歸一儒子,珠珠紈 書規之。 天啓中,追諡莊 居正 歿,親黨皆 南京 御史李一陽請還 坐斥,一儒獨 綺盈箱篋,一儒悉局 一姻也。 嘉靖三十八年進士。 以高潔名。 儒於朝, 之別室。 以厲恬讓。 尋拜南京工部尚 居正死,貲產盡入官, 屢官刑部侍郎。 帝 可其奏。 甫 半歲 儒竟

列

吳百朋,字維錫,義烏人。 嘉靖二十六年進士。 授永豐知縣。 徵拜御史, 歷按淮、

湖廣。擢大理寺丞,進右少卿。

吳桂芳討平河源賊李亞元、程鄉賊葉丹樓,又會師破倭海豐。 四 十二年夏,進右僉都御史,撫治鄖陽。 改提督軍務、巡撫南、贛、汀、漳。 與兩廣提督

六 縣, 障、羣贼震懾 龍 十四年秋,百朋進右副都御史,巡撫如故。 沙 誘賊黨爲內應,先後悉擒之,惟三巢未下。 與香寮盜蘇阿普、范繼祖連兵犯德化,至三為都指揮耿宗元所敗,偽請撫。百朋亦陽能 川、興寧,江西龍南、信豐、安遠,蠶食過半。 ,賴清規據下歷。 初,廣東大埔民藍松山、余大眷倡亂,日 最逆命,用兵必自下歷始。」帝采部義,從之。 朝廷以倭患棘,不討且十年。 上疏曰:「三巢僭號稱王、旋撫旋叛。 三巢者,和平李文彪據岑岡,龍南謝允樟據高 流劫漳、延、興、泉間。 不亟討,禍不可言。 文彪死,子珍及江月照繼之,益猖獗。 百朋乃命守備蔡汝蘭討擒清規於苦竹 三巢中惟淸規跨江、廣 官軍擊敗之,奔永春。 廣東和 兵,而 匹

隆慶初,吏部以百朋積苦兵間,稍遷大理卿。 給事中歐陽一敬等請留百朋剿賊, 詔進

兵部 右侍郎兼右僉都御史,巡撫如故。 百朋奏,春夏用兵妨耕作,宜且聽撫,帝從之。

南京兵部右侍郎。乞終養,不許。 改刑部右侍郎。 父喪歸,起改兵部

尙書。 隘,番族部落,士馬强弱,亭障遠近,歷歷如指掌。 逆黨八事核邊臣,督撫王崇古、吳兒,總兵郭號以下,陞賞黜革有差。 萬曆 踰年卒。 初,奉命閱視宣、大、山西三鎭。 百朋 以糧餉、險隘、兵馬、器械、屯田、鹽法、番馬、 以省母歸。 起南京右都御史、召拜刑部 又進邊圖, 凡關 塞險

三關屬井陘道自 劉 應節,字子和,維人。 此始。 四十三年以山西右參政擢右僉都御史,巡撫遼東。 嘉靖二十六年進士。 授戶部主事。 歷井陘兵備 副 使, 母 喪歸。 兼轄三

關

請募民 隨 卿坐殺平民充首功逮治,改應節代之。 隆慶元 習海道者赴天津領運,同運官出海達永平。 年起撫河南。 俺答寇石州, 山四 建議永平西 騷 動,詔應節赴援。已,寇退。 部議以漕卒冒險不便,發山東、河南栗 門抵海 口距天津止五百里,可通漕, 會順天巡撫耿

萬石儲天津,令永平官民自運焉 四年秋,進右副都御史,巡撫 如故。旋進兵部右侍郎兼右僉都御史,代譚綸總督薊、

五七八七

流,水深漕便。舊昌平運額共十八萬石有奇,今止十四萬,密雲僅得十萬,惟賴召商一法, 以上陸運至龍慶倉,輸輓甚苦。今白水徙流城西,去潮水不二百武,近且疏渠植壩,合爲一 雲環控潮、白二水,天設之以便漕者也。向二水分流,至牛欄山始合。通州運艘至牛欄山, 時以折色便軍,可以積栗,凶歲以本色濟荒,可以積銀。又明年建議通漕密雲,上疏曰:「密 **留給京軍,則通倉無腐粟,京軍沾實惠,密雲줲僉商,一舉而三善備矣。」報可** 而 地瘠民貧,勢難長恃。聞通倉粟多紅朽。若漕五萬石於密雲,而以本鎭折色三萬五千兩 軍務。奏罷永平、密雲、霸州采礦。 又因御史傅孟春言,議諸鎭積貯,當計歲豐歉。

也。 疲於 千,今薊、昌地兼二鎭,而兵力獨不足。 援彼例此,何以能守?以今上計,發精兵二十餘萬 恢復大寧,控制外邊,俾畿輔肩背益厚,宣、遼聲援相通,國有重關, 客兵不過十三萬而已。 地。 勾皆老稚,又未必安於其伍。 奔命,叉半孱弱。 既大寧內徙,三衞反覆,一切防禦之計,與宣、大相埓,而額兵不滿三萬。 如其不然,集兵三十萬,分屯列戍,使首尾相應,此百年之利也。 給專中陳渠以薊鎭多虛伍,請核兵省餉。 於是議減客兵,募土著,而游食之徒,饑聚飽颺。 且宣府地方六百里,額兵十五萬,大同地方千餘里,額兵十三萬五 本鎮西起鎭邊,東抵山海,因地制兵,非三十萬不可。 應節上疏曰:「國初設立大寧,薊門猶稱內 庭無近寇, 叉不然,則選主、客兵 請淸勾逃軍,而所 倉卒召外兵, 此萬年之利 今主、

十一萬,與入衞客兵分番休息,庶軍不告勞,稍定邊計。」部議行所司清軍,而補兵之說卒 操練如摶沙,教戰如談虎。邊長兵寡,掣襟肘見。今爲不得已之計,站勾新軍補主兵舊額 十七萬,訓練有成,不必仰藉隣鎭,亦目前茍安之計。今皆不然,徵兵如弈棋,請餉如乞糴,

不行。

刑部。 御史以往,議鑿山引泉,計費百萬。 奉表至京,應節出郭與談禪,給事中周良寅疏論之,遂偕汝芳劾罷。卒,贈太子少保。 工部尙書。 萬曆元年進右都御史兼兵部右侍郎,總督如故。 初,王宗沐建議海運,應節與工部侍郎徐栻請開膠萊河,張居正力主之。用栻兼僉都 錦衣馮邦寧者,太監保從子,道遇不引避,應節叱下之,保不悅。 議者爭駁之。 召試還,罷其役。試,常熟人,累官南京 進南京工部尚書,召爲戎政尚書,改 會雲南參政羅汝芳

峭直 武選郎中周冕。 一矜節概,不妄交。 王遴,字繼津,霸州人。嘉靖二十六年進士。 冕發之, 反得罪。 同官楊繼盛劾嚴嵩及其孫效忠冒功事,下部覆。 尚書聶豹懼,趣所司以世蕃稾上。 除紹興推官。 入為兵部主事,歷員 遴直前爭,豹怒,竟覆 世蕃自 1為稾, 外郎。 以屬

列傳第一百八 王遴

白復官。及繼盛死,收葬之。遷山東僉事,再遷岢嵐兵備副使。有威名,爲巡撫所忌,劾 如世蕃言。 繼盛論死,遴爲資粥饘,且以女字其子應箕。嵩父子大恚,摭他事下之詔獄。事

去。

官民相率訟冤,詔許起用。

理戎政。 入。遴乃大興屯田,邊儲賴之。秩滿,進右副都御史。尋召拜兵部右侍郎。省親歸,起協 不已,解官候勘。後御史楊鉁勘上其功,遂以故官巡撫宣府。總兵官馬芳驍勇,寇不敢深 學、陝西巡撫戴才坐免,遴貶俸一秩。隆慶改元,寇六入塞,皆失利去。而御史溫如玉論遴 四十五年擢右僉都御史,巡撫延綏。寇大入定邊、固原,總兵官郭江戰歿。 總督陳其

繼。」因言原、通二倉糧積八百萬石,足供九年之需,請量改折百五十萬石,三年而止。 萬,自六年以後增進二十萬,今合六年計之,不啻百萬矣。庫積非源泉,歲進不已,後將何 造議留共銀百七十六萬餘兩,命於太倉庫補進,遴言:「陛下歷十餘年之儲積僅三百餘萬, 官丘得用濫役營軍,遴奏禁之,因奏行計安留都十二事。召拜戶部尚書。先奉詔蠲除及織 峻絕餽遺。事竣,遽移疾歸。居正歿,始起南京工部尙書。尋改兵部,參贊機務。守備中 神宗立、張居正秉政。遴其同年生,然雅不相能。 載蠲除, 即收補於庫。 計十餘年之積,不足償二年取補之資。矧金花額進歲當百 會議閱邊,遴請行。 命往陝西四鎮。 詔許

中
止。 者歸農、聚衆修齋者坐左道罪。禮部尚書沈鯉請如遴言。詔已許,后妃宦官多言不便,事 給他用。帝大婚,暫取濟邊銀九萬兩爲織造費,至是復欲行之,遴執爭。 廣儲蓄、飭貢市。帝報曰:「事關朕躬者已知之,餘飭所司議行。」時釋敎大盛,遴請汰其壯 兩爲慈寧宮用,遴又力持。皆不納。已,陳理財七事,請崇節儉、重農務、督逋負、懲貪墨、 時尚寶丞徐貞明、御史徐待開京東水田,遊力贊之,議遂決。故事,戶部銀專供軍國,不 未幾詔取金四千

幾秀卽躐用,物議沸騰。」於是黜秀,佳胤亦罷 部者, 事中張養蒙言:「羅秀本太監滕祥奴,賄入禁衞。 官所嫉。會帝閱壽宮,中官持御批索馬。遴以爲題本當鈐印,司禮傳奉由科發部,無徑下 時行乃調旨責遴擅留御批,失敬上體。 改兵部尚書。 援故事執奏。帝不悅。 大學士申時行嘗以管事指揮羅秀屬 遴補錦衣僉書, 遼東總兵官李成梁賂遺編輦轂,不敢至遴門。 御史因交章劾遴,遴乞休去,張佳胤代之。給 往歲營僉書,尚書遴持正,爲所中傷去。未 遴在戶部頻執爭,已爲中 遴格不

|遴雖退,聲望愈重,以年高存問者再三。三十六年卒。贈太子 太保。 天啓中, 追諡

恭肅。

遷 南,移檄京府,等於屬吏,鏘却不受。 瑞察鏘政,更與善。 進南京戶部右侍郎,督理糧儲)廣西右參政,進按察使,再遷湖廣左布政使。召爲太僕卿,未至,改應天尹。 畢鏘,字廷鳴,石埭人。嘉靖三十二年進士。 授刑部主事。 歷郎中,擢浙江提學副使, 海瑞撫江

奏,並多切要。近倖從中撓之,不盡行。以引年乞罷。予馳驛歸 服錦綺,歲有積餘,何煩頻織。天燈費鉅萬,尤不經。濫予不可不裁,淫巧不可不革。」他所 弊,雲南鼓鑄不酬工直,官已裁而復置,田欲墾而再停。 請酌土俗人情,毋率意更改。 校至萬七千四百餘人,內府諸監局匠役數亦稱是。此冗食之尤,宜屏除冒濫。州縣丈田滋 部尚書,就改吏部,徵爲戶部尚書。帝以風霾諭所司陳時政,鏘以九事上。中言:「錦衣旗 萬曆二年入爲刑部右侍郎。改戶部,總督倉場。擢南京戶部尚書,謝病去。 起南京工 至袍

表入謝,詔以爲太學生。年九十三而卒。贈太子太保,諡恭介。 |鏘遇事守正,有物望。 年及八十,賜存問,加太子少保。後凡存問者再。 其孫汝楩奉

舒 化 字 汝德 臨]][人。 嘉 靖 三十八年 進 士。 授衡 州 推 官 改補 鳳陽, 擢 戶 科 給 事 中

民。 懼 寢。 之 耳。 眚 是 宜 羅 一訴於 番 織 洊 其 悉 校 之門 駕 言 化 至, 校 付 隆 請 尉 馭 法 慶 帝 由 .';逞機 陛 以 負 冬至郊 司 初 百官,乃 部院 陽 屍 下 言 =出 亦 春 不 尉 遷 陫 政 信 **天**, 當 北安門,兵馬指 所奏下 之術 事 所 天 刑 大臣, 負非 子 不 則 科 聞 渦 權 修, 給 臣 帝 法 死者 而 等 反 事 司 咳 胎 令廠 論 中 信若 聲, 勘 善 糾 了, 出 劾 問,不納 類 察 衞密察。 揮孫承芳見之,疑 推 Ö 帝 屬 ~,使人 外乃死, 非 若 任 論 耶 法, 官 陰 竟 人重 官 陽 則責 自 御 化 承芳妄生 敕 一。旨 姤 史劉 偕 足累 行, 在 復 3 同 之漸 臺 思 從 則喜 列言 息, 諫, 賢 有 中 事 等亦 奸 下。 분 怒未 何 請 ,刑校尉。 繋 廠 以 廠 法 極 化 爲 衞 必當 天 衞 獄 陳 言 治。 養微 所得 鞫 徼巡 其 , 訊,詞 帝 害。 而 干。 法 陽 且 輦 信 法 者 廠 下 連 帝 之,杖承芳六十 詞 司 今命 衞 天下 , 內官李陽 亚 與 起 惟 非 不 臣 切 Ż 之公分, 詰 能 等俱 從。 直 刺 自 奸 廉 訪 宄 春。 已 虚 大 有 察, 禁 設 將 小 而 詔 ·,斥爲 陽 罪 事 必 盜 必 言 春 竟 屬 開 賊 災 詔 犯

無鍊 宜 楊 何 順 辭?件 名。 以 匹 構 年 熱 有 殺 .拱 之,自 沈 審 ") 出 錬 請釋累臣 論 為陝 階始 死。 西 洪 參政。 楷 鄭履淳、李芳,及 公 然 為 楷 誠 罪首 再疏 地 謂 致 拱 仕 叉 順 朝審 議 歸 首 宥 禍 方 順 叉 土 請 死, 王金等罪,化言:「此遺 釋 楷 李已, 可 勿 皆得 坐。 宥。 化 取 時高 獄 牘 認 拱 示 意 拱 當 卽 日 國, 欲 ·勿罪, 「獄故 路楷、

列

續修會典,因輯嘉靖三十四年以後事 叉詔 淫刑。大明律一書,高皇帝揭之兩 御 言:「陛下仁心出天性。 午門樓 加 萬 等處斬,是謂 曆 受俘。 初 "、累耀· 化讀奏詞,音吐洪亮,進止 太僕少卿。 律不足 知府錢若廣、知州方復乾以殘酷死戍。 用 也。 復以疾 無,手加更定。今未經詳斷者或命從重擬議,已經定議者 去冬雨雪不時,災異頻見,咎當在此。」帝優詔答之。會 歸。 例與刑名相關者三百八十二條,奏之。 由南京大理卿召拜刑部左 有儀,帝目屬之。 會刑部 請飭大小臣僚各遵律例 侍 缺尚書,手詔 鄎。 雲南 詔頒示 緬 用化。 賊平,帝 中外。 化 毋

貴執要,不當侵有司,徒使 目 心。 所笞,帝怒,逮吏目下詔獄,掠死,又罪其捕卒七人。 帝嘉納焉。 十四年應詔 帝慮 !陳言。 臺下欺罔,間有訐發,輒遣官逮捕,牽引證佐,文案累積。 請信詔令,淸獄訟,速訊讞,嚴檢驗,禁冤濫,而以格天安民歸 人歸過於上,而下反得緣以 化爭之。 飾非。」路王府小校以事 詔罪爲首一人,餘並獲宥 化言:「、 爲兵馬司 主術 本聖 吏

貴 傳帝意宥 重辟三十餘人,化爭不可。 科道論及化。 詔卒從其議。 尋稱病篤,乃聽歸。 卒,贈太子少保,

遂三疏乞歸,帝不許。

會當慮囚,

復起視

事。

中

諡莊

僖

明

年,京察拾遺,南京

世達,字子成,涇陽 人。 嘉靖三十五年進士。 授戶部主事 0 改 吏部、歷考功、文選郎

中 與陸光祖 並 爲 尚 書所倚。 隆慶初,丁曾祖 憂。 起右 通 政,歷 南 京 太僕 卿

移 險惡,歲漂溺,請開越河殺 疾 歸,起督漕運兼巡撫鳳陽。 萬 曆二年以右 **愈都御史巡撫山** 水勢。 黄河南侵,淮安告警,世達請修 俱報可。 .東。 尋進 遷南京兵部右侍郎。 右副都御史,總理 石 河 召改 [堤捍 道。 戶部,復改 城;寶應 未上,改撫 氾 吏部,進左 光湖 浙 江 風 濤 旋

侍郎。

擢南京

吏部

尙

書,就改兵部,參贊機務。

非罪 貸之。 册 世達言於纁,薄文粲罪。 革其任, 興 奏,帝怒詰 贖。 知 死,世達 縣 俄 王 沼 赦則恩出於上,法 世達執奏, 命國學肄 階 爲 世達。 刑部 坐撻樂舞生下 因 「災異 尚書。 世達言偵伺 禮 帝乃屏鯨於外。 上書以 罪人焦文粲法不當死,帝怒入之。 中官張德殿 件旨 猶 · 吏, 存。 諷。 ,

詰問,

復據法以對。

帝卒不從。 非大體。 帝密遣 浙江 贖則 駙馬都尉 人死,世達請置於理,刑科唐堯欽亦言之,德遂 力出於下,人滋玩。」識者 饑,或請令罪 兩校尉偵之, 承榮竟奪俸。 侯拱宸僕斃平民抵法, 人出粟除罪。 讞日爲巡風主事孫承榮所拒。 東廠太監張鯨 會朝審, 」 建之。 時帝 世達 燕居多暴怒,近侍屢以 命戶部尚書宋纁主筆。 有罪,言官交劾, 言 世達請並坐拱宸。 法不可廢, 屬吏。大 校尉 寧赦 帝曲 乃 還

改 左 都 御 史。 兵馬 指 揮何 价虐死三人,御史劉思瑜庇之。 世達劾奏,帝鐫思瑜秩。 復

列

傳

第

雖 劾 龍 過 激 御史韓介等數 心實 無 他。 人。 卽 或 帝深惡言官,下詔申飭,責以挾私報復。 心未可 知,而言不可廢,並宜容納。 惟緘默依 世達言: 河, 「效忠持正 然後 加 黜 罰 者, 語 則

識言!

日

進,邪說漸消。」

報聞

達力爭之,反除 無 罪。 - 郞 中楊應宿 一年與 南星等名,遂求去,不許。 吏部尚書孫蠬同主京察,斥政府私人殆盡。 、鄭材疏詆世達,遂連章乞休去。 其秋, 吏 部侍郎趙用 歸七年卒。 考功郎中趙南星被劾貶官, 賢以絕婚事被計,世達白其 贈 太子太保,諡 一敏肅 世

祖 、李世 事 曾同 改 達齊名。 禮 亨,字于野,吉水人。父存仁,雲南布政使。 部、遷東部文選主事。 隆慶初,爲文選 郎中,薦用遺佚幾盡。 故 事 ,丞簿 以下官,聽胥吏銓注,同亨悉 同亨舉嘉靖三十八年進士。 進太常 少卿,請急去 躬親 之。 授刑部 與 陸

京察拾遺,給 同 。臺姊 萬 曆 初, 夫 事 也,給事 起 中秦燿 大 理 一少卿。 中陳三謨欲並逐之,奏同亨羸 、御史錢岱等復希居正 歷順天府尹, 以右 指 副 列 都御史巡撫 同亨名。 不 任 職 勒 貴州。 詔 休 調 致。 南 御 京 史劉臺得罪張 遂移疾. 歸 居正 九年,

居正 卒,起南京太常卿。 召爲大理卿,遷工部右侍郎。 督治壽宮,節浮費三十餘萬。由 列傳第一百八 曾同亨

遷

大名推官

歷

光

禄

少

卿

辭不 之。 納。 百 王 左 人,而 妃乞橋 侍 拜。 郎 同亨再乞休,不得請。 同 亨弟乾亨請裁冗員 進 中官 稅, 久之,再起故官,累辭乃<u>就</u>職。 尙 書。 濫 同 增 亨 軍 ·拒之。 不 器自 E 外輸 帝竟 同亨疏 以裕經費,京衞諸 九門工成,加太子 率 如 亦 妃 請淸釐。 請。 中程, 內 稅使所在虐民,同亨 奏請 . 府 已得旨, 武 工 少保。 半收 臣謂 匠, 隆慶 其 中官復奏寢之。 滅己月俸 力乞去,詔 直 初 叉請 數至萬五 極 也, 減 諫 乘傳 織造之半。 大譁, 給 千八百 歸。 事 伺 中楊其休 起 同亨 南京 皆 山 尋 報 吏部 朝 汰 可 疏 二千 重 尚書, 爭 汝 而 五 課 弗

陽 歸 錢夢皐等;南察及同亨自 假 名 雅 |同 三十三年大計京官,與考功郎徐必達 義 與 亨 一,視 羅 初 入吏部,嚴嵩 汝芳、耿定 呈身進取、恬 向 善。 其鄉 陳疏,亦久不 不 知恥者,孰 尚書楊博痛 人, 尚書吳鵬則父 下。 愈哉 持正 詆 同亨適給 爲儒 『」卒年七十有 不撓。 同 ,同亨曰:「 年 也,同亨無 由 是年, 入都,遂引 五. 此 北察失執 0 中多 贈 私 少保,諡 謁 疾。 闇 政意, 修, 嘗 詔 止 加 恭 非 宿署 太子太保致仕 端 中旨 可概 舍,彌 留給 斥。 月不 卽 事 使 中

事 中 馮 弟 景 乾 劾 亨,字于健。 李成梁被謫 從羅洪先學。 ,乾亨以尚 書 張 登萬 學顏 曆 五 右 年 成梁也, 進士,除合肥 並劾之。 知 帝怒, 縣,調 休寧。 黜爲 海 州 擢 判 御 稍

且死。」諸人乃散去。 弁之詬同亨也,大學士王家屛遺諭之曰:「天下有叛軍,寧有叛臣。 若曹於禁地辱大臣,罪 一千石,兵自徵之,民不勝擾。乾亨議留兵二百,餘盡汰之。屢奏邊備事宜,輒中機要。諸武 十八年冬,敕兼監察御史,閱視大同邊務。 尚書石星言貴臣被辱,大傷國體,給事中鍾羽正亦言之。不報。 **劾罷總兵官以下十餘人。大同** 土兵歲餉萬 家屛

之。 廷推巡撫者三,俱不用。 乾亨尋進大理丞,遷少卿。 遂引疾歸,未幾卒。 考功郎趙南星以考察事被斥,乾亨論救,侵執政,復移書辨 乾亨言行不苟,與其兄並以名德稱。

密揭力爭,乃奪掌後府定國公徐文璧祿半歲,而治首事者以法。

辛自修,字子吉,襄城人。嘉靖三十五年進士。除海寧知縣

其言,請令撫按舉劾如自修議。 隆慶元年,給事中胡應嘉言事斥,自修疏救。 戒寰罷燧。 五. ,豈畿輦下獨多不肖哉?地艱 擢 東科給事中。奏言:「東部銓注, 遊才要矣, 量地尤急。 從之。 歷遷禮科都給事中。 而事猥也。 巡視京營,劾典營務鎭遠侯顧寰、協理 誠意伯劉世延不法,自修極論其奸。 請量地劇易以除官,量事繁簡以注考。」吏部善 未幾,論奪尚書顧可學、徐可成,侍郎朱隆禧 邇京府屬吏以大計去者十之 僉都御史李燧, 請 詔革任禁錮。

郭文英贈諡,以可成由黃冠,文英由工匠,可學、隆禧俱以方藥進也。 擢太僕少卿、引疾歸。

召自 者,巡 已罷 六萬 修 微 兩 萬 視 爲 曆 下江 如 增 左都 六年起 築 故 雄、任 一,用 ,自修奏已之。 御 史。 飽 應天府丞, 遺爲名,盡括所部贖鍰,自修劾奏之。 丘二縣堤,以禦滹沱水 入歷大理卿,兵部左、右侍郎,擢南京 再遷光祿卿。 患。 以右。 每歲防秋 ,巡撫移駐易州 帝方欲懲貪吏,乃命 右都! 御史。 徴所 奏減 部 逮治汝梁,而 均徭 御史沈 供費,防 里甲銀 汝梁 秋

舉。 官 趙 上 自 府所厚,自修欲去之。 下之詔獄,酷刑究主者。 朝 卿 修 張 奏,請勿以 (廷每用一人)言官輒紛紛排擊。 張 十五 帝怒,悉出之外。 誠厚,而 所欲斥者悉獲免。 鳴岡、左之宜不平,劾起鳴飾非詭辨。 年大計京官,政府欲庇私人,去異己。 愛憎爲喜怒,排抑孤立之人。帝善其言,而政府不悅。 雅不善自修,遂計自修挾讐主使。 給事中張養蒙申救,亦奪俸。刑部主事王德新復疏爭,語侵嬖倖。帝 給事中陳與郊自度不免,遂言憲臣將以一眚棄人,一 已而 無所承,乃削其籍。 御史張鳴岡等拾遺,首工部尚書何起鳴。 今起鳴去,爾等舉堪此任者。」 維崧等具疏 自修不自安,亟引疾歸。 帝先入張誠言,頗疑自修。 吏部尚書楊巍承意指惟謹,自修患之,先期 與郊及給事中吳之佳助之。 有貪競者十餘輩,皆政 起鳴故以督工 得疏益不悦,日: 舉空國。 御史高維崧、 引罪,無他 一與中 於是

五八〇〇

自修之進也,非執政意, 故不爲所容。 久之, 起南京刑部尚書。 復以工部尚書召。 未

上,卒。贈太子太保,諡肅敏。

德新,安福人,後起官至光祿丞。

年, 穆宗旣禪除,猶不 溫純, 字景文,三原人。 與大臣接。 嘉靖四十四年進士。 純請遵祖 制 延訪羣 工 由壽光知縣徵爲 ,親決章奏,報聞 戶科給 事 中。 隆慶二

遽襲。 罔。 制,三營各統一大將。 同 人分督之,時號「六提督」。 列, 純 時方召燾督京營,遂置不問。 屢遷兵科都給事 固辭。 以爲 中官陳洪請封其父母,純執 弛邊備,非中 帝爲罷二人,盡易以勛臣。 中。 以恭順侯吳繼爵典五軍,而 國 倭陷廣 純以政令多門,極陳 利 出 東廣 爲湖 黔國公沐朝弼 不 可。言官李已、石星獲譴, 海衞 廣 純請廣 參政,引 大殺掠 求 不 有罪, 詔許其子 疾 便,遂復 將才,毋拘 都督袁正、焦澤 歸 而 去。 舊 總兵劉燾以戰却聞, 制。 **世爵**,不納。 ,襲爵。 疏救之。 典 **俺答請貢市,高拱定議許** (神樞 純言事 神機 已, 初, 復命文臣三 趙貞吉更營 未竟, 繼 純幼燾欺 爵 不當 恥 與

萬曆 初 ,用薦起河南參議 十二年,以大理卿改兵部右侍郎兼右副都御史,巡撫浙江

內生 耶 欣然納之,遠近駭震。 使竊弄陛 下。」乃退。 之害民者。」亦不報。 旨,闌出禁物與番人市易,利歸羣小,害貽國家。 能輸,而欲得五十萬金,將安取之。機易山在海外,必無偏 山,素產金銀,歲可得金十萬銀三十萬,或言准、楊饒鹽利,用其筴,歲可得銀五十萬 汙 大臣伏闕泣 老,乞養歸。 入爲戶部左侍郎,進右副都御史,督倉場。 人婦女。 願 先是, 靈 礦稅使四出,有司逮繫纍纍,純極論其害,請盡釋之,不報。 卽 困 於 下 日 御史顧 水旱, 威福 龍 詩。 已而 四方無賴奸人 遙起言利: 終喪,召爲左都御史。 礦 稅 卒不 以十計,參隨憑藉稅 帝震怒, 龍楨巡按廣東, 困於採辦、營運、 當是時, 逮鳳等置於理。」 行。 |純言:「|緬人方伺隙,寶井一開,兵端必起。 問誰倡者, 廣東李鳳、 中外爭請罷 與布政使汪泮語不合,起歐之,泮卽棄官去。 亦不 使聲勢以百計,地 對曰:「都御史臣純。」帝爲霽威, 轉輸, 陝西梁永、 有請開雲南塞外寶井者, 報 !礦稅,帝悉置不省。 母憂去。 旣囂然喪其樂生之心, 雲南楊榮並以礦稅激民變,純 乞盡捕諸奸人,付臣等行法, 起南京吏部尚書。 方奸民竄身爲參隨 地 金銀,任 純等憂懼不 。余元 或又言海外呂宋國 已,諸閹益横, 安能復勝 人往 俊一 遣人 召拜工部尚 爪 取;不 知 鹽犯,數 人慰諭 牙 所 以萬 MI 此千萬虎狼 又抗言:「稅 出 所至剽 日:「: 過 純効能順 亟 . ; **乃**

撤

稅

監

假

借

詔

Ŧ

贓不

帝

並

有機

易

父

列

傳

第

計。

疏

且

倡

姚文蔚 清。 等疏 妖 楨 斥其妄。 書事起,力爲沈鯉、郭正域辨 純遂 辨。 御 史 比 純求 子 與 帝 而 爲 傾 永 貫件。 下 純。 淸 去,章二十上,杜門者 永清、文蔚二疏,而 按 純不 陜 給事中陳治 西 勝憤,上疏盡發永清交搆狀, 貪,懼純舉奏,倡同 誣 則 楚宗 九関 純劾疏留 鍾兆斗 月。 人戕 列救龍楨 皆 殺 帝雅 不下。 一貫 撫臣 重 私人, 一純 純益 純流 "; 顯 並及文蔚, 復 與純異, 憤,三疏論 先後劾純。 留之。 言無反狀。 語頗 純不 以脅制 之,因 侵首輔 御史湯 得已,强起視 純 貫怨益深 力丐 兆京不 沈 又與都給 罷 貫。 乃謫 卒 事 , 疏 永 貫 中

斗旣得 等亦 在 亟 謪 斥之,而 中。 再 三十二年大計京朝官。 留 疏 劾純求勝。 疏入,久之忽降旨切責,盡留被察科 ,則連章計純楚事。 聽 純歸,以 全大臣之體。 俱留中。 純與 言純曲庇叛 已,南京給事 東部 帝竟批夢皐等前疏,予純致仕,夢皐、光斗亦罷 侍 郎楊 人,且誣 中 時喬 道官,而察疏 陳嘉訓等極 主 以納 之, 賄。 論二 仍不下。 貫所欲庇者兆斗及錢夢皐等皆 廷臣大駭, 人 陰有所恃,朋 純 求去益力。 爭劾夢皐等。 此 作奸 夢皐 歸 夢 兆 皐 當

純 清白奉公。 五. 主 南北考察,澄汰悉當。 肅 百僚、振風紀、時稱名臣。 卒,贈少保。 天

啓

初

,追諡恭毅。

趙 世 卿,字象賢,歷城 人。 隆慶五 年進士。 授南京兵部主事

傅應禎 怨。」遂出爲楚府右長史。 時五 義輸誠 寧自同 高 習爲脂韋,以希 馬,大辟之刑,歲有定額,徵賦以九分爲率,有司不及格者罰,又數重譴言事者。 踞 卿 要。 () 效忠於陛下矣。」 於寒蟬也。 、艾穆、沈思孝、鄒元標皆以建言遠竄,至今與戍卒伍。此中才之士,所以 貮, 誇耀 請廣 正當國,政尙嚴。 取士之額,寬驛傳之禁,省大辟,緩催科,而末極論言路當開, 士林矣。然此諸 世 取 宜特發德音,放還諸人,使天下曉然知聖天子 龍。 事關 居正 明年京察,復坐以不謹,落職 州縣學取士不得過十五人; 布按二司 軍 欲重罪之。 人豈盡奊詬無節,忍負陛下哉,亦有所 國,卷舌無聲。 吏部尚書王國光曰:「罪之適成其名,請爲公任 徒摭不急之務,姑塞言責。 歸 無惡直言之意, 以下官,雖 懲而 不敢耳。 延及 言:「近者 公事 內自顧 數年,居然 則 一一一一一 世 如往歲 卿 士皆慕 臺諫 奏匡 乘驛 恤,

所條 奏,酌 居正 死,起戶部郎 劑贏縮 軍 國 中, 賴 焉。 出 爲陝西副使。 戶部尚書陳葉有疾,侍郎 累遷戶部右侍郎,督理倉場。 張養蒙避不署事,帝怒,並罷之,而 世 卿饒 心計。 凡

進世

卿爲尚

書

使所 奪,商賈不 時 礦 稅使四 行 出 數數 爲害,江西稅監潘相 年間 .減三之一,四方雜課亦 至擅捕繫宗室。 如 之。 歲入益寡,國 曩時關稅所入歲四十餘萬,自爲 用不支,邊儲告匱,而 稅

列

僔

第

內供 將無及。 數陳其害,皆不納。 內 日繁。 庫銀百萬及太僕馬價五十萬以濟邊儲,復忤旨切責。 帝亦不省。 歲增金花銀二十萬,宮帑日充羨。世卿請復金花銀百萬故額,罷續增數,不許。 世卿復言脂膏已竭,閻井蕭然,喪亂可虞,揭竿非遠,不及今罷之,恐後 世卿又請正潘相罪,且偕九卿

半,而陛下不盡從,豈惻隱一念,貂璫尙存,而陛下反漠然不動心乎。」不報。 令以四萬爲額。

世卿上言:「鄉者旣殆米稅,旋復再征,已失大信於天下。

今成欲免稅額之 三十二年,蘇、松稅監劉成以水災請暫停米稅。帝以歲額六萬,米稅居半,不當盡停,

鷄犬,經十數年而不休者。是爲國體計,不可不罷者三。貂璫漁獵,翼虎炰烋。 則議金湯之策。安有鑿四海之山,権三家之市,操弓挾矢,戕及良民,燬室踰垣,禍延 憍,足致倒戈之禍。是爲宗社計,不可不罷者二。古者國家無事則預桑土之謀,有事 節儉之謂何?是爲君德計,不可不罷者一。多取所以招尤,慢藏必將誨盜。應臺、鉅 是爲民困計,不可不罷者四。國家財賦不在民則在官,今盡括入奸人之室。故督逋租 冢墓則枯骨蒙殃,奸虐子女而良家飲恨。人與爲怨,讙譟屢聞,此而不已,後將何極。 其夏、雷火燬祖陵明樓、妖蟲蝕樹、叉大雨壞神道橋梁。 今日實政,孰有切於罷礦稅者。古明主不貴異物,今也聚悖入之財,斂蒼生之怨, 帝下詔咨實政。 世卿上疏曰: 毁掘

府一 而 「朕心仁愛,自有停止之時」,今年復一年,更待何日。 **逋租絀**、 空,司農若埽。 一稽關稅 而關稅虧,搜庫藏而庫藏絕,課鹽筴而鹽筴薄,徵贖 是爲國課計, 不可不能者五。 天子之令,信 天子有戲言,王命委草莽。 如 四 時。 鍰 而 三載前 贖鍰消。 是爲 外 日

詔令計,不可不罷者六。

在恤民 即天之心,今天譴頻仍,雷火妖蟲,淫雨疊至,變不虛生,其應非遠。 必有不自安者矣。 之勞,而陛下不少慰其勞。民方竭蹙以赴九重之難,而陛下不少恤其難。 子,曾無負於國,乃民方歡呼以供九重之欲,而陛下不少遂其欲。民方舜走以供 陛下試思服食宮室,以至營造征討,上何事不取之民,民何事不供之上。嗟此赤 心,欲恤民心在罷礦稅,無煩再計而 陛下勿謂蠢蠢小民可駕馭自我,生殺自我,而不足介意 決者。 故今日欲回天意 也。民之心 返之於心, 九重

帝優答之而不行。

雲南 奏請捐內帑百萬佐軍用,不從。 逐變作,楊榮被戕。 至三十四年三月始詔罷礦使,稅亦稍減。 而西北水旱時時見告,世卿屢請減 世卿遂連章求去,至十五上,竟不許。 然遼東、雲南、四川稅使自若,東民尤苦之。 租 一發振, 或 用益不支。 踰月復

先是,福王將婚,進部帑二十七萬,帝猶以爲少,數遣中使趣之。 中使出醉語,且刻世

列

諫 下 世 卿 阻 再 卿 抗 裁 引 命 損 故 事 世 力 卿 傲長公主例。」帝不得已從之。 爭 以 認 爲 辱 减 國 三之一。 疏 聞於朝, 世 卿 帝置 復言 不 陛 問。 福王 下 ·大婚 新 至三十六年,七公主下嫁,宣索 出 止 . 府 七萬 第 , 設崇文税 長公主下嫁 店, 爭民 止 十二萬, 利 至數 世 十萬。 卿 乞陛 亦

廷 杜門 黨 人 臣 此 與 乞去 以 王 世 聞 於 相 卿 是給 帝 訐 素 章復 勵 亦 世 事 清操,當官盡 不罪 Ŧ 卿 中 餘 力言 杜 也。 上,不 士 王 全、鄧 家居 非偽, 報。三十八 職。 雲霄 七 年卒,贈 帝雅 與 何何 沈 重之。 年秋 士晉、 貫議 太子少保。 胡忻 合。 世 吏部 卿 乃 李廷 缺尚 御 拜 史蘇爲霖、 機 疏 書,嘗使兼署, 出 輔 城候 政 世 馬孟 命。 卿 力推 禎 明 推 等先 年 舉 之。 十 無 月乘柴車徑去, 後劾之,世 所 廷 私。 臣 逐 疑 惟 楚宗 卿 世 遂 卿

尙 吏 侵 書 軍 鄭 李 資 洛 汝 華, 復 不 職 請 字茂夫, 0 盡墾 及 出 甘 閱 惟州 肅 甘 閒 肅邊務 田 0 還朝 萬 洛 曆 方 八年進士。 歷吏科 經 略 西 都給 事 授竞州 事 主 ·中,多 和 戎。 推 所 官。 汝 糾 華疏 擿 徴授工 洛 畏 一科給 敵 貽 事 患, 中 一,嘗 Ħ. 劾 劾 諸 戎 將 政

尋 遷太常少卿,擢 右僉都御史巡撫南、贛。 稅使四出,議括關津諸稅輸內府。 汝華以稅

列傳第一百八 李汝華

西潘 本餉軍,力爭止之。 相勒有司悉由 己輸。 旣而詔四方稅務盡領於有司,以其半輸稅監,進內府,半輸戶部。 汝華極論相違詔,帝竟如相議,且推行之四 方。

尚書。 掌 司, 不繼,請天下稅課未入內藏者,暫留一年補其缺,輔臣亦助爲言。 救荒數事 王旣之國 部 盡撤還使者,不納。畿輔、山東大饑,因汝華言出倉米平糶,且 事。 汝 華在贛十四年,威惠甚著,進秩兵部右侍郎,召拜戶部左侍郎。 兩 福王莊 詔許自遣使督租 地賴之。 田四萬頃,詔旨屢趣,不能及額。 先是,山東饑,蠲歲賦七十萬,是年盡蠲又百七十餘萬。 ,所在驛騷。 內使閻時詣汝州,杖二人死。 汝華數偕廷臣執爭,僅減四之一。〔三〕 疏三上,不報。 發銀以振 尚書趙世卿去位,逐 汝華請遵祖 汝華以邊餉 汝華復奏行 制 已,進 隸有

再議 是時,內帑 五. 食,開 毫,得餉 驟增餉三百萬。 增賦 四 十六年,鄭繼之去,兼攝吏部事。 事 Щ 二百萬。 例。 於是畝 積 ,廷臣請發率不應。 而遼東巡撫周永春請益兵加 增二釐,爲銀百 明 汝華累請發內帑不得,則借支南京部帑,括天下庫藏餘積,徵 年復 議 益兵 角賦 <u>一</u> 十 計臣無如何,遂爲一切苟且之計,苛斂百 萬。 如前。 畿輔、 赋,汝華議:天下田賦, 先後三增賦,凡五百二十萬有奇,遂爲 又明年四月,兵部以募兵市馬,工部以制器, 陝西大饑, 汝華請振, 自貴州外, 皆不 姓。 報。 畝 增 銀 三 釐 而樞臣徵 遼東兵 宿逋,裁 歲額。當

加 兵,乃遠及蠻方,致奢崇明、安邦彥相繼反,用師連年。 之賦 以餉之,而遼餉仍不充,天下已不可 支矣 又割四川、雲南、廣西、湖廣、廣東所

殫 元年得疾乞休,加太子太保致仕。 心裁劑。 汝華練達勤敏,立 歲比不登,意常主寬恤,獨 朝無黨阿。官戶部久,於國計贏縮,邊儲虛實,與鹽漕屯牧諸大政,皆 卒,諡 加 恭敏 賦之議 從子夢辰,自有傳 不能力持,馴致萬方虛 耗,內外交訌。 天啓

流 不能以去就 劉應節 · 古稱文昌政本, 七卿之任, 蓋其重矣。 、王遴、舒化、李世達尤其卓然者哉。 爭,而權宜取濟,遂與哀刻聚斂者同譏。 李汝華 萬士和諸人奉職勤慮,異夫依阿保位之 時事至此,其可歎 司 邦計,值兵 、興餉 也夫! 絀,請帑 不應,

校勘記

廣東大埔民藍松山余大眷倡亂 卷六四頁四〇〇三均作「余大春 余大眷, 世宗實錄卷五三六嘉靖四十三年七月丙午條、

與香寮盜蘇阿普范繼祖連兵犯德化 德化,原作「德安」。 世宗實錄卷五三六嘉靖四十三年七

據改。

僅減四之一 按本書卷一二〇福王傳稱「所司皆力爭」常洵亦奏辭,得減半」,與此互異。

五八〇九



明史卷二百二十一

列傳第一百九

袁洪愈 子一鶚 譚希思 王廷瞻 郭應聘 吳文華 耿定向

弟定理 定力 王樵 子肯堂 魏時亮 陳瓚 郝杰 胡克儉

趙参魯 張孟男 衞承芳 李禎 一丁賓

事,詔 政,所在以清節著。 禮 檢 下。 科 給事 袁洪愈, 俱從之。嵩屬吏部尚書吳鵬, 詔切責饄、守禮,下壁詔獄,斥紹儒 † 字抑之,吳縣人。 劾檢討梁紹儒阿附權要,文選郎 嵩敗,召爲南京太僕少卿,就遷太常。 舉嘉靖二十五年鄉試第 出爲福建僉事。 於 外。 中白壁招權鬻官,尚書萬鐘、 紹儒, 歷河南參議、 大學士嚴嵩私 • 隆慶五 明年成進士、授中書舍人。 年以疾 山東提學副使、 人也。 歸。 侍郎葛守禮 **므**, 陳邊務數 湖廣參 擢 不

列

傳第

百九

支

洪愈

訊,将 章錄二書。 史譚希思 萬 坐以 曆 疏論中官、外戚,且請循 中,起故官。 誣罔。 帝以 所據非頒行 洪愈已改官,代者未至,乃具言希思所 遷南京 制 工部右侍郎,進右都御史,掌南院事,就 書,謫希思 舊制, 內閣設絲綸簿,宮門置鐵牌。 雜 職。 洪愈尋上疏請禁干 陳,載王可大國憲家猷、 謁,又極 改禮部 韶下南京都 諫屯 尙 書。 薛 田 南京 察院 應旂 廢壞之 憲 勘 御

餘 年,所居不增一椽,出入徒步。卒,年七十四。巡撫周孔教捐金葬之。贈太子太保,諡安節 萬曆十五年就改 東部。 其冬引年乞休。帝重其淸德,加太子少保致仕。 洪愈通籍四十

害,乞令商

人中

鹽, 免

內

地

飛輓。

皆議

行。

|希思,|茶陵人。歷右副都御史,巡撫四川。子||鶚,以廕,官治中。 饘粥不繼以死。

爲 御 及裕府莊田改入乾清宮者,悉蠲其租。 史,督畿 王 廷 輔 字稚 屯政。 表,黄岡 穆宗 在裕邸,欲易莊田,廷瞻 人。 父濟, 參政。 韶減十之五。 廷瞻舉嘉靖三十八年進士,授淮安推官。 不 可。 隆慶元年,所部 已,言勳戚莊田 久 太濫,請於初給 雨。 請自 三宫 入

遷威茂兵備副使,[1]轉廣東參政。 列 聘 八一三

時裁量田數,限其世次,質絕歸官。 神宗立,起故官。 歷太僕卿。萬曆五年以右僉都御史巡撫四川。番屢犯松潘。 制可。高拱再輔政、廷瞻常論拱、遂引疾歸

婦八千餘人來降。復命總兵顯討建昌、傀厦、冼馬、姑宰、鐵口諸叛番,皆獻首惡出降。 令副使楊一桂、總兵官劉顯剿之,殲其魁,羣蠻納款。 風村、白草諸番,久居二十八砦,率男 廷瞻 增

俸一級,進右副都御史,撫南、贛。

八月竣事。 十六丈,爲石閘三,減水閘二,石堤三千三十六丈,子堤五千三百九十丈,費公帑二十餘萬, 沒。 應氾光湖堤蓄水濟運,平江伯陳瑄所築也。下流無所洩,決爲八淺,匯成巨潭,諸鹽場皆 淮流復奔入,勢益洶湧。前巡撫李世達等議開越河避其險,廷瞻承之。 入爲南京大理卿。 詔旨褒嘉,賜河名弘濟。進廷瞻戶部尚書,巡撫如故。 歷兩京戶部左、右侍郎,以右都御史出督漕運兼巡撫鳳陽諸府。 鑿渠千七百七 寶

尋改南京刑部尚書。未上,乞歸。 久之卒。贈太子少保。兄廷陳,見文苑傳。

應聘,字君賓,莆田人。嘉靖二十九年進士。 從提督吳桂芳平李亞元,GI別擊賊首張韶南、黃仕良 授戶部主事。 歷郎中,出為南寧知府。

等。 遷 廣 西 按 察 使, 歷 左、 右 布 政 使。 隆慶四 年 大破古田 一贼,斬 獲 七 手 有 奇。 已, 從巡 撫殷

正茂平古田,再進秩。

討。 懷 永 區 百 安 遠 餘 役 里。 未 正 劫 製萬 行 茂 天 知 諸 一而 大 遷 州 衆 瑶 總督 11 懷 楊 雪,無 夾江 不 遠 惟 逐 瑶 宜 執 居 指指 功 亦 擢 淹 怙怙 留 應聘 殺 而 揮 還 險 知 胡翰 速 剽 右 縣 破 副都御 馬 劫 · (三)。 其巢, 希 武 成 事 化、 反。 史代之。 則 聞 大大 IE. 餘 應聘 賊 德 學 破 間 ·士張 府 與 膽。」 正 都 江 茂議 瑶 御 居 應聘 反。 E 史 先征 奏假 韓 集 雍 府 土、漢 府 便宜 、陳金 江 一, 上 江 一, 三 寓 兵六萬 起 討 陽 書應 平 閱 朔,下 之, 月 ,令總兵官 聘 悉定, 至 E 是攻 達昭 ガ 炎荒 圍 平 李錫 檄 一,互三 荔浦 錫 瘴癘 進

金 僮 峻 寄 邊山 不 寶 居 瑶 以 嶺 府 襲 懷 孤 逐 五. 遠 殺 賊 城 亂 賊 叛瑶悉平。 其 近 勢,而 ,希武 遙示 魁 欲 牂 先滅之。 牁 羈 此 錫 見 縻 與諸 殺 懷遠克復 地 ò 神宗 而 界 已。 将 湖 及是,師 應 連破 大悦,進 聘 貴 古 陽朔 日一 靖 田 賊 出 旣 黎諸 兵部右侍郎兼右副都御史,巡撫 君第往, 無 亦定,乃 斬 復, 功 其 州 應 瑶 魁 懾 環 聘 分遣諸將門崇文、楊照 吾自 懷遠 兵 郭 益 威 皆瑤, 調 有 乃下。 願 諸路 處。」 服 編 屬, 兵, 氓 錫 事 虚其 希 皆 行 鎭 武 數 具 撫 始 外。 錫 日 ()白果、 入 亦 (傳。 應 如 其 嘉靖 故 孔 聘 地 黄 初 昭 與 中 主 議 等 按 議 征 行 察 討 大梅 之不 築 師 洛容、 使 城 吳 錫 青 董 以 上油 淇 介出 陽朔 作 知 侗 過 縣

列 傳 第 百 ル 郭 應 聘

安。 十寨 初 進 萬 右 下 曆 都 二年召為 應 御史兼兵部右侍郎, 聘 與 總督 戶部右 劉堯誨 侍郎、尋以憂 奏設 總督 三鎭 兩 歸。 廣 隸 軍 賓 八年起改兵部, 務。 州 以 前 土巡檢守之, 總 督多受將 兼右: 吏金, 愈都: 而 統 於 御 應聘悉謝 史, 思恩參將 仍撫廣 絕 十 西 踰 寨遂 時

喪 像祀之。 應聘 在 一廣西, 官南京,與海瑞敦儉素,士大夫不敢侈汰。 奏復陳獻章、 王守 頃之,就拜 亡 祠。 劉臺 謫 成海州 歸七月卒。 爲僦居 **外之,引** 供廩飯, 贈太子 少保,諡 歿復賻斂歸其 襄靖

兵部尚書,

參贊機務。

疾

歸

召掌南京

都察院,以吳文華代。

翼 以右 年 擒 進 右 士 以待。 右 征 侍 月 授 照 都 郎 副 河 吳文華, 南京兵部主 御史。 請 池 都 平珍。 卒,年 御 **咘**咳、北三瑤。 終養歸。 史巡 字子彬, 會巡撫吳善、總兵呼良朋 七十八。 尋入 撫 廣西。 事 起兵部右侍郎 爲南京 連江人。 歷四 贈太子少保,諡襄惠。 討平 三瑤未爲逆,雲翼喜事 工 Ш 部 南郷、陸平、 右參 父世澤, 尙 兼右 政, 就 愈都: 討 與平土官鳳繼祖 平嚴 府江兵備副使, 改 周塘、 兵部。 御史,仍 秀珠。 板寨路 殺 引 戮 撫 疾去。 岑崗賊 廣西。 甚 有威 慘, 及昭平黎 匹 仍 李珍、江 得廕襲,文華亦 名。 遷總督 遷 起南 河 南 福 文華舉嘉靖三十五 京 兩 莊 左 月照 I 廣 父子。 布 部, 軍 政 拒 務,巡 受賞。 使。 命 力辭,虚位 偕 總督 萬 撫廣東。 遷 文華 曆 年 凌 部 購 雲 年 進

營護,事竟寢。 部 尚書吳鵬附之。 耿定向,宇在 出按甘肅、舉劾無所私。 倫,黃安人。 定向疏鵬六罪,因言鵬壻學士董份總裁會試,私 嘉靖三十五年進士。 去任,行笥一肩,有以石經餽者,留境上而 除行人,擢御史。 鵬子紹,宜併斥。 嚴嵩 父子 竊 去。 嵩 吏 還 爲

以考察謫定向横州 隆慶初,擢大理右寺丞。 判官。 拱罷,量移 高拱執政,定向嘗譏其褊淺無大臣度,拱嗛之。 衡州 推官。 及拱掌

督南京學政。

方萬 爭,自劾求罷,且詆藩臣論劾失當。 得爲計。 進 **擢南京右都御** 頭光祖賢, 武之翰。 士薛敷教、南京御史黃仁榮及麟趾連章劾定向。 山、王麟趾劾罷,今宜召用,而 萬曆 如御史孫鳴治論魏國 中,累官右副都 史。 御史王藩臣劾應天巡撫周繼,疏發踰月不 給事中李以謙言定向擠言官,定向求去,帝不問。 御史。 公徐邦瑞,陳揚善論主事劉以煥, 東部侍郎陸光祖爲御史周之翰所劾, [2] 光祖已留, 定向復 量罰藩臣。 因言故江西巡撫陳有年、四川巡撫徐元泰皆賢,爲御史 藩臣坐停俸二月。 麟趾言:「南臺去京師遠, 以白定向。 皆因奏辭豫聞, 於是給事中許 歷刑部左、右侍郎 定向怒,守故事力 章疏 弘 先傳,人 綱 則夤緣 觀政

俸。 國 倖 、左都 **免**,一則捃摭被 時 已除定向 御史吳時來 戶部尚書督倉場,定向 誣。 "、副 故邇來投揭有遲浹月者, 都御史詹仰庇。 因力辭求退。 執政方惡言者,勒敷教還籍省過, 事理宜然, 章屢上, 非自藩臣始。」語並侵大學 乃許。 卒,年七十三。 麟 趾 仁榮 士許 贈太 亦

子少保, 諡恭簡。

以婦 惡之,贄亦屢短定向 情,寓書友人譽爲 女, 定向 贊 爲姚安知府,一旦自去其髮,冠服坐堂皇,上官勒令解任。居黃安,日引士人講學,雜 專崇釋氏, 初立朝有時望。 伊尹 卑侮孔、孟。 而 士 大夫好禪者往往從贄遊。 貶言者, 後歷徐階、張居正、申時行、王錫爵四輔,皆能無齟齬。 後北遊通州,爲給事中張問達所劾,逮死獄 時議訾之。 其學本王守仁。 贄 小 有才,機辨, 嘗招晉江李贄于黃安, 定向不能勝 中。 也。 至居 後 正奪 漸

主事 。萬曆中,累官右僉都御史,督操江,疏陳礦使之患。再遷南京兵部右侍郎。卒,贈尙書。 定向弟定理、定力。 定理終諸生。與定向俱講學,專主禪機。定力,隆慶中進士,除工部

王樵, 列 傳 字明遠,金壇 第 百 九 耿 定 父臬。 向 王 樵 兵部主事。 諫武宗南巡,被杖。 終山東副使。 樵舉嘉

直以示信。 靖二十六年進士,授行人。 樵言此叛民與他納降異,直遂誅。 歷刑部員外郎。 著讀律私箋, 遷山東僉事,移疾歸 甚精核。 胡宗憲計降汪直,欲赦

唐介意乎。」居正 廣 曹奏留之,樵獨請全諫臣以安大臣,略言:「自古明主欲開言路,言不當,猶優容之,大臣欲 上德,人攻己,猶薦拔之。 萬曆初,張居正 大恚,出爲南京鴻臚卿。 一柄國,雅 知樵,起補浙江僉事,擢尚寶卿。 如宋文彥博于唐介是也。今居正留而臺得罪,無乃非仁宗待 旋因星變自陳,罷之。 劉臺劾居正,居正乞歸。

郎。 帝令致仕。 誠意伯 家居十餘年,起南京太僕少卿,時年七十餘矣。 劉 世延主使殺人,樵當世延革任。 尋就擢右都御史。給事 歲中再遷大理卿,尋拜南京刑部右侍 中盧大中劾其衰老,

邃經學,易、書、春秋,皆有纂述。 卒,贈太子少保,諡恭簡

行 御 7人司 史銜 子肯堂,字字泰。 副。 練兵海上。 終福建參政。 疏留中, 舉萬曆十七年進士,選庶吉士,授檢討。 肯堂好讀書,尤精於醫。 因 引疾歸。 京察,降調。 所著證治準繩該博精粹,世競傳之。 家居久之,吏部侍郎楊 倭寇朝鮮, 疏陳十 時 喬 薦補南京 議 願假

計,有 無人臣 列言 決。 十之一,以贍貧宗,立爲定制。 有司 東作,宜敕 狀。 一,進戶科給事中,因 左給事中,副檢討許國 徴租 報聞。 天未冱寒,不宜遽輟。 帝 隆 明 魏時亮,字工甫,南昌 百世之計。 慶 年六月言:「今天下大患三:藩祿 禮,大不敬,且數其不法數事。 臨 中官王本輒從旁詬諸臣欺蔽。 一,還兼倂者於民。 元 朝,拱默未嘗發一言。 有司釋輕繁,停訟獄,詔 興都莊地八千三百頃,中官奪民田,復增 年正月七 亟立宗學, 教之禮讓, 祿萬 日, 列上遼東 使朝鮮。 有詔 人。 中官張堯爲請,又許之。 俄請以薛瑄、 嘉靖三十八年進士。 此一時計也。 **発朝**,越三日復傳発。 事 及石 宜。 故事,王北 可。 州陷,有請帝詰問大臣 帝慍,目懾之,本猶刺 疏雖不行,士論壯之。 已,請愼起居, 不給也,邊餉不支也,公私交困也。 陳獻章、王守仁從祀文廟,章下所司。 石者歲捐五之一,二千石者十之一 各宗聚居一城,貧日益甚,宜 面 聽詔, 時亮極諫,不納。 授中書舍人,擢兵科給 八百頃,立三十六莊。 罷游宴, 時亮以新政不 使者西面。 刺語。 者。 十月初,詔 日御便殿省章奏,召大臣裁 越二日,講罷,帝果問石州 帝不 時亮爭之,乃南 宜遽怠,上疏 停 悦而罷 H 一令就近散處,給

帝從撫按奏,屬

事

中。

切

諫。

尋

面宣詔

破

列

傳

第

百

ル

瓠

時

亮

五八一九

宗藩

有一時之

,千石者二

講。

時亮

率同

叉言方春

時亮

劾本

逻

以

理浙 焉。 之? 府庫 巡撫,令尚鵬等三人分任塞下屯事,久任責成,有功待 鄒 閒 應 田 龍 疏上,多議行 夫守令以養民爲職,要在勸農桑、清徭賦、重鄉約、嚴保甲,而簿書 彈虛,百姓困瘁,而建議者欲罄天下庫藏 使 湖 耕 、凌儒 、雲、貴,重內 以 代 經理,事權雖重,顧往 禄 "奸生之孽"重行 地 而 輕塞下,非初旨也。 黜削。 河東 者兼 此百世計 理 (輸內府,以濟旦夕之用, 脫州郡 四川 且 也。 往往 人領數道,曠遠 以不 江 邊餉莫要於 一北者 次,則利與而 兼 理 難 Щ 屯鹽、近遴大臣 東 周 獄 邊儲 訟,催科巧 河南,往江南 請在 自裕。 有 內 變, 地 龎 拙 者 今天 何 尙 專責 者兼 以 不 鵬 下 待 與

峻 擢 ,則召爲祭酒或入翰林,以示**風** 京卿若巡 其 、多復疏言:「天下可憂在民窮,能爲民紓憂者,知府而已。 漁無,則 人自激勸。 督學者,天下名教所繫,當擇學行兼懋者,毋限 勵。」下部議,卒不行 宜愼 重其選,治行 以 時。 卓越,即 教行 望

排異己者 三年擢太僕少卿。 ;時亮及陳瓚、張檟已擢 初,徐階、 京卿 高拱 ,皆被斥。 相 構,時亮與朝臣攻去拱。 時亮 坐不謹,落 職 已而 拱復 入, 考察言官,

及科 攘 要 一務十 萬 ,計更時以修廢定殿最。 曆 四 十二年用丘橓、余懋學等薦,起南京大理丞。 事。 尋請以 水利、義倉、生養、賦役、清獄 叉請皇長子出閤講學。 、弭盜、善俗 歷刑部左、右侍郎、拜南京刑部尚書。 累遷右副 都御史,攝京營戎政,陳安 七條 課守令, 歲終報部院

踰年卒官。

抑 ·,潛心性理之學。 時亮初好交遊,負意氣。 天啓中、諡莊靖。 嘗劾罷左都御史張永明,爲時論所非。 時亮亦悔之。 中遭挫

然。 瓚責大學士王錫爵曰:「憲成疏最公,何以得譴。」 錫爵曰:「彼執書生之言,徇道旁之口,安 者。 **劾罷嚴鬻黨祭酒王才、諭德唐汝楫。** 知吾輩苦心。」 亦惡之,不召。 坐浮躁謫洛川丞,不赴。 怒,杖六十除名。 帝可之,楊順、路楷皆逮治。 **瓚前後忤執政如此。** 陳費,字廷碟,常熟人。 瓚曰:「恐書生之言當信,道旁之口當察,憲成苦心亦不可不知也。」 居正死,始以薦起會稽縣丞。 隆慶元年起官吏科,請卹楊最、楊爵、羅洪先、楊繼盛,而誅奸黨之殺沈錬 卒官,贈右都御史,諡莊靖。 萬曆中,累官刑部左侍郎。 嘉靖三十五年進士。 其冬擢太常少卿。 遷左給事中。 其後官侍郎。 授江西永豊知縣。 劾文選郎南軒,請錄建言廢斥者。 高拱惡瓚爲徐階所引,瓚已移疾歸, 初,瓚爲拱所惡被斥,及張居正柄政 **檟見鄒應龍傳** 稽勳郎顧憲成疏論時弊謫官, 治最,擢刑科給事中。 錫爵默 帝震 竟

從。 應乾 則斷 使。 非小。」帝終 言:「登極詔 及於主 爲所嫉。 元 年巡撫畿輔。冬,寇大入永平,疏請蠲被掠地徭賦,且言:「比年罰 刑部 再遷山 ,下信、冕獄,敕燾、隨卿還籍聽 死者報首功,又奪遼東將士棒槌厓戰績,並論 帥 侍 而 及拱再召,杰遂請急去。拱罷,起故官。 字彥輔,蔚州 東 郎洪朝選以拾遺罷,上疏自辨,杰等劾其違制,遂削 不 書罷織造甫 略於偏裨,請飭 聽。 左 布政使。 駕幸南海子, 人。 一年,敕使復遣,非畫一之政。且內臣專恣,有司剝下奉之,損聖德 被劾,降遼東苑馬寺卿兼海道兵備, 法以振國威。」俱報可。 父銘,御史。 命京營諸軍盡從。 勘。 詔遣中官李祐督蘇、杭織造,工部執奏,不從。 杰舉嘉靖三十五年進士, 副使沈應乾,遊擊李信、周冕罪。 旋以私議張居正 已,劾薊督劉燾、巡撫耿隨 徐階、楊博等諫,不聽,杰復爭之,卒不 加山東按察使。 職。 授行 逐拱非是, 行於文臣 以嘗論 人,擢 高 而 拱非宰輔器, 卿觀望,寇退 出 御 弛於 史。 為陝西副 帝爲 武弁, 隆慶 杰 膃

者充首 亡大半,成梁飾功邀敍。 將李 望甚著,然上功不 + 寧襲板升於鎭夷堡,獲老弱二百八十餘 功,習以爲常。 七年擢 右 無抵欺。 督撫諸 杰具奏草,直言其故,要總督蹇達共奏。 寇入塞,或斂兵避,旣退,始尾襲老弱,或乘 臣 庇之,杰獨不 以督諸將擊敵, 級 與比。 師 旋, + 爲別 九年 錄一子官。 部 春,成梁用 所遮,寧先走,將士數千人失 時李成梁爲總兵官,威 達匿其草,自爲奏論功。 参將 虚搗 郭夢 零 部,誘殺 ·徵策,使副 附 塞

廉 隱 諭 巡按御史胡克儉馳疏劾寧,詞連成梁,亦詆杰。 杰會稟 、磁狀 臣寬其罪。 ,申時行、許國 功罪疏不奏,遂追 先是, 徇 十八年冬, 私背公,將壞邊事。」並 庇之,止令聽勘 數成梁前數 海州被掠 克儉乃言:「臣初劾守廉,時行 年冒 十三日, 歷詆 功狀。 鳴 副將孫守廉不戰,成 兵部置寧罪不議。 帝謂成梁前功皆由 達及兵科給事 以書 中張應登朋奸欺罔 梁 克儉大憤、盡發成梁、達 巡按勘報 亦 沮 臣,及 沸救。 ,克儉懸 劾寧,又與 克儉 既刻守 達置 度安 國

遷兵部右侍郎,總督薊、遼、保定軍務。 劾 秀吉罪 南京 帝特発之。 旋 不 就 進右 部尚書。 勝誅,顧加以爵命,荒外聞之,謂中朝無人。」議不合,徙南京戶部尚書。 副都御史。 朝鮮王避難將入遼,杰請擇境外善地處之,且周給其從官、衞士,報 就改兵部,參贊機務。 日本陷朝鮮,達遣裨將祖承訓以三千人往,皆沒。 召理 卒官。 戎 政,進右都御史。 贈太子少保。 日本封貢議起,杰曰: 事聞, 移疾歸。 杰亦被 可。 平 尋

議

卒置

成

梁等不問,而

心以杰

爲

不欺

轄 也 武為財,執政遂言克儉妄排執法大臣,不可居言路,謫蘄水丞。 **〕**,秦禁買功、竊級諸弊。 胡 克 儉, 字共之,光山 人。 既劾成梁,爲要人所忌。 萬曆十四年進士。 由庶吉士改御史,巡按山東。 會克儉劾左都御史李世達曲庇罪囚, 上官以事遣歸,里居三十 遼東其所

列

崇顧初,復官。卒,贈尚書。克儉本姓扶,冒胡姓,久之始復故。 光宗立,起光祿少卿。天啓中,歷刑部右侍郎。五年冬,逆黨李恒茂論其衰朽,落職

遷饒州推官,擢福建提學僉事,請急歸。遭喪,服除,仍督學福建。 備中官申信黨,不倂治信無以厭人心。」時信方結馮保,朝議遂奪岳等俸,謫參魯高安典史。 聽。南京中官張進醉辱給事中王頤,給事中鄭岳、楊節交章論,未報,參魯復上言:「進乃守 興役濬河,鬻及妻子。陛下發帑治橋建廟,已五萬有奇。苟移振貧民,植福當更大。」亦不 后立廟涿州,祀碧霞元君。部科臣執奏,不從。參魯斥其不經,且言:「南北被寇,流害生民, 趙參魯,字宗傳,鄞人。隆慶五年進士。選庶吉士,改戶科給事中。 歷南京太常卿。 萬曆二年,慈聖太

魯熟倭情,宜任。 侍郎,改兵部,旋改吏部。 十七年以右副都御史巡撫福建。 章下廷臣,參魯復持前說,因著東封三議,辨利害甚悉。 日本封貢議起,參魯持不可。總督顧養謙不懌,爭於朝,且言參 申嚴海禁,戮姦商通倭者。 遷大理卿。召爲刑部左 其後封事卒

拜南京刑部尚書。 誠意伯劉世延妄指星象,欲起兵勤王,被劾下吏,參魯當以死。 南

孫丕揚等言參魯履行素高,不當聽其去,詔留之。累加太子太保。致仕,卒,諡端簡 吾嗣復劾之,並及參魯,言學仕乃大學士志皐族父,至故參魯庇之。參魯乞休。 京 Ī 一部主事趙學仕以侵牟爲侍郎周思敬所劾,擬戍。學仕移罪家僮,法司予輕比。一御史朱 吏部尚書

|天治 歲 本官掌通 少 卿。 不遷。 中,累進尙寶丞。高拱以內閣兼吏部,其妻,孟男姑也,自公事外無私語。拱憾之,四 張孟男,字元嗣,中牟人。嘉靖四十四年進士。授廣平推官。 孟男復不附,失居正意,不調。久之,居正敗,始累遷南京工部右侍郎。尋召入,以 政 及拱被逐,親知皆引匿,孟男獨留拱邸爲治裝送之郊。 司 事 張居正用事,擢孟男太僕 稍遷漢中同知。入爲順

男曰:「公家事, 栗僅 門。 令曹世 支二年 萬 其冬改 卿枉,章並留中,其人繫兵馬司,橐饘不繼,莫必其生,虧損聖德。」帝心動,乃間 曆十七年,帝不視朝者八月,孟男疏諫,且言:「嶺南人訟故都御史李材 戶部,進左 不再歲遂有七年之蓄。 乃畫區畔耶。」南京御史陳所聞劾孟男貪鄙,吏部尚書孫鑨言孟男忠誠 待郎。 尋拜南京工部尚書,就改戶部。 水衡修倉,發公羨二千金助之。 時留都儲峙耗竭,孟男受事, 或謂奈 何 功,蔡 耘 人田。 人訟故 一御 孟 謹

列傳

第

百九

趙少魯

强症

9

恪,臺臣所論,事 三十年春,有詔罷礦稅。 由郎官,帝乃留之。 已,弗果行。孟男率同列諫,不報。 孟男求去,不允。 再疏請,乃聽歸。久之,召拜故官。 加太子少保。 五 上章乞

南京尚書趙參魯等奏其清忠,贈太子太保。 民以搖國,有臣如此,安所用之。 稅,皆鬻男市女、朘骨割肉之餘也。 歸,不許。 時礦 稅患日劇,孟男草遺疏數千言,極陳其害,言:「臣備員地官,所征天下租 臣不勝哀鳴,爲陛下杞人憂耳。」屬其子上之,明日遂卒。 臣以催科爲職,臣得其職,而民病矣。 聚財以病民,虐

浙江 吏部。 京兵部 承芳抗 先。」帝許焉。 承芳貳之。 副使、謝病歸。薦起山東參政,歷南京鴻臚卿。 衞承芳,字君大,達州人。 卒官。 右侍郎,就拜戶部尚書。 疏爭,卒不從。 敬循,大學士廣子也。 贈太子太保,諡清敏。 專遷南京光祿卿,擢右副都御史巡撫江西。 萬曆間,南京戶部尚書有清名者,前有張孟男,後則稱承芳。 隆慶二年進士。萬曆中,累官溫州知府。公廉善撫字。 福王乞蘆洲,自江都抵太平南 廣言:「承芳臣同年進士,恬澹之操,世罕能及,臣子不當 東部推太常少卿朱敬循爲右通政,以 嚴絕餽遺,屬吏爭自飭。 北千餘里,自遣內官徵課。 尋就改 入爲南

進

列傳第一百九 李禎

,字維卿,安化人。 隆慶五年進士。除高平知縣,徵授御史。

果者 疏 部右侍郎。 兵部,進左侍郎 縣梁道凝循吏,反注下考,宜懲挾私者以勵其餘。薦舉屬吏不應專及高秩,下僚如趙蛟、楊 運 詆 詆 司 順,顧遂乞休,不允。御史宋興祖請改材他部避顧,全大臣體,乃出材南京。 ,亦當顯旌之。」蛟、果,萬曆初以吏員超擢者也。 邊吏四失。帝以納款二十年,不當咎始事,遂寢其議。以右僉都御史巡撫湖廣,言:「知 知 事。 初,傅應顧以直言下詔獄,顧與同官喬巖、給事中徐貞明擁入護視之,坐謫長蘆鹽 趙用賢以絕婚事被訐,戶部郎中鄭材復詆之。 遷歸德推官、禮部主事、三遷順天府丞。十八年,洮、河有警,極言貢市非策,因 韶皆報可。召爲左僉都御史,再遷戶 减駁材疏, 語侵其父洛。 順尋調

阜、星當去。 守爲實務,而 **順等言三今所議惟戰守封三事。** 人渝於異域,而我兵食未集,勢難遠征。 二十四年,日本封貢事價,首輔趙志皐、尚書石星俱被劾。 詔詰順,止令議戰守事,何擅及大臣去留,姑勿問。 相機應之。 且朝鮮素守禮,王師所屯,宜嚴禁擾掠。」得旨 封則李宗城雖徵,楊方亨尚在。若遽議罷,無論中國數百 宜令方亨靜俟關白來迎則封,不迎則 廷臣議戰守,章悉下兵部。 志皐自是不悅禎。 如議。 而疏 止。我以戰 内言志 明年,

宁 星 得 五. 罪 策, 命 俱允 禎 攝 行 部 事 後 又數 醎 以平壤、王京、釜山皆朝鮮要地,請修建大城, Ê 方 略 興屯開 鎭,且列

黄 以 虹 昌 右 聞 一從北 橋 勝 騷 場 關 然。 四 報 爲松城咽喉。]]] 則不敢踰 界迤西間道達蜀 其後 被寇。 可 隴 右備嚴, 禛言:「川、陝接界,而松潘 塞墩 關堡之外,或嶺或崖 而 寇關 地,多不隔三舍。 寇不得逞, 他 如横山 而禍乃移之川 、寡石 一,皆 幸層巖 向無寇患者,以諸番爲屏蔽 可 據 崖尤爲要害,皆當 、疊嶂, 守。 矣。 守阿 屹然天險, 今諸番强半折 玉嶺 則 **亟議防禦,令撫鎭** 如鎭 不 能 也。 入 虜堡 越咂際 於 自俺答 西 為漳臘 部 m 窺 西牧,隴 臣 臣閱 堡。守 門戶 計 地 ,

貫雅 寬名上。 用 玠、 鎬 益 臣故舉之。」帝怒禎 與 順 經 質 給事 無功,志皐等又請罷禎 略 直 邢 方 ,楊應文言敏寬方坐事勘,不當推舉。 玠、經 剛,署事規畫頗當。 理 楊鎬通,亦不便順所爲,言順 不引罪,調之南京。 御史況上進劾禎 有欲卽用爲尚書者,志皐以故憾,陰沮之。 後考察,南京言官拾遺及順,遂命致仕 庸鄙。 帝 非 以詰順 將 材 帝皆不聽。 惟 , 禎言:「前奉詔敏寬 蕭大亨堪任。 甘肅: 缺巡撫,頑 帝不 而張位、沈 須巡 聽 以 劉敏 撫缺 其後

不可深責。 久之, 起南京 十餘年來,大臣乞休得請者,百無一二。李廷機、趙世卿皆羈留數載,疏至百餘 刑部尚書。 踰 年復引疾,不俟報徑歸,帝怒。大學士葉向高言「頑實病」

則聽之。」帝竟奪順職閒住。未幾卒。 臣求去,約有數端。 今尚書孫丕揚、李化龍又以考察軍政疏不下,相率求去。若復踵順轍,實傷國體。 疾病當去,被言當去,不得其職當去。 宜曲體其情,可留留之,不可留 諸

座主也,誣劉臺以贓,屬賓往遼東按之。實力辭,忤居正意去官。 丁寶,字禮原,嘉善人。 隆慶五年進士。授句容知縣。徵授御史。大學士張居正,實

鞫。 留滯不得官,賓請就南勘襲。妖民劉天緒左道事覺,兵部尚書孫鑛欲窮治之,詔下法司訊 江防多懈,實率將校乘一舟往來周視,增守兵戍要害,部內宴然。南衞世職率赴京師請襲, 濱兼攝刑部大理事,力平反,論七人死,餘皆獲釋。 召拜工部左侍郎,尋擢南京工部尚 自上元至丹陽道路,盡易以石,行旅頌之。數引年乞罷,光宗立始予致仕 萬曆十九年用薦起故官,復以憂去。起南京大理丞。累遷南京右僉都御史兼督操江。

賦者。 三年大饑,咸捐資以振。至天啓五年,復捐粟三千石振貧民,以資三千金代下戶之不能輸 實官南都三十年,每遇旱潦,輒請振貸,時出家財佐之。 撫按錄上其先後事,時已加太子少保,詔進太子太保,旌其門。以年高,三被存問。 初以御史家居。及丁憂歸,連

列傳第

崇禎六年卒,年九十一。諡清惠。

無所附麗,不爲執政所喜,則以此遠之。 自全。干時冒進之徒,可以風矣。 **贊曰:南京卿長,體貌尊而官守無責,故爲羨望之地,資地深而譽聞重者處馬。** 袁洪愈諸人類以清强居優閒之地,不竟其用,亦以 或强直

校勘記

遷威茂兵備副使 宝志整飭兵備道有「威茂道」,無「威遠道」。 威茂, 原作「威遠」。 明史稿傳一〇二郭應聘傳作「威茂」。 據改。 按本書卷七三職

撫。 按卷二二三吳桂芳傳稱 從提督吳桂芳平李亞元 七三職官志,正德、嘉靖、隆慶間, 作「提督」是,據改。 「部議罷 提督, 又,李亞元,原作「李元垔」。 認總督 原作「總督」。 兩廣「總督」已改稱「提督」,萬曆三年才又復稱「總督」。又 改桂芳兵部右侍郎兼右僉都御史提督兩廣軍務兼 明史稿傳一〇二郭應聘傳作「提督」。 據本書卷 理巡


按本書卷二二三吳桂芳傳、世宗實錄卷五六一嘉靖四十五年八月甲申條都作「李亞元」,據改。

聘傳、傳一九一平樂傳改。

__ E3 __ 東部侍郎陸光祖爲御史周之翰所劾 周之翰,原作「趙之翰」,據本書卷二二四、明史稿傳一〇

三陸光祖傳及神宗實錄卷一五五萬曆十二年十一月甲申條改。

\ E ∪ 言學仕乃大學士志皐族父 本書卷二四二朱吾弼傳作「大學士趙志皐弟學仕」。



明史卷二百二十二

列傳第一百十

譚綸 徐甫宰 王化 李佑 王墨古 子謙 孫之楨 之采 李棠

方逢時 吳兌 孫孟明 孟明子邦輔 鄭洛 張學顏

張佳胤 殷正茂 李遷 凌雲翼

譚綸,字子理,宜黃人。嘉靖二十三年進士。除南京禮部主事。 歷職方郎中,遷台州

知府。

臨海 栅浦 綸亦練千人。立束伍法,自裨將以下節節相制。 綸沉毅知兵。 ,編擒斬殆盡。進海道副使,益募浙東良家子教之,而繼光練兵已及期,綸因收之以爲 ,綸自將擊之,三戰三捷。倭復由松門、澶湖掠旁六縣,進圍台州,不克而去。轉寇仙居、 時東南倭患已四年、朝議練鄉兵禦賊。參將戚繼光請期三年而後用之。 分數旣明,進止齊一,未久卽成精銳。倭犯

列

用 客 兵 罷 不 復 調 倭 自 象 Щ 突台 州,綸 連 破 之馬崗 何 家醴,又與繼 光 共 破 之葛埠、南

加右參政,會憂去。

建。 棄巢 曦 據 走, 自 巢 以 不 尙 福 綸 率 下 書楊博 及 至漳、 廣東 出攻程鄉 薦起 泉,千 兵追擒 復將 · 里 蓋 之。 知 縣 浙 一賊窟 徐 兵,討 尋改官 甫宰嚴 機光 饒平賊林朝曦。 福 兵待, 漸擊定之。 建,乞終制 而 遣 主 去。 師 簿 朝曦 甫 梁維 繼光 旋, 者, 其 數 棟 大盜 衆 破 入 城 復 贼 張璉 浙 犯 中 邵 東略 餘 諭 武,陷 黨 散 定。 其 也 黨 興 化 倭 璉 旣 朝 轉 滅 曦 福 朝

繼光 舊 伏 大 制 破 而 死 繼 賊 至, 四 倭遂 建 復 十二 光 綸 水砦五 破 據 自 賊 年 平海 府 將 春 王 中 扼 再 倉坪、蔡丕嶺 縣 軍 衞 起編。 海 ",陷 0 總 口 詔 兵官 政 , 加 薦 和 道 右 織 劉 擢 、壽寧,各 副都 分餘 顯 光 右 爲 愈都. 贼 兪 御 走、廣東 總兵官以鎮守之。 . 史。 大猷 扼 御 海道 將 綸 左、右 巡撫 境內悉定。 以 爲 延、建、 歸 福 軍 計 建。 汀、『邵 綸環 倭復 令繼 綸 倭屯 圍 光 間 棚 疏 |崎 以 斷 仙 殘 請 頭 遊, 路 破 中 城, 復行服 甚, 軍 綸、 贼 薄戝 都指 不 請 機光 ") 世宗 得 量,左 緩 揮 去, 歐 征 大 許之。 陽 蠲 破 右 移營 深 賦 脉 軍 搏 繼之, 城下。 渚 叉考 戰 林

南 叛 酋 鳳 繼 祖 遁 入 會 理 綸 會師 討平之。 進兵部右侍郎兼右僉都御史,總督 兩廣軍務兼

巡撫廣西。招降岑崗賊江月照等。

兀

+

四

车

冬,

起故

官、巡撫

陝西

未

上前

大足民

作亂,陷

--

城。

詔

改綸

几

إال

一至已

]破滅

元年,給事中吳時來請召綸、繼光練兵。詔徵綸還部,進左侍郎兼右僉都御史,總督薊、遼、 綸 ·練兵事,朝廷倚以辨賊,遇警輒調,居官無淹歲。 迨南寇略平,而邊患方未已。 隆慶

保定軍務。綸上疏曰:

弱不侔,故言者亟請練兵。然四難不去,兵終不可練。 「薊、昌卒不滿十萬」而老弱居半,分屬諸將,散二千里間。 敵聚攻,我分守,衆寡强

趙士素驕,驟見軍法必大震駭。且去京師近,流言易生,徒令忠智之士掣肘廢功,更釀 成。臣與繼光召之可立至,議者以爲不可。信任之不專,此二難也。軍事尙嚴,而燕、 萬,此一難也。燕、趙之士銳氣盡於防邊,非募吳、越習戰卒萬二千人雜敎之,事必無 生,欲再舉,禍已先至。 他患,此三難也。我兵素未當敵,戰而勝之,彼不心服。能再破,乃終身創,而忌嫉易 夫敵之長技在騎,非召募三萬人勤習**車戰不足以制敵。計三萬人月餉,歲五十四** 此四難也。

千,以濟緩急。三年後,邊軍旣練遣還。 決死邊內。二者不效,臣無所逃罪。又練兵非旦夕可期,今秋防已近,請速調浙兵三 將之,而授繼光以總理練兵之職。春秋兩防,三營兵各移近邊。至則遏之邊外, 以今之計,請調薊鎭、眞定、大名、井陘及督撫標兵三萬,分爲三營,令總兵參遊分 入則

列傳第一百十 譚綸

關 自兵事起,邊臣牽制議論,不能有爲,故編疏言之。而巡撫劉應節果異議,巡按御史劉翾、巡 御史孫代又劾綸自專。 之未專,而 悉如 所請 行之未實也。 ,仍令綸 、繼光議分立三營事宜。 穆宗用張居正言,悉以兵事委綸,而諭應節等無撓。 今宜責臣編、繼光,令得專斷, 綸因言:「薊鎭練兵踰十年,然竟不效者, 勿使巡按、巡關御史參與其間。」

政。 明。 河 將佐曰:「秣馬厲兵,角勝負呼吸者,宜於南,堅壁清野,坐制侵軼者,宜於北。」遂與 史,協理如故。 上方略,築敵臺三千,起居庸至山海,控守要害。 以東,中駐三屯備馬蘭、松、太,西駐石匣備曹牆、古石。諸將以時訓 是歲秋,薊、昌無警。 會臺工成,益募浙兵九千餘守之。 綸 相 度邊隘 其冬,予告歸 **衝緩,道里遠近,分薊鎭爲十二路,路置一小將,總立** 異時調陝西、河間、正定兵防秋,至是悉罷。 邊備大飭,敵不敢入犯。 論召入爲右都御史兼兵部左侍郎,協 以功進兵部尚書兼 練,互爲掎角,節制詳 三 營: 綸初至按行塞 東駐建昌備燕 機 右都御 上,謂 理戎 光 圖

優 詔留之。 神宗卽位,起兵部尙書。 五年卒官。 贈太子太保, 諡襄敏 萬曆初,加太子少保。 給事中維遵劾綸不稱職。綸三疏乞罷,

綸終始兵事垂三十年,積首功二萬一千五百。 嘗戰酣,刃血漬腕,累沃乃脫。與繼光共

事齊名,稱「譚、戚」。

列傳第一百十 譚綸

敗奔瑞 州 寇,任一子千戶。 分巡僉 甫宰築城立 金,副使李佑三戰皆捷。 甫宰,字允平,浙江 不事無 理兵備 堡者三。 已而程 事。 鄕 上官 Щ 東莞水兵徐永太等亂,停俸討賊。 賊 陰 溫 以程 人。 賊 鑑 由間 、梁輝等合上杭賊窺 鄉盜藪,調 嘉靖 道歸程鄉,甫宰討擒 中 舉 之往。 順 天 鄕 試 旣 平朝 江 除武平 西。平 之,餘黨悉平。賚銀幣。已,補潮 曦, 甫宰已疾亟 遠 超 知縣 知 擢 縣王 潮 州兵備 武平當閩 一化遮擊之檀嶺 , 乞 歸。 僉 事 、粤交, 未幾卒。 ,添注 財財 剿

授化 以 舉卓異, 自 福 刎 建 知縣。 王化 ·飭惠、 化怒,追賊益急 化寄妻子會昌,而 超擢 字汝贊,廣西馬平人。 以擊賊 潮兵備。 廣 東 副 檀嶺,有知 使。 ,獲國相於石子嶺。 久之,考察罷 南赣巡撫吳百朋 身率鄉 兵名。田坑 兵往擊。 父尙學,職方郎 賊梁國相旣降復叛,約三圖 以貪黷劾之,削 賊連敗,乃縱 遷潮州府同 中。 化登鄉 反間 知,仍署縣事 籍。巡按御史趙淳薦其知 會昌 薦。 ,言化已歿,化妻計氏慟哭 嘉靖 。計被旌,官爲立祠。化 賊葛鼎榮等分寇江西、 四 十年新 置平遠縣, 兵,乃命

破 敗 劇 選 賊 東 李 佑 李 賊 ,字吉甫,貴州清平衞 亞 吳志高、江 元 擢 僉都 西 下 御 歷賊 史,巡撫廣東。 賴清規等, 人。 嘉靖二十六年進士。 皆資銀幣。 屢敗海寇林道乾、山寇張韶 進江西 歷官江西副使,邀賊瑞 右參政 南等。 偕總兵官兪大猷,大 隆慶 金 中,被劾 有 功。尋

罷歸。

府。 遷常鎭 王崇古,字學甫,蒲州人。 公兵備 副使, 擊倭夏港,追殲之靖江。 嘉靖二十年進士。 從巡撫曹邦輔戰滸 除刑部主事。 由 郎 墅。 中 已,偕兪大猷 歷知安慶、汝 追倭 寧二

降附,數出兵搗巢。 四 [十三年改右僉都御史,巡撫寧夏。崇古喜譚兵,具知諸邊阨塞,身歷行陣,修戰守, 寇屢殘他鎭,寧夏獨完。 隆慶初,加 右副都御 史。 納

出海。

累進

)陝西

按察使,河南

右布

政使。

皆寇。 襲破 古兵部右侍郎兼 池 軍 法 、長城關 督戰 其營,斬 吉囊子吉能據 總督 了 又指 與戰,大敗之。 陳其 獲 多,加崇古右都 畫地圖,分授諸大將趙岢、雷龍等。 學 右僉都御史,總督陝西、延、寧、甘肅軍務。 無威略,總兵官郭江、黃演等皆敗死,陝西巡撫戴才 河套為西陲諸部長,別部賓兔駐牧大、小松山 崇古在陝七年,先後獲首 御史。 吉能犯邊、為防 5功甚 數有 秋 兵所 功。 多。 崇古奏給四鎮旗牌,撫臣 遏 着力兔行牧河東,龍潛出 ',南擾 移營白城子。 亦坐発。 河、湟番 龍等出 族,環 其 冬,進崇 得 興武 匹 用 鎭

自 河套以東宣府、大同邊外,吉囊弟俺答、昆都力駐牧 地 也。 又東薊、昌以北,吉囊、俺

升。 答主土蠻居之,皆强盛。俺答又納 不能 通 十年,邊臣坐失事得罪者甚衆,患視 瓦剌、黄毛諸 而 俺答爲兵。 寇 軍 者深 得。 全等尊俺答為帝,爲治城郭宮殿;亦 中 動 邊將 靜 入 爲 東入薊、昌、西掠忻、代、遊騎薄平陽 敵 種 間 士率賄寇 輒 知 歲中降者踰 又檄勞番 四年正 求和,或反爲用 、漢陷寇軍民,率衆降及自拔者,悉存撫之。 月韶崇古總督宣、大、山西 三千 叛人趙全等,據古豐州 人。 陝西 ,諸陷 自治 匹 鎭尤劇。 第一制 一寇自拔 、靈石 度 朝廷 歸者,輒殺 ,至潞安以 如王者,署 軍 地,招亡命 務。 募獲全 崇古禁邊卒 之以 者官都指 其 北。起嘉靖辛丑,擾 門 數萬,屋居佃 冒 日 一功賞 開 歸者接踵。 闌 揮使,賞千金,卒 化 出 ; 敵 情 作,號 而 叉 不 縱 邊者三 日 可得, 西 其素 夜 日 板

升諸 豐餼 塞外 答 崇古念因 克哈屯。 見其美,奪之。把漢惠,又聞 幾五 逆,還被 廩 其冬,把漢那吉來降。 服 十年 此制 用, 長娶大成比妓不相得。 掠 以 ,威制 俺答,則趙全等可除也,留之大同,慰藉甚至。偕逢時 悅 人 口 其 然 諸 心,嚴禁出 部,侵擾 後 以 把漢那吉者,俺答第三子鐵背台吉子也。幼失父,育於俺答妻一 禮 崇古方納降,是年 遺歸,策之上也。 邊圉。今神厭凶德,骨肉離叛,千里來 入,以虞 把漢自聘我兒都司 其 詐。 若俺答臨邊索 十月率妻子十 若遂桀鰲稱兵,不 女,日: 號三 取 餘 娘子,即 人 則 來歸 盯 因 降,宜給宅舍,授官 理 與 諭 於 。巡撫方逢 爲 俺 , 則 朝 市, 答 日 明示 外 責 孫 令縛送板 俺答橫行 欲殺,以 時 女 也。俺 以 職

列

傳

功 息,又 辛愛 撓 屬 遂 棄 或 其 彼 必 志。 居 而 素 忿爭 鳥 不 策也。 驕 彼 桓 求 貴 之制 望 則 不 彼 生 若循 當 受驅策 還, 兩 厚 族 他 舊 加 必 相 日 一駕馭 資養,結以恩信 懼 例安置海濱 持,則 俺答 我 制 苟乖,必滋 死,子辛愛 其死· 兩利 !俱存 ,使俺答 命。 0 若 必 其 怨望,頓 志奪氣沮,不敢大逞,然後 有 部 日 互 衆 共 一相讐 南 衆。 繼 生 望,侵擾不已; 降 [殺] 颺去之心,終貽 者 因 則 加 處之塞下 把漢 按 兵 稱 名號 又或給配諸將, 助。 ٠, 一令收 即令 徐行 反噬之禍 彼 無暇 把漢 吾 集餘 計 均 統 侵陵,我遂 衆, 策之中 領 使 爲 自 無策。」 略 之隨營立 爲 也。 如 得休 漢 部。 置

緋 張 衣 瑴 事 襲,而 爲 至 朝 議 黜夢熊於 兵部 紛 然。 尙 書郭乾 外,以息 御史饒仁侃、武尙賢、葉夢熊皆言敵情 不能決,大學士高拱、張居正 異 力主崇古議。詔授把漢指 旦 測 夢熊 至引 宋 受郭藥師 揮

兵是 答 俺答喜 以 盛 故 氣 速 俺 俺 其 答 過望,崇德因說之日「趙全等旦 待 答 今吾孫降漢,是天遗之合也。 方掠 死 之曰「自吾用 不 得 也。」俺答疑 志。 西番 聞 克哈屯思 變 、把漢已死,及聞言,心動,使使酮之。 兵,而 急歸,調 鎭將 其孫,朝 辛 多死。」崇德曰:「鎭將 愛兵分道 |至,把漢夕返。」 俺答大喜,屏 夕哭,俺答患之。巡撫逢 天子幸封我爲王,永長北方,諸部孰敢爲患。卽不幸 入犯,索把漢甚急。 孰 與 崇古令把漢 而 時 孫? 遣 辛愛佯發兵,陰擇 人語 今朝 百 戶 日一日 緋 廷待 鮑崇德 袍 我 金 而 帶 不 孫 入 爲亂 見 甚 其營,俺 使者, 厚,稱 便

死,我孫當襲封,彼受朝廷厚恩,豈敢負耶。」遂遣使與崇德俱來,又爲辛愛求官,幷請 崇古以聞,帝悉報可。 俺答遂縛全等十餘人以獻,崇古亦遣使送把漢歸。帝以叛人旣得,祭 互市

告郊廟,磔全等於市 把漢旣歸,俺答與 其妻撫之泣。 加崇古太子少保、兵部尚書、總督如故。 遣使報謝,誓不犯大同。 崇古令要土蠻、昆都

議通貢市,休息邊民。 等皆入貢,俺答報如約,惟土蠻不至。 朝議復譁。 尚書郭乾謂馬市先帝明禁,不宜許。 崇古念土蠻勢孤,薊、昌可 無患,命將士勿燒荒搗 給事 中章端甫

崇古無邀近功,忽遠慮

漢之故,不擾宣、大,而 制 市 四五十年,震驚宸嚴,流毒畿輔,莫收遏劉功者,三緣議論 旣異昔强,我兵亦非昔怯,不當援以爲例。 要,欲保百年無事 手足耳。昨秋,俺答東行,京師戒嚴,至倡運甎聚灰塞門乘城之計。今納款 諸部 一不過如 崇古上疏曰:「先帝旣誅仇鸞,制復言開市者斬,邊臣 於身後也。 遼東、開原、廣寧之規,商人自以有無貿易,非請復開馬市 ,否則治首事之罪。 夫拒 上蠻三衞歲窺薊、遼,吉能、賓兔侵擾西鄙, 敵 甚易 ,執先帝禁旨,一言可 **豈惟臣等不能逆料** 夫先帝禁開馬市,未禁北 決。 一他時雖 但 何敢故違禁旨,自陷 太多,文網 敵旣 不得請,懷 俺答亦 息警無時,財 也。俺答父子兄弟 敵之納款。 牽制, 恐能 求 憤 貢,又必責 使邊 保 重 而 力殫 辟 去, 其身,不 今 臣 敵 縦以把 但 無 絀 求 横 以 所 敵 貢

列

傳

第

年三貢 荒 智 者 事 服之來 以 無 上 ,此皆前 以 王,昭 善善 其 後 聖 代 矣。 封 圖 一之廣 貢 昔也 故 大,以示東西諸部,傳 事 先 以 夫 剋減馬 揆之時 價 勢,既當俯 而 稱 兵,忠順 天下萬 從, 世 王 考之典 一諸臣 以元 (放, 裔 何 而 疑憚而 非 封 今創 哈密 不 始。 爲 小 那?因 堂堂天 子 由 [條封] 大同 朝 容

八

許 用 恭 所 直 居 狀。 以 下 十 使 加 城 詔 使 日 郭 下 賞、惟 貢 歸 乾 七 廷 馬 化 悉 人 議 執執 以 。定國 貢 ; 昆 上 趙全 衆 使不 爲 都力、辛愛等皆授官 議 不 公徐文璧、侍郎張四維以下二十二人以爲可許,英國公張溶、尚 一餘 聽 可 會帝 入 黨 許。 以 御經 獻 尙 ō 書 筵,閣 帝 朱衡等五 嘉 其誠 ; 封 臣 把漢昭 面 人言 賜 請 金 外 封 示羈 幣。 勇 貢 將 便、互市不便, 、縻、內 軍 叉 雜 , 指 采崇古及廷 揮 修守備 使 如 "乃韶: 故。 獨 愈都 臣 **俺答** 一議,賜 封 御史李棠 俺答 |率諸 王 順 部受詔 可,給 義王 書 極 張守 言當 一,名 甚 食

大矣。」 江 其臂,俺答必呼吉能 封 淮 貢。 河 、湖廣輻輳塞下,因收其稅以充犒賞。 帝然其言,亦授吉能 套吉能 崇古 復 亦 上 如 疏 約 之衆 曰:「俺答、吉能 請 命 就 都 क्त 以 [智 河 事 同 東宣、大,商 在 知 陝西,下總督王之誥議。 親 崇古乃廣 爲 叔 其大小部長則官給金繪 販 姪,首尾相 不 能 召 商 給 販 而 應。今收其叔 聽 吉能 令貿 之誥欲 糾 易。 俺答擾 ,歲市馬各有數。 令吉能 而 布 縱 陝西, 帛、菽粟、皮革遠 其姪,錮 一二年不 兀 鎭之 其首 ·犯,方 憂 崇古 而 自 方 舒

成功。 宣、大則歸款迄明季不變。 報之,令勿以人言介意。給事中尹瑾、御史高維崧再劾之,崇古力請致仕,帝乃允歸 崇古上言:「西行非俺答意,且以迎佛爲名不可沮,宜飭邊鎭嚴守備,而陰泄其謀於番族以 示恩。」於是鉉及同官彭應時、南京御史陳堂交章論崇古弛防徇敵。 求俺答西援。崇古每作書止之,俺答亦報書謝。 鎭,數千里軍民樂業,不用兵革,歲省費什七。〔三詔進太子太保。 衣千戶,有司以禮存問。 書,改兵部。 仍歲詣弘賜堡宣諭威德。 子謙,萬曆 <u></u>崇古身歷七鎭,勳著邊陲。封貢之初,廷議紛呶,有爲危言臧帝者。閣臣力持之,乃得 **俺答旣死,辛愛、撦力克相繼襲封。** 萬曆初,召理戎政。給事中劉鉉劾崇古行賄營遷,詔責鉉妄言。已,加少保,遷刑部尚 順義歸款二十年,崇古乃歿。總督梅友松撫馭失宜,西邊始擾,而禍已舒於嘉靖時, 初,俺答諸部嘗越甘肅掠西番。旣通款,其從孫切盡台吉連歲盜番,不得志, 五年進士。 又二年卒。贈太保,諡襄毅。 諸部羅拜,無敢譁者。自是邊境休息。 官工部主事,権稅杭州。 十五年詔以崇古竭忠首事,三封告成,廕一子世錦 是年,俺答請與三鎭通事約誓,欲西迎佛。 羅木營兵變,脅執巡撫吳善言。謙馳 東起延、永,西抵嘉峪七 崇古疏辯乞休。帝優詔

列 傅 第

百 +

王

崇

古

五八四三

諭

之乃解。終太僕少卿。孫之楨,以廕累官太子太保、左都督,掌錦衣衞事凡十有七年,之

宋,萬曆二十六年進士,官兵部右侍郎,陝西三邊總督**。**

終南京東部右侍郎。仕宦三十年,以介潔稱。天啓初,追諡恭懿。 李棠、長沙人。由東部郎中累遷右副都御史、巡撫南、贛。督僉事諸察討平韶州山賊。

事,歷工部郎中,遷寧國知府。 逢時廣東兵備副使,與參將兪大猷鎭之。已而程鄉賊平,移巡惠州。 方逢時,字行之,嘉魚人。嘉靖二十年進士。授宜興知縣,再徙寧津、曲周。擢戶部主 廣東、江西盜起,詔於興寧、程鄉、安遠、武平間築伸威鎮,擢

臾用兵,俺答又惑之,令其子辛愛將二萬騎入弘賜堡,兄子永邵卜趨威遠堡,自率衆犯平虜 古曰:「機不可失也。」遣中軍康綸率騎五百往受之。與崇古定計,挾把漢以索叛人趙全等。 答犯威遠堡,別部千餘騎攻靖鹵,伏兵却之。其冬,俺答孫把漢那吉來降,逢時告總督王崇 遣百戶鮑崇德出雲石堡語俺答部下五奴柱曰:「欲還把漢則速納款,若以兵來,是 趣 之 死 隆慶初,改宣府口北道,加右參政。 |奴柱白俺答,邀入營,說以執趙全易把漢。俺答心動, 遣火力赤致書逢時。 旋擢右僉都御史,巡撫遼東。四年正月移大同。俺 而全方從

右侍郎 定約, 復遣 答大驚,有執全意。及戰,又不利,乃引退。辛愛猶未知,奄至大同。逢時使人持把漢箭示之 城。逢時日:「此必趙全謀也。」全嘗投書逢時、言悔禍思漢、欲復歸中國。逢時以示俺答,俺 復 之曰:「爾來求和,兵何爲者。」使者還報俺答,召辛愛還。 使求幣,逢時笑曰:「台吉,豪傑也,若納款,方重加爵賞,何愛此區區,損盛名。」辛愛大慙, 旣授官,又有成約,當更計之。」乃遣部下啞都善入見。逢時曉以大義,犒而遣之。辛愛喜,因 曰:「吾已與而父約,以報汝。」辛愛執箭泣曰:「此吾弟鐵背台吉故物也,我來求把漢,把漢 由 大同北去。於是巡按御史姚繼可劾逢時輒通寇使,屏人語,導之東行,嫁禍 |啞都善來謝曰:「邊人不知書,蒙太師教,幸甚。」俺答使者至故將田 拱曰:「撫臣臨機設策,何可洩也。 夜召全等計事,卽帳 兼右僉都御史。 甫拜命,以憂歸。後崇古入理京營,神宗問誰可代者,大學士張居正 中縛之送大同。 但當觀後效,不宜先事輒易。」帝然之。 逢時受之,崇古亦送把漢歸。 辛愛東行,宣府總兵官趙岢遏之, 世威所,世威亦讓 逢時 俺答乃遣使 以功進兵部 隣鎮。 大學

萬 逢時復代崇古,乃申明約信。 曆 初,起故官,總督宣、大、山西軍務。始逢時與崇古共決大計,而貢市之議崇古獨成 兩人首尾共濟,邊境遂安。

以逢

時

逢時分巡 П 北, 時親 行塞外, 自龍門盤道墩以東至靖湖堡山梁 百餘里,形勢聯絡,

列

傅

第

里, 陵寢 副都御史,總督如故,加太子少保。 之險,舍迂就徑,自 庸 歎 ¨, 出 日 亦可 一一此 止限 關 見邊務修 漸資屯牧,於戰守皆利。」遂與 山天險。 山,所係尤重。 舉,欲幷遂前計。 龍門黑峪以達寧遠,經行三十里,南山、獨石皆可朝發夕至,不 若修 鑿,北可達獨石,南可援南山,誠陵京一藩籬 其地本相屬,而經行之路尚在塞外,以故聲援不便。 上疏 巡撫吳兌經營修築,設兵戍守。 日:「獨石在宣府北,三 面隣敵,勢極 也。」及赴陽 累進兵部尚 孤 懸。懷、永與 ·惟拓 若設 和,道居 書兼右 盤道 地 百

五. 年召 理戏政。 時議者爭言貢市利害。 逢時臨赴闕上疏曰:

狎,隱憂叵測」。此言心則忠矣,事機或未覩也。 聽 固 宜與之,得一菓餅,輒稽首歡笑。 田 陛 野 而 下 日闢,商賈日通,邊民始知有生之樂。 異議者或曰「敵使充斥爲害」,或曰「日益費耗,彼欲終不可足」,或曰「與寇益 特恩起臣草土中代崇古任,賴陛下神武,八年以來,九邊生齒日繁,守備 有掠人要賞,如打喇明安兔者,告俺答罰治,即 北部輸誠效貢,莫敢渝約,歲時請求,隨 俛首 日

太僕馬價十數萬,十纔二三耳。 財貨之費,有市本,有撫賞,計三鎭歲費二十七萬,較之鄉時戶部客餉七十餘萬, 夫 使者之入,多者八九人,少者二三人,朝至夕去,守貢之使,賞至卽歸,何有充 而民間耕穫之入,市賈之利不與焉。所省甚多,何有

耗費。 小費而虧大信,使一旦肆行侵掠,則前日之憂立見,何隱之有哉? 糧耗竭,邊臣首領不保,朝廷爲旰食。 乃若所憂則有之,然非隱也。 。七八年來,幸無此事矣。 方庚午以前,三軍暴骨,萬姓流離, 若使臣等處置 城郭 丘 乖方,吝 堀, 쮱

焉貢市 絕市,閉關固 相 人方略 爭搆,假托異辭,遂行侵擾。 其所不可知者,俺答老矣,誠恐數年之後,此人旣死,諸部無所統一,其中狡黠 非而 何 如 耳。 戰守是哉? 壘以待。 夫封疆之事,無定形亦無定機,惟朝廷任用得人,處置適宜,何必拘拘 仍禁邊將毋得輕舉,使曲常在彼,而直常在我。 此則時變之或然,而不可預料者。 在我處之,亦惟 因機處置,顧後 罷

貢

互

縮,外則部落攜 謹列上五事 市,則非賂遺矣,旣貢且市,則無征戰矣。 命還朝,不復與 臣 .又聞之,禦戎無上策;征戰禍也,和親辱也,賂遺恥也。 貳,事機乖迕,後悔無及。 聞閩外之事,誠恐議者謂貢市非計,輒有敷陳,國是搖惑。 臣幸藉威靈,制伏强 臣雖得去,而犬馬之心實有不能一日忘者 今曰貢,則非 梗,得発斧鉞之誅。今受 內則邊臣畏 和親矣,日

至京,復奏上款貢圖

尋代

崇古爲尚書,署吏部事,加太子太保。 以平兩廣功,進少保。累疏致仕歸,御書「盡

列

忠」字賜之。二十四年卒。

逢時才略明練。 處置邊事,皆協機宜。 其功名與崇古相亞,稱「方、王」云。

門。 廣 此未有也。 參議。 拱之初罷相也,及獨送至潞河。 吳兒,字君澤,紹興山陰人。 調河南,遷薊州兵備副使。 嘉靖三十八年進士。授兵部主事。 及拱再起兼吏部,遂超擢之。 五年秋,擢右僉都御史,巡撫宣府。 釋褐十三年得節鉞,前 隆慶三年由郎 兄舉鄉試 中遷湖 出高 拱

停市。」諸部追所奪馬,幷執其人以謝。 比妓來駐龍門教場。 導,且獻酪。 **偵俺答離營獵,從五騎直趨其營。守者愕,控弦。** 知 然辛愛 其所出,自嘉靖中徙至,與史夷雜居,皆宣鎭保塞屬也。 時俺答初封貢,而昆都力、辛愛陰持兩端,助其主土蠻爲患。兒有智計,操縱馴伏之。嘗 猶桀驁,俺答常以已馬代入貢。 兄遍閱廬帳,抵暮還。市者或潛盜所鬻馬,兒使人棓擊之,曰:「後復盜,即閉關 **党以史、車唇齒,車被掠,史益孤,奏築堡居之。使使詰責辛愛,令還革** 旣得賞賜,抵地不肯受,又遣兵掠車夷。 辛愛復擾邊,俺答曰:「宣、大,我市場也。」戒 從騎呵之曰:「太師來犒軍耳。」皆拜跪 辛愛掠之,以其長 革固去,其二 車夷者,不 勿動。 迎

列傳第一百十 吳兌

貧。 諭 子 以 罰 固 ,三娘子 治 以 而 禍 寶 兌 勒 諭 冠 \equiv 福 其 娘子 前 百 比 其昆弟,每 主貢 妓 耀 鳳雲衣、紅骨朶雲裙,三娘 遠 有 武 市者三世 盛寵 邊。 震 之。 ___ 於 辛愛誘 馬 俺答,辛愛 0 青把都 分 昆都· 比妓 繒畀之。 力嘗求 懼 五 /嫉妬 一,貢 欗 如初。 後東 且 子以 封王、會病死。 數數 沁 、威 詛 桂報土 此爲兄盡 冒之。 其女 兀愼 東桂嫁杂顏 蠻 三娘子入 歲盜 别 力。辛愛、撦力克 其子 騎掠三岔 葛峪堡器甲、 青 把都 一都督長昂,嘗隨父入貢 貢,宿免 河 擁 東,発得爲備,有 兵 牛羊。 相 軍 至塞,多所要挾。兌 繼 中 ·,愬 襲王,皆妻三娘 免皆 其 付 事 功。 兌 贈 其

夏,代 靑 留 王崇古 把 青 海 萬 都 方逢時總督宣、大、山 曆 奏上方略,使兒諭俺答繞賀 未 亦 二年 罰治其下,款貢 春, 而 靑 推款貢 把都復附土蠻,其部 (乃益 功 ,加兄右副 西軍務。俺答西掠 堅。 七年秋 瀬山 都御史。貢市 下 後行,勿道 時 ,以左侍 入寇。 瓦剌,聲言迎佛,寄帑於免,留 甘肅 郎召還部,尋 大學 事,加 又陰 士張居正 兵部右侍郎 洩 其謀於 加 令兒 右 都 兼 瓦 御 趣 右 俺答東還約束之, 刺。 史,仍佐 僉 旗箭 都 俺答 御 爲 部 史。 信 兵 逐挫, 尙 Ŧi. 年

李 市 宣 成 府,而 梁擊斬 九 召 年 拜 夏,復 兵 歲 部 犯 遼東 以本官總督薊、遼、保定軍 尙 其 弟 以 炒花、姪 要款。 御 史魏 允貞 老撒 朝 廷 刻 兒歷附高拱、張居正,且饋馮保金千 ト見 拒 不 許,兄修義州城備之。 悉遁去 務兼巡撫順天。 韶進免兵部 泰寧速 尙 明 書仍 年春,速 把亥 兼 右 與 兩 把亥 都 青把都 封 御 來寇,總兵官 史。尋進太子 識 交通,陰 具 入 給

事 王繼光亦言兒受將東饋遺,御史林休徵助之攻。 帝乃允兄去,後數年卒。

怒,誣孟 孫孟明,襲錦衣千戶,佐許顯純理北司刑。 明藏 匿亡命。下本司拷訊,削籍歸。 崇禛初,起故官,累遷都督同知,掌衞事。 天啓初,讞中書汪文言,頗爲之左右。 孟明 顯純

居官貪,以附

東林

頗得

時譽。

帝欲置之死 一人由是獲免。 子邦輔 ,邦輔故緩其獄。 襲職,亦理 北司刑。 帝怒稍解,令嚴訊主使者。 崇禎末,給事中姜垛、行人司副熊開元以言事 邦輔乃略訊卽具獄上,韶予杖百, 同 日繋詔

卿、萬宋、萬處龍。 鄭洛,字禹秀,安肅人。 出爲 四川 參議,遷山西參政。 嘉靖三十五年進士。除登州推官,徵授御史。 佐總督王崇古款俺答有 功。 劾罷嚴嵩黨鄢懋

市 部右侍郎。 ,遣使責俺答罰贖駝馬牛羊,乃復許款。 萬曆 二年由 七年以左侍郎總督宣、大、山西軍務。 浙江 左布政使改右僉都御史,巡撫山西。 三娘子佐俺答主貢市,諸部皆受其約束。及辛愛 昆都力子滿五大令銀定入犯,洛 移大同, 加右副都 御 史, 奏 入為兵 停貢

襲封 子 別 年 屬 老 則 辛愛 且病,欲妻三娘子。 雞王 無益,乃使 人語之日 三娘子不 夫 從,率衆 人能 西 歸王,不失恩寵,否則塞上一婦 走,辛愛自追之,貢市久不 至。洛 人耳 計 三娘

娘子 聽 命 辛愛更名乞慶哈,貢市惟謹。 洛以功加 兵部尚 書兼 右 副都 御史。

妾 嘉 得 無 納之。 踰 一,復 主 三萬 麦三娘 復諭 四 一大同 年 御 揢 史許守恩劾洛。 ,乞慶哈死,子撦力克當襲。 子 力克曰:「夫人三世歸順,汝能與之匹,則王,不然封 萬四千, 遂以 明 山西六千,而 年嗣 乞歸,不允。 封,幷奏封三娘子忠順夫人。 中飭 三娘子以 自 將 太子 吏嚴備,以防 少保累加至太子太保 年長,自練兵萬 盗竊,且 洛乃上疏請定市 別有屬 無 人,築城 輕遏其部落馳 ,召爲戎 出也。」撦 别 居。 馬 政 力克 數 尚 洛恐貢市 獵者。帝 宣府 書。 摅 逐 諸 不

單 且 力 丙 爾 冤等屢越 騎 克 王 冤 戶 馳 家 死, 及 之。 在 丙 八 其子 力克遺 冤 東,恐有 甘 年 洲洲河 卒持輕自白,爲奎所斫,遂大譟,射奎死。火落赤、眞相進圍舊洮 肅 、火落赤守之,俱牧 眞 侵擾 洛 相進據莽刺川,火落赤據 內 書,以赴仰華 用兵,詔 河、湟諸番。 顧憂也。」撦力克遂行。 兼右 爲名。 海上。 都御史,經略 及俺答迎佛,又建寺於青海,奏賜名仰華,留 他 洛 使 捏工川 部往來者,率取 從塞外行,又諭 未至 陝西、延、寧、甘肅及宣、大、山 ,益倂吞 一,把 爾戶部 道 番 甘肅 族。河 忠順夫人曰:「彼 卒闌 甘肅 入西寧。副 套都督卜 鎭 臣 失冤亦遣使邀撦 以 西 州 總 中 通 永邵 邊務。 撫賞 兵 款 副總兵李聯 李奎方醉, 卜 弗 不 別部把 松套 禁 能 也 多, 賓

列

傅

第

芳敗歿。入臨洮、河州、渭源,總兵官劉承嗣失利,遊擊李芳等皆死。當是時,撦力克已至仰

華,火落赤、眞相益挾爲重,關中大震,惟把爾戶不助逆。

夫人 自青 俄罷總督梅友松,命洛兼領其事。洛以洮河之禍,由縱敵入青海,乃馳至甘肅 兵官張臣與相持月餘,洛設伏掩擊之,卜失冤僅以身免。莊禿賴後至,聞之亦退去 熊 不 力克 歸 鼓舞勞來,招回諸番八萬餘 子女牛羊皆有之,生死唯所制。 卽歸 謝罪,乞復貢市,洛乃進兵青海,走火落赤、眞相 叉 騰書都下,洛疏持不可。 海歸巢者,聽假道;自巢入青海者,卽勒兵拒之。」未幾,卜失兔至水泉,欲趨青海 北歸,別遣雲龍、世德收番族以弱其勢,而具以狀奏聞。 輸罪請歸。火落赤、眞相亦夜去,兩川餘黨留莽剌南山。 事聞,詔洛經略七鎭,以僉事萬世德、兵部員外郎梁雲龍隨軍贊畫,而停撦力克 明年,洛與雲龍入西寧,控扼青海。撦力克聞之,西徙二百里,還洮河所掠 洛與相 羈縻,先遣總兵官尤繼先擊走莽刺餘寇。 人,皆陛下威德所致。」且具陳收番有六利。 夢熊乃調苗兵三千爲選鋒、武洛爲秦槍 洮河之役,遂爲嚮導,番戎之勢不分,則心腹之患無已。 ,焚仰華 督撫魏學會、葉夢熊等請決戰,夢 ,置戍西寧、歸德 言:「自順義南牧,借塗收番, 洛慮諸部約結,先遣使趣撦 買 似道。會撦力克北 是時,播力克觀望 间 還 人口,與忠順 , 今日: 「北部 貢市 臣

尚書不星以宣、大事急,請速召洛究款戰之計。洛旣至,與總督蕭大亨,巡撫王世揚、邢

列傳第一百十 張學顏

議市 之恩 巢保 行牧者, 玠等上疏曰:「撦力克諉罪火落赤、眞相,桀驁之狀已斂。 賞, 疆者、宣 開 不他失未嘗窺莽、捏,而大成比妓則又歸巢獨先。今以一 將來之隙,臣未見其可。 在我固未爲失策也。」議遂定。 鎭 則青把都兄弟未嘗 今史二外叛,屢犯邊疆,若令順 東窺薊、遼,而兀愼、擺腰五 尋加少保, 仍召理戎政。 且其部落數千里,部長十餘輩 路之在 義王縛獻以著信, 人之罪,概絕諸部 順義王果縛史二來獻,復 新 平,剔服 猶 ,消往 故 然 在 後酌 一。在 日 西

款如

故

火、真依海爲窟 是撦力克歸,棟又言:「火、眞亂首,順義 徐琰復詆洛,乞處分以除悞國之罪。棟再疏劾洛欺罔,給事中章尚 星言洛無重 屋復奏洛收番之功,再詔起用。 初 了閱邊給事中張棟言,洮河之衄,殞將喪師,洛爲其所輕,故東西移帳 利陷 一、出沒 敵事,且有威望,不宜久棄。 如故,洛輒侈然敍文武勞。 當時以洛有物議,卒不推也。 **亂階,洛宜除兇雪恥,乃虛** 逾三年,官軍與番人夾擊把爾戶 乞敕所司,毋徇洛請。」洛乃謝病 詞 學亦 卒,贈太保,諡襄敏 誘 敵,而 請令洛回宣、大。 自便。太僕寺丞 重利 於西寧 媚之。 歸 大 尙 今 破 書 至

張學顏 ,字子愚,肥鄉 生九月失母,事繼母以孝聞。 親喪廬墓,有白雀來巢。

靖三十二年進士,由曲沃知縣入為工科給事中。 遷山西參議,以總督江東劾去官。

遷水平兵備副使,再調薊州。

諸盤錯,利器當見。」侍郎魏學曾後至,拱迎問曰:「遼撫誰可者。」學會思良久,曰:「張學顏 可。」拱喜曰:「得之矣。」遂以其名上,進右僉都御史,巡撫遼東。 二月,遼撫李秋免,大學士高拱欲用學顏,或疑之。拱曰:「張生卓犖倜儻,人未之識也,置 以求王。 俺答封順義王,察罕土門汗語其下曰:「俺答,奴也,而封王,吾顧弗如。」挾三衞窺遼欲 而海、建諸部日强、皆建國稱汗。 大將王治道、郎得功戰死,遼人大恐。 隆慶五年

策,敵至無所亡失,敵退備如初,公私力完,漸復其舊。 請振恤,實軍伍,招流移,治甲仗,市戰馬,信賞罰。 都 者三之二。前撫王之誥、魏學曾相繼綏輯,未復全盛之半。 錢 擊於正安堡以衞鎭城,戰守具悉就經畫。 御史。 五 一分,馬則冬春給料,月折銀一錢八分,卽歲稔不足支數日。自嘉靖戊午大饑,士馬逃故 遼鎭邊長二千餘里,城砦一百二十所,三面膦敵。官軍七萬二千,月給米一石,折銀二 明年春,土蠻謀入寇,聞有備而 止。 大將李成梁敢力戰深入,而學顏 黜懦將數人,創平陽堡以通 十一月與成梁破土蠻卓山,進右副 繼以荒旱,餓莩枕籍。 則 以收 兩 河,移 保 學顏首 爲 遊

奸民闌出海上,踞三十六島。 閥視侍郎汪道昆議緝捕,學顏謂緝捕非便。 命李成梁按

列傳第一百十 張學顏

學顏 皆 完 海 州 兵 漬 敵 海 都 發之。 王台 汝 主之矣。 督 上,示將 翼 王 、啓釁。 送 杲 俘 詔 以索降人 加 獲就款,學顏 逮 臣 深 談, 完 謂 學顏 別遣 一而宣 宜 奏曰 諭 不 使招 得 王 諭 杲送還俘掠,否則 入掠 因 王 汝翼 諭,許免差役。 果如學顏 而 撫順 撫之。 却 果饋遺, 一等將 策。 買汝翼詰責 未半載 諸部聞大兵且 調 懲 兵剿 其 違抗 殺 招還四千四百 ", 毋 う實伸 之。 事 出 姑 杲 或 悉竄 威 益 息 一,荷 慽 以蓄禍 餘口 置 約 緣 Ш 諸 此 谷。杲懼 。」趙完懼 積 罷斥,是 部 息 爲 宼 以消 ,十二月約 副 進退邊將 飽金 一總兵趙 秋, 建

等。 果,大破之,追奔至紅力寨。 按 絀 御 多。 御 不 史 史亟 皆據 果。 王之誥 遼 陽 卒築 請罷役,學顏不可,日:「如此 膏腴、扼 萬 鎭 寬佃、斥地二百餘里。 曆 奏設 東二 初,李成梁議移孤 白 險山 要害。 餘 參將,轄六堡一十二城,分守靉陽。 里舊 而 有孤 邊 張居 人苦遠役,出 山堡,巡按御史張鐸增置險山五 山堡於張其哈佃 正第學顏功在 於是撫順以北,清河 則示弱也。 怨言。 總督楊光 。」即日 移險山 工甫 以南,皆遵 巡塞上,撫定王 興、王杲 上,加 五 又以其地不 堡於寬佃 復 堡,然與遼鎭聲援不接。 兵部侍 約 犯邊,殺遊 束。 、長佃、雙墩、長 毛,欲移置 兀堂諸 郎 明年冬,發兵 擊裴承 部,聽於 寬 佃 祖 誅 が所在 領 以 散 巡 時 都

也。 制 五. 和 年夏,土蠻 耆 在 彼,其和 大集諸部 必 不 犯錦州 可久。 且)要求封 無功與有功同封,犯順與效順同賞,旣取輕諸部,亦見 玉。 學顏奏曰:「 敵方 憑陵,而 與 之 通 是 畏 之

代,而土 笑俺答。 蠻約泰寧速把亥分犯遼、藩、開原。明年正 臣等謹以正言却之。」會大雨,敵亦引退。 月破敵劈山,殺其長阿丑台等五 其冬,召爲戎政侍郎,加右都御史。未受 人,學顏

遂還部。

踰

年,拜戶部尚書

力焉。 例 金課一千兩,餘多弗能執爭。而金花銀歲增二十萬兩,遂爲定額。人亦以是少之。 餘萬頃。 ,釐兩京、山東、陝西勳戚莊田,淸溢額、脫漏、詭借諸弊。又通行天下,得官民屯牧湖陂 時張 然是時宮闡用度汰侈,多所徵索。學顏隨事納諫,得停發太倉銀十萬 居正 民困賠累者,以其賦抵之。自正、嘉虛耗之後,至萬曆十年間,最稱富庶,學顏有 當國,以學顏精心計,深倚任之。學顏撰會計錄以勾稽出納。又奏列淸丈條 兩,減雲南黃

軍 內被甲乘馬持鋒刃,科道不得糾巡,臣部不得檢閱。 制,營軍隨駕郊祀,始受甲於內庫,事畢卽還。 止自恣。 士,持寸刃入宮殿門者,絞;入皇城門者,戍邊衞。 母,扶輦前驅,拜祀陵園,考卜壽域,六軍將士十餘萬,部伍齊肅。惟內操隨駕軍士,進 學顏執不與馬,又請停內操,皆不聽。 十一年四月改兵部尚書,時方興內操,選內豎二千人雜厮養訓練,發太僕寺馬三千給 前至涼水河,喧爭無紀律,奔逸衝突,上動天顏。今車駕已還,猶未解散。 其年秋, 車駕自山陵還, 學顏上疏曰:「皇上恭 宮中惟長隨內侍許佩弓矢。又律"不係宿衞 祖宗防微弭亂之意甚深且遠。今皇城 又招集厮養僕隸,出入禁苑,萬一驟起 謹稽舊

也 邪 心,朋 驅之不肯散 謀倡亂 捕 之莫敢 攖。 外臣不敢 正 德 入,譁 中 ·, 西 城 於夜則外兵不及知,譁於 練 兵之事 良 口 鑒 也 都城 疏 上,宦豎皆 白畫則日 切 天子 齒 爲 親 兵

語

中傷。

神宗

察知之,詰責主

使者

0

學顏

得

死,然亦

ネ

能

用

也

御御

捷

御

十六 史孫 非妄 天 史 府 劉 年 繼 臺 通 考滿 景隆 卒 先 剉 以 於 劾居 周 ,加太子 坐貶斥。 曾乾亨, 家。 弘 禴 E 得罪,學顏 贈 叉 少保。 論 少保。 給 學顏 學顏 事 中 故 雲南 交通 · 黄道 爲居正 復 論 岳 太監 瞻交章論學顏。 其 鳳 所厚,與 、贓私。 、罕虔平,進太子 張鯨 ,神宗皆黜之於外。 李成 御 史馮景隆 梁 學顏疏辯求 共 大保。 事 論 久 分物 李成 胩 論皆以學顏黨於 去,又請留道 梁 學顏 張 飾 居 八疏乞休,許致仕去。 E 功 旣殁,朝論 學顏 膽 亟 居 稱 不 聽 成 大異。初 正 梁十大 成成 明年 梁

丁, 順

戶 官署 主 , 劫 張 事 佳 佳 改改 胤 胤 ,字肖甫,銅梁 索 職 方 帑 遷 金。 禮部 佳胤 人。 郎 色不 中。 嘉靖二十九年進士。 變, 以 風 僞 霾 書 考察,謫 l 券貸 金, 陳 悉署游徼名,召入立擒贼, 州 知滑 百 知 縣。 歷 劇盜高章者,詐爲緹騎,直 一遷按察使。 由 此 知 擢

隆 五 年 冬, 擢 右 愈都: i 御史, 巡撫應天十府。 安慶兵變, 坐勘 獄辭不合, 調南京鴻臚

列

卿,就遷光祿。進右副都御史,巡撫保定,道聞喪歸。

不敢犯邊。後與總督鄭洛計服滿五大。入爲兵部右侍郎。 八賴掠塞外史、車二部,總兵官麻錦擒之。佳胤命錦縛八賴將斬,而身馳赦之,八賴叩頭誓 萬曆七年起故官,巡撫陝西。未上,改宣府。時青把都已服,其弟滿五大猶桀驁,所部

問告者曰:「亂兵與亂民合乎。」曰:「未也。」佳胤喜曰:「速驅之,尚可離而二也。」旣至,民剽 善言。張居正以佳胤才,令兼右僉都御史代善言。甫入境,而杭民以行保甲故,亦亂。佳胤 都御史。 屬景星捕七人,幷文英、廷用斬之。二亂悉定。帝優詔褒美。尋以左侍郞還部,錄功,加右 星諭二營兵,令討亂民自贖。擒百五十人,斬其三之一。乃佯召文英、廷用,予冠帶。 **益** 基。 十年春,浙江巡撫吳善言奉詔減月餉。東、西二營兵馬文英、劉廷用等搆黨大課,縛毆 佳胤從數卒佯問民所苦,下令除之。衆益張,夜掠巨室,火光燭天。佳胤召游擊徐景 而

恩刻佳胤營獲本兵,御史徐元復劾之,遂三疏謝病歸。越二年卒。贈少保。天啓初,諡襄憲。 加 太子少保。 未幾,拜戎政尚書,尋兼右副都御史,總督薊、遼、保定軍務。 成梁破土蠻瀋陽,復進太子太保。 召還理部事。 敍勞,予一 以李成梁擊斬逞加努功, 品誥。 御史許守

殷正 一茂,字養實,歙人。嘉靖二十六年進士。 由行人選兵科給事中。 **数罷南京刑部侍**

郎 沈 應龍。歷廣西、雲南、湖廣兵備副使,遷江西按察使。

捕得銀豹,正茂因自劾。 險 都 遣 俊、參議馬鼓,正德中嘗陷洛容。嘉靖時,銀豹 御史巡撫廣西。正茂與提督李遷調土、漢兵十四萬,令總兵兪大猷將之。先奪牛河、三厄 典史廖元招降之。遷元主簿以守,而銀豹數反覆。隆慶三年冬,廷議大征。 ,諸軍連克東山 捷聞,進兵部右侍郎,巡撫 隆慶初,古田僮韋銀豹、黃朝猛反。 鳳凰寨,蹙之潮水。 詔磔銀豹京師,置正茂不問。 **然如故**。 改古田爲永寧州、設副使參將鎮守。 廖元誘憧人斬朝猛,銀豹窮,令其黨陰斬貌類已者以 銀豹父朝威自弘治 及朝猛劫殺參政黎民東,四提督侍郎吳桂芳 中敗官兵於三厄,殺副總兵馬 未幾,僉事金柱 擢正茂右僉

瓊州 民於雲南、川、湖,絕倭嚮導。乃今總兵官張元勳、參政江一麟等先後殺倭千餘,以 都御 李茂,處處屯結。 廣西巡撫郭應聘亦奏平懷遠、洛容瑤,語詳 尋代遷提督兩廣軍務。 史。 倭復陷 銅鼓、雙魚、元勳大破之儒峒、犯電白、正茂剿殺千餘人。 廣中日告警,倭又數爲害。正茂議守巡官畫地 當是時,羣盜惠州藍 元勳及李錫傳。 一清、賴元爵、潮州林道乾、林鳳 正茂以功累加 分守,而 徙瀕 嶺表略定。 兵 次盡 部 海 尙 謫 平 諸 書兼

列

你

請告,許之。 引疾。六年致仕歸。 植珊瑚其中,高三尺許,路居正,復取金珠、翡翠、象牙餽馮保及居正家人游七。 而 張居正 萬 曆 以正茂所餽鵝罽 年召爲 二十年卒。 南京 久之,起南京刑部尚書。居正 戶部尚書,以淩雲翼代。 轉奉慈寧太后爲坐褥。 | 卒之明年,御史張應詔言,正茂以金盤二, 明年改北部。疏請節 李幼孜與爭 寵,嗾言官詹沂等劾之。遂屢 用,又諫止採買珠寶。 正茂疏辨,

士高拱曰:「吾捐 正茂在廣時,任法嚴,道將以下奉行惟謹。 百萬金予正茂、縱乾沒者半,然事可立辦。」時以供爲善用人。 然性貪,歲受屬吏金萬計。 初征古田,大學

廣 斬千二百餘級。 兩 廣。 東,而特命正茂爲廣西巡撫。 李遷,字子安,新建人。 給事中光懋言兩廣向設提督,事權畫 召爲刑部尚書。 嘉靖二十年進士。隆慶四年官南京兵部右侍郎,以左侍郎總督 後遂為定制。 引疾歸、卒。 ,今兩巡撫相牽掣,不便。乃改遷提督兼巡撫 諡恭介。 以平銀豹功加右都御史。尋討 遷出入中外三 十年, 不妄取一錢, 惠、潮 山寇,俘

年近七十,母終,廬墓。

雲翼,字洋山,太倉州人。 嘉靖二十六年進士。 授南京工部主事。隆慶中, 累官右僉

都 御 史,撫治鄖陽。 疏論衞所兵消耗之弊,凡六事,多議行。

沉 殷 福 王望高 E 其舟二十。 建總兵官胡守仁所敗。 茂。 曆 以呂宋番兵討平之。 時寇 元 年進右副都御史,巡 賊失 盜 略盡,惟林鳳遁去。 利,復入潮州。 是年冬,犯柘林、靖海、碣石、已、復犯福建。 上撫江西。三遷兵部左侍郎兼右僉都御史,提督兩廣軍務,代 參政金澗諭降其黨馬志善、李成等,鳳夜遁。明年秋,把 鳳初屯錢澳求撫,正茂不許,遂自彭湖 守仁 追擊至淡水洋, 奔東番魍港,爲

六年夏,與巡撫吳文華討平河池、咘咳、北三諸瑤,又捕斬廣東大廟諸山賊。 論 岑溪六十三山、七山、那留、連城諸處隣境瑤、僮皆懼。 兵,令兩廣 山 功,加右都御史兼兵部侍郎,賜飛魚服。乃改瀧水縣 頗安輯,惟 尋 進 征 總兵 羅旁。 東山瑶阻深箐剽掠,有司歲發卒戍守。 、張元勳、李錫將之。 羅旁在德慶州上下江界、東西兩山間,延袤七百里。成化中,韓雍經略西 四閱月,克巢五百六十,俘斬、招降四萬二千八百餘人。 正茂方建議大征,會遷去。雲翼乃大集 賊首潘積善求撫、雲翼奏設官戍之。 爲羅定州、設監司、參將。積患頓息。 嶺表悉定。

潘季馴召入,遂兼督河道。 召爲南京工部尚書,就改兵部,以兵部尚書兼右副都御史總督漕運,巡撫淮、揚。 加太子少保。 召爲戎政尚書,以病歸。 家居驕縱,給事、御史連 河臣

章劾之。詔奪官,後卒。

雲翼有幹濟才。 羅旁之役,繼正茂成功。 然喜事好殺戮,爲當時所譏。

事克有 張居正當國,究心於軍謀邊瑣。 贊日 濟。 …譚綸、王崇古諸人,受任巖疆,練達兵備,可與余子俊、秦紘先後比跡。考其時,蓋 觀於此,而居正之功不可泯也。 害疏往復,洞矚機要,委任責成,使得展布,是以各盡其材,

校勘記

長娶大成比 妓不相得把漢自聘我兒都司女 大成比妓、我兒都司,本書卷三二七韃靼傳作「大

成比吉」和「襖兒都司」。

莫收遏劉功者 明經世文編卷三一七頁三三六〇王崇古確議封貢事宜疏作 「 未 收 遏 虜 之 功

者」。

 \subseteq 歲省費什七 明史稿傳一〇〇王崇古傳作「歲省費什三」。

|Z9| |___ 劫殺參政黎民衷 黎民夷,或作「黎民表」,見本書卷二一二校勘記(三)。

明史卷二百二十三

列傳第一百十一

盛應期 朱衡 翁大立 潘志伊 潘季馴 萬恭 吳桂芳

傅希摯 王宗沐 子士崧 士琦 士: 昌 從子士性 劉東星 胡寶

徐貞明 伍哀萃

前 主事范璋下詔獄。璋筦衞河,亦忤中貴者也。 私 鹽至濟,畏應期,投鹽水中去。 盛應期,字思徵,吳江人。弘治六年進士。 會南京進貢內官誣應期阻薦新船,廣從 獄具,謫雲南驛丞。 授都水主事,出轄濟寧諸牐。 稍遷祿豐知縣。 太監李廣家人 中搆速應期及

母子惶怖,歸所侵。 正德初,歷雲南僉事。武定知府鳳應死,其妻攝府事,子朝鳴爲寇。 策鳳氏終亂,奏降其秩,設官制之。寢不行,後卒叛。 應期單車入其境, 與御史張璞、副使

列傳

蠻 晁 匹 普 遷 必 至 登 法 悪 陜 抑 作 西 鎭 亂 右 守 了富順 布 太 監 政 梁裕 使。 奸 民謝文禮 擢 右 裕劾三人, 副 都 、文義附 御 史巡 俱 逮下 之。 撫 几 詔 法惡 Ш 獄 ò , 討平 死,指揮 璞竟拷死。 天全六番招討使高 何 卿等先後討誅文禮、文義。 會乾 清宮 災, 文林。 應期 會泉江 得 復 職 僰 應

期

賚

銀

嘝

以憂歸

京 督 米 兩 廣 四十 應 嘉 期 靖 軍 務。 七萬 至 二年起故官,巡撫 廣 將行 偕 、銀二十 撫寧侯朱 籍 上積 萬, 以 麒 穀 江 食饑 督參 數。 西。 民。 宸濠 將 帝 李 以 陳洪謨 琿 又令諸府 亂後,瘡痍未復, 等, 討 於代,而 平思恩土 積穀 獎 備 資 荒至百 奏発雜 應期 目 劉 召, 1餘萬。 調緡 後洪謨 復 錢數十萬,請留 資 尋 銀幣。 積 進兵 益 多 部 一,亦被 朝 右 諓 侍 轉輸 大征 郎 南 岑 總

與 猛 爲 流言。 應 期 條 上 御史鄭洛書 一方略 七事,言廣 復劾應期 兵疲弱 賄 結 不 權 可 貴。 用 應期 麒 等志。 已遷工部侍郎 會御史許 引 中刻 疾 應期暴虐, 歸 麒 等因 相

省 拯還, 四 寧 + 一言者多謂開 詹事 餘 六年 卽家 里,較 霍 黄河 拜 韜 應 疏 水溢 河 期 僉 舊 !非計,帝遽令罷役。 事 右 泂 力省 都 江 入漕渠,沛 良材 御史 而 請 利 以 永 往。 於 北 昭 夫六萬 廟 應期 陽湖 道 口 應期請 東別 乃 淤數 五. 議 千,銀二十萬 於 開 展 千里. 昭陽 漕渠 月竟其功,不 元 糧 湖 ,爲經 一艘為 東 北北 兩 **八計**。 阻,侍郎章拯不 進江 剋期六月。 聽。 家 議 口 未 初, 南 定, 應期請令郎 工未 出 以御 能 留 治。 成 城 史吳仲 會旱災 尙 中柯 開 書 言 胡 濬 修 百 世

列傳第一百十一 朱衡

赦,復官致仕,卒。應期罷後三十年,朱衡循新河遺跡成之,運道蒙利焉。 維熊反覆變詐,傾大臣,誤國事。 熊分濬支河,維熊力贊新河之議,至是亦言不便。 世寧言:「新河之議倡自臣。 應期剋期六月,今四月,功已八九。 自古國家債大事,必責首議,臣請與同罷。」帝不許。 應期上章自理。 緣程工促急,怨讀 帝怒,詔與維熊俱奪職。 煩興。 後更

郎中。 海島亡命,陰相搆結,禁之便。」從之。 「比遼左告饑,暫弛登、萊商禁,轉粟濟之。猾商遂竊載他貨,往來販易,並開青州以西路 朱衡 出爲福建提學副使,累官山東布政使。三十九年進右副都御史巡撫其地。 字士南,萬安人。嘉靖十一年進士。 召為 工部右侍郎 歷知尤溪、婺源,有治聲。 遷刑 部主事,歷 奏言:

開新 改衡 能 便,議與衡不合。 復 東, 河, 工部尚 四十四年進南京刑部尚書。 可以通 自南陽以南東至夏村, 1.書兼右副都御史,總理河漕。 運,乃定議開新河,築堤呂孟湖以 衡持益堅,引鮎魚、薛沙諸水入新渠,築馬家橋堤以遏飛雲橋 又東南至留城,故址尚在。 其秋,河決沛縣飛雲橋,東注昭陽 衡馳至決口,舊渠已成陸。 防潰決。 河道都御史潘季馴以爲濬 其地高,河決至昭陽湖 湖,運道淤塞百 而故都御史盛應期所 決口 止 一,身自 餘里。

功 督工 主 百 衡 九 詔 議 + 0 遭 亦 四 劾 給 罷 里 變 事 曹濮 其 中 漕 說 何 艘 副 ",與給· 起鳴 由 使 柴淶, 境 往勘 山 事 入, 中 T, 重繩 主 通行 垂 元 春、 一竣矣。 吏卒不 至南 御 陽。 史黃襄 用 及 命者, 秋 未 幾,季 交章 河 浮議 决 請 馬 剔 罷 家 逐 以 起。 衡 橋 憂 去 議 \Box 明年 者 會 詔 紛 , 衡 新 然謂 給 河 兼 事 Ē 理 功 中 成 其 不 鄭 事 功 디 欽 劾 成 止 衡 虐 起 河 民 鳴 倖 初

葞 半 平 地 四 東 月始 形 宜 計 兗 洩 平衍 隆 濟 以 可 其 慶元 達。 聽。 寧 南 水 東 諸 平 費 入 年加 於 地與 党 赤山 閘 嶧 是汰 不 之民 太子 徐州 鄒 煩 湖 開官 起 增閘 少保。 滕 境山 閉, 明 之水 五. 年 挑 舟行 巓 , 夫 役 秋 淺 o Щ 相 水 ,苦力役者 以 召 準,北 日 六千餘, 驟 湿部。 可 堤 溢 百 高 捍羣流 餘 決 南 里, 以 百六十年。 叉 新 下, 明 其 夫 河 (就 懸 年 豊 役漫 , ٠, 直 流 能 壞 衡 爲 三十丈。 不潰。 無事 漕 上 屬 修渠費 艘 疏 者 事 數 日 改 0 百 宜 製 故 近 分 先臣 魯橋 新 之以 給 河 渠 道 事 宋禮濬 " 遠避 閘 殺 都 中 以 其 吳 御 南 時來 史翁 勢。 黃流,含卑 治 稍 舊 啓 言:「 衡 大立奏請 渠 立 乃 涸 測 新 開 就高 舟 量 支 河 裁 行 受 水 河

使, 召 衡 無 几 出 年 衡 秋 邳 右者。 州 河 工 決 亦竣,衡 六 雕 年 寧 正 ٠, 逐 月 起 還 韶 季 朝 馴 兼 總 左 副 理 0 都 御 明 史, 年 冬, 經 閱 理 河 视 道。 加 道 給 穆宗 事 中 崩 維遵 , 大 學 劾 士 龍 高 季馴, 拱以 言 Щ 陵 廷 臣 可

衡 先 後 在部,禁止工作,裁抑浮費,所節省甚衆。 穆宗時, 內府監局加徵工料,濫用不

衡議停新造,但責歲額,得減新造三之二。 可、嚴用 衡隨時執奏。 和 、駱問 禮先後諫, 未幾,詔南京織造太監李佑趨辦袍緞千八百餘匹,衡因言官孫枝、 再疏請,從之。 命造鰲山 帝切責太監崔敏, 燈,計費三萬餘 傳令南京加造緞十餘 兩, 又命建光泰殿、瑞 萬匹, 姚繼

祥閣 於長信門,衡皆奏止之。 。及神宗卽位,首命停織造,而內臣不卽奉 詔,且請增織染所顏

料。 衡奏爭,皆得請。 皇太后傳諭發帑金修涿州碧霞元 君廟 衡復爭 報報 聞

乞休。 |衡 性 詔 子維京,自有傳。 强 加 直, 太子太保,馳驛歸。 遇事不撓,不爲張 其年夏,大雨壞昭陵。祾恩殿,追論督工罪,奪宮保。 居正 一所喜。 萬曆二年,給事 中林景陽刻衡 剛 愎。 卒年七 衡 再疏

急。 之,乃斬葑門,奔入太湖爲 撫應天、蘇州 喪不赴。 惡少懼,夜劫縣 翁大立,餘姚人。 諸府。 衞獄 蘇州 嘉靖十七年進士。 ,縱囚自隨,攻都御史行署,大立率妻子遁。 以倭警募壯士, 盜。 命大立戴罪捕賊, 後兵罷 累官山東左布政使。 無 尋被劾罷。 所 歸, 羣聚剽奪。 久之, 起故官, 三十 八年以右副 知府王道行督兵 大立得其主 巡撫山 都御 名, 東。 力拒 捕甚

隆慶二年 列 僔 第 命督 百 + 河 道。 朱 朱衡旣開新河,漕渠便利。 衡 大立因頌新河之利 有五,而請濬回回

慕 以 達 鴻 溝 引 昭 陽 之水 沿 鴻 溝 出 留 城,以漑湖下腴田千頃。 未幾, 又請鑿邵 家嶺,令水 由

地 浜 溝 出 境 Щ 入 漕 河 帝 皆 從 之。

也。 卿 旣 乃 貯 可 慮 繪 博 久 粟 議,速 が城 淮 徐 圖 三年 也。 + = 浙 州 郭 七 倉 求 鹽場 不完,寇盗 平 邊關 月 以 拯 獻 濟 ·價 鹹泥盡沒,竈戶流移,商賈不 河 0 千里,悉遭洪 之策。」帝 大 出 且言:「時事可 決 糶 無備,可 沛 詔許 縣, 留 漕艘 圖 慮三也。 水,墩堡傾 以三萬 備覽,下其奏於 憂,更不 阻 不 石賚民。 進。 江海 (頹,何 止 帝 至, 此。 間 從大立請, 恃 颶 大立以 或 所 以守, 風 東 課 司 鼓 南 口 下 浪, 財 慮 可 民 賦 舟艦 大行 Ŧi. 慮 昏 品 也。 墊、 戰 振 也。 卒 貨。 望陛下 江 閭 閻 ,悉入波流, 海泛溢,粒 畿 愁 大立 輔、 以五患十二 困 Щ 狀,帝莫能 又請漕艘後 東 米 海 河 不 防 南 登,京儲 圖 可 周 渥 付 慮 知 公 兀 होश

汶、 州 壩 餘 喜,錫賚 了人民 里。 出 泗 海,三平地水深丈餘, 當是時,黃河旣決,淮水 諸 其明年遂爲給事 有差。 水 多溺死。 驟漲 決 時 大立已陞 大立奔走經營,至四 仲家 中 淺 諸 宋良佐劾罷。 工 寶 復 處,黃河 部 應湖 漲。 右侍 堤往 自清 郎 又暴至,茶城 年六月,鴻溝、境 ",旋改 往 河 崩 縣 壞 兵部 至 通 復 爲 Щ 濟 東沂 閘 淤。 左 。會代者陳 Щ 抵淮安城 當、 已而准· 諸 工,及 郯城 自泰 西 大賓 淮 水 淤 流 溢 Щ 三十餘里,決方、信 疏 未至,而 廟 從沂 濬 至七 . 次第 河 里溝 Ш 直 告成 東 亦 沙 泂 淤 薛 出 小

萬 曆 二年起南京刑部右侍郎, 就改 吏部。 明年入爲刑部右侍郎, 再遷南京兵部尚

六年致仕歸。

伊終疑之,乃委郎 稱荷花兒冤,流聞禁中。 成,刑部郎 盜入其室,殺 職,調一忠、三錫於外。 先是,隆慶末,有錦衣指揮周世臣者, 中潘 世 志 臣 伊疑之,外不決。 去。 中王三錫、徐一忠同 把總張國維入捕盜,惟荷花兒及僕王奎在,遂謂二人姦弑 帝 志伊 大怒,欲重譴大立等。 時 及大立 已知 讞。 九江 外戚慶雲侯裔 以侍 竟無所平反,置 府,亦謫 郎署部事,憤荷花兒弑主,趣志伊 會給 知 陳州 事 也。 極 中周良寅、蕭彦復劾之, 刑。 家貧無妻, 踰 數 年,獲眞 獨與婢荷花兒居。 盜。 速決。 其主。 都人競 乃追奪 志 獄

志伊,吳江人。進士,終廣西右參政。歷官有聲。

均平 左 少 /卿進 ·里甲 潘 季 法 馴 右 廣 僉都御史,總 字時良, 人大便。 鳥程 理 臨代去, 河道。 人。 嘉靖二十九年進士。 疏請飭後至者守其法, 與朱衡 洪洪開 新 河加加 授九江推官。 右 帝從之。 副 都 御 史。 進大 擢 尋以憂去 御史,巡按 理 丞。 四 廣 + 四年 東。 由

隆慶 四 年 河 決邳州 雕寧。 起故官,再理 河道,塞決 口。 明年,工竣,坐驅運 船 入新

漂沒多,爲勘河給事中維遵劾罷。

治 高 强 濬 以 淸 人 堰 河河 議 復 爲 河 東淮 了其深 不合。 憂。 逐 口 萬 水一 條 淤 曆 上六事 入清 澱 几 河 斗,沙居其六,伏秋則 廣必不能 漕 年夏, 會桂芳卒,六年夏,命季馴 全 尙 口 淮 書 , , 詔 再起官 以 南 吳桂芳議復老黃 如 如 徙, 敵 今河 議 河之强,使二 高堰 、巡撫 議築崔鎭 湖堤大壞, 江 居其 西 河 。明年冬, 水 紋 以 以 道,而 並 非 右 塞 淮、 極湍 都 決 流, 揚 御 召 口 總 急,必 則 ,築遙堤 高 爲 史兼工部左侍郎代之。季 河 刑部 海 都 郵 口 至停滯。 寶 御史傅 自濬。 右 以 侍郎 應 防潰決。 間 希擎欲塞 。是時,河決 卽 皆爲巨浸。 當 桂 藉 芳所 又 淮 之清 決 開 准 馴 口 草灣 大 崔 清 以 以 學 遍,黄· 束 刷 故 加 亦 士 水 道 711 濁 可 張 歸 之濁 淮 水 不 居 漕 凐 北 復 IE 弱 流, 修 築 雖 深 河 兩

中 深 王 廣 歷虞城 道 明 成 自嘉 年 以 冬,兩河 、夏邑、商丘, 方 靖 築 中 崔鎭 北 工 徙,河身旣淺,遷徙 成。 高 堰 相 叉明 一、役難 度 地 年春,加 勢。 並 舉。 舊 黄 太子 不 河南 河 常 上流 太保,進工 撫按亦 曹、單、豐、沛常苦昏墊。 自 陳 新 三難 集 部 尚書兼 經 乃 趙 家 止。 卷 左 蕭 副 遷 南京 都 上 縣 疏 出 御史。 兵部 請 徐 復 孙 季剔 尙 故 小 河。 浮 初 橋 + 給 至 極 事 加

季 馴 之 再起也,以張居正援。 居正殁,家屬盡幽繫,子敬修自縊死。 季馴言:「居正母

年

正

月

召

改

刑

部

者交怒。植遂劾季馴黨庇居正,落職爲民。 逾八旬,旦暮莫必其命,乞降特恩宥釋。」又以治居正獄太急,宣言居正家屬斃獄者已數十 人。先是,御史李植、江東之輩與大臣申時行、楊巍相訐。季馴力右時行、巍,痛詆言者,言

予之諡廕。今季馴功不在禮下,乃當身存之日,使與編戶齒,寧不隳諸臣任事之心,失朝廷 報功之典哉。」御史董子行亦言季馴罪輕責重。詔倶奪其俸。其後論薦者不已。 水 安流,咸曰:『此潘尚書功也。』昔先臣朱禮治會通河,至於今是賴,陛下允督臣萬恭之請, 十三年,御史李棟上疏訟曰「隆慶間,河決崔鎭,爲運道梗。數年以來,民居旣奠,河

九年冬,加太子太保、工部尚書兼右都御史。 理、至是復設專官。明年、黃水暴漲、衝入夏鎭、壞田廬、居民多溺死。季馴復築塞之。十 十六年,給事中梅國樓復薦,遂起季馴右都御史,總督河道。自吳桂芳後,河漕皆總

謂周家橋在祖陵後百 議者或欲開傳寧湖至六合入江,或欲濬周家橋入高、寶諸湖,或欲開壽州瓦埠河以分淮水 埽,綜理纖悉,積勞成病。 三疏乞休,不允。 二十年,泗州大水,城中水三尺, 患及 祖陵。 上流,或欲弛張福堤以洩淮口。 季馴凡四奉治河命,前後二十七年,習知地形險易。增築設防,置官建閘,下及木石樁 里,可疏濬,議不合。都給事中楊其休請允季馴去。歸三年卒,年七 季馴謂祖陵王氣不宜輕洩,而巡撫周寀、陳于陛,巡按高舉

列傳

南京,中貴欲令朝王妃,恭厲聲曰:「禮不朝后,況妃乎」」遂止。就遷光祿少卿,入改大理。 萬恭,字肅卿,南昌人。嘉靖二十三年進士。授南京文選主事,歷考功郎中。 壽王 一喪過

去。 戰老高墓。 給事中胡應嘉劾恭奸欺。 牆四十里。 **僉都御史,巡撫山西。** 兵車、火器諸事,皆報可。明年,燧罷,衆將推恭,恭引疾。及用趙炳然,恭起視事。 帝乃諭尚 調之南京,欲代以鄭曉、楊順、萬縉,手詔問徐階。階以曉文士,順、縉匪人,請命吏部推擇。 事聞,贅銀幣。 四 .十二年,寇逼通州,帝方急兵事。 以兵部右侍郎蔡汝楠、協理戎政侍郎喻時不勝任, 書嚴訥越格求之,遂以湖廣參政李燧代時,而命恭代汝楠。 教人以耕及用水車法,民大利之。浹歲,以內艱歸。 列車為陣,發火器,寇少却。忽風起,火反焚車,寇復大至。諸將殊死戰,寇乃 巡撫故無旗牌,恭請得之。濱河州縣患套寇東掠,歲鑿冰以防,恭爲築 甫至,寇犯龍鬚墩,恭伏兵擊却之。未幾,寇五萬騎至朔州川,恭 |恭奏辯,部議調||恭。 詔勿問。 |恭不自安,力請劇邊自效。乃命兼 恭列上選兵、議將、練 於是 與

隆慶初,給事中岑用賓等拾遺及恭。 吏部尚書楊博議,仍用之邊方。 暨服闋, 恭遂不 列傳第一百十一 萬恭 吳桂芳

以故 出。 三百七十里。費帑金三萬,六十日而成。高、寶諸河,夏秋汎濫,歲議增堤,而水益漲。 官總理河道。恭與衡築長堤,北自磨臍溝迄邳州直河,南自離林迄宿遷小河口, 六年春,給事中劉伯燮薦恭異才。 會河決邳州,運道大阻,已遣尚書朱衡經理,復命恭 各延

|恭强毅敏達,一時稱才臣。治水三年,言者劾其不職,竟罷歸。 家居垂二十年卒。

孫

緣堤建平水閘二十餘,以時洩蓄,專令濬湖,不復增堤,河遂無患。

燥自有傳。

妾凌母,手刃之。桂芳爲著論擬赦。尚書聞淵曰:「此董仲舒春秋斷獄,柳子厚復讎議也。」 吳桂芳,字子實,新建人。嘉靖二十三年進士。授刑部主事。 有崔鑑者,年十三,忿父

鑑遂得宥。

兩廣總督張臬以非軍旅才被劾罷,部議罷總督,改桂芳兵部右侍郎兼右僉都御史,提督兩 右僉都御史,巡撫福建。 禦倭有功,遷俸一級。 及淵入吏部,欲任以言職。 父喪歸。 又建議增築外城。 會聞繼母病,遽請歸,留之不可。 起故官,撫治鄖陽。 揚有二城,自桂芳始。 尋進右副都御史總理 起補禮部,歷遷揚州知 歷浙江左布政 泂 道, 未任。 使,進

廣軍務兼理巡撫。

擒 擊 乘 賊 至 惠 斬殆 之。 勝 伍 潮 端 滅 枫 專禦倭寇。 盡 倭懼 賊 爲 廣 前 羣 驅 因 ,悉奔甲子 盜 而 建 新 一,官軍 河 議 倭寇福 源 李 海道副使轄東莞以 ·繼進, 又進討 亞元、程鄉葉丹樓連歲爲患,潮州舊倭屯據鄒塘。 崎 建者 沙,奪漁 亞元、丹樓,平之。 爲 日夜克三巢,焚斬 戚 繼 舟 光所 入 西至瓊州 海 敗,流 暴風 入境。 匹 行領 起,皆覆溺 百餘 番 桂芳、 夷市 人。 舶, 死。 帝深嘉之,令與南 百朋 更設海防僉事 脫 會調 者還海豐,副 土、漢兵, 桂芳先討倭。 輸提 ",巡 總兵 乘 督吳 東莞 其 湯 初 克 以 至 百 以 寬 急 降 東 朋

不 設 撫 乘 出 以 多將 海,自 汪 如 風 求 道昆 成柘林便。」從之。 縦 撫。桂芳擒斬之,進討平。 降 火,平 贼 戍 陽江 奏聞? 守。 王. 西橋、〇〇 軍 奔安南。 桂芳言:「澳中地險 桂芳不肯,曰:「風火交熾時,何以知其 死 無算, 吳平已撫復叛。 桂芳檄安南萬寧宣 召爲南京兵部右侍郎、尋改北部。 擒斬三百九十餘人。 平初據南澳,爲戚繼光、俞大猷 而 腴。 西橋掠東莞,敗都指揮劉世恩兵,執肇慶同知郭文通 元 撫 時 司 曾設兵戍守, 戍兵即 參將傅應嘉言平已擒, 進剿,遣克寬以 (必死 隆慶初,轉左, 也。」平黨林道乾復窺南 舟師會之,夾擊平萬橋山 所敗,奔饒平鳳 據以叛, 後復云溺 以疾乞歸。 此禦盜生 凰 死。 山,掠民 澳一時議 福建巡 下 舟

數

少保。 諓 六年正月韶進工部尚書兼右副都御史,居職如故。 邵陛言:「諸臣以河漲歸咎草灣,阻任事氣,乞策勵桂芳,益底厥績,而詰責河臣傅希摯 兵,希摯爭之而 之開,以高、寶水患衝齧,疏以拯之, 成。 黄河 職。」從之。 種,斗米四分,則臣斯舉亦旣得策矣。 以二 ·故道以廣入海之路,修築高 傅希摯,衡水人。 其明年,希摯議塞崔鎭決口,束水 是年秋 人意見不合,改希摯撫陝西,以李世達代。 ,河決曹縣、徐州 止 改總 累官右愈都 理 河道。 、桃源, 郵 御史,巡 以茶城淤塞, 東西二堤以蓄湖水。 給事 非能 若徐、邓 歸漕,而桂芳欲衝刷成河以爲老黃河入海之道。 中劉鉉 使 ~ 撫山 上游 以 東。 開梁山以下寧洋山 疏議 上,非臣 亦不復漲 未幾, 未踰 隆慶末,戶部 漕 皆下所司議行。 河,語侵桂芳。 月, 又改世達他任, 所屬,臣何 也。 卒。 今山陽 以餉乏議裁 尋以高 與焉。」 出右洪口。 以南諸州縣,水落 桂芳疏辯曰:「 命桂芳兼 郵湖堤成、贈太子 未幾,草灣河 因請罷 Щ 萬曆 理河漕

廷

列

傅 第

百 +

吳

桂

芳

五八七五

河

五年

梯關

徑入海,致海湧橫沙,

河流汎溢,

而興、鹽

、高、寶諸州縣所在受災,請益開草灣

及

老

草灣

告

御

史

萬曆三年冬,即家起故官,總督漕運兼巡撫鳳陽。明年春,桂芳以淮、揚洪潦奔流,惟雲

進 戶、兵二部尙書。 右 副 都御 史,巡撫 召理戎政,以老被劾。 陜 西。 已遷戶部右侍郎,坐隴 加太子少保致 右 礦賊未靖,論罷 仕 起總督漕運,歷南京

寬。 之糧雖 而已。 誰 輩,以詩文相友善。 真定米稍 死者幾二百人。 於茲,百餘里不 爲 此 之辨 王宗沐,字新甫, 二遷山西右布政使。 派 今山 可 深 各郡,而運本色者皆在太原。 可 西所謂 念者二也。 此可深念者 聞雞聲。 夫山西,京師 然背負車運, 存留者,二鎭三關之輸 宗沐尤習吏治。 臨海 開 一也。 父子夫婦互易 疆 所部歲祲,宗沐因 人。 萬 右掖。 率二斗而 Щ 四方奏水旱者 嘉靖二十三年進士。 一之中 歷江 自故關出眞定,自忻、代出紫荆, 一、巖阻巉絕,太原民不得 饑民 致 一飽,命曰『人市』。 西提學副 也。 一 斗, 入覲 一聚,蹂踐劫 以十分上,部議常裁 存留乃反急於 甫至 上疏曰 使。 授刑部主事。 壽陽,則價已三倍矣。 修白 「山西列 奪,歲供宣、大兩鎭六十七 宗祿八十五萬 鹿 至澤、潞,安望就食 起運,是山 洞 書院 m 郡俱荒,太原尤甚。 與同官李攀龍、 爲三,所発不 皆不 引 西終 諸 累歲缺支,饑疫 過三日。 是可 生講習其 不 蒙 深念者 他 過存留者 所 分毫之 王世貞 萬餉 宣、大 三年 中 獨

也。

饑民

通

相聚為盜,招之不可,勢必撲殺。

小則支庫金,大則請內帑。

與其發帑

以賞殺

盜

往 也。 未 補 給 明 去 都 無 自 梗 拜 稅。 之人 幾 水 年 ,人命可 事 來 淮 Щ 御 右 欲復海運 海海 安 ,趨避 因請 愚民 中 = 近 而 史梁夢龍毅 ,孰若發帑 副 隆 張 月 故 無 而 都 慶 運 煥言 窟宅。 遂 也 東 御 五 緩 何 補乎? 摩所, 至 運米十二萬 。 引 史, 知 征 年 上 刨 北 一急不 :「比聞 逋 使不 墨 登、萊以 總督漕運兼巡撫鳳陽, 故登 給 远 賦 海 然試之,底績無壅,而 近南 飓 宗沐掩飾 之淺 日 事 。 留 暇擇 爲 州 自會通 風 八舟漂 中 水 河 盜 大作 石自淮 李貴 有 泊 ,是其明 暖,蛟龍窟宅。 東 ·, 長 海 天津,是謂 新 視 此可 覆 沒,失 和請開 市 邊八百 聽 增鹽課以給宗 入海 711 七舟。 非 驗。 深 開 念者 米三千二百石 五 以石 濬 膠萊 餘 大臣誼 可 北海,中 慮者 以來 里 都給 月抵 以佐 極陳 四 故元 氣 河。 一,誰 也。 1 軛苦風 海海 。」宗沐疏 與 天津 事中賈三近、御史鮑希顏及山東巡撫傳希摯俱 運河 禄。 運 要 宗沐 水 多島 人 之者。 運 軍之苦, 近丘富 海 氣 尋改 之窮,計 不講已久。 嶼,可 以其 運 波。 相 敍功, 宗沐 辨求 搏,映石 多驚,以其起自 廣 往 彼 功難 請亟 夫東南之海 以避 誘 西 來 勘。 預 與 無便於 左布 誘 而 成, 計 夢 優 臣近官 惑,邊 風 衆 而 詔 有 龍 恤 我 政 成, 不 行 此,私 此 俱 叉其 使,再補 足濟運, 前 一天下 逃 民妄傳募 石氣 進秩 者。 太倉 叉 Ш 議 而 以河 東 地 令 ,習海道以 虚 賜 能 、嘉定 因 高 衆水之委也,茫渺 ,嘗條斯 人 Щ 達於 決 遺書· 條 而 糴補 金幣。 東 入耕 此 無常 L 多石,蛟 而 可 水 便 中 議 北 深 田 宜 面 朝 備緩急。 運 念者 夫 而 也。 不 止之。 米可 龍 道 巡 取 撫 終 有 五 租

言不便,遂寢。時萬曆元年也。

家 進 俠互室三百 刑 + 餘 部 宗 年 沐 左 卒。 侍 以 餘 徐 郞 贈 , 奉 郊 人充義 刑部 中敕閱 俗 獷 勇, 尙 視宣 悍 書。 ,多姦猾,濱 責 大人山 令捕 天啓初 盜 西 追諡 諸 後 海 鹽徒 鎭 多 襄 以 邊 務 功給 出沒,六安、霍 冠帶 母 喪 歸 遷南 Щ 九 年 礦戝 京 刑 以京察拾遺 竊 部 右 發,奏設守 侍 郎,召 龍, 將。 改 不 工 敍。 部 叉召豪 尋 居

朝鮮 封 慰 使楊 順 義 有 子 王 應龍 功 士崧、士琦、 進 超 叛二 秋 擢 承 賜 河 總督 金。 南 士昌,從子士性,皆進士。 右 布 擢 那 右副 政 玠 使。 檄 都 至 松 御 坐 史巡 應龍 坎撫定之。 漁人同 復 叛, 降湖 士崧官刑 ,被劾擬 逐進兵 廣 右 備副 部 調。 **参**政。 主事 使、治 未幾· 歷 士琦 卒。 其 Щ 地 東 歷 右 尋 重 布 慶 以 政 知 Щ 使, 府。 東 佐 參 余宗 政 播 監 州 宣 濬 軍

牌 百 市 部 官楊天民極諫,謫貴州鎭遠典史。 肆 請告廟宣 委褻蔀屋。 ,官從內遣, 士 昌 曲 捷, 龍谿 逐使三家之村,雞犬悉盡, 士昌 何啻西苑之斜 知 縣 奏止之。 擢 兵科給事 封。」 改禮科。 中。 不報。 屢遷大理右丞署事,與張問達共定張差獄 宼 礦 犯 五都之市,絲粟皆空。 稅 二十九年,帝將册 固 興 原 大甘肅 疏言:「近 方議諸 日 立東宮,而 御題黃纛, 將罪,而 且. 一稅以 故 延 遍 店 緩其 綏 布 名, 兩以捷聞。 暴 夢 無異 津 旋 北 聖旨 進 士 右 昌 齊 Ż 炒 偕 朱 兵

卿,擢右僉都御史,巡撫福建。歸卒。

臚 疏辭,言資望不及國。 中,出爲四 法、姜應麟、馬應圖、王德新、盧洪春、彭遵古、諸壽賢、顧允成等。 忤旨,不報。 急不足恃者。 皆失大臣誼。 宮火,士性請停前詔,帝納之。 地 奏,節財用 卿,卒。 要害,北寇機宜,遼左戰功。 士性, 川參議,歷太僕少卿。 字恒叔, ;官司要務三,日有司文網,督學科條, 請召還沈思孝、吳中行、艾穆、鄒元標、黃道瞻、蔡時鼎、聞道立、顧憲成、孫 寢不行。 由 帝疑其矯,且謂國實使之,遂出國於外,調士性南京。 確 時行,士性座主也。 Ш 知縣徵授禮科給事 楊巍議黜丁此呂,士性劾巍阿輔臣 疏凡數千言,深切時弊,多議行。 河南缺巡撫,廷推首王國,士性次之。 久之,疏言:「朝廷用人,不宜專取容身緘默,緩 r|i 王官考覈;兵戎要務四, 首陳天下大計,言朝廷要務二, 詔製鰲山 申時行, 帝特用 時行 燈。 日中州 久之,就遷鴻 上性。 遷吏科給 未幾,慈寧 納巍邪媚, 武備 日親章 士性 如

吏部 ,以非時 劉東星, 考察,謫蒲 字子明,沁水人。 城 縣丞。 隆慶二年進士。 徙盧氏知縣,累遷湖廣左布政使。 改庶吉士,授兵科給 事 中。 大學士高拱攝

津 、靜海、滄州 萬 曆 三十 · 年 擢 河間 右 皆被災。 愈都 御 史,巡撫保定。 東星請漕米十萬 時朝鮮以倭難告。 石平糶,民 乃濟。 王師 召為· 調 左副都 集, 悉會 御 史。 天津, 進 而 吏部 天

右

侍郎,以父老請

侍養歸,瀕行而父卒。

書潘 宿 朝 廷 季馴議 計 以 二十六年,河決單之黃堌 費 五 閱 鉅 未果。 月工竣,費僅十萬。 開 黄河 東星 上流,循商、虞 即其地 「運道 開濬。 詔 而 嘉 下, 堙阻 其績、 起曲 歷 ,起工部左侍郎兼右 ,進工部尚書兼右副都御史。 丁家 里舖 道 至三仙 П 出 徐 臺 州 一,抵 小 小 愈都: 浮 浮橋 橋, 御 卽 史, 元 又濬漕 總理 賈魯 所 河 渠自徐 漕。 浚故 初, 道也, |邳 尙

漕 總督 渠 河 永 巳 臣 便焉。 成 舒 翁 明 大立 十之三。 年 應 龍 渠 一首議 嘗鑿韓莊,工 邵 伯 開濬, 、界首 會 有 疾, 二湖。 後尚 求去。 亦中輟。 書朱衡、 又明年奉 屢旨 東星力任 都御史傅希摯 1慰留。 開 泇 其 河 卒官。 役。 **沈界滕** 初議 復言之。 後李化龍循其遺跡, 費百二十萬,及工起費 |嶧 間, 朝廷數遣官行 南 通 淮 海, 與 李三才共成之, 視,迄 引 漕 止七萬, 甚便。 無成 畫 而 前

東星性 儉 約。 歷官三十年,敝衣蔬食如 日。 天啓初、諡莊靖。

胡瓚, 字伯玉,桐城人。 萬曆二十三年進士。 授都水主事。 分司南旺司兼督泉閘 駐

之。 濟寧。 尋源竟委,著泉河史上之。 涓之泉,安能運萬千有奇之艘, 餘力,不征於官。 萬有奇。 會劉 泗水所注,瓚修金口壩遏之。 東星 累官江西左参政。 來總河 以疏濬運道 漕 ,費與往復論難。 **瓚治泉,一夫濬** 有 予告歸, 外之卒。 使及期飛渡。 功, 增秩一等。 造舟汶上,爲橋於寧陽,民不病涉。 謂黃堌 一泉,各有 贊東星濬賈魯河故道,益治汶、泗 二十七年督修琉璃河橋。 不杜,勢且易黃 分地,省其勤惰而賞罰之。 而 漕,漕 南北 河決黃堌, 三年橋成,省費 七 間 百 冬則養其 泉數百。 里 一,以涓 瓊憂

敏 事 而 有惠。 十三年累遷尚寶司 徐貞明,字孺東,貴溪人。父九思,見循吏傳。 萬曆三年徵 丞 爲工科給事 中。 會御史傅應順獲罪,貞明入獄調護,坐貶太平府知 貞明舉隆慶五年進士。 知浙江山陰縣,

初,貞明爲給事中,上水利、軍班二議,謂:

矣。 廩而 叉河 神京 練卒乎。 雄據 流 多變,運 夫賦 上游,兵食宜取之畿甸,今皆仰給東南。 稅所出,括民脂膏,而 道 多梗,竊有隱憂。 聞陝西、河南故渠廢堰、在在有之,山東諸泉、 軍船夫役之費,常以數石致一石,東南之力竭 **豈西北古稱富强地**,不足以實

列

傳

除矣。 以泄横流,其淀之最下者,留以瀦水,稍高者,皆如南人築圩之制,則水利興,水患亦 利,惟苦水害,不知水害未除,正由水利未興也。 引之率可成田 汎濫而壅塞,勢不能也。 天、眞定、河間諸郡,桑麻之區,半爲沮洳,由上流十五河之水惟泄於猫兒一灣,欲其不 ;而畿輔諸郡,或支河所經,或澗泉自出,皆足以資灌溉。 。今誠於上流疏渠濬溝,引之灌田,以殺水勢,下流多開支河, 蓋水聚之則爲害,散之則爲利。今順 北人未習水

東、陝西。 室而緩其征科,或選擇健卒分建屯營,或招徠南人許其占籍。 特簡憲臣,假以事權,毋阻浮議,需以歲月,不取近功。 **捍水以成稻田**。 至於永平、灤州抵滄州、慶雲,地皆萑葦,土實膏腴。元處集欲於京東濱海地築塘 庶東南轉漕可減,西北儲蓄常充,國計永無**組矣**。 若做集意,招徠南人,俾之耕藝,北起遼海,南濱青齊,皆良田 或撫窮民而給其牛種,或任富 俟有成績,次及河南、山 也。 宜

其議軍班則言

冒餉也,因而縱之。 於里甲,每軍不下百金。 東南民素柔鰞,莫任遠戍。 是困東南之民,而實無補於軍政也。 而軍非土著,志不久安,輒賂衞官求歸。 今數千里勾軍,離其骨肉。 宜做匠班例,軍戶應出軍者, 而軍壯出於戶丁,幫解出 衞官利其賂,且可以

歲 徴 其錢,而召募土著以足之便。

事皆 下 所 司 兵部尚書譚綸言勾軍之制不可廢。 工部尚書郭朝賓則以水田勞民,請俟異

H 事 逐 寢

及貞

溝洫 **豈計之得哉**? 屯 家 而 興則業農者依田 寇騎得以長驅。 惟水利興 一石之入,則東南省數石之輸,久 民 政 爲 舉 聚,則賦 明被謫,至潞河,終以前議可行,乃著潞水客談以畢其說。 佃 東南多漏役之民,西北 ,故河水横流,而民居多沒。 西 客者何限 [北之地旱則赤地千里,潦則洪流萬頃,惟雨暘時若,庶樂歲無饑,此可常恃哉? 則 兵 加 自足,可以省遠募之費,甦班戍之勞,停攝勾之苦,利十一。 後旱潦有備 增 水利 而北徭可減,利八。 · 募之爲農而簡之爲兵, 屯政無不舉矣, 利十。 若溝洫盡舉,則田野皆金湯,利五。 里,而游民有所歸,利六。 興 則餘糧棲畝皆倉庾之積, ·利一。中人治生必有常稔之田,以國家之全盛獨待哺於東南, 罹 重徭)則蠲 修復水田 之苦,以南賦繁而 沿邊諸鎭有積 租之詔可下,東 招南人以耕西北之田,則民均 則可 利二。 分河流,殺水患,利四。 貯,轉輸 役減,北賦省 游民輕去鄉土,易於爲亂。 南民力庶幾稍甦,利三。 東南轉輸其費數倍。 不煩,利九。 其略曰: 塞上之卒,土著者少。 加 徭 天下浮 重 宗祿浩繁,勢 而 西北 也。 田 若西 亦均,利 地平曠, 使田 戶依富 西北無 水利 北有 狠

復水利,則倣古井田,可限民名田。而自昔養民之政漸可舉行,利十三。民與地均,可 將難繼。 今自中尉以下量祿之田,使自食其土,爲長子孫計,則宗祿可減,利十二。修

傲古比閻族黨之制,而敎化漸興,風俗自美,利十四也。

譚綸見而美之曰:「我歷塞上久,知其必可行也。」已而順天巡撫張國彥、副使顧養謙行之薊 |敬民又特疏論薦,帝乃進貞明少卿,賜之敕,令往會撫按諸臣勘議。 州、永平、豐潤、玉田、皆有效。及是貞明還朝,御史蘇瓚、徐待力言其說可行,而給事中王

泡、沙、滋諸水,散入各淀,而泉渠溪港悉注其中。 有三:濬河以決水之壅,疏渠以殺淀之勢,撤曲防以均民之利而已。」帝並下貞明。 里,小亦四五十里。每當夏秋淫潦,膏腴變爲潟鹵,菽麥化爲萑葦,甚可惜也。今治水之策 水莫如盧溝、滹沱二河。盧溝發源於桑乾,滹沱發源於泰戲,源遠流長。 時瓚方奉命巡關,復獻議曰:「治水與墾田相濟,未有水不治而田可墾者。 以故高橋、白洋諸淀,大者廣圍一二百 又合深、易、濡 畿輔爲患之

等力贊之,因採貞明疏,議爲六事,詩郡縣有司以墾田勤惰爲殿最,聽貞明舉劾,地宜稻 以上,即爲世業,子弟得寄籍入學,其卓有明效者,做古孝弟力田科,量授鄉逐都鄙之長,墾 以漸勸率,宜黍宜栗者如故,不遽責其成,召募南人,給衣食農具,俾以一教十,能墾田百畝 貞明乃躬歷京東州縣,相原隰,度土宜,周覽水泉分合,條列事宜以上。 戶部 尙 書畢鏘

撫 牒 數 列 + 傅 Ì 第 寄 學, 百 + 立 刦 還 徐 之。 貞 明 歷 廣 校 東 勘 海 記 北 道 副 使。 中 官李敬轄 珠 池, 其 参隨

役。 議 竟 王 語 者 委 棟 時 聞 貞 貞 用閣 將 行 畿 明 明 於 大行 先詣 帝 等請 識 輔 臣 敏 言言 疏濬 人也,遂言水 帝惑之。 才 罷 永 加 練, 平 開 止。 , 泂 繤 而 惬 專 貞 奄 南 然 三月 明 事 有 人 人 田 乃還故官。 墾 爲 經 動成 必不 閣 田 倡。 世 臣 志。 可行了 之占閒田 申 至明 時 京 工 行 尋乞假歸。 且 東水 年二月, 一部議 等 陳 為 開 以 田 業者, 之棟 滹沱 風 實 E 霾 百 疏, 墾至三萬 + 恐水 不 陳 世 亦 八 便 時 利, 年 者 政 如 田 卒 + = ; 閣 事 興而 九 初 臣 干 言 己失其 興 其利。 餘 帝 而 畝 帝 卽 功 爲 卒 召 利 帝意 叉 罷 浮 見 也, 遍 議 之,而 時行等, 終不 歷諸 爭言不 所撓,論 釋 欲 河, 諭 追 便 罪 令停 窮 御 史 爲 源

荒

無

力

者

5,貸以

穀

~,秋

成還官

旱潦則免

郡

縣民

光,役

止三月

使疏

河芟草

٠,

而

墾

田

則

帝

悉

從

之。

其

年

九

月

邃

命貞明兼

監

察御

史

領

墾

田

使,

有

司

撓

者

劾

治

袁萃 之。初議 日 二、北 時, 吳 人懼 人 東南 伍 袁萃謂 漕儲 派 貞 於 明 西 日 北,煩 :「民可使由 言必起矣。」貞 不 口 使 知。 明 默 君 然。 所言,得 已 而 之棟 無太 竟劾 盡 耶 ? __ 奏 貞 如 袁 明 萃言 問 故

巡 員 郎 袁 署 職 聖起,吳縣 方 事 李 成 人。 梁 子 舉 萬 如 曆 楨 五 求 年 爲 會試。 錦 衣 大 帥 又三年釋褐,授貴 袁 萃 力 爭 寢 溪知 之。 出 縣。 爲 擢 浙 江 兵 擅 提 部 殺 學 主 人,袁 僉 事 ·, 進 事

萃 捕 論 如法 請 告歸 所撰林居漫錄 、彈園雜志多貶斥當世公卿大夫,而於李三才、于玉

立尤甚云。

期諸 以輟役,或以罷官,久之乃食其利,而 人治漕營田,所規畫爲軍國 贊曰:事功之難立也,始則羣疑朋興,繼而忌口 **负遠大計**,其奏效或在數十年後。 思其 功。 故 日「可與樂成,難與慮始」,信夫。 交鑠,此勞臣任事者所爲腐 而當其· 時浮議滋起,或 心也。 盛應

校勘記

宗實錄 與給事中王元春御史黃襄交章請罷 卷五 六二嘉靖四十五 月庚戌條作「黃袞」、「袞」當是「襄」之誤。 衡 黄襄, 原作 「王襄」, 據明史稿傳 朱衡傳改。 }世

决方信二 塌 H 海 本 書卷八五河渠志作「決禮、信二 壩 出 海一。

年

九

= 降 賊 王四 橋 王西橋,本書卷二一二愈大猶傳作「王 世 橋

۳0

29 故登州 有 海 市 登州, 原作 「登舟」,據明史稿傳一〇一王宗沐傳、 明經世文編卷三 四三頁三

六八二王宗沐乞廣餉道以備不虞疏改。

明史卷二百二十四

列傳第一百十二

嚴清 宋纁 陸光祖 孫鑨 子如法 陳有年 孫丕揚

蔡國珍 楊時喬

連丁內外艱。 人以比前守吳嶽。 ,補邯鄲。 入爲工部主事, 歷郎中。 嚴淸,字公直,雲南後衞人。嘉靖二十三年進士。除富順知縣。 服除,補兵部,擢保定知府。 歷遷易州副使,陝西參政,四川按察使、右布政使。 董作京師外城,修九陵,吏無所侵牟,工成加俸。 故事,歲籍民充京師庫役,淸罷之。 公廉恤民,治聲大起。 並以淸望,薦章十 振荒弭盜,

厲名行,少墨敗者。 隆慶二年以右僉都御史巡撫貴州。 郡縣卒歲團操成都,淸罷之。番人入貢,裁爲定額。 未上,改四川。 清久宦川中,僚吏憚其風采**,** 痛絕强宗悍吏,毀 相 率

餘上。

列

奏,不允,命解官聽調。清遂不出。 以深文求之。頃海瑞旣去,若淸復罷,是任事之臣皆不免彈擊,惟全軀保位爲得計矣。」疏 歲荒民流,方倚淸如父母,奈何棄之。任事臣欲爲國家利小民,必得罪豪右。論者不察,動 川徼,即有罪,當罪守土臣,不宜專責巡撫。臣燭人,深知淸約己愛人,省事任怨。今燭地 者亦衆。 陝西賊流入境,巡按御史王廷瞻劾淸縱寇。大學士趙貞吉言:「賊起鄖、陝,貽害

梁夢龍罷,即以清代。 不附麗者獨清。居正旣卒,籍馮保家,得廷臣餽遺籍,獨無清名,神宗深重焉。會吏部尚書 故事,特詔起補。 書問幾絕。 萬曆二年起撫山西。未赴,改貴州。歷兩京大理卿,三遷刑部尚書。張居正當國,尚書 甫半歲,得疾歸。帝數問閣臣:「嚴尚書病愈否。」十五年,兵部缺尚書。用楊博 遣使趣行,而淸疾益甚,不能赴。又三年卒。贈太子太保,諡恭肅 。日討故實,辨官材,自丞佐下皆親署,無一倖進者。中外師其廉儉,

請初拜尚書,不能具服色,束素犀帶以朝。或嘲之曰:「公釋褐時,七品玳瑁帶猶在

耶』清笑而已。

朱纁,字伯敬,商丘人。嘉靖三十八年進士。授永平推官。 擢御史,出視西關,按應天

擢順天府丞,尋以右僉都御史巡撫保定諸府。 諸 府。 靜樂民李良雨化爲 隆慶改元,再按山西。 女,纁言此陽衰陰盛之象,宜進君子退小人,以挽氣運。 **俺答陷石州**,將士捕七十七人,當斬。 核缺伍,汰冗兵,罷諸道援兵防禦,省餉 紅訊得其 誣, 帝嘉納之。 釋者殆

郎。 振 後以聞。 萬 召還部,進左,改督倉場。 曆初,與張居正不合,引疾歸。居正卒,廷臣交薦,以故官撫保定。 帝以近畿宜俟命, **令災重** 請減額解贖銀,民壯弓兵諸役已裁者,勿徵民間工 及地遠者便宜振貸,餘俱奏聞。 尋遷南京 獲鹿諸縣饑,先 食。 戶部右侍

鹽筴。 常。 稱善。 寶,纁亦力爭,乃減三之一。 徵賦懼缺額,鞭撻取盈,經請有司考成,視災傷爲 行天下,以紙贖爲糴本,不足則勸富 十四年遷戶部尚書。 |纁三請停 近諸邊年例銀增至三百六十一萬,視弘治初八倍,宜修屯政,商人 聖節賞賚,詔取部帑銀二十萬兩,纁執奏,不從。 加 額 う終不 許。 民壯 故事,金花銀歲進百萬兩,帝卽位之六年,增二十萬,遂以爲 工食已減半,復有請盡蠲者,纁因幷曆 人,或令民輸粟給冠帶。 上下。 潞王將之國 山西連歲荒,賴社倉獲濟,纁請推 又言:「邊儲大計,最重屯田 ,復取銀三十萬 日諸費奏裁之。 墾荒中鹽。」帝皆 兩 市珠 有司

纁 列 爲戶部 僔 第 五. 年,值 百 -四 方多災。 宋 纄 爲酌盈虛,籌緩急,奏報無需時,上下賴之。 而都御史吳

澗遷詹事府錄事,時行又劾文潤由輸粟進,不當任清秩。 申時行遂擬旨切責,斥元標南京。頃之,以序班盛名昭註官有誤,時行劾奏之。序班劉文 主事高桂,而纁議用之。 獨爭一 人,於執政一無所關白。會文選員外郎缺官,纁擬起鄒元標。 卒以賦代之。 時深以東部尚書楊巍年老求去,忌纁名出己上,兩疏劾,纁因杜門乞休,帝不許。 何,纁卒官。 錄事 韶贈太子太保,諡莊 |巍在部,不能止吏奸,且遇事輒請命政府。 纁知其意,五疏乞休。 以故假小事齮齕,使不得安其位。」帝不納琯言,亦不允纁請。 敬。 福建僉事李琯言:「時行庇巡撫秦燿,而 時殿閣中書無不以貲進者,時行 [經絕請寄,獎廉抑貪,罪點吏百餘 奏不下,再疏趣之。大學士 纁議罷之。 及巍去,

宜 人主動心;縱罪及言官,上意猶有所儆省。 或直言指斥, 廷錢穀,寧蓄久不用,勿使搜括無餘。 改折。 | 纁娛重有識,議事不苟。石星代爲戶部,嘗語| 纁曰:「某郡有奇羨,可濟國需。」 [經日:「太倉之儲,寧紅腐不可匱絀,一旦不繼,何所措手。」中外陳奏,帝多不省, 顿曰「此沽名耳」,不罪。于慎行稱帝寬大,纁愀然曰:「言官極論 主上知物力充羨,則侈心生矣。」星憮然。有郞言漕糧 概置勿問,則如痿痹不可療矣。」後果如其言。 得失,要使 纁 曰「朝

光祖 七, 與 Ē 陸 父同 不 光 便 祖 舉 字 於 錦 與繩 鄉 怒,劾之。 O 一平湖 尋登嘉靖 人。 光祖 二十六年進 祖 言於巡 淞 父杲,皆 撫,請輸 土、除 進 士。 濬 雇 値 縣 淞, 知縣。 ,民乃安。 光 兵部 禄 卿 郡王 尙 書 早, 奪民 趙錦 刑 部 產 檄畿 主 一光祖 事 輔 民築 光祖 裁 以 蹇 法。 垣,

澤、李珙、郭文通 之。 行。 巳遷太常 心任之,故光祖 旣而 及 遷 訥 南 少卿, 改 改 京 文選,益 吏部 禮 部 得行 坐落 、蔡琮 調 主 事 務汲 職 其 光 清 祖 志。 陳永 閒 驗 急 住 引 左侍 封 人才 歸。 謝 郎 郎朱 補祠 侃。 · 登 中,改考功。 進者碩 衡 或 祭主 銜 由 事。歷 光 鄕 災幾盡。 祖 舉貢 王崇古 儀 有後言,御史孫丕揚遂以專擅 士, 制 又破格 或起 郎 張瀚 中。 擢 自 嚴訥 廉 [書吏。 方逢時、王 能 爲尙 東王化、江 由是 書, 下僚競 雅 鶚 東、 重 挂 光 劾光 勸 邵元 物 祖,議 , 議 訥亦 祖 善 力 無不 張 雪 推 時

郎 時 起故 部,義之, 入 以議 官。 爲 大學 大 漕糧 士高 張 理 特起南 居正 卿, 改 拱 折 力解得 掌吏部,謀傾 以奪情杖言者,光 京 件 太僕 居 正 発。 少 御 卿。 居 正 史張 徐階。 未 與 光祖 上,擢本寺卿。 祖 鮔 遺 階賓客皆避 論之,) 書規· 同 年 之。 光 相 祖 善 遽引 及王 匿, 欲援為 又就進大 光祖 用 汲劾 助, 獨 理 爲 居正, 光祖 卿。 排 解。 無詭 半 居正 道 及 隨。 將 1 拱 **父** 艱 龍 中 及遷 以 , 楊 危 工部 萬 博 禍 曆 代 光 五 爲 年 祖 吏

年冬,薦 起 南 京 兵部 右侍 郎 甫旬 H ,召爲吏部。 悉引居正所擯老成 人,布 九列

列

傅

第

百

陸

光

郦

楊巍 光祖 一光祖 附宗 江 東之力 人炳得淸華,帝不問。 右 魏 詆 求 言者。 居 正 罪, 言者逐 光祖言居正 御史楊有仁遂劾光祖受赇請屬,巍力保持之,事得寢,光祖 **羣**攻光 輔翼功不 祖 功 由 左侍 可 泯, 郎 與言路 出 爲 南京 左。 I 植輩 部 尙 以丁 書 御 此 史周 呂故 之翰 攻尚 劾 書

竟引

疾

去

申時 帝怒 其 旭 未 名 定, 行 御 ,輔臣當廷推,不當內降。 貶之棟雜職。 屏。 由 迕。 五年起南京刑部尚 鯨 構謀, 時行 吏部尚 不 請除之以安宗 悦,光祖 書宋纁卒, 時部權 書,就改吏部。 卒 爲 無 內閣 遂用 帝命不 所徇 祉 所奪 光祖 及帝召還鯨,復率同 ·爲後例 纁 時行 代, 率同官劾東廠太監張鯨,且乞宥李沂。已,言國 力矯之,遂遭挫 謝政,特旨用趙志皐、張位,時行 而 以趙錦代 光祖。 官極 一光祖 諫。 御史王之棟言二人不當 不爲懾。 入爲刑 嘗以 部 所 尙 密薦 事 書。 與大學士 也。 帝嘗書 用 光

無 欽 議 臣,廷臣 何 作旨, 悉論 ,以王時槐、蔡悉、王樵、沈節甫老成魁艾,特推薦之,給事中 二十年大計外 黜之。 循 文選郎 故 事 ,首光 又舉許孚遠、顧 王教 吏,給事 以 祖 下盡 名。詔報 中李春開、王 逐。 憲成等二十二人,時 光祖謂事 卿 前 遵訓 請廷推 由 己, 、何偉、丁應泰,御史劉 推 引罪乞休, 論象 固宜首 然稱焉 卿。 爲 郎 喬胤 光祖 官 頃 所宥, 之, 汝康皆先爲 遂劾光祖 知 不 以推 不許 能 容 用 及文選郎鄒 饒 外 日懷去志 及 伸 吏,有 會 推閣 萬 物 或

觀 光。 光祖 **遂力求去,許** 馳 驛。 在籍 五年卒。 贈太子太保,諡 莊 簡

數推 槐。 商 許 、輓之。 光 丕 於南 揚 祖 清 劾 罷 刑部,光祖時爲尚書, 御史蔡時鼎、陳登雲嘗劾光祖,光祖引登雲 强 光 有 祖 識, ,後再居 練達 朝 吏部、推轂之甚力。 章 毎議 雪其誣,罪妄訴者。 大政, 言輒定。 趙用賢、沈 人服其量。 爲 初 知己。 思孝 官 禮 以論 部, 時鼎 將擢 此呂 視鹺 尚寶 事 兩淮 與光 小 以以 卿, 祖 建言罷 左 力 讓 後亦 時

官 往。 自 禮 不 部 有 言 傳。 侍 卒,贈太子少保,諡文恪。 孫鑓,字文中。 郎 人過,時稱篤行君子。 殿嵩枋國, 父陞,字志高,都御史燧 陞 其門生 四子,雛、鋌、綜、鑛。 陞嘗念父死宸濠之難,終身不 也, 獨 無 所 附麗。 季子 也 會南京 鋌, 0 嘉靖 南京禮 禮 + 部 四 書寧字,亦 部 年進 尙 右侍 書 缺, 士及第。 鄎。 亦 衆不 爲 餘, 人 欲行, 授編修,累官 作壽 太僕 卿 陞 獨 請 鏞 居

諫者 髓學<u></u>嘉靖三十五年進士,授武庫主事。 輒 護罪。 髋請朝羣臣, 且力詆近倖方 歷武選郎中,尚書楊博深器 士 引趙高、林 靈 素爲 喻 之。 中 貴 世宗齊居二十 (匿不 以聞 歸

遂引

疾歸

議。 賓 客罕見 歷南 隆 慶 其 京 元 吏 面 年 部 起 尙 起 南 故 書,尋改兵部,參贊機務。 京 官 文 (選郎 一進大 中。 理 卿。 萬 曆 都 初, 御 史吳時來 累遷光 命甫 禄 下 議 卿。 , 會陸光祖 律 例 引 疾 多紕 歸。 去。 盭, 里居十 廷推代者再,乃召 鏥 力爭之。 年, 坐 臥 帝 恋 小 從駁 吏

部尚

書。

建議 是吏部權 『爵人於 引 避。 大僚缺 吏 部 光 朝, 祖 叉 自宋纁及光祖爲政,權始歸部。 漸 與衆 ,九卿各舉一人,類奏以聽上裁,用 爭之,乃復故。 散 之 共之。 九 卿 之義,類奏啓倖途,非制 矣。 然陰戒騶 人異道 至蠬,守益堅。 行 杜專擅。 一給事 徑直。 中史孟麟亦言之。 雞言: 故事 ,冢宰與閣臣遇 「廷推,大臣 張位等不能平 詔 得 卒 共 因 不 如 衡 欲 避道,後率 位 미 奪 議 否, 其權 此 自

拾遺 **職言**一淳熙,臣鄉人,安貧好學。 方贊 南 星亦自 錫 論 畫 爵 二 十 一 軍 方 劾 務 以 稽 斥 首 年 亦 勳 共 輔 大 員 姻 留之。 外郎 還 計 朝, 京朝官,力杜請謁。 時 虞淳熙、職 給事 欲 公論 有所庇。 中 所不 劉 方 道隆遂言淳熙、于廷不當議留 予者 于廷力任西事 郎 此 中楊于廷、主事 至 貶黜殆盡,大學士趙 文選員外郎呂胤昌, 而 察疏 已上, 庇者 ,尚書石星極言其才。 袁黃。 在 志皐 雛 黜 **離甥也**,首斥之。 議 中,亦不 弟 乃下嚴旨 謪 預 黄 焉。 今寧夏方平,臣不敢 留淳熙、于廷 能 責部 由 無憾 是 執 臣 考功 專權 政皆不悅 會言官 郎 結黨 中趙 詔 黃 以

其略 員 熙等訟。 爲也。」帝以讎不引罪,奪其俸,貶南星三官,淳熙等俱勒罷 以功爲罪。 外郎陳泰來,主事顧允成、張納陞、[1]賈巖,助教薛敷教交章訟南星冤,而泰來詞尤切。 衆所 **爵兼程赴召,人或疑其欲干計典。今其親故皆不能庇,欲甘心南星久矣。** 邪諂盡屏,貪墨必汰,乃至讎割渭陽之情,南星忍秦、晉之好,公正 徐一檟立 雖遂乞休,且白南星無罪。 亥,御史王國力折給事中楊廷相、同官馬允登之邪議。 建言諸臣吳中行等。今輔臣趙志皐、張位,撫臣趙世卿亦掛名南北京察,公論冤之。丁 口。 上,而專權結黨之旨旋下。 服。 署部事方逢時、考功郎中劉 帝皆不聽。 臣嘗四更京察。其在丁丑,張居正以奪情故,用御史朱璉謀,借星變計吏,箝制衆 且既名議覆,不嫌異同。 |調停之畫。|脛、潤失辯,亦爲時議所譏。獨今春之役,旁咨博採,覈實稱情, 辛巳、居正威福已成,王國光唯諾惟謹,考功郎中孫惟淸與吏科秦燿謀盡錮 於是僉都御史王汝訓,右通政魏允貞,大理 左都御史李世達以己同掌察,而南星獨被譴,亦爲南星、淳 世亨依違其間。 若知其無罪,以諫官一言而去之,自欺欺君,臣誼不忍 如蔡文範、習孔教輩並掛察籍, 而尙書楊巍素性模棱,考功郎 少卿曾乾亨,郎中于孔兼, 一無踰 此者。 故道隆章 元輔錫

不爲

列

傳

第

百 +

孫 鑑

今祖 乃 尙書陸 楊巍,至劉 非 時行 詹事劉虞夔以 日 其 身雖 光 故智,借拾遺 以 祖 尙 吏 希孟 書自 部 、文選郎王教、考功郎鄒觀光矢志澄清,輔臣王家屛虛懷以 還里,機伏垣 議 、謝廷寀 留 張瀚、嚴清而 錫爵門生而 以激聖怒,是內璫與閣臣 二庶僚爲結黨,則兩都大僚被拾遺者二十有二 而 一牆,授意內璫張誠、田義及言路私 掃地盡矣。 留,獨 外,選郎 可謂 自孫 尚書 宋 纁 稍 之非黨耶? 鑛、陳有年而外,莫不奔走承命。 表裏,箝勒部臣,而陛下未 欲振 且部權 之,卒爲故輔申時行齮齕 人, 歸閣,自高拱兼 教、 觀光 人,而 聽, 逐不 之察也。 閣 銓 攝 其流及於 臣 久斥逐。 敍 以 議 次來,已 獑 以 留者 死

結黨 稱 結 也 疏 疾。 黨之說 入,帝怒,謫 雛乃上 之嫌,畏縮 今以留二庶僚爲 疏累上,帝猶溫旨慰留,賜羊豕、酒醬、米物,且敕 終不明於當時,後來者且以臣爲戒,又大罪也。」固請賜骸骨,仍不允。 疏言:「吏部雖以用人爲 孔兼、泰來等。 選煙,使銓職之輕 專權 ,則無往 世達又抗疏論救,帝怒,盡 自臣始,臣之大罪也。 非專矣。 職,然 居三年卒。 進退去留,必待上旨。 以留二司 屬爲結黨,則無往 **斥南星、淳熙、于廷黃** 臣任使不效,徒潔身而 侍郎 蔡國珍暫署 是權 固有在,非臣 非黨矣。 選事 為民。 去,俾 鏥 如 避 部 逐杜門 專 得 專 權 專 權

鑓

堅臥

三月,疏至十上,乃許乘

傳歸。

贈太子太保

諡

清簡

鑨

嘗曰:「大臣不合,惟當引去。

否則有職業在,謹自守足矣。」其志節如此。

列傳第一百十二 陳有年

子 如法,官刑部主事。 以諫阻鄭貴妃進封,貶潮陽典史。久之,移疾歸。 廷臣累薦,悉

報寢。

卒,贈光祿少卿。

定已卒,乃賜卹典。 都御史,巡撫貴州。 先後按貴州、河南,多所彈劾。東部尚書廖紀姻爲所劾罷,惡之,出爲松潘副使。累遷右副 進秩。旋移撫蘇、松。 禮」,有大僚欲去,克宅扼其項曰:「奈何先去爲人望?」其人愧而止。俄紫獄廷杖。獲釋。 陳有年,字登之,餘姚人。父克宅,字卽卿,正德九年進士。嘉靖中官御史。哭爭「大 都勻苗王阿向作亂,據凱口囤。克宅與總兵官楊仁攻斬阿向。論 旣行,而阿向黨復叛,坐罷官候勘。巡撫汪珊討平賊,推功克宅。克

可,草奏言:「令典:功臣歿,公贈王,侯贈公,子孫襲者,生死止本爵。 |懋贈王,廷議 希忠卒,其弟錦衣都督

希孝賄中官馮保援

張懋例乞贈王,大學士張居正主之。 希忠父輔亦言之。 有年舉嘉靖四十一年進士,授刑部主事。改吏部,歷驗封郎中。萬曆元年,成國公朱 後竟贈,非制。 且希忠無勛伐,豈當濫寵。」左侍郞劉光濟署部事,受指 有年持不 不可,即

居正 爲 删 易 其 稁。 有 年 力 爭,竟以原奏上。 居正不懌,有年卽日謝 病 去

改 民 西 請 僉 · 不,不, 得自 都 兵 徽 部 御史巡 十 從。 人尤 叉 枚。 年 衆 改 內閣 撫江 南京 起 吏部。 稽 申 而 御 西。 勳 時 江 史方 郎 西亦 行等 尙 尙 中, 書孫鑨、 方所 萬山劾 歲 固 歷 爭 儉,羣乞有 考功、文選、謝 需 ', 乃 、左侍 有 陶 器 年 **発十之三。** 違 郎 多奇 詔 羅萬化皆鄉 年禁遏。 巧 帝怒, 絕請寄。 難 南畿、浙江 成, 有年 奪 里 後有 除 職 疏 ,有年力引避, 目下, 歸 陳 詔 大 o 濟急六事 許 浸, 薦起 量 中 詔 減, 外 督操 禁隣境閉 皆 下,中請 朝議 旣 服 江, 而 不 如 累遷 稍 遷太常少卿 故。 糴 弛 前 吏 商 有 禁,令 部 舟 年 右 皆 引 行以右 侍 集江 江 詔 西

代 純 位 葬 ·。 其 由 左 秋 侍 蟾謝 郎擢 事 南京右都御 了,召拜 吏部尚書。止宿 史。 二十 午 公署中,見賓則 與 、東部 尙 書溫 於 純共典京察,所黜咸 待漏所。引 用 僚屬, 極 當 。未幾遂 時選

部嘗 事 匹 左 顧 品 都 憲 嚴旨 爲 御 成 兩推閣臣 明 史孫 往 不 年 責 拘 咨之,列 É 譲 丕 品 一錫爵 揚、 , 也。 謂 可具錄姓名以上。」於是備列沈鯉、李世達、羅萬化、陳于陛、趙用賢、朱賡 將謝 故 吏部侍郎 「不拘資品乃昔年陸 家屛 大學士 政,廷推閣臣,詔無拘 以爭 鄧 王家屏、故 國 以讚、少詹 本去位,帝意雅 禮部 光祖 事 馮琦 尚書沈鯉、 自為 ,資品。 不 七 內閣 欲 人名上。 有 用。 地。 故 年適在告,侍郎趙 東部 叉推 今推鑨、 蓔 及 尚 鑨 吏 書孫鑓 、丕揚非翰 部 丕揚 尙 書、 **參魯、盛訥** 禮部 顯 左 林 屬 爲 都 尙 徇 不 書 御 私。 ·拘資,琦 , 文 選 郎 沈 史非故 前 貫、 吏

慰留 介。 裕、聞淵 |爵 路爲之,不可爲法。」帝喜。降旨再譙責,遂免縉等貶謫,但停俸一年。 趙志阜、張位亦佯爲言。而二人者故不由廷推,因謂:「輔臣當出特簡,廷推由陸光祖交通言 縉、王同休,主事章嘉禛、黃中色爲雜職。 臣敢不仰承。」因固乞骸骨。 于愼行、石星、曾同亨、鄧以讚等。 有年遂杜門不 憲成。 史,何復及世達。 十六年正月卒,年六十有八。 卽是年所推也。 一、賚食物、羊酒。 故事 有年抗疏言:「閣臣廷推,其來舊矣。 帝怒,貶明諏秩,斥憲成爲民 則以吏部尚書居首。 一,吏部 Щ 尚書未有 家屏舊輔臣,不當擅議起用。」乃命于陛、一貫入閣,而 數月中,疏十四上。 臣邑前有兩閣臣,弘治時謝遷,嘉靖時呂本,並由廷推,官止四品,而 有年請益 以他官起者。 帝得疏,以其詞直,溫旨慰答。 是廷推 四月詔起南京右都御史,而有年已前卒。 力。 而世達故左都御史也,帝復不悅。 最後,以身雖退,遺賢不可不錄,力請帝起廢。 與推及 屠滽掌都察院, 乃予告, 乘傳歸。 囊楊巍秉銓,臣署文選,廷推閣臣六人,今元輔 錫爵首疏救,有年及參魯等疏繼之,帝並不納。 東部,皆非自今創 楊博、嚴淸掌兵部,皆用 歸裝,書 有年自是累疏稱疾乞罷。 也。 至不拘資品,自出 一篋,衣一笥而已。二 謂:「詔旨不許推 五八九 給事中盧明 滴憲成及員外郎黃 贈太子太保、諡恭 原衡領之。 帝報聞 諏疏 聖諭,

帝猶

耿

錫

都御

列

傅 第

百

+

陝

有

4

之也。

南京 兵部 尙 書楊成 起掌 南 院 ,亦領以故銜。 有年以右都御史起, 蓋帝欲用之, 面 政 府陰 抑

僦 樓居妻孥,而 有 年 風節高天下。 身栖僧舍。 兩世 ·膴仕,無宅居其妻孥,至以油慎障漏。 其刻苦如 عائلا 其歸自江西 故廬火,乃

拱 矯 然 罷,事白,起故官。 有 孫 風 丕 揚,字叔孝,富平人。 裁 隆慶 中 , 擢 大理 恋。 嘉靖三十五年進士。 以嘗 劾高拱, 拱門生給 授行人。 事 中程文 擢御史。 誣 刻 歷按畿 丕揚 輔、 落 職 淮、 候 勘

丕揚 樓三百餘所 拒不 萬 層元 應。 年擢 ,築邊牆萬餘丈。 知二人必怒,五 右僉都御史,巡撫保定諸府。 錄 年春引 功,進右副 疾歸 都 御史。 以嚴爲治, 中官馮保家 屬吏皆惴惴。 在畿內,張居 按行關隘, 正 屬 爲 增置敵 建坊,

解。 不已,密 起應天府尹。 其冬大計京官,言路希居正指劾之。 諷 西安知府羅織其贓。 召拜大理卿,進戶部右侍郎。 知 府遣 吏報 詔 起官時, 御史, 吏爲 調 南京用。 虎噬 及再報, 御 史按陝西者, 則 居正 已死, 知保 等憾 事 乃

籤法,大選急選,悉聽其人自掣,請寄無所容。一時選人盛稱無私,然銓政自是一大變矣。 帝咸優詔報許。 非撫按監司莫清。 臺規三事,請專掌印、重巡方、久巡城,著爲令。已,又言:「閭閻民瘼非郡邑莫濟,郡邑吏治 輕者立遣,重者仍聽部裁,歲以爲常。」帝報從之。已,條上省刑省罰各三十二事。帝稱善, 制。 優詔褒納。自是刑獄大減。有內豎殺人,逃匿禁中。 帝,因言:「今海內困加派,其窮非止啖石之民也。宜寬賦節用,罷額外徵派及諸不急務,損 大錄繫囚,按察使則錄會城囚。死罪矜疑及流徒以下可原者,撫按以達於朝,期毋過夏月。 無淹繫。尋奏:「五歲方恤刑,恐冤獄無所訴。請敕天下撫按,方春時和,令監司按行州縣, 上益下,以培蒼生大命。」帝咸其言,頗有所減罷。 議刑部、大理各置籍,凡獄上刑部,次日卽詳讞大理,大理審允,次日卽還刑部,自是囚 尋由 二十三年大計外吏。 二十二年拜吏部尚書。丕揚挺勁不撓,百僚無敢以私干者,獨患中貴請謁。 .左侍郎擢南京右都御史,以病歸。召拜刑部尚書。 丕揚以獄 多滯 囚,由公移牽 一年,河北大饑。不揚鄕邑及隣縣蒲城、同官至採石爲食。不揚傷之,進石數升於 撫按監司風化,非部院莫飭。請立約束頒天下,獎廉抑貪,共勵官箴。」 九江知府沈鐵嘗爲衡州同知,發巡撫秦耀罪,江西提學僉事馬猶 丕揚奏捕,卒論戍。改左都御史。陳 乃創爲掣

百十

孫

丕

時馨 餘 思孝及員 暗 丕揚等復抗疏諫,帝益怒,盡除其名。 嘗 人。三丕揚 爲 爲 趙 刑 外 文 部主事,定御史祝大舟贓賄,遂爲庇者所惡。考功郎蔣時馨黜之,丕揚不能察。及 郎 炳 **猶在告,偕九卿力諫,弗納。** 岳元聲連章計丕揚。〔三〕丕揚請去甚力。其冬,帝以軍政故,貶兩京言官三十 所劾,丕揚 力與辨雪。 謂釁由丁此呂,此呂坐逮。 已而帝惡大學士陳于陛論救, 謫諸言官邊方。 丕揚又力詆 沈思孝,於是

位解。 思孝甚力。 位 復 事。 丕 以 以前 揚疑道亨受同官周孔教指,獻臣又孔教宗人,益疑之,復三疏乞休。 志不行,已懷去志,及是杜門踰半歲。疏十三上,多不報。 主 初 事被訐,給事中劉道亨因劾吏部附勢,語侵丕揚。 事趙學仕者,大學士志皐族弟也,坐事議調,文選郎唐伯元輒注饒州通判。俄學仕 ,帝雖以夙望用丕揚,然不甚委信。 不揚再被責讓,許馳傳去。 帝得疏,不直丕揚。 位如其言。 位亦疏辯求退,帝復詔慰留,而位同官陳于陛、沈一貫亦爲 丕揚聞,則大恚,謂位逐己,上疏詆位及道亭、孔敎、獻臣、 有所推舉,率用其次。 博士周獻臣有所陳論,亦頗侵之。 至四月,溫諭勉留,乃復起視 數請起廢,輒報罷。 最後貽書大學士張 丕揚

時喬數請簡用尙書。 久之,起南京吏部尙書,辭不就。 帝終念不揚廉直,三十六年九月召起故官。屢辭,不允。 及吏部尚書李戴免,帝難其代,以侍郎楊時喬攝之。 明年四月始

入都,年七十有八矣。三十八年大計外吏,黜陟咸當。 又奏舉廉吏布政使汪可受、王佐、張

偲等二十餘人,詔不次擢用。

兆魁 縉 詆御史史記事、徐縉芳、謂爲圖心腹。及圖、縉芳疏辯,明時再劾之,因及繼芳爲 其 圖 斬斷,吾輩可以得志」。福淸謂葉向高,耀州謂王國、王圖,富平卽丕揚也。 爲其書抵紹徽、國縉者,中云「欲去福淸,先去富平,欲去富平,先去耀州兄弟」。又言「秦脈 周永春輩,則力排東林,與賓尹、天埈聲勢相倚,大臣多畏避之。至是,繼芳巡按浙江,有爲 德顧天埈各收召朋徒,干預時政,謂之宣黨、崑黨,以賓尹宣城人,天埈崑山人也。御史徐 下者也。 疑書出縉芳及李邦華、李炳恭、徐良彦、周起元手,因目爲「五鬼」;五人皆選授御史候命 書乃達之丕揚所。 以吏部侍郎掌翰林院,與丕揚皆秦人,故曰「秦脈」。蓋小人設爲挑激語,以害繼芳輩,而 及 、喬應甲、劉國縉、鄭繼芳、劉光復、房壯麗,給事中王紹徽、朱一桂、姚宗文、徐紹吉、 先是,南北言官羣擊李三才、王元翰,連及里居顧憲成,謂之東林黨。 明 年三月大計京官。丕揚與侍郎蕭雲舉、副都御史許 當是時,諸人日事攻擊,議論紛呶,帝一無所問,則益植黨求勝,朝端 不揚不爲意,會御史金明時居官不職,慮京察見斥,先上疏力攻圖幷 弘綱領其事,考功郎 而祭酒湯賓尹諭 國時巡撫保定, 中王宗賢、 鬨 書事。 或

和都給事中曹于汴、河南道御史湯兆京、協理御史喬允升佐之。

故御史康丕揚、徐大化,

疏求 給事中彭惟成 明時 是一桂、繼芳、永春、 思揻 明時 叉以 故 黜之,羣情益快 爲修隙,議 **奎職。由是黨** 時部院察疏猶未下,丕揚奏趣之,因發聚座前知績溪、吳江時貪虐狀。 給給 去, 丕揚。 辨疏 將 年 事中 圖報復。 出 例 優韶勉留 復 疏 出 鍾 論 犯 紹徽 兆 要挾, 禮部主 人益憤,謂丕揚果以爲書故斥紹徽、國縉,且二人與應甲嘗攻三才、元翰,故 洶 御諱。 、南京給事中 斗、陳治 於是刑部主事秦聚奎力攻丕揚,爲賓尹 洶。 應甲於外。 以激 事丁元 兆魁、 先是, 弘綱聞 帝怒,褫其職 不揚。 則 宋 底甫入朝,慮察疏終寢,抗章責弘綱,因盡發崑、宣黨搆謀狀。 楊時 宗文爭擊元薦,爲明時等訟冤。 高節,御史王萬祚、曾成易猶攻訐不已。 而畏之。 一韓、姚文蔚,主事鄭振先 羣情翁服,而諸不得志者深銜之。 丕揚果怒,先期 喬掌察,斥科道錢夢皐等十人,特旨留任 0 累請發察疏,亦若以丕揚爲過當者。 其黨 大譁。 <u>í</u> 明時過部考察, 謂明時未嘗要挾兆京,祇以劾圖 、大化、國縉、 、張嘉言及賓尹 賴向高 當計 特疏劾之。 調獲,至五月察疏乃下。 丕揚 紹徽、 帝方向丕揚,亦褫聚 、天埈 典之初 以 黨人藉其言, 人言紛至,亦 應甲、嘉言辨。 至是丕揚亦 舉也, 旨下議 國 縉 咸被察, 一疏 兆京 /屢 代 於 益 而

蔡悉 、顧憲成 丕揚 以白 省 趙南星、 |趨朝? 非薦賢無以 鄒元標、馮從吾、于玉立、高攀龍、劉元珍、龐時雍、姜士昌、范淶、歐 報 國 先後推轂林居耆碩、若沈鯉、呂坤、郭正 域、丘 度

陽 所司 復二十餘上。 羽正等十五人,亦報罷。 東鳳輩。 存問。 帝雅意不用舊人,悉寢不報。 旣而不揚疏謝,因陳時政四事,帝復優韶報之。家居二年卒,年八十三。贈太 旣不得請,則於明年二月拜疏徑歸。向高聞之,急言於上。詔令乘傳,且敕 不揚齒雖邁, 帝重其老成淸德, 眷遇益隆。 而不揚乞去不已, 疏 不揚又請起故御史錢一本等十三人,故給事中鍾

天啓初,追諡恭介。

應,乞就南,爲刑部主事。 爲福建提學副使,以侍養歸。 蔡國珍,字汝聘,奉新人。嘉靖三十五年進士。鄉人嚴嵩當國,欲羅致門下。 。盜七十餘人久繫,讞得其情,減釋過半。 遭母喪。服除,遂不出。 家居垂二十年。 就改吏部,進郎 國珍不 出

沅。 左副都御史,歷吏部左、右侍郎,與尚書孫鑨、陳有年綜核銓政。 洞蠻亂,將吏議剿,國珍檄諭之,遂定。歷浙江左布政使,以右僉都御史提督操江。召爲 張居正旣卒,朝議大起廢籍。 萬曆十一年仍以故官涖福建。 擢南京吏部尚書。 遷湖廣右參政,分守辰

及言官數爲言,明年二月始命國珍爲吏部尚書。 二十四年閏八月,孫丕揚去國,帝久不除代。 三殿災,率諸臣請修省。旋有詔起廢。 部事盡弛,其年十二月竟廢大選。 閣臣 國

銓,一 且求 累疏乞休。 大典,稍需時耳,何相挾若是。」乃頓首出。 珍 國珍求去益力,許乘傳歸 明年三月倡廷臣詣文華門請舉皇長子册立、冠婚,四言必得請方退。 喬允等三十三人,因人詿誤、釁非 列三等,人品正 龍。 一守成憲,不爲位用。 帝不聽, 先是,丕揚坐忤張位去官,位欲援同己者爲助, 大、心術光明者,文選郎王教等二十四人,才有足錄、過無可 除所知名。 位惡之,國珍乃懷去志。 御史況上進因論國珍八罪。 己作者,給事中耿隨龍等三十六人, 給事 中戴士衡劾文選郎 至是,帝忽怒吏部,貶黜諸郎二十二人。 帝察其誣,不問。 以國 |珍郷 白所知贓 人,汲 並請 帝遣 〕 鎌用。 引 私 中官諭曰:「此 或 甚力。 棄者,給事 珍逐 國珍 竟報 一种疾, /爲辨, 及秉 寢。 中

十四。 珍素以學行稱,風 見容,故自纁 初,楊巍爲 贈太子太保、諡恭靖。 至國 東部,與內閣相比,得居位八年。 力不 珍卒未浹歲去, 及孫蠬、陳有年, 惟 丕揚閱二年。 而清操似之,均爲時望所屬。 自朱纁、陸光祖力與閣抗,權雖歸部,身不 時咸議閣臣伎,而 惜纁等用未竟也。 家居十三年卒,年八

或

楊時喬,字宜遷,上饒人。 嘉靖四十四年進士。除工部主事。 権稅杭州,令商人自署

列傳第一百十二 楊時喬

所入,輸之有司,無所預。 論虛浮。 德之幾,親裁章奏爲出令之幾,聽言能斷爲圖事之幾。 弊之最重者九:曰治體怠弛,曰法令 數易,曰賞罰無章,曰用度太繁,曰鬻官太濫,曰莊田擾民,曰習俗侈靡,曰士氣卑弱,曰議 勢之偏重者三:宦寺難制也,宗祿難繼也,邊備難振也。」疏入,帝褒納,中外傳誦 隆慶元年冬,上時政要務,言:「幾之當愼者三:以日勤朝講爲修

建文帝諡,祠祀死節諸臣。就遷通政使。秩滿,連章乞休,不允。 移疾歸。 擢 禮部員外郎,遷南京尚寶丞。 時喬雅無意榮進,再起再告。閱十七年始薦起尚寶卿,四遷南京太常卿。疏請議 萬曆初,以養親去。服除,起南京太僕丞,復遷尚寶。

留,遂合兆斗累疏攻純, 御史張似渠、于永淸輩,咸在察中,又以年例出給事中鍾兆斗於外。 已,盡留科道之被察者,而嚴旨責時喬等報復。 蕭大亨主之,次輔沈鯉不可而止。 公署,苞苴不及門。及大計京朝官,首輔沈一貫欲庇其所私,憚時喬方正,將令兵部尚書 三十一年冬,召拜東部左侍郎。時李戴已致仕,時喬至卽署部事。 夢皐亦假楚王事再攻郭正域,謂主察者爲正域驅除。 幷侵時喬。 時喬乃與都御史溫純力鋤政府私人。若給事中錢夢皐, 時喬求去。 時喬等惶恐奏辨,請罷斥,帝不問。 已而員外郎賀燦然請斥被察科道,亦詆純 帝意果動,特留夢皐, 一貫大慍,密言於帝, 絕請謁,謝交游,止 夢皐旣

與純共 鄒元標等九十六人,削籍范儁等一百十人。帝卒不省。 召。 劉元珍、龐時雍輩。 留被察科道,何今日揣疑君父,誣詆輔臣」。因責諸臣朋比,令時喬策勵供職,而盡斥燦然及 挾權鬭捷,顧獨 時喬乃備列三百餘人,三疏請錄用。三十四年,皇長孫生,有詔起廢,時喬復列上遷謫 、事,復 時中外缺官多不補,而羣臣省親養病給假,及建言詿誤被譴者,充滿林下,率不獲 疏請貶黜,不報。 ·稱時喬。又言「陛下睿斷躬操,非閣臣所能竊弄」,意蓋爲一貫解。 時喬歎曰:「主察者逐,爭察者亦竄矣,尚可靦顏居此乎。」九疏引疾,竟 及純去,夢皐、兆斗亦引歸。帝復降旨譙讓 ,謂「祖宗朝亦常 時喬 以

韓,御史陳宗契持不可。 爭擊其黨。 永年伯 卽 喬,遂中輟;蓋去冬所批察疏,至是誤發之也。輔臣朱賡謂非體,立言於帝。 益不悅。 日收還。 明年大計外吏。 王棟卒,其子明輔請襲。時喬以外戚不當傳世,固爭之, 給事中王元翰、胡忻遂交劾時喬 時喬堅辭不肯任,吏科陳治則劾其怨懟無人臣禮。 而李廷機者, 時喬已偕副都御史詹沂受事,居數日,帝忽命戶部 時喬卒從衆議。 一貫教習門生也,閣臣闕,衆多推之;惟給事 未幾,又推黃汝良、 時喬疏辨,力求 罷 全天敍爲侍郎,諸攻一貫者 有旨詰責, 弗聽。 時 中曹于汴、三宋一 尙 時喬乃再受事。 一貫已罷,言路 書 帝亦覺其誤, 趙世 卿代時

當是時,帝委時喬銓柄,又不置右侍郎,一人獨理部事,銓敍平允。 然堂陛扞格,曠官 以相難也。

五九〇九

心,不甚咎也。秉銓凡五年。最後起故尚書孫丕揚。 廢事,日甚一日,而中朝議論方囂,動見掣肘。 益無以鎭壓百僚。由是上下相凌,紀綱日紊,言路得收其柄。

時喬亦多委蛇,議者諒其苦 時喬官位未崇,又自溫純去,久不置都御史, 未至,而時喬已卒。篋餘一敝裘,同

列

賻襚以殮。

韶贈吏部尚書,諡端潔。

捷,不假修爲。於是以傳註爲支離,以經書爲糟粕,以躬行實踐爲迂腐,以綱紀法度爲桎 :「佛氏之學,初不溷於儒。 乃汝芳假聖賢仁義心性之言,倡爲見性成佛之敎,謂吾學直 踰閑蕩檢,反道亂德,莫此爲甚。 時喬受業永豐呂懷,最不喜王守仁之學,闢之甚力,尤惡羅汝芳。官通政時具疏斥之 望敕所司明禁,任用彰風教。」韶從其言。

辨材任官,要之無任心營私之弊,苟非其人,毋寧任法之爲愈乎。蓋與時宜之,未可援古義 嚴清諸人,清公素履,秉正無虧,彼豈以進退得失動其心哉。 贊曰:古者冢宰統百官,均四海,卽宰相之任也。後代政柄始分,至明中葉,旁撓者衆 孫丕揚創掣籤法,雖不能

校勘記

張納 陞 班史稿傳一○三孫蠬傳、神宗實錄卷二五八萬曆二十一年三月癸未條作「張納陛」。

於是思孝及員外郎岳元聲連章訐 丕揚 岳元聲, 神宗實錄卷二九一萬曆二十三年十一月丁丑

條、 國権卷七七頁四七六三都作「樂元聲」。

= 貶兩京言官三十餘人 兩京, 原作「南京」,據本書卷二一七及明史稿傳九五陳于陛傳、 神宗

寶錄卷二九二萬曆二十三年十二月庚申條改。

明年三月倡廷臣詣文華門請舉皇長子册立冠婚

三月,

原作「正月」。

本書卷二一神宗紀、

}神

宗實錄卷三二〇都繫於萬曆二十六年三月壬子,據改。

Ħ.

曹于汴

原作「曾于汴」。

ZV

丑 條、 、國権卷八〇頁四九七三都作「曹于汴」。 明史稿傳一〇三楊時喬傳、 按本書卷二五四有曹子汴傳、據改。

神宗實錄卷四三三萬曆三十五年五月乙

望敕所司明禁 原脫一望」字,據明史稿傳一〇三楊時喬傳補。

明史卷二百二十五

列傳第一百十三

張瀚 王國光 梁夢龍 楊巍 李戴 趙煥 鄭繼之

張瀚,字子文,仁和人。嘉靖十四年進士。授南京工部主事。

歷廬州知府,

改大名。

俺答圍京師,詔遣兵部郎中徵畿輔民兵入衞。瀚立閱戶籍,三十丁簡一人,而以二十九人 史,巡撫其地。甫半歲,入爲大理卿。進刑部右侍郎,俄改兵部,總督漕運。 供其餉、得八百人。馳至眞定、請使者閱兵、使者稱其才。累遷陝西左布政使、擢右副都御

制。 軍迎擊大破之,賚銀幣。 大盜曾一本寇掠廣州、詔切責瀚、停總兵官兪大猷、郭成俸。 廷議鐫翰 隆慶元年改督兩廣軍務。 秩調用。 已而成大破賊,獲雲翔。 詔還瀚秩,即家俟召。 再撫陝西。 遷南京 已,復犯廣東,陷碣石衞,叛將周雲翔等殺雷瓊參將耿宗元,與賊 時兩廣各設巡撫官,事不關督府。 瀚請如三邊例,乃悉聽節 已,一本浮海犯福建,官

列

右都御史,就改工部尚書。

正狀。 鄭準、 見擢 都 御史萬守禮,次工部尚書朱衡,次瀚。 萬 王希元所劾。 曆 朝益趨事居正, 元 年, 吏部 居正顧之厚,不納也。 尙 書楊博罷,召瀚代之。 而瀚進退大臣率奉居正指。 居正 御史劉臺劾居正,因論瀚撫陝狼籍 惡守禮戆,厭衡驕, 秩滿,加太子少保。 即出己意, 輿論多不協。 故特拔瀚。 時廷推吏部尚書,首左 瀚資望淺,忽 以是爲御 叉 唯諾 居 史

渝。 目詩。 綱淪矣」居正怒。 動 ,乃傳旨責瀚久不奉詔,無人臣禮。 韶有 此 瀚佯 居正遭喪,謀奪情,瀚心非之。 司給月廩,年及八十,特賜存問。卒,贈太子少保,諡恭懿。 不喻、謂「政府奔喪,宜予殊典、禮部事也,何 嗾給事 中王道成、御史謝思啓摭他事劾之, 廷臣惴恐,交章留居正,瀚獨 中旨令瀚諭留居正,居正又自爲牘,風潮屬吏, 關 吏部」。 勒致仕歸。 不與, 居正復令客說之,不爲 撫膺太息曰:「三 居正殁,帝頗念 以 覆

得情。 王 調儀封,擢兵部主事。 國 一光,字汝觀,陽城人。 改吏部、歷文選郎中。 嘉靖二十三年進士。 授吳江 屢遷戶部右侍郎,總督倉場。 知縣。 鄰邑有疑獄來質,訊輒 謝病去

列傻第一百十三 王國光

部 邊餉告匱,而諸邊歲出及屯田、鹽課無可稽。國光請敕邊臣核實,且畫經久策以聞。 事止除官日一赴而已。郎中力不給,則委之吏胥,弊益滋。國光盡令入署,職務得修 繁文十三四, 事。 隆慶四年起刑部左侍郎,拜南京刑部尚書。未上,改戶部,再督倉場。 時簿牒繁冗,自州縣達部,有繕書、輸解、交納諸費,公私苦之。國光疏請裁併,去 時稱簡便。戶部十三司,自弘治來,以公署隘,惟郎中一人治事,員外郎、主 神宗卽位、還理 甘肅

巡撫廖逢節等各條上其數,耗蠹爲損

投牒驗發,無過三日,諸軍便之。天下錢穀散隸諸司,國光請歸併責成:畿輔府州縣歸福建 悉以新令從事。」制可。京軍支糧通州者,候伺甚艱。 外,計贏銀百萬有餘。使有司歲徵無缺,則州縣積貯自豐,水旱盜賊不能爲災患。今一遘 及二十四馬房獨料歸廣西司。[1] 遂為定制 司 按官,督所司具報出入、存留、逋負之數,臣部得通融會計,以其餘濟邊。 兵荒,輒留京儲,發內帑。 ,南畿歸四川司、鹽課歸山東司、關稅歸貴州司、淮、徐、臨、德諸倉歸雲南司,御馬、象房 萬曆元年奏言:「國初,天下州縣存留夏稅秋糧可一千二百萬石。 由有司視存留甚緩,苟事催科則謂擾民,弊遂至此。請行天下撫 國光請遣部郎一人司之,名坐糧 其時議主寬大,歲用 有司催徵不力者,

三年,京察拾遺。 國光爲南京給事、倒史所劾。 再疏乞罷,帝特留之。 明年復固以請,

功 詔 乘 傳 歸 瀕 行 以 所 輯 條例名萬曆會計錄 上之。 帝嘉其留心 國計, 令 戶 部 訂 及 書

成 詔 聚 諭 焉

事 聽 ,皆允行。 從公辯雪。 五年冬,吏部 尋以考績,加太子 明 年大計 尚書張瀚 京朝官,徇張 能, 、太保。 起國光代。 居正意,置吳中行等五 八年當考察外吏,請毋限 陳采實政、 別繁簡、責守令、 人於 日 察籍 期 詔 恤卑官、 許 之, 且 命 罷 詿 加 納數 誤

慰 光 ,念其勞,命復官致仕。 銓選私 或 責 光 世 所 有 則 親,而 才 挾私, 智。 給 初掌 貶儀 事 中張 邦計 眞 丞 世 多 則 及居正 所 出 建 爲 自。 河 卒, 南 愈事 及是受制執政,聲名損 御 史楊寅秋 ,

域國光,

劾其 劾國光六罪。 、灣官黷貨。 於初。 帝遂怒, 給事 或 光 中 再奏辯 落 商尚忠 職 閒 帝 論國

再

尙 音楽默 梁 夢 龍,字乾吉, 帝方 顧 默厚,不 眞定 問。 人。 嘉靖三十二年進士。 出 一竅 陜 西 軍 劾 故 改庶吉士。 延綏 巡撫 王 輪、 授兵科給 督糧 事 郎 中, 中 陳 首劾 燦等 吏部 廢

有差

歷 吏 科都給事中。 帝怒禮部尚書吳山,夢龍惡獨劾山得罪淸議,乃幷吏部尚書吳鵬劾

撫

河南

拾遺,出爲河南副使。 光聖治。」帝疑諸臣私有所推引,責令陳狀。 罷之。嘗上疏,言:「相臣賢否,關治道 河決沛縣,尚書朱衡議開徐、邓新河,夢龍董其役。 一污隆。 夢龍惶恐謝罪,乃奪俸。 請毋拘資格,敕在廷公舉名德宿望之臣,以 擢順天府丞。坐京察 三遷河南右布

政使。

部給 萬 元 帆 達 海 屬 光便。 夢龍。 天津,以試海道,無不利者。 .倉,島人及商賈亦時出入。 臣等因遣人自淮安轉粟二千石, 人殷明 一河未易通,則海運 銀、為海 隆慶 加繕飭, 部。 略故道,安便 四年擢右僉都御史,巡撫山東。 况舟由近洋,洋中島嶼聯絡,遇 夢龍言:「海道南自淮安至膠州,北自天津至海倉,各有商艇往來其間。 部議 艘經費。 識者有未然之憂。今行海 海運 **久廢,猝難** 尤甚。 報可。 可濟,而河亦得悉心疏濬,以圖 丘濬所稱『傍海通運』,卽此是 已而海運卒不行,事具王宗沐傅。 由淮安至天津,大要兩旬可達。 盡復,請令漕司 風 運兼治 是秋,河決宿遷,覆漕糧八百艘。 H 依。 量 河防,日非徒足裨國計,兼於 苟船非朽敝,按占候以行,自可 撥糧十二萬石, 經 人。 也。 又海防綦重,沿海 自膠州轉麥千五 歲五 明年冬,遷右副都御史,移 請以河爲正 自淮 月 以前, 入海以達 朝議 運,海爲備 風勢柔順 衛所 軍 百石,入海 通海 天津。 無虞。 事 自膠州 玩 有 運,以 惕歲 揚 運 較 至

花鎭 分遣 善木、紅 整陶 土蠻三萬騎入東昌堡, 定 有 堡,帝 功將 邊功,加太子 承譽假 古 兩參將遮 神宗 士。 土城、寬奠、廣寧右屯、錦、義、大寧堡諸捷,累賜 爲告廟宣捷,大行賞賚,官夢龍 北 初 口 犒 五 張居 邊牆,加太子少保,再廕子至錦衣世千戶。 擊,復移繼光 齊掩襲之,請坐以殺降罪。」兵部尚書方逢 年以兵部左侍郎進右都御 太保 正 當 國 成梁擊敗之。 夢龍 駐一片石邀之,敵引 其門下士,特愛之,召爲戶部右侍 寧前 一子。 史,總督薊、 復警、 已,給事 去。 夢龍 前後奏永奠堡、「言丁字泊 遼、 親 中光懋言:「此乃保塞內屬 敇 時 率勁卒三千出 召入掌部務,疏 保定軍務。 曲 獎勵,就加 爲解 郎。 ,夢龍等亦 兵部 李成梁大破 Щ 尋改兵部,出 陳 海關 軍 尙 書。 政 辭発恩廕。 爲成 四 馬 以修築黃 土鐘 事 之部, 蘭 梁聲援, 賚 峪 於 尋錄 遼 養 東 及 長

天啓 簡 贿保得吏部,以孫 中 + 年六月,居正 趙 南 星訟其邊功。贈 女聘保弟爲子 殁,吏部尚書王國 少保。 婦,御 崇禛 光劾罷,夢龍代其位。 史 末,追諡 鄧 練、 貞敏。 趙楷復劾 Ž, 踰月,御史江 遂令致仕。 東之劾夢龍 家居十九年卒。 浼徐

湯滅, 字伯謙,海豐人。 嘉靖二十六年進士。 除武進知縣。 擢兵科給事中。 操江

御史史褒善已遷大理卿,巍言:「東南倭患方劇,參贊、巡撫俱論罪,褒善獨倖免,又夤緣美

遷,請幷吏部罰治。」帝怒,停選司俸,還褒善故官。

以養母歸。 長, 養銀幣。 大盜李九經黨。復乞養母去。 右副都御史,移撫山西。 巍旣忤吏部,逐出爲山西僉事。已,遷參議,分守宣府。 歸二年,召起巡撫陝西。 **尋爲陽和兵備副使。** 所部驛遞銀歲徵五十四萬,巍請減四之一。修築沿邊城堡,檄散 **擢右**愈都御史,巡撫宣府。錄擣巢功,進秩二級。 增補屯戍軍伍,清還屯地之奪於藩府者。 寇入犯,偕副將馬芳擊斬其部 隆慶初,進 踰年,

望,然年耄骩骳,多聽其指揮。 部, 謫此呂,爲御史江東之、李植等所攻,與時行俱乞罷。帝從諸大臣請,慰留巍等而戒諭言 時,部權盡歸內閣,逡巡請事如屬吏,祖制由此變。 至是,申時行當國。 起南京戶部尙書,旋召爲工部尙書。 遷吏部尙書。 神宗立,起兵部右侍郎。萬曆二年改吏部,進左,又以終養歸。 明制,六部分涖天下事,內閣不得侵。 御史丁此呂論科場事,時行及余有丁、許國輩皆惡之。 有詔營建行宮,近功德寺。巍爭之,乃止。 至嚴嵩,始陰撓部權。 母年逾百歲卒。十年 巍素厲清操, 迨張 明年改戶 巍論 有時 居正

當居正初敗,言路張甚,帝亦心疑諸大臣朋比,欲言官摘發之以杜壅蔽。 諸大臣懼見

列傳

第

百

耆

,巍乃起復視事

攻,政府與銓部陰相倚以制言路。先是,九年京察,張居正令吏部盡除異己者。 以張鯨不用故託疾。巍率同列請以秋日御殿。至十月,巍等復請。帝不悅,責以沽名。 當大計。 而翰林、吏部、給事、御史無一焉。賢否混淆,羣情失望。十七年夏,帝久不視朝,中外疑帝 都御史辛自修欲大有所澄汰,巍徇政府指持之。出身進士者,貶黜僅三十三人, 十五年復

年幾八十,屢疏乞歸。詔乘傳、給廩隸如故事。歸十五年,年九十二而卒。贈少保。

巍初敭歷中外,甚有聲。及秉銓,素望大損。然有淸操,性長厚,不爲刻覈行。明年以

御史,巡撫山東。 以軍與故,增民間稅。至萬曆初亂定,戴奏正之。累遷禮科都給事中。 進按察使。張居正尙名法,四方大吏承風刻覈,戴獨行之以寬。由山西左布政使擢右副都 李戴,字仁夫,延津人。隆慶二年進士。除興化知縣,有惠政。擢戶科給事中。 歲凶,累請蠲振。入爲刑部侍郎。 累進南京戶部尚書,召拜工部尚書。 出爲陝西右參政, 廣東

皇、沈一貫輔政,雖不敢撓部權,然大僚缺人, 九卿及科道掌印者成得自舉聽上裁,而吏部 二十六年,東部尚書蔡國珍罷。廷推代者七人,戴居末,帝特擢用之。當是時,趙志

以繼母憂去。

誻 曹 郎 亦 由 九卿推舉,尚書不得自擇其屬,在外府佐及州縣正、佐官則盡用掣簽法 ,部權日

輕。戴視事,謹守新令,幸無罪而已。

見告矣。 增、道者何限,有司 率 中,時護頗不直戴。 九卿言:「陳增開礦山東, 明 年, 民不 京察。 ·聊生,奸宄方竊發,奈何反爲發其機,速其變哉!」不報 編修 安所措手足。且今水旱頻仍,田里蕭 而是時 劉綱、 國本未定,皇長子冠 知縣吳宗堯逮。 中書舍人丁元薦、南京評事龍起雷嘗以言事 李道抽 婚久稽,戴每倡廷臣 分湖口 耗,重以東征增兵益餉,而 ,知府吳寶秀等又逮。 直 諫。 件當路, 及礦稅 害劇 天 下 成置 西事 戴

不 無所 極 而 頻值寇警,屢興征討之師,按丁增調, 已,復偕同列言:「自去夏六月不雨至今,路殣相望,巡撫汪應蛟所奏饑民十八萬人。 奏逮有司 愛 採権 性 顧 指 山 命哉? 西 畏 其 之害又生。 ·,戴等又極論,且言:「奉及遼東高 之人 屋而恐之曰『彼 稅使張忠奏調夏縣知縣韓薰簡僻。 變亦 ,蚩蚩小民,安得不 不論礦稅有 死,不 變亦死, 有礦」,則家 無、概 窮 與其吞聲獨 且. 立 勒 履畝 亂 一破矣。『彼漏 取之民間, 也。 加租,賦額視二十年前不啻倍之矣。 淮擅募勁卒横民間,尤不可不問。」 |戴以內官不當擅舉刺, 疏爭之。 死,毋寧與讐家俱糜。 湖廣激變已數告, 此何理也。 稅」,則橐立罄矣。 天下富室無幾, 而近 故 日武昌 持無可究詰之說,用 一發不可遏耳 1尤甚。 奸人肆 湖廣 帝亦 瘡痍未 陳奉屢 此輩 **弗聽**。 虐何 加以 悭

n

负

下可視爲細故耶?亦不報。

之。 中趙 停前 如故。 爲貶邦淸三秩,允光祚、執躬歸,羣囂乃息。 力攻,部中大関,戴無所裁抑。 大亨謂釋罪必當奏聞。 邦清 詔。 御史沈正隆、給事中田大益交章劾邦清。 三十年二月,帝有疾,詔罷礦稅、釋繫囚、錄建言譴謫諸臣。 戴率同官力諫。 素剛 戴引罪求罷, 介,爲給事中張 帝不許。自是請起廢者再,率九卿乞停礦稅者四,皆不省。 時釋罪、起廢二事,猶令閣臣議行,戴卽欲疏名上請,而刑部尚 方具疏 鳳翔所刻,疑出文選郎中鄧光祚、驗封郎中侯執躬意,辨疏 御史左宗郢、李培遂劾戴表率無狀,戴引疾乞去。 上,太僕卿南企仲以二事久稽,劾戴等不能將順。 邦淸憤, 盡發光祚、 越日,帝稍愈,命礦稅採榷 執躬私事。 光祚亦 帝怒,幷 帝諭 稽勳 騰疏 書 郞 蕭

辨。 治。 疏謝,用印如故。 帝謂士騏不宜辨,責戴不能鉗屬官。 嘉慶、戴甥也。 明年冬,妖書事 帝怒,令致仕,奪郎中 起。 比會鞫,戴引避。 錦衣官王之楨等與 帝聞而惡之。 以下俸 戴引罪,而疏紙誤用印,復被譙讓,罪 、同官周嘉慶有隙,言妖書,嘉慶所爲,下 會王士騏通書事發, 下 部議。 其 司 士騏奏 屬。 詔 獄 戴 窮

以是久於其位,而銓政益頹廢矣。 戴秉銓六年,溫然長者,然聲望出 卒贈少保。 陸光祖諸 人下。 趙志皐、沈一貫柄政、戴不敢爲異、 列傳第一百十三 趙煥

曆三年,中官張宏請遣其黨權眞定材木,煥及給事中侯于趙執奏,不從。 趙煥,字文光,掖縣人。嘉靖四十四年進士。 授烏程知縣。 入爲工部主事,改御史。 張居正遭父喪,

擢順天府丞,累遷左僉都御史。

言官交章請留,煥獨不署名。

侍郎。 江巡按彭應參獄失帝意,遂引疾歸。再起南京右都御史,就改吏部尚書,皆不赴。 日 部尚書。 亦乞歸養。 第舉行實政,弊在內府者一切報罷,而飭戒督撫有司務求民瘼。四帝嘉納焉。尋遷工部右 中,期滿戍瘴鄉。至煥以盛暑必斃,而二人罪不當死,兩疏力爭。 十四年三月,風霾求言。 召拜刑部尚書,尋兼署兵部 改吏部、進左。乞假去。起南京右都御史、以親老辭。時煥兄遼東巡撫僉都御史燿 議日本貢事,力言非策。男子諸龍光訐奏李如松通倭下吏,幷及其黨陳仲登枷赤 吏部言二人情同,燿爲長子,且任封疆久,可聽其歸。乃趣煥就職。 煥請恢聖度,納忠言,謹嚬笑,信政令,時召大臣商搉治理,次 件旨,詰責。 復以議浙 尋召為刑 家居十

已三月。 四十年二月,孫丕揚去,改署吏部。時神宗怠於政事,曹署多空。內閣惟 六卿止一煥在, 叉兼署吏部,吏部無復堂上官。兵部尚書李化龍卒,召王象乾未 葉向高,杜門者

月, 事, 至, 遂 給 用 煥 除 中 爲 Ŧ. 侍 十人, 吏部尚書, 諸部亦除侍郎四 郎 戶 御 禮 史一 工三部各 百十人,至是皆不 止一 侍 人。 郎 過十人。 而 旣而考選命下,補給事中十七人, 己。 都察院 焕累疏 自 乞除 溫 純 補, 罷 去, 帝皆 八年 不報 無 御史五 正 其 年八

人,言路

稱盛

願 基 善 之掣肘,言官得發舒 日 輕,擬奪俸三月。 寡。 自今已後共捐 所 東 劾。 林。 然是 在野者旣 時朋 帝皆優 諸 攻 東林 黨已成,中朝議論角立。 記慰留之。 成 賜環無期,在 給事中趙 心,憂國 者乘間入之。 而 册 患當 事 興 已, 邦 朝者復晨 事之摧 議 劾煥 兵部 所舉 論 聽之言官, 殘,天下 狗 主事 ·措,往往不協清議, 私。 煥素有清望,驟起 星無幾, ト 履 吉 爲 署 部 煥疏辨, 事尚 主張 乃大小 可 爲 聽之當事。 再乞罷。 也。」因請諭 臣工 事都御史孫瑋所論 田間,於朝臣本 先後爲御史李若星、 一日尋水 向高言:「今國 使 煥起 大臣 火, 甚非 視 得 無所 展 事 ·, 煥 布 國 事 左右, 煥 給事 而 家 艱 乃 以 毋苦言官 福 出 履 也。 中 顧 古 孫 雅 罪 臣 振 不

凉 不 以 還 移 争 冷都 振基等於言路。 明 不 年 得,投: 春, 察院,於是 以 刻 年 徑 例 御 歸 出 帝 史湯 振 爲奪諸臣俸,貶烺官以慰煥。 其同 基 兆 及 官李邦 京守 御 史王 故 華、周 事 時 爭, 熙、魏雲 起元、 且 詆 中於 煥。 孫居 外。 煥屢疏計 煥請去益力。 相, 三人嘗 及戶 **清**社 部郎 力攻湯賓尹 九月遂 中 門不出,詔慰起之。 賀烺 叩首關前 交章刻煥擅 、熊廷 所者,又 兆

待 命,帝猶遣論留。 給事中李成名復刻煥伐異黨同,煥逐稱疾篤,堅不起。 踰月,乃許乘

傳歸。

朝議 以煥 是素望益 寢不報。 日 為鄉 政。 四 薊門蹂躪,敵人叩閽,陛下能高枕深宮,稱疾謝却之乎。]帝由是嗛焉。 十六年,吏部尚書鄭繼之去國。時黨人勢成,清流斥逐已盡。 燠尋卒, 卹典不及。 抵暮,始遣中官諭之退,而諸軍機 損。 人老而易制,力引煥代繼之,年七十有七矣。 帝終以煥淸操委信之。 光宗立,始賜如制。 及明年七月,遼東告警,煥率廷臣詣文華門固請帝臨 要務廢閣如故。 熹宗初,贈太子太保。 比至,一聽詩教指揮, 煥等復具疏 齊黨亓詩教勢尤張。 趣之,且作危語曰: 不敢異 考滿當增秩, 同, 由

遷 寧國 鄭 知 繼之,字伯孝,襄陽人。嘉靖四十四年進士。除餘干知縣。 府,進四川副使,以養親歸。 服除,久之不出 遷戶部主事,歷郎中。

東 疲敝屬國。」議者韙之。 征 萬曆 師罷,東部尚書李戴議留戍兵萬五千,令朝鮮供億。 十九年用給事中陳尚象薦,起官江西,進右參政。召爲太僕少卿,累遷大理 爲大理九年,擢南京戶部尚書,就改吏部。 繼之曰:「旣留兵、自當轉餉,柰何 卿。

列

李瑾 爲辯 給事 聞。 張篤 曲 于玉立、李三才,遂見抑, 中王 年二月乃召之代煥。 進退惟其喜怒。 是御 中 亦 敬於外,皆嘗攻湯賓尹、熊廷弼者也。 比考選科道,中書舍人張光房,知縣趙運昌、張廷拱、曠鳴鸞、濮中玉當預 大智者,繼之所倚信。 四十一年,吏部尚書趙煥罷。 、御史復助世濟排擊居相。 以失職抗疏劾大智。 史孫居相、張五典、周起元等援年例故事以爭,且爲光房等五人稱枉,吏科都給事中 繼之故楚產,習楚人議論,且年八十餘,耄而憒,遂一聽黨人意指。 繼之久處散地,無黨援。 改授部曹。 其秋以年例出 御史唐世濟則右吏部,詆 居相再疏力攻大智,大智乃引 時帝雖倦勤,特謹銓部選,久不除代。 大智同官趙國琦以爲言。 御史宋槃、GD潘之祥,給事 時定制,科道外遷必會都察院 然是時言路持權,齊、楚、浙三黨尤橫,大僚 居相等。 居相、 大智怒,搆於繼之逐之去。 疾去。 中張鍵, 瑾怒,交章 繼之亦覺其非,不 吏科,繼之不 以繼之有淸望,明 ,而持議 南京 劾 文選郎 給 世 頗右 **令與** 事

力 繼之不能禁。 不咨都察院、吏科。 、勝之,於是諸御史羣起攻瑾。 至 明年二月,胡來朝爲文選,出兵科都給事中張國儒、御史馬孟禛、「己」徐良彥於 時居相等已去國 國儒已陪推 獨瑾 京卿, 瑾爭之强,疏三上。 再爭,詆繼之、來朝甚 法 不當出 外; 孟順 來朝等亦三疏詆計,詞頗窮。 力。 良彦則 來朝等不能難,其黨 素忤黨人, 故來朝 思 來朝乃 抑之。 外,復 以衆

韓光裕、御史徐養量稍言之,然勢孤竟不能爭也。 奉使,自引去。其秋,給事中梅之煥,御史李若星、張五典年例外轉,所司復不預聞。 言:「年例協贊之旨,實秉國者調停兩袒,非可爲制,乞改前令從事。」帝一無所處分。 瑾方

其事,考功郎中趙士諤、給事中徐紹吉、御史韓浚佐之。所去留悉出紹吉等意,繼之受成而 一時與黨人異趣者,貶黜殆盡,大僚則中以拾遺,善類爲空。 時縉雲李鋕以刑部尚書兼署都察院,亦浙黨所推轂。四十五年大計京官,繼之與鋕司

又數年卒,年九十二。贈少保。 繼之以篤老累疏乞休,帝輒慰留不允。明年春,稽首闕下,出郊待命。帝聞,命乘傳歸。

議焉。 於時政府參懷,言路脅制,固積重難返,然以公滅私之節,諸人蓋不能無愧云。 曰:張瀚、王國光、梁夢龍皆以才辦稱,楊巍、趙煥、鄭繼之亦負淸望,及秉銓政蒙詬

校勘記

御馬象房及二十四馬房獨料歸廣西司 列 傅 第 百 + Ξ 校 勘 記 二十四,本書卷七二職官志廣西淸東司作「二十三」。

- 今行海運棄治河防 上文言海運與海防,此「河防」二字當係「海防」之譌。
- 永奠堡 原作「永莫堡」。按明會典卷一三三遼東邊圖有永奠堡,而無「永莫堡」,「莫」「奠」形

近而訛,今改正。

而飭戒督撫有司務求民瘼 督撫,原作「督府」。據明史稿傳一〇四趙與傳改。

二五 期滿戍瘴鄉 原脫「期」字,致文義不明。據明史稿傳一〇四趙煥傳補。

宋槃 原作「李槃」,據本書卷二五四孫居相傳、 明史稿傳一〇四鄭繼之傳及傳一三四孫居相

(中) 馬孟禛 原作「馬孟楨」。按本書卷二三〇及明史稿傳一一四有馬孟禛傳,事跡與此合,據改。

}傳 改。

明史卷二百二十六

列傳第一百十四

海瑞 何以尚 丘辉 呂坤 郭正域

巡鹽 鄢懋卿行部過,供具甚薄,抗言邑小不足容車馬。 聞海令爲母壽,市肉二斤矣。」宗憲子過淳安,怒驛吏,倒懸之。瑞曰:「曩胡公按部,令所過 者壯之。署南平教諭。御史詣學宮,屬吏咸伏謁,瑞獨長揖,曰:「臺謁當以屬禮,此堂,師 |嘉興通判,坐謫興國州判官。 久之,陸光祖爲文選,擢瑞戶部主事 毋供張。 長教士地,不當屈。」遷淳安知縣。布袍脫粟,令老僕藝蔬自給。總督胡宗憲嘗語人曰:「昨 | 御史袁淳論瑞及慈谿知縣霍與瑕。與瑕,尚書韜子,亦抗直不諂懋卿者也。 海瑞,字汝賢,瓊山人。舉鄉試。入都,即伏闕上平黎策,欲開道置縣,以靖鄉土。 今其行裝盛,必非胡公子。」發槖金數千,納之庫,馳告宗憲,宗憲無以罪。 懋卿恚甚。 然素聞瑞名,爲斂威去,而屬 時瑞已擢 都御史 識

時 世宗 字國 日 久,不視朝,深居西苑,專意齋醮。 督撫大吏爭上符瑞,禮官輒 表賀。 廷

臣 自楊最 、楊爵得罪後,無敢言時政者。 四十五 年二月,瑞 獨 上疏 日

而 已。 臣 聞 臣請披 [君者,天下臣民萬物之主也,其任至重。 瀝肝 膽,爲陛下陳之。 欲稱其任,亦惟以責寄臣工,使盡言

誹謗 聊 反剛 視 仁恕之性,節用愛 民之美,將不免於怠廢, 生、水旱無時、盜賊 朝 明之質 昔漢文帝賢主也 法 紀 弛矣。 而誤用之。 數年 人,使天下貫 狻),賈誼 推廣 熾。 至謂遐舉 此誼所大慮也。 **猶痛哭流** 事 陛下 臣。 例, 朽栗陳, 可得, 試思今日天下 名器濫矣。 樂西苑而不返,人以爲薄於 涕 而言。 幾致刑措。 一意修眞, 陛下天資英斷, 二王不相 非苛責也,以文帝性仁而近柔, ·, 爲 竭民 何 陛下則銳精未久,妄念牽之而去, 如 7脂膏, 乎 ? 見,人以為薄於父子。 過漢文遠甚。 大婦。 濫興土木,二十餘年不 吏貪官橫,民不 然文帝能 以猜疑 雖有及 充其

丽。 香市寶、則度支差求四出。 清明也, 今乃修 邇 者嚴嵩罷 奫 不及漢文帝遠甚。 建 一醮, 相 相 世蕃極刑, 率進香, 仙桃天藥, 陛下誤舉之,而諸臣誤順之,無一人肯爲陛下正言者,諛之 蓋天下之人不直陛下久矣。 時差快人意。 同解 表賀。 然嵩罷之後猶嵩未相之前 建宮築室,則將作竭 古者人君有過, 力經營,購 而已,世非 賴臣 工 王

世也。然魄心餒氣,退有後言,欺君之罪何如!

情乎? 者也。 則 之皆然,陷陛下於過舉,而恬不知怪,諸臣之罪大矣。記曰「上人疑則百姓惑,下難知 然者,君心臣心偶不相值也,而遂謂陛下厭薄臣工,是以拒諫。執一二之不當,疑千百 君長勞」,此之謂也。 諸臣徇私廢公,得一官多以欺敗,多以不事事敗,實有不足當陛下意者。其不 天下者,陛下之家。人未有不顧其家者,內外臣工皆所以奠陛下之家而磐石之 一意修真,是陛下之心惑。過於苛斷,是陛下之情偏。 而謂陛下不顧 其家,人

物,是有足而行耶。曰「天賜者」,有手執而付之耶。此左右奸人,造爲妄誕以欺陛下, |祐山、孫奭曰「天何言哉?豈有書也」。 桃必採而後得,藥必製而後成。 今無故獲此二 而 死矣,彼不長生,而陛下何獨求之。至於仙桃天藥,怪妄尤甚。昔宋眞宗得天書於乾 下之亦未見方外士自漢、唐、宋至今存者。陛下受術於陶仲文,以師稱之。 命曰「順受其正」矣,未聞有所謂長生之說。曉、舜、禹、陽、文、武聖之盛也,未能久世, 陛下誤信之,以爲實然,過矣。 且陛下之誤多矣,其大端在於齋醮。 齋醮所以求長生也。 自古聖賢垂訓,修身立 仲文則旣

列 陛下又將謂懸刑賞以督責臣下,則分理有人,天下無不可治, 百 + 四 海 瑞 五九二九 而修眞爲無害已

順,不爲材之逆,得非有以窺陛下之微,而潛爲趨避乎。即陛下亦何利於是。 唯言莫違,此陛下之計左也。旣觀嚴嵩,有一不順陛下者乎。昔爲同心,今爲戮首矣。 乎。太甲曰:「有言逆于汝心,必求諸道;有言遜于汝志,必求諸非道。」用人而必欲其 梁材守道守官,陛下以爲逆者也,歷任有聲,官戶部者至今首稱之。 然諸臣寧爲嵩之

以冒死,願盡區區,惟陛下垂聽焉。 勞苦終身,而終於無所成也。 今大臣持祿而好諛,小臣畏罪而結舌,臣不勝憤恨。 是 釋此不爲,而切切於輕舉度世,敝精勞神,以求之於繫風捕影、茫然不可知之域,臣見 置其身於阜、巙、伊、傅之列,天下何憂不治,萬事何憂不理。此在陛下一振作問 洗數十年之積誤,置身於燒、舜、禹、陽、文、武之間,使諸臣亦得自洗數十年阿君之恥, 陛下誠知齋醮無益,一旦翻然悔悟,日御正朝,與宰相、侍從、言官講求天下利害, 而已。

視事。」又曰:「朕不自謹惜,致此疾困。 朕非 尉耳。」 會帝有疾,煩懣不樂,召閣臣徐階議內禪,因曰:「海瑞言俱是。 朕今病久,安能 也。」帝默然。 聞其上疏時,自知觸忤當死,市一棺,訣妻子,待罪於朝,僮僕亦奔散無留者,是不遁 帝得疏,大怒,抵之地,顧左右曰:「趣執之,無使得遁。」宦官黃錦在側曰:「此人素有癡 少頃復取讀之,日再三,爲感動太息,留中者數月。嘗曰:「此人可方比干,第 使股能出御便殿,豈受此人詬詈耶。」遂逮踹下詔

列傳第一百十四 海瑞

獄 ,究主使者。 帝怒, 命 錦 尋移刑部,論死。 衣 衞 杖 之百 錮 詔 獄 獄,晝夜搒訊 上,仍留中。 戶部司務何以尚者,揣帝無殺瑞意,疏請 越二 月,帝崩 穆宗 立,兩 人並 一獲釋

飲 晍 噉 田 ,不顧 帝 所飲 初崩 食,隕絕於 主 外 事 庭 因附 多未 地,終夜哭不絕聲。 知 耳語:「宮車適晏駕 提牢主 事 聞 狀 一,以瑞 一先生 旣釋 ,復故官。 今即出 且 見用 大用矣。」瑞日 設酒饌款 俄 改 兵部。 之。 「信然」 瑞自 擢尚 疑當 寶 乎? 丞 赴 調 卽 西市、念 大 大慟, 理。

位 一,誠 隆 亦有之。 慶元年, 然自執 徐階為 政 御 以來,憂勤 :史齊康所劾,瑞言:「 國 [事,休休有容,有足多者。 階 事 先帝, 無能 救於神仙 康乃甘心鷹犬,搏噬善類 土木之誤,畏威保

其罪又浮於高拱。」人韙其言。

徐階罷 供 E 而 通 有 頓, 流 奸 勢家 民 給事中戴鳳翔劾瑞庇奸民,魚肉搢紳,沽名亂政,遂改督南京糧儲。 入 歷 由 多 朱 海、民賴 相 兩 是怨頗興。 乘機告許, 丹其門,聞瑞至,黝之。中人監織造者,爲減 京 里 居,按問 左、右通政。三年夏,以右僉都御史巡撫應天十府。屬吏憚其威,墨者多自免去。 其 利。 都給 其家無少貸。 故家 素疾大戶兼弁, 事 大姓時有被誣負屈者。 中舒化論瑞迂滯 下令飇發凌厲,所司 力推豪强 不達政體,宜以南京清秩處之,帝猶優詔獎瑞。 **,撫窮弱。** 又裁 輿從。 節郵傳冗費。 '惴惴奉行,豪有力者至竄他郡以避。 貧民田入於富室者, 瑞銳意興革,請濬吳凇、白**茆** 士大夫出其境率不得 瑞 撫吳甫半歲。 率奪還之。

小 民聞當去,號泣 .載 道, 家繪像祀之。 將履新任,會高拱掌吏部,素銜瑞,并其職於南京戶

部 1,瑞遂)謝病

懲貪。 禮 不臻者,貪吏之刑輕也。 郞 擬 食, 而 ,瑞年已七十二矣。 用左通政。 居舍蕭然,御 萬 民則 其他規切時政,語極剴切。 曆 初,張居正當國,亦不樂瑞,令巡按御史廉察之。 何辜哉。」因舉太祖法剝皮囊草及洪武三十年定律枉法八十貫論絞,謂今當用 帝雅 史歎息去。 重瑞名,畀以前職。 疏言衰老垂死,願比古人尸諫之義,大略謂:「陛下勵精圖治,而治化 諸臣莫能言其故,反借待士有禮之說,交口而文其非。 居正憚瑞 獨勸帝虐刑,時議以爲非。 峭直,中外交薦,卒不召。 明年正月召爲南京右僉都御史,道改南京吏部右侍 御史至山中視,瑞設雞黍相對 御史梅鵑祚劾之。 十二年冬,居正已卒,吏部 帝雖以瑞 夫待士 此 有

言爲過,然察其忠誠,爲奪鵾祚俸。

給 史偶 事中鍾宇淳復慫忠,寰再上疏醜詆。 陳戲樂,欲遵太祖法予之杖。 帝屢欲召用瑞,執政陰沮之,乃以爲南京右都御史。 百司惴恐,多患苦之。 瑞亦屢疏乞休,慰留不允。十五年,卒官。 提學御史房寰恐見糾擿欲先發, 諸司素婾惰,瑞以身矯之。 有御

瑞 小民罷市。 無子。 卒時,僉都御史王 喪出江上,白衣冠送者夾岸,酹而哭者百里不絕。贈太子太保,諡忠介。 用汲入視,葛幃敝籝,有寒士所不堪者。因泣下,醵金爲 列 傳 第 百 + 四 Fr 艀

丈,頒一 田 瑞生 不 ·得已 條鞭法。 平為 而 學,以 限 田, 意主於利民,而行 叉不 剛爲主,因自號剛峰, ·得已 而 均 稅, 事 不能 尙 H] 無偏云。 天下 存古人 稱剛峰先生。 遺 意。」故自 嘗言:「欲天下治安, 爲縣 以至巡撫,所至 必行: 力行 井

起 雷州推官、終南京鴻臚卿。 始救瑞者何以尚,廣西興業人,起家鄉舉。 出獄、擢光祿丞。 又以刻高拱坐謫 |拱罷,

事御 黨寧夏巡撫謝淮 罷 **修六七十人失道流劫**,自太平直逼南京。 上史劾時徹及守備諸臣罪,時徹 帝久不視朝,嚴嵩專國柄。 丘 橓, 字茂實,諸城人。嘉靖二十九年進士。由行人擢刑科給事中。 應天府尹孟淮貪黷,謝淮坐免。 擬言權臣 亦上其事,詞 兵部尚書張 不宜獨任 多隱 一朝綱 是年, 嵩敗, 護。 時徹等閉 不宜久弛,嚴嵩深憾之。 | 好劾其欺罔,時徹及侍郎陳洙皆 城不敢出,閱二日引去。 **憐刻由嵩進者順天巡撫** 三十四年七月, 已,劾嵩 給

徐紳等五人,帝爲 黜其三。

遷兵 科都給 事 中。 劾南京兵部尚書李遂、鎮守兩廣平江伯陳王謨、錦衣指揮魏大經咸

憐歸,敝衣一篋,圖書一束而已。隆慶初,起任禮科,不至。尋擢南京太常少卿,進大理少 寇退,橓偕其僚陳善後事宜,指切邊弊。 以賄進、大經下東、王謨革任。已、又劾罷浙江總兵官盧鏜。寇犯通州、總督楊選被逮。 帝以擬不早劾選,杖六十,斥爲民,餘謫邊方雜職。 及

卿。 病発。 神宗立,言官交薦。 張居正惡之,不召。

萬曆十一年秋起右通政。未上,擢左副都御史,以一柴車就道。旣入朝,陳吏治積弊

が事言

別之典,爲人臣交市之資。敢徇私而不敢盡法,惡無所懲,賢亦安勸。此考績之積弊, 紀不振故也。 也。 臣去國十餘年,士風漸靡,東治轉汙,遠近蕭條,日甚一日。此非世運適然,由風 如京官考滿,河南道例書稱職。外吏給由,撫按官概與保留。以朝廷甄

行臺。以豸冠持斧之威,束手俯眉,聽人頤指。此請托之積弊,二也。 御 . 史巡方,未離國門,而密屬之姓名,已盈私牘。 甫臨所部,而請事之竿牘,又滿

此結納,上下之分蕩然。其考守令也,亦如是。此訪察之積弊,三也。 撫按定監司考語,必託之有司。有司則不顧是非,侈加善考,監司德且畏之。彼

貪墨成風,生民塗炭,而所劾罷者大都單寒輕弱之流。 苟百足之蟲,傅翼之虎,卽

列 傳 第 一 百 十 四 丘 辉

·穢狼籍,還登薦剡。 嚴小吏而寬大吏,詳去任而略見任。 此舉劾之積弊,四也。

弊,五也。 不行,或批駁以相延,或朦朧以幸免。 苞苴或累萬金,而贓止坐之銖黍。草菅或數十命,而罰不傷其毫釐。此提問之積 懲貪之法在提問。乃豺狼見遺,狐狸是問,徒有其名。或陰縱之使去,或累逮而 卽或終竟其事,亦必博長厚之名,而以盡法自

舉監 席而坐,比肩而行。諸人自分低昂,吏民觀瞻頓異。助成驕縱之風,大喪賢豪之氣。 此資格之積弊,六也。 一而進士,縱有訾議者罕及焉。晉接差委,專計出身之途。於是同一官也,不敢接 薦舉糾劾,所以勸儆有司也。今薦則先進士而舉監,非有憑藉者不與焉。劾則先

則因而自棄,知上官必我憐也,又從而日偸。此處佐貳敎職之積弊,七也。 職業,而一聽其所爲。及至考課,則曰「此寒官也」,槪與上考。若輩知上官不我重也, 獨任其汚黷害民,不屑禁治。禮與法,兩失之矣。學校之職,賢才所關。今不問 州縣佐貳雖卑,亦臨民官也,必待以禮,然後可責以法。今也役使譴訶,無殊輿

冒爲恩。 科場取士,故有門生、座主之稱。 若巡按,舉劾其職也。 乃劾者不任其怨,舉者獨 尊之爲舉主,而以門生自居,筐篚問遺,終身不廢。假明揚之典,開賄賂之

門, 無惑乎清白之吏不槪見於天下也。 方今國與民俱貧,而官獨富。 旣以官 而

還 辺 富 m 市官。 此 飽 遺之積弊,八也

封 即墨大夫,而齊國大治。陛下誠大奮乾剛,痛懲吏弊,則風行草偃,天下可立治矣。 要 此 八者,敗壞之源不在於外,從而轉移亦不在於下也。 昔齊威王烹一阿大夫,

疏 奏,帝稱善。 敕所司下撫按奉行,不如詔者,罪。

以

廣 碊,小民怨咨,四方賂遺如故,臣不職可見。 綱紀所以不振,人心所以不服。 馮保爲顧命大臣。 勞堪巡撫福建,殺侍郎洪朝選。 報之。 中官張誠往籍張居正家。還,轉左侍郎,增俸一秩。 鄉試,先期請居正少子還就試,會居正卒不果,遂私中篆子之衡。曹一襲身居風憲,盛稱 忤尚書被傾,宜賜甄錄。御史于應昌搆陷劉臺與王宗載同罪,宗載遣戍而應昌止罷官。 頃之,言:「故給事中魏時亮、周世選,御史張檟、李復聘以忤高拱見黜,文選郎胡汝桂 召時亮、世選、檟、復聘、汝桂還,削應昌、堪、 朱璉則結馮保爲父,游七爲兄。此數人者,得罪名敎,而亦止罷官。此 臣初入臺,誓掃除積弊。 御史張一鯤監應天鄉試,王篆子之鼎夤緣中式。錢岱監湖 請罷斥以儆有位。」時已遷刑部右侍郎。 一鯤、一夔、璉籍,貶岱三秩。 尋拜南京東部尙書,卒官。 贈太子 今待罪三月,而大吏恣肆,小吏貪 未幾, 帝優

偕

太保,諡簡肅

事,歷郞中。遷山東參政、山西按察使、陝西右布政使。擢右僉都御史,巡撫山西。居三 呂坤,字叔簡,寧陵人。萬曆二年進士。 爲襄垣知縣,有異政。 調大同,徵授戶部主

年,召爲左僉都御史。歷刑部左、右侍郎。

二十五年五月疏陳天下安危。其略曰:

妄思雄長。 方,教主傳頭,所在成聚。倘有招呼之首,此其歸附之人。四曰不軌之民。乘釁蹈機, 生,居常愛玉帛子女而不得,及有變則淫掠是圖。三曰邪說之民。 溫無由,身家俱困,因懷逞亂之心,冀緩須臾之死。二曰無行之民。氣高性悍,玩法輕 之倡者也。臣敢以救時要務,爲陛下陳之。自古幸亂之民有四。一曰無聊之民。 亂勢未動。天下之人,亂心已萌,而亂人未倡。今日之政,皆播亂機使之動,助亂人使 否則悉為寇 竊見元旦以來,天氣昏黃,日光黯淡,占者以爲亂徵。今天下之勢,亂象已形,而 惟冀目前有變,不樂天下太平。陛下約已愛人,損上益下,則四民皆赤子, 響。 白蓮結社,編及四 飽

列

誰 今大 於 矣。 以禦外寇也,皆勇於挾上,怯於臨戎。 國家之防禦疏略 留者輸去者之糧, 吏,見陛下赤子凍骨無兼衣,饑腸不再食,垣舍弗蔽, 需求 與 合戦 工、採木費,又各幾百萬矣。 數年以來壽宮之費幾百萬 今天下之蒼生貧 `皮骨僅存,折 미 '知矣。 生者承死者之役。 团 衝奚賴。 可知矣。 三大營之兵以衞 設有千騎橫行,兵不足用,必選民丁。 ,織造之費幾百萬,寧夏之變幾百萬,黃河之潰幾百萬 土不加廣,民不加多, 自萬曆十年以來, 外衞之兵以備征調資守禦也,伍缺於役占,家累 君門萬里, 京師也,乃馬半羸敝,人半老弱。 孰能 苫藁未完; 無歲不 仰訴。 非有雨菽湧 災, 今國家之財 流移 催 科 金,安能爲計。 日衆, 如 以怨民鬭怨民, 故。 用耗 棄 九邊之兵 臣 地 人為外 竭 没多; [1] 知 今

實艱 民敲骨。 人心者,國家之命脈也。 自造花絨、比戶困 松之錦綺,歲額旣盈,加造不已。 陛下誠一 切停罷,而江南、陝西之人心收矣。 趣逼。 今日之人心,惟望陛下收之而已。 提花染色,日夜無休,千手經年,不成一匹。 至饒州 磁器,西域回青,不急之須,徒累小 鄸 隴 氣寒土薄、民生 他若 四四

少,寒暑饑渴瘴癘死者無論矣。乃一木初臥,千夫難移,倘遇阻艱,必成傷殞。 以採 木言之。 丈八之圍,非百年之物。 深山窮谷,蛇虎雜居,毒霧常多,人烟絕 蜀民語

列傳第一百十四 呂坤

止萬金。臣見楚、蜀之人,談及採木,莫不哽咽。苟損其數,增其直,多其歲月,減其尺 曰「入山一千,出山五百」,哀可知也。至若海木,官價雖一株千兩,比來都下,爲費何

寸,而川、貴、湖廣之人心收矣。

郡縣費千倍。誠敕戒使者,毋散砂資銀,有侵奪小民若仲春者,誅無赦,而四方之人心 驚逃。自供應礦夫工食、官兵口糧,而多至累死。 自都御史李盛春嚴旨切責,而撫按 畏罪不敢言。今礦沙無利,

責民納銀,

而奸人仲春復爲攘奪侵漁之計。朝廷得一金, 以採礦言之。南陽諸府,比歲饑荒。生氣方蘇,菜色未變。自責報殷戶,而半已

店,爲屋幾何,而歲有四千金之課。課旣四千,徵收何止數倍。不奪市民,將安取之? 困豈顧問哉。 今豪家遣僕設肆,居民尙受其殃,況特遣中貴,賜之敕書,以壓卵之威,行竭澤之計,民 关市井之地,貧民求升合絲毫以活身家者也,陛下享萬方之富,何賴於彼。且馮保八 官店租銀收解,自趙承勛造四千之說,而皇店開。自朝廷有內官之遣,而事權重。 陛下撤還內臣,責有司輸課,而畿甸之人心收矣。

孫,事隔三百年,而妄稱受寄財產。中間僞造絲綸,假傳詔旨,明欺聖主,暗陷親王,有 天下宗室,皆九廟子孫。王守仁、王錦襲蓋世神奸。籍隔數千里,而冒認王殉子

恐萬 如 楚王 姓驚疑。 銜 恨 自殺 誠急斬二賊 。陛下 何辭以謝高皇帝之靈乎? 以謝 楚王,而 天下宗藩之心收矣。 此兩賊者,罪應誅殛,乃止令回籍,臣

未爲過。 崇信伯費 今眞知 印金 、其枉,又加禁錮,實害無辜。 一之貧, 十厢珠寶之誣,皆通 國 請還甲金革去之祿,復五城廠衛降斥之 所 知 也。 始誤於科道之風 风聞、嚴; 追 猶

官,而勳戚之人心收矣。

圄之人心收矣。 就喜怒之情,則 下循以爲輕,俱 上意,從重者皆當聖 法者,所以平天下之情。 加 例不得爲一定之法。 大辟。 ιŗ 然則律例又安用乎! 如往年陳恕、王 其輕其重,太祖旣定爲律,列聖又增爲例。 臣待罪刑 正甄、常照等獄 誠俯從司寇之平, 部三年矣, ,臣等欺天罔 毎見詔 勉就 獄 人,已自廢 下, 祖宗之法,而 持平 如輕 者多拂 重 法一唑 可以 囹

罪者,悉分別召用,而士大夫之心收矣。 此 犯顏逆耳之人,快在一時,憂貽 下所聞,皆衆人之所敢言也,其不敢言者,陛下不得聞矣。 來驅 自 逐旣多,選補皆罷。 古聖明之君,豈樂誹謗之語。 天閻邃密,法座崇嚴,若不廣達四聰,何由 他 日。 然而務求言賞諫者,知天下存亡,係言路通塞也。 陛下誠釋曹學程之繫,還吳文梓等官,凡建言得 人孤立萬乘之上,舉朝 明照萬里。 今陛 無

也。乃彼請兵而二三其說,許兵而延緩其期,力窮勢屈,不折入爲倭不止。陛下誠早 衆爲兵,就地資食,進則斷我漕運,退則窺我遼東。不及一年,京城坐困,此國家大憂 朝鮮密邇東陲,近吾肘腋,平壤西鄰鴨綠,晉州直對登、萊。 倘倭夷取而有之,籍

倘歲一稽核,苦窳者嚴監收之刑,朽腐者重典守之罪。一整頓間,而一年可備三年之 用,歲省不下百萬,而輸解之人心收矣。 四方輸解之物,營辦旣苦,轉運尤艱。及入內庫,率至朽爛,萬姓脂膏,化爲塵土。

決大計,幷力東征,而屬國之人心收矣。

沒之舉,釋無辜之繫,而都下之人心收矣。 奸人又乘機恐嚇,挾取資財,不足不止。半年之內,擾徧京師,陛下知之否乎。願愼抄 **令解衣。臣曾見之,掩目酸鼻。** 封而雞豚大半餓死,人一出則親戚不敢藏留。加以官吏法嚴,兵番搜苦,少年婦女,亦 自抄沒法重,株連數多。坐以轉寄,則並籍家資。誣以多贓,則互連親識。宅一 此豈盡正犯之家、重罪之人哉。一字相牽,百口難解。

守戶之衆,皆傷心側目之人。外表忠勤,中藏儉毒。 列聖在御之時,豈少宦官宮妾,然死於箠楚者,未之多聞也。 廣廷之中,狼籍血肉,宮禁之內,慘戚啼號。 厲氣冤魂,乃聚福祥之地。今環門 既朝暮不能自保,即九死何愛一 陛下數年以來,疑深

列

用

鞭扑

,而左右之人心收矣。

陛下臥榻之側,同心者幾人,暮夜之際,防患者幾人,臣竊憂之。願少霽威嚴,慎

章奏不答,先朝未有。至於今日,强半留中。設令有國家大事,邀截實封,揚言於外曰 測,何以應之。 ·留中矣」,人知之乎。願自今章疏未及批答者,日於御前發一紙,下會極門,轉付諸司 .已深,守衞官軍祇應故事。 今乾淸修造,逼近御前。 祖 宗以來,有一日三朝者,有一日一朝者。陛下不視朝久,人心懈弛已極,奸邪窺 臣望發宮鑰於質明,放軍夫於日昃。 自非軍國急務,愼無昏夜傳宣。 軍夫往來,誰識面貌。 萬一不

家,千年如故,卽宮中虛無所有,誰忍使陛下獨貧。今禁城之內,不樂有君。天下之 不 若出聖心警悟者,則人心自悅,天意自回。苟不然者,陛下他日雖悔,將何及耶。 且衰,恐不得復見太平,籲天叩地,齋宿七日,敬獻憂危之誠。惟陛下密行臣言,翻然 民,不樂有生。 採辦日增,誅求益廣,斂萬姓之怨於一言,結九重之讐於四海,臣竊痛之。使六合一 照察,庶君臣雖不面談,而上下猶無欺蔽。 知天下之財,止有此數,君欲富則天下貧,天下貧而君豈獨富。今民生憔悴極矣,乃 臣 l觀陛下昔時勵精爲治,今當春秋鼎盛,曾無夙夜憂勤之意,惟孜孜以患貧爲事。 怨讟愁歎,難堪入聽。陛下聞之,必有食不能咽,寢不能安者矣。臣老

誤 東事、孫鑛濫 疏 入,不報。 殺 |坤遂稱疾乞休, 中旨許之。 不辜,坤顧不言,曲爲附會,無大臣節。 於是給事中戴士衡劾坤機深志 給事 中劉道亨言往年孫丕揚劾張 險,謂 石星 大

位,位疑疏出 坤手,故使士衡劾坤。 位奏辨。 帝以坤旣罷,悉置不問

將以害坤。 宮,坤以媚鄭貴妃也。 有妄人爲閨範圖說跋,名曰憂危竑議,略言:「坤撰閨範,獨取漢明德后者,后由貴 其伯父承恩重刊之。 初,坤按察山西時,嘗撰置範圖說,內侍購入禁中。 帝歸罪於士衡等,其專遂寢。 士衡遂劾坤因承恩進書,結納宮掖, 坤疏陳天下憂危,無事不言,獨不及建儲,意自可見。」其言絕狂誕, 鄭貴妃 包藏禍 因 心 加十二人,且爲製序,屬 坤持疏力辨。 人進中 未幾,

得親見 潞 得減半。 籍,上言:「國初分封親藩二十有四,賜田 尚書孫 即坤。 八王,若皆取 坤剛介峭直,留意正學。 用 丕揚善。 卒,天啓 [坤之效。不效,甘坐失舉之罪,死且無憾。」已,又薦天下三大賢,沈鯉、郭正 丕揚前後推薦,疏至二十餘上,帝終不納。 盈 後丕揚復爲吏部,屢推 四萬,占兩 初,贈刑部尚 河 居家之日,與後進講習。 那縣 且半,幸聖明裁減。」復移書執政言之。 |坤左都御史未得命,言:「臣以八十老臣保坤,冀臣 無至萬頃者。 福王封 河南已封周、趙、伊、徽、鄭、唐、崇、 所著述,多出新意。 國 河南 一賜莊 田四萬頃。 會廷臣亦力爭, 初,在朝與 域,其 坤在 、吏部

長子 講官。 郭正 域,字美命,江夏人。 皆三遷至庶子,不離講帷。 萬曆十一年進士。 毎講 畢,諸內侍出相揖,惟二人不交一言 選庶吉士,授編修,與修撰唐文獻 同爲皇

尙 騎 皮弁 過文 出 廟 拜先聖,人臣乃走馬廟門外乎? 爲 門,學錄李維極 南京祭酒。 諸生納貲許充貢,正域奏罷之。 執而抶之。 李氏蒼 且 公侯子弟入學習禮,亦國子生耳,學錄非抶 頭數十人蹋邸門,弘基亦至。 李成梁孫以都督就婚魏國徐弘基家, 正域曰:「今天子

也

一。」令交

相

謝

而

龍

馮琦 詔 專救 飭 厲,冬至大祀,上必親行。 卒,正域還署部事。 日 三十 詰朝享廟。」從之。 年徵拜詹事,復爲東宮講官。 夏,廟饗,會日食,正域言:「禮,當祭日食,牲未殺,則廢。 方澤陪祀者多託疾。 帝然之,而不能 旋擢禮部右侍郎,掌翰林院。 用。 正域謂祀 事不虔,由上不躬祀所致。 三十一年三月,尚書 朔 旦宜

占爲君知佞人用之,以亡其國。」一貫怒而詈之,正域曰:「宰相憂盛危明,顧不若瞽史邪。」 是,一貫爲首輔,沈鯉次之。 初 正 域之入館也,沈一貫爲敎習師。 正域 與鯉善,而 後服闋授編修,不執弟子禮,一貫不能無望。至 心薄一貫。 會臺官上日食占,曰:「日從上食,

列傳第一百十四 郭正域

懋卿 正 亦 亦 域 執 力 以 不許。 、趙文華皆名臣,不當削奪也。」議上,舉朝韙之,而卒不行。 接筆判曰:「黃光昇當諡,是海瑞當殺也。 爭。 聞 中尉進封,庶子當仍中尉,不得爲郡王。 及建議 之怒。 秦王 欲奪黃光昇、許論、呂本諡,一貫與朱賡皆本同鄉也,曰:「我輩在,誰敢奪者」 王復請封其他子爲郡王,又不可,一貫使大璫以上命脅之。 以嫡子久未生,請封其庶長子爲世子,屢詔趣議。 兩淮稅監魯保請給關防,兼督江南、浙江織造,鯉持不可,一貫擬予之,正域 妃年未五十,庶子亦不得爲世子。」一貫無以 許論當諡,是沈鍊當殺也。 前尙 書馮琦持不上,正域 正域榜於門曰:「秦 呂本當諡,是鄢

嘗訐 通 政 華趆者,素强禦忤王。 由 內官郭綸以王妃兄王如言妾尤金梅子為華奎, 使沈 政 此 旨幷下部。 幾得危禍。先是,楚恭王得廢疾,隆慶五年薨,遺腹宮人胡氏孿生子華奎、華壁。 奏之,事下撫按。 正 邀 域既積忤一貫,一貫深憾之。 子木,格其疏 截實封 及華奎行賄狀,楚宗與名者, 正域請敕撫按公勘,從之。 勿上。 華越妻,如言女也。 王妃持甚堅,得寢。 月餘楚王劾華越疏至,乃上之。 會楚王華奎與宗人華越等相託,正域復與一貫異議, 是年遣人計華奎異姓子也, 萬曆八年,華奎嗣王,華壁亦封宣化王。 凡二十九人。 妃族人如綍奴王玉子為華壁。儀賓汪若泉 命下 子木懼,召華越令更易月日以 部議。 不當立。一貫屬通 未幾,華趆入 宗人 都

事 官 勘 以 但 1、巡按 一、楚王 中楊 左 再問 及 楚王 待 體 初 應文、 訪。 郎 應朝 懼 飽遺狀。 代 詔 一。奉百 貫 正 公 E 卿勘上,言詳 御史康丕揚劾禮部壅閼羣議,不以實 屬 卿 域署部 域 雜 金寫 正域毋言通政司 日 議 「事關宗室 一貫益恚,謂 事,正域欲盡錄諸 正域壽, 於西闕門,日晏乃 審 無左驗,而 且屬毋 E 臺 匿疏事。 域遣家人導華越上疏,議令楚王避位聽勘,私 諫 竟楚事,當 當 龍。 人議,廷機 亦言之。」一貫微笑曰: 王氏持之堅,諸郡 及華越疏上,正域主行勘。 議 者三十七人,各具一 酬 以辭太繁,先撮其要以上。 萬金,正 聞。 正域 主縣主則 域嚴 、疏辨, 「臺諫 拒之。 云 單,言人人殊。 且發子木匿 斷 图 已 不言也。」 貫言親王不當勘, 知眞僞」, 而 湖 廣巡 疏、 庇華越 一貫遂嗾給 及 撫趙 乞 帝 李廷 一貫阻) 特遣 從勘 機 可

安,遂奏劾正域,大略如應文言,且訐 域 給 正 **令巡按御史勘王所訐以聞** 十餘 域,而謂其已去可無苛求。 因 事 中錢 . 事 當 陷之。 是 年, 夢皐遂希一貫指論正域? 時,正域右宗人,大學士沈鯉右正 何至今始發,且夫訐妻證,不足憑,遂罷楚事勿按。 正域疏辨,留中不報。 給事中張問達則謂藩王欲進退大臣,不可訓, 訶 其 連 貫、 不法數事,請褫 次輔鯉。 鯉以楚事皆求去, 域,尚書趙世 應文又言正域父懋嘗答辱於楚恭王,故正 正域官 卿、謝傑,祭酒黃汝良則 廷機復請 正域 詔下 四疏乞休去。 部院集議。 再問。 乃不罪正域而 帝以王 楚王 廷機微 右楚王 一嗣位 旣 刺 得

列傳第一百十四 郭正城

誰

化

所

適

正

在 域 爲 大 胡 怒, 有 捕 達 書、 言 爲 都 名, 八呼曰:「 楚王 一面 歸 者 死 化 臣 俄 觀 以爲 城 德 黨。 楚 則 F 而 指 化 亦 人人 者 疏 告妖 争同 有 達 妖 所 庇反賊,除其名。 時 其同 觀 書事起。 明 乞窮治 入之時。 欲 評阮 八自危。 時游 帝 卿, 書出 拷 相 官周嘉 根 死, 知 傾者 貴 明 我 一教官阮 化 根 柢, 人門。 卿,則錢 嘉慶等皆下詔 仇也, 令譽亦 本,定 蓋正 枉,釋之。 爲 請 慶爲之。 貫以 之。 域乃沈 少 明 嘗爲正 故訐之。 幾死, %緩其獄 正 夢 卿 蓋 鯉與己地相 域 皐 微引 手。 貫 東 亂楚首惡之罪,勒 壻。 力 鯉門徒,而 域所搒逐,尚文 皆 獄。 廠 教始 未 其端,以 不承。 賊兄弟 叉捕 正域舉進士 幾, 夢皐大志,上疏 嘉慶旋 逼,而 発。 獲妖 廠 沈合 動 法司 可 丕揚 衛叉捕 以治 授首 帝 人 正 迫化 譽者 域新 則 二十年不通 皦 意 乃先後 鯉閒 無驗, · 闕下。 正 生 可疑 引 顯 ,正域食客,胡 域僕也。 光。 亡何 罷,因是陷之,则兩 攻正域,言:「妖書刊 正 住。」帝令正 令革 捕僧 者一 域 · 5 錦 意指 巡城 及 問,何由 任 衣 人 人 歸 御史康丕揚爲生 正 目 達觀、醫者沈令譽等,而 衞 回籍。 域及其 德 貫、丕揚等欲 毛尙文。 都督王之禛等四 化 域還籍聽勘 同作妖 又其 歸 令譽故 兄 德 人必得 同 國子 書? 播 數 鄕 鯉 嘗 自 ,不先不後, Ħ 監 光 重禍 ,急嚴訊諸 司 所 我亦不 往 數 間 訟 居縣也。 年,羣奸 丞 鋃 人 來 人以 冤,言 E 口引 **乃**為 鐺 正 位。 知 妖 域 旁 同

午

知

家

帝

妖

都 督 陳汝 忠掠訊 尚文, 遂發卒圍正域舟於楊村, 盡捕媼婢及傭書者男女十五人,與生

迎 戎 氏 光 見,以鍼 妖書僅 政尚 相 雜 治 嵗 公指,妄引 書王世 女 刺 一三紙 爲 指 無 徴 爪,必欲引 所 揚 郭 门版 得 此 日 侍 妖 顧盈 會訊 郎 汝 乎。一都 忠 書 屋邪 E 東 以 域 以 錦 廠]計 ,皆不應。 初 御 太監 衣告身誘向 干 史溫純 日 尙 陳矩 獲,而 文 曰:「令譽語汝 生 等力持之, 計 光 文曰:「能告賊, 女 十六日又 仰 曰 視 「汝見妖 夢皐 事 刊,將 刊 漸 書 解,然猶 丕揚,大罵 書版 有 何 即得 兩 日 有幾。 ?ً_ 妖 之。 不 」尙文 書邪 能 日 令引 具 ?」拷生光 日 日 死則 獄 一一十一 盈 令譽,且 死 屋。」 耳 妻 月十六 奈 妾 以 矩 何 及 乳 十歲 日。 媼襲 敎 目 我

楊 狀。 都 卒 郎 र्गा 崖 中 道 給 젩 賓等詣 光宗 王 安能 事 含 述 及 古 顧 在 自屏 抵橐於 東宮 土 IE 貫 琦 域 、野外。」 舟 「敷語 因 爭之,李廷機 鈴鈴 地, 請召還正域 柝達 近 大亨乃 旣 侍 而 日。 日 幸 止。 亦 了不報 無事 力爲 又聲言 何 邃 爲 坐生 之地 功 欲 正 歸。 殺 域 光 , 獄 我好 且逮,迫使自裁。 極刑,釋諸 歸三年, 益 深講官。 こ 解。 刑 巡按御 諸 部 波 及 尙 人 聞 者 書蕭 史史學遷勘 正 而 之皆懼。 域 大亨具爱書,猶 正域獲免。 日: 「大臣 詹 上楚王 事 唐文獻 有罪 方 所 欲 獄 計 急 坐 當 偕其僚 時,邏 IE. 伏 無無 域 F

家 居 十年 正 域 卒。 博 通 後 載 匹 籍 一,勇於 年,贈禮部尚書。 任 事,有經 濟大略,自守介然,故人望歸之。 光宗遺詔,加恩舊學,贈太子少保,諡 扼於權相,遂不復起, 文毅,官其子中

書舍人。

記

五九四九

能。 異趣,險難忽發,僅而後免,危矣哉。 贊曰:海瑞秉剛勁之性,戆直自遂,蓋可希風漢汲黯、宋包拯。 丘憐、呂坤、雖非瑞匹,而指陳時政,炳炳鑿鑿,鯁亮有足稱者。 以妖害事與坤相首尾,故並著焉。 苦節自厲,誠爲人所難 郭正域持楚獄、與執政

